



Յուրաքանչյուր ոք ո՞նք արտահայտվելու  
ազատության **իրավունք:**

Այս սերառում է պահպանություններու և  
կաղափարներու առանձ պետական  
մարմինների առաջ սահմաններից:  
միջամտության և անկախ

## ԶՐՊԱՐՏՈՒԹՅՈՒՆ ԵՎ ՎԻՐԱՎՈՐԱՆՔ

ՀՀ ԴԱՏԱՐԱՆՆԵՐԻ ԿԱՅԱՑՐԱԾ ԴԱՏԱԿԱՆ ԱԿՏԵՐԻ ՀԱՄԱՊԱՏԱՍԽԱՆՈՒԹՅՈՒՆԸ  
ՄԻՋԱԶԳԱՅԻՆ ԻՐԱՎՈՒՅՔԻ, ԱՅԴ ԹՎՈՒՄ ՄԱՐԴՈՒ ԻՐԱՎՈՒՅՔՆԵՐԻ  
ԵՎՐՈՊԱԿԱՆ ԿՈՆՎԵՆՅԻԱՅՈՎ ԵՎ ՄԱՐԴՈՒ ԻՐԱՎՈՒՅՔՆԵՐԻ ԵՎՐՈՊԱԿԱՆ  
ԴԱՏԱՐԱՆԻ ՆԱԽԱԴԵՊԱՅԻՆ ԻՐԱՎՈՒՅՔՈՎ ՍԱՀՄԱՆՎԱԾ՝  
ԱՐՏԱՀԱՅՏՎԵԼՈՒ ԱԶԱՏՈՒԹՅԱՆ ԶԱՓՈՐՈՇԽՆԵՐԻՆ



**ԶՐՊԱՐՏՈՒԹՅՈՒՆ ԵՎ ՎԻՐԱՎՈՐԱՄԵՔ.**

ՀՀ ԴԱՏԱՐԱՆՆԵՐԻ ԿԱՅԱՑՐԱԾ ԴԱՏԱԿԱՆ ԱԿՏԵՐԻ  
ՀԱՄԱՊԱՏԱՍԽԱՆԱԾՈՒԹՅՈՒՆԸ ՄԻՋԱԶԳԱՅԻՆ ԻՐԱՎՈՒՆՔԻ,  
ԱՅԴ ԹՎՈՒՄ՝ ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ  
ԿՈՆՎԵՆՅԻՑԻՑՈՎ ԵՎ ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ  
ԴԱՏԱՐԱՆԻ ՆԱԽԱԴԵՊԱՅԻՆ ԻՐԱՎՈՒՆՔՈՎ ՍԱՀՄԱՆՎԱԾ՝  
ԱՐՏԱՀԱՅՏՎԵԼՈՒ ԱԶԱՏՈՒԹՅԱՆ ԶԱՓՈՐՈՇԻՉՆԵՐԻՆ

Սույն իրապարակումը մշակել է «Իրավունքի Եվրոպա միավորում» ՀԿ-ն՝ ԵԱՀԿ-ի երևանյան գրասենյակի աջակցությամբ: Դրանում արտահայտված տեսակետները, բացահայտումները, մեկնաբանությունները և առաջարկությունները հեղինակներինն են և անպայմանորեն չեն, որ արտացոլում են ԵԱՀԿ-ի կամ ԵԱՀԿ-ի երևանյան գրասենյակի տեսակետները:



ԻՐԱՎՈՒՆՔԻ  
ԵՎՐՈՊԱ ՄԻԱՎՈՐՈՒՄ  
Europe In Law Association

ԵԱՀԿ

Եվրոպայում անվտանգության և  
համագործակցության կազմակերպություն  
երևանյան գրասենյակ

Հեղինակային խումբ՝

**Վահե Գրիգորյան, փաստաբան**

**Տիգրան Եգորյան, փաստաբան**

**Սիրանոյշ Իսկանդարյան, փաստաբան**

**Լուսինե Հակոբյան, փաստաբան**

**Գենյա Պետրոսյան, փաստաբան**

## ԲՈՎԱՆԴԱԿՈՒԹՅՈՒՆ

Նախաբան .....	5
Քաղաքացիական գործերը և դրանց վերլուծությունը ՄԻԵԿ-ի և ՄԻԵԴ-ի նախադեպերի շրջանակներում .....	9
Ուորեն Հայրապետյանը, Սամվել Ալեքսանյանը և Լևոն Սարգսյանն ընդդեմ «Հայկական ժամանակ» օրաթերթի.....	9
Բելա Քոչարյանն ու Սեդրակ Քոչարյանն ընդդեմ «Ժամանակ» օրաթերթի.....	20
Տիգրան Արզաքանցյանն ընդդեմ «Երկիր խմբագրություն» ՍՊԸ-ի.....	33
Թաթուլ Մանասերյանն ընդդեմ «Ժամանակ» օրաթերթի .....	39
Սուսաննա Բաղրասարյանն ընդդեմ «Հայք» թերթի խմբագրության, թղթակից Արման Գալոյանի և Սվետլանա Առաքելյանի.....	51
Գևորգ Հայրապետյանն ընդդեմ «Մովսի Մեդիա Կենտրոն Թիվ» ՓԲԸ-ի .....	57
Սահմանադրական դատարանի 2011թ. նոյեմբերի 15-ի թիվ ՍԴՈ-997 որոշումը .....	64
«Գլենդել Հիլզ» ՓԲԸ-ն ընդդեմ «Ժամանակ» օրաթերթի (հրատարակիչ «Ակիզբ Մեդիա Կենտրոն» ՍՊԸ) .....	68
Արթուր Գրիգորյանն ընդդեմ «Հրապարակ օրաթերթ» ՍՊԸ-ի .....	73
Նվեր Պողոսյանն ընդդեմ «Ժողովուրդ թերթի խմբագրության» ՍՊԸ-ի և Անա Թորոսյանի .....	79
Տիգրան Տերտերյանն ընդդեմ «168 ժամ» ՍՊԸ-ի և Մարինե Մարտիրոսյանի .....	85
«Իջևանի ՃԾՇ» ՓԲԸ-ն ընդդեմ «Իջևան ստուդիա» ՍՊԸ-ի.....	91
Վանո Եղիազարյանն ընդդեմ Աղրինե Թորոսյանի, երրորդ անձ՝ «Հետք» շաբաթաթերթ.....	100
«Հելսինկյան Քաղաքացիական Ասամբլեայի Վանաձորի գրասենյակ» ՀԿ-ն ընդդեմ Վլադիմիր Գասպարյանի .....	105
Մարգարիտա Խաչատրյանն ընդդեմ «Հրապարակ» օրաթերթի.....	114
Երևանի պետական համալսարանը և Արա Գաբուզյանն ընդդեմ «Բանաձև» ՍՊԸ, լրագրող Սոնա Հարությունյանի և Սիրեկան Եղիազարյանի .....	119
«Կյանքի Խոսք» Եկեղեցի» կրոնական կազմակերպությունն, Արթուր Միմոնյանն ընդդեմ «Իրավունք հետաքննություն», «Արգումենտի նեղելի վ Առմենիի» շաբաթաթերթի.....	124
Արթուր Սաքոնցն ընդդեմ Ուորեն Հայրապետյանի և Հայաստանի հանրային հեռուստաընկերության .....	131
Ֆարան Միրզոյանն ընդդեմ «Զորբորդ ինքնիշխանություն» օրաթերթի.....	133
Իջևանի քաղաքապետն և Իջևանի քաղաքապետարանն ընդդեմ «Հետաքննող լրագրողներ» հասարակական կազմակերպության .....	140
Առաջարկություններ .....	147

## ՆԱԽԱԲԱՆ

Սույն հետազոտության նպատակն է պարզել, թե զրաբարտության և վիրավորանքի վերաբերյալ քաղաքացիական գործերով ՀՀ դատարանների կողմից կայացված դատական ակտերով որքանով են կիրառվում միջազգային իրավունքով, մասնավորապես՝ «Մարդու իրավունքների և հիմնարար ազատությունների պաշտպանության մասին» Եվրոպական կոնվենցիայով (այսուհետ՝ ՄԻԵԿ) և Մարդու իրավունքների Եվրոպական դատարանի (այսուհետ՝ ՄԻԵԴ) նախադեպային վճիռներով՝ արտահայտվելու ազատության իրավունքի ոլորտում սահմանված հիմնարար սկզբունքները և չափորոշիչները: Հետազոտության համար հիմք են հանդիսացել ՀՀ ընդհանուր իրավասության դատարանների, ՀՀ վերաբննիչ քաղաքացիական դատարանի, ՀՀ վճռաբեկ դատարանի, ինչպես նաև ՀՀ սահմանադրական դատարանի դատական ակտերը: Ուսումնասիրվել են ոչ բոլոր դատական ակտերը, այլ միայն նրանք, որոնք շոշափում են արտահայտվելու ազատության իրավունքի ոլորտում այնպիսի կարևորագույն հիմնախնդիրներ, ինչպիսիք են խոսքի ազատության, լրագրողի և լրատվամիջոցի կարևորությունը ժողովրդավարական հասարակությունում, հանրային շահի խնդիրը, քաղաքական և հասարակական գործիչների կողմից քննադատական խոսքի հանդեպ առավել մեծ հանդուժողականություն դրանունքում, անհրաժեշտությունը, փաստական տվյալների և գնահատողական դատողությունների միջև տարբերակում կատարելու խնդիրը և այլն:

Հետազոտությունը ցույց է տալիս, որ թեև դատարանները 2010–2011թ. առաջին կեսն ընկած ժամանակահատվածում շատ քիչ և ոչ միշտ տեղին են կիրառել ՄԻԵԴ-ի նախադեպային վճիռներով սահմանված մի շարք կարևորագույն սկզբունքներ և չափորոշիչներ, 2011թ երկրորդ կեսից սկսած ՀՀ դատարանները դրական առաջընթաց են արձանագրել ՄԻԵԴ-ի նախադեպերի կիրառման հարցում: Այս կապակցությամբ հարկ է առանձնացնել հատկապես *Sիզրան Արզաքանցյանն ընդդեմ «Երկիր իմրազրություն» ՍՊԸ*-ի քաղաքացիական գործով վճիռը, որտեղ Դատարանը միանգամայն ձիւտ և տեղին կիրառել է ՄԻԵԴ-ի՝ տվյալ գործին վերաբերելի համարյա բոլոր կարևորագույն սկզբունքները: Առաջընթացը հատկապես ակնառու է՝ հաշվի առնելով այն հանգամանքը, որ նոյն դատարանը նոյն կազմով հջևանի քաղաքապետն ու Իշ-

ևանի քաղաքապետարանն ընդում «Հետաքննող լրագրողներ» ՀԿ-ի գործով մինչ այդ կայացրած վճռով ընդհանրապես որևէ անդրադարձ չէր կատարել ՄԻԵԴ-ի նախադեպերով սահմանված և ոչ մի սկզբունքի: 2011թ. երկրորդ կեսից ի վեր դատարանների մեծ մասն անպայմանորեն անդրադարձել են խոսքի ազատության իրավունքի կարևորությունն ամրագրող այնպիսի շրջադարձային նախադեպային վճռի, ինչպիսին Հենդիսայդն ընդում Միացյալ Թագավորության (*Handyside v. UK*, 07/12/1976, դիմում թիվ 5493/72) գործով ՄԻԵԴ-ի վճիռն է: Դատարանները վերջին մեկուկես տարիների ընթացքում ավելի ակտիվորեն են սկսել կիրառել քննադատական խոսքի հանդեպ քաղաքական գործիչների կողմից առավել մեծ հանդուրժողականություն դրսենութելու անհրաժեշտությունն ամրագրող Լինգենսն ընդում Ավստրիայի (*Lingens v. Austria*, 08/07/1986, դիմում թիվ 9815/82) գործով կայացված վճիռը: Գնալով ավելի ու ավելի են կարևորվում ժողովրդավարական հասարակությունում մամուլի «հանրային հսկիչ» գործառույթի իրականացման մասին նախադեպերը և այլ կարևոր սկզբունքներ ամրագրող նախադեպային վճիռներ:

Այդուհանդերձ, պետք է արձանագրել, որ առաջընթացը լիարժեք չէ և դեռևս կատարելագործվելու և հիշյալ սկզբունքներն առավել ձիւտ ընկալելու և տեղին կիրառելու մեծ խնդիր կա: Դատարանների գերակշիռ մեծամասնությունը դեռևս լիարժեքութեն չի պատկերացնում ՄԻԵԴ-ի նախադեպերով սահմանված մի շարք կարևորագույն սկզբունքներ: ՀՀ դատարանների կողմից կայացված դատական ակտերի մի զգալի մասում ՄԻԵԴ-ի նախադեպերի վկայակոչումները, կարծես, ինքնանպատակ բնույթ են կրում: Դրանցից շատերն ընդհանրապես վերաբերելի չեն քննվող գործերի փաստական հանգամանքներին, շատերն ուղղակի տեղ են գտնում հիշյալ դատական ակտերում՝ դրանց տպավորիչ ծավալներ ապահովելու և եվրոպական իրավունքի իմացություն դրսենութելու նպատակով: Որոշ նախադեպերի արվող հղումներն ուղակիորեն սխալ են: Մասնավորապես՝ քաղաքական և հասարակական գործիչների հայցվորների օգտին կայացված վճիռների մեծ մասում որպես դատարանի եզրակացության հիմնավորում նշվում է Պֆայֆերն ընդում Ավստրիայի (*Pfeifer v. Austria*, 15/11/2007, դիմում թիվ 12556/03, 35-րդ պարբերություն) գործից մի հատված, որի համաձայն՝ «Եթե մարդու հեղինակությունը վնասված է, խախտվում է անձի մասնավոր կյանքի իրավունքը, եթե ապահովված չէ արդարացի հավասարակշռություն «մրցակցող» շահերի միջև՝ հաշվի առնելով անձի անմեղության և բարեվարքության կանխավարկածը»: Այս գործին հղումն առաջին անգամ հայտնվել է Ռուբեն Հայրապետյանը, Հեղն Սարգսյանը և Սամվել Ալեքսանյանն ընդում «Դարեսկիզբ» ՍՊԸ-ի գործով Հայցվոր կողմի փաստարկումներում, իսկ դատարանն այնուհետև օգտագործել է այն իր վճռի հիմնավորումներում՝ առանց ստուգելու, թե արդյոք այդ գործով, իրաք, ՄԻԵԴ-ն արտահայտել է նման միտք, թե՝ ոչ: Այս ձևակերպումն այնուհետև լայն շրջանառություն է ստացել այն դատական ակտերում, որոնցով դատարաններն իրենց որոշումը կայացրել են հօգուտ անձի մասնավոր կյանքի նկատմամբ հարգանքի իրավունքի, և նրանցից որևէ մեկը չի փորձել հավաստիանալ, թե արդյոք ՄԻԵԴ-ն իրականում տվել է նման ձևակերպում, թե՝ ոչ:

Դատարանները դեռևս չեն կիրառում նաև ՀՀ սահմանադրության 43-րդ հոդվածի և ՄԻԵԿ-ի 10-րդ հոդվածի տրամաբանությունից բխող եռաստիճան թեսքը: Դրանով պահանջվում է, որ դատարանը գնահատի, թե արդյոք յուրաքանչյուր գործով միշամտությունն արտահայտվելու ազատության իրավունքին.

1. «սահմանված է օրենքով». դատարանը *Silver v. UK*, 25/03/1983, դիմում թիվ 5947/72) վճռով սահմանված չափորոշիչներին համապատասխան պետք է գնահատի, թե արդյոք արտահայտվելու ազատության իրավունքի սահմանափակումը սահմանված է ներպետական օրենսդրությամբ, արդյոք այդ օրենսդրությունը իրապես մատչելի է քաղաքացու համար և բավարար չափով հստակ՝ քաղաքացուն հնարավորություն տալու համապատասխան իրավական օգնություն ստանալու միջոցով կարգավորելու իր վարքագիծը:
2. «հետապնդում է իրավաչափ նպատակ». ըստ *Ciuprana v. Romania*, 33348/96, դիմում թիվ 17/12/2004, 86-րդ պարբերություն) գործով ՄԻԵԿ-ի վճռի՝ զրպարտության գործերով իրավաչափ նպատակն այլ անձանց հեղինակության պաշտպանությունն է: Դատարանը սահմանել է, որ անձի հեղինակության պաշտպանության իրավունքը Կոնվենցիայի 8-րդ հոդվածով երաշխավորված իրավունքներից մեկն է՝ որպես անձնական կյանքի նկատմամբ հարգանքի իրավունքի տարր:
3. «անհրաժեշտ է ժողովրդավարական հասարակությունում». թեսքի այս աստիճանը գնահատելիս դատարանը պետք է որոշի, թե արդյոք միշամտությունն «անհրաժեշտ է ժողովրդավարական հասարակությունում»՝ մտապահելով, որ «անհրաժեշտը հաճախ ավելին է, քան «օգտակարը», «ողջամիտը» կամ «ցանկալին»... և որ այն պետք է բխի «ձնշող հասարակական կարիքից», լինի համաշափ հետապնդող իրավաչափ նպատակին... և որ սահմանափակման անհրաժեշտությունը պետք է համոզիչ կերպով հիմնավորվի փաստերով *Barthold v. Germany*, 25/03/1985, դիմում թիվ 8734/79, 55-րդ պարբերություն»»:

Թերությունների շարքում հարկ է ընդգծել նաև այն հանգամանքը, որ առ այսօր չկա միասնական մասնագիտական տերմինաբանություն, և որ ՄԻԵԿ-ի նախադեպերը հաճախ կիրառում են իմաստ տարբեր, հաճախ՝ ոչ ճիշտ թարգմանություններով: Այսպես՝ արտահայտվելու ազատության իրավունքի ոլորտում ՄԻԵԿ-ի կարևորագույն նախադեպերից մեկի՝ (*Հենդիսայդն Միացյալ Թագավորության* (*Handyside v. UK*, 07/12/1976, դիմում թիվ 5493/72) վճռում տեղ գտած ձևակերպումը դատական ակտերի գերակշիռ մեծամասնության մեջ թարգմանաբար ձևակերպված է հետևյալ կերպ: «Արտահայտվելու ազատությունը... կիրառելի է ոչ միայն այն «տեղեկատվության» կամ «գաղափարների» նկատմամբ, որոնք ընդունվում են բարեհաձությամբ կամ համարվում են անվտանգ կամ չեզոք, այլ նաև նրանց, որոնք վիրավորում են, ցնցում կամ անհանգստություն պատճառում»: Հարկ է նշել, որ Մարդու իրավունքնե-

Իի եվրոպական դատարանի օգտագործած եզրերն են «offend, shock or disturb», և առաջինը ոչ մի կերպ չի կարող թարգմանվել որպես «վիրավորել» (insult), այլ լավագույն դեպքում՝ «վրդովեցնել», քանի որ հիշյալ եզրերի տարբերությունը անվանարկման ուժգնության կամ աստիճանի մեջ է:

Հեղինակային խումբը լիահույս է, որ հետազոտությունը կիետաքրքրի լրագրողներին, փաստաբաններին, դատավորներին և արտահայտվելու ազատության իրավունքով հետաքրքրվող յուրաքանչյուր անձի, ինչպես նաև թույլ կտա ընթերցողին առավել Ճիշտ պատկերացում կազմել տվյալ ոլորտում առկա հիմնախնդիրների մասին և կատարելագործել արտահայտվելու ազատության հիմնաքարային իրավունքի ոլորտում իր գիտելիքներն ու ընկալումները:

## **ՔԱՂԱՔԱՑԻԱԿԱՆ ԳՈՐԾԵՐԸ ԵՎ ԴՐԱՆՑ ՎԵՐԼՈՒԾՈՒԹՅՈՒՆԸ ՄԻԵԿ-Ի ԵՎ ՄԻԵԴ-Ի ՆԱԽԱԴԵՊԵՐԻ ԾՐՁԱԱԿՆԵՐՈՒՄ**

**ՈՌԻԲԵՆ ՀԱՅՐԱՊԵՏՅԱՆԸ, ՍԱՄՎԵԼ ԱԼԵՔՍԱՅԱՆԸ ԵՎ  
ԼԵՎՈՆ ՍԱՐԳՍՅԱՆ ԸՆԴՀԵՄ «ՀԱՅԿԱԿԱՆ ԺԱՄՄԱՍԿ» ՕՐԱԹԵՐԹԻ  
(հրատարակիչ՝ «Դարեսկիզբ» ՍՊԸ)**

### **Գործի հանգամանքները**

07.02.2011թ. Կենտրոն և Նորք-Մարաշ վարչական շրջանների ընդհանուր իրավասության դատարանը (այսուհետ՝ Դատարան), քննելով քաղաքացիական գործն ըստ հայցի Ռուբեն Հայրապետյանի, Լևոն Սարգսյանի, Սամվել Ալեքսանյանի (այսուհետ՝ Հայցվորներ) ընդդեմ «Դարեսկիզբ» ՍՊԸ-ի (այսուհետ՝ Պատասխանող)՝ պատվին ու արժանապատվությանը պատճառված վնասի հատուցման պահանջի մասին, վճռեց Հայցվորների հայցը բավարարել մասնակի, պարտավորեցնել «Դարեսկիզբ» ՍՊԸ-ին՝ հերքելու «Հայկական ժամանակ» օրաթերթի համապատասխան համարում իրապարակված «Ութից յոթը ցուցակում են» խորագրով հոդվածում Հայցվորների պատիվն ու արժանապատվությունն արատավորող (զրպարտող) տեղեկությունները, և հերքումը տպագրել նույն «Հայկական ժամանակ» օրաթերթում՝ դատարանի կողմից սահմանված բովանդակությամբ և ձևով:

Դատարանը վճռել էր «Դարեսկիզբ» ՍՊԸ-ից հօգուտ Ս. Ալեքսանյանի, Ռ. Հայրապետյանի, Լ. Սարգսյանի համապատասխանաբար բոնագանձել 2.044.000-ական ՀՀ դրամ յուրաքանչյուրի համար, որից՝ 2.000.000 ՀՀ դրամը՝ որպես փոխհատուցման գումար, 44.000 ՀՀ դրամը՝ որպես նախապես վճարված պետական տուրքի գումար: Դատական ներկայացուցչության ծախսերի մասով հայցը մերժվել էր:

### **Հոդվածի բովանդակությունը.**

«Հայկական ժամանակ» օրաթերթում իրապարակվել է «Ութից յոթը ցուցակում են» վերտառությամբ հոդվածը, որն ուղեկցվել է հոդվածում հիշատակված ութ անձանց, այդ թվում՝ Հայցվորների լուսանկարներով և ունեցել հետևյալ բովանդակությունը.

«Մեր տեղեկություններով՝ ՌԴ ազգային անվտանգության մարմինը, դատախազությունը և մյուս իրավապահ մարմինները տարբեր քրեական գործերի նախաքննության ընթացքում՝ հիմնականում նարկոթրաֆիքինգի և փողերի լվացման գործերով, պարզել են, որ հանցագործությունների հետ առնչություն ունեն նաև ՀՀ պաշտոնյաներ:

ՌԴ իրավապահները պարզել են, որ ուսական կրիմինալ խմբավորումները ՀՀ տարբեր

պաշտոնյաների հետ սերտ կապերի մեջ են, և կազմել են տարբեր քրեական գործերի հետ առնչություն կամ ոռուական կրիմինալ խմբավորումների հետ կապեր ունեցող ՀՀ պաշտոնյաների ցուցակ, որում ընդգրկել են 32 անուն: Մեր տեղեկություններով, այս ցուցակի վերաբերյալ ՈՒԴ դատախազության ներկայացուցիչները գրուցել են «Միաբանություն» հայկական ազգային ակումբի նախագահ Սմբատ Կարախանյանի հետ: Ցուցակը ՈՒԴ դատախազության դեկավարությունը ոչ պաշտոնական ֆորմատով ցուցադրել է ՀՀ գլխավոր դատախազ Աղվան Հովսեփյանին և ԱԱԾ տնօրեն Գորիկ Հակոբյանին: Ռուսական կողմը ցուցակում նշված անձանց պատասխանատվության ենթարկելու հարց է բարձրացրել: Սակայն, ՀՀ վերը նշված պաշտոնյաներն իրենց ոուս գործընկերներին պատասխանել են, որ այդ խնդիրը լուծելու համար իրենք շատ փոքր մարդիկ են: Մեր տեղեկություններով, ՈՒԴ իրավապահների կազմած ցուցակի առաջին յոթ հորիզոնականներում հետևյալ անուններն են. Սերժ Սարգսյանի եղբայր, Աժ պատգամավոր Սաշիկ Սարգսյան, Աժ պատգամավորներ Ռուբեն Հայրապետյան (Նեմեց Ռուբո) և Լևոն Սարգսյան (Ալբաղաջի Լյովիկ), ՀՀ ՊԵԿ նախագահ Գագիկ Խաչատրյան, Աժ պատգամավոր Սամվել Ալեքսանյան (Լժիկ Սամո), Աժ նախագահ Հովիկ Աբրահամյան և Աժ ԲՀԿ խմբակցության դեկավար Գագիկ Շառուկյան: Ըստ մեր տեղեկությունների՝ ՈՒԴ իրավապահները ցուցակում Սերժ Սարգսյանի անունը չեն ընդգրկել, քանի որ ի սկզբանե բացառել են, որ հնարավոր կլինի նրան պատասխանատվության ենթարկելու հարց բարձրացնել»:

Իրենց՝ 26.10.2010թ. «Դարեսկիզբ» ՍՊԸ-ին ուղղված գրությամբ Հայցվորները հայտնել են, որ նշված տեղեկատվությունը չի համապատասխանում իրականությանը և հանդիսանում է զրաքարտություն, ինչը ոտնահարում է իրենց պատիվն ու արժանապատվությունը: Նույն գրությամբ Հայցվորները, դեկավարվելով «Զանգվածային լրատվության մասին» ՀՀ օրենքի 8-րդ հոդվածով, պահանջել են հերքել իրենց պատիվն ու արժանապատվությունը արատավորող տեղեկությունները: Հերքման տեքստում ասվում էր հետևյալը. «Ներկայացված տեղեկատվությունը չի համապատասխանում իրականությանը և տպագրվել է առանց դրա համապատասխանությունը իրականությանը ստուգելու»: 01.11.2011թ. պատասխան գրությամբ հերքման պահանջի մասին գրությունը «Հայկական ժամանակ» օրաթերթի գլխավոր խմբագիր Նիկոլ Փաշինյանը հրաժարվել է տպագրել՝ պատճառաբանելով, որ, համապատասխան «Զանգվածային լրատվության մասին» ՀՀ օրենքի 8-րդ հոդվածի, ներկայացված հերքման տեքստն իր մեջ չի ներառում հերքման ենթակա կոնկրետ փաստական հանգամանքներ: Ի հավելումն այս ամենի՝ նա հայտնել է Հայցվորներին, որ նշված տեղեկատվությունը հաստատել է «Միաբանություն» հայկական ազգային ակումբի նախագահ Սմբատ Կարախանյանը, ով տեղեկացվել է այդ ամենի մասին ՈՒԴ դատախազության ներկայացուցիչների կողմից:

## Հնդիանուր իրավասության դատարանի վերլուծությունը

ՀՀ քաղաքացիական օրենսգրքի 1087.1 հոդվածը սահմանում է, որ տարածված տեղեկությունները կարող են զրպարտություն համարվել, եթե ա) դրանք արատավորում են անձի պատիվը, արժանապատվությունը կամ գործարար համբավը, թ) դրանք չեն համապատասխանում իրականությանը և գ) դրանք իրապարակային ներկայացվել են:

Պատասխանողի կողմից իրապարկված հոդվածում տեղ են գտել «նարկոթրաֆիք, թրաֆիկինգ և փողերի լվացում» հասկացությունները: Դրանք ՀՀ քրեական օրենսգրքով նախատեսված հանցագործության տեսակներ են, հանրության համար վտանգավոր արարքներ, որոնց հետ ցանկացած անձի, առավել ևս ժողովրդի կողմից ընտրված ՀՀ Ազգային ժողովի պատգամավորի առնչության փաստը հանրության կողմից դատապարտելի, պարսավելի և արատավորող է: Չնայած դրան՝ Պատասխանողը դատարանին չի ներկայացրել որևէ ապացույց, ինչը կիմնավորեր այդ տեղեկությունների համապատասխանություն իրականությանը: Ավելին, չունենալով ապացուցման պարտականություն՝ Հայցվորները Դատարանին են ներկայացրել Ռուսաստանի Դաշնության Գլխավոր դատախազության գրությունն առ այն, որ Ռուսաստանի Դաշնության Գլխավոր դատախազությունում Ռուսաստանի տարածքում հանցագործությունների իրագործմանը վերոնշյալ հոդվածում նշված անձանց մասնակցության մասին վկայող որևէ նյութ առկա չէ»:

Հաշվի առնելով ապացուցման պարտականությունը Պատասխանողի կողմից չկատարելու հանգամանքը և Ռուսաստանի Դաշնության գլխավոր դատախազության կողմից տրված տեղեկատվությունը՝ Դատարանը հաստատված է համարել Պատասխանողի տարածած տեղեկությունների մտացածին լինելու և իրականությանը չհամապատասխանելու փաստը:

Ըստ ՀՀ քաղաքացիական օրենսգրքի 1087-րդ հոդվածի 11-րդ կետի՝ նոյն հոդվածի 8-րդ կետով սահմանված փոխհատուցման չափը սահմանելիս Դատարանը հաշվի է առնում կոնկրետ գործի առանձնահատկությունները, ներառյալ՝ զրպարտության եղանակը և տարածման շրջանակը, զրպարտողի գույքային դրությունը:

Հայցվորները հանդիսանում են Հանրապետության Ազգային ժողովի պատգամավորներ, և որպես Հայաստանի Հանրապետության օրենսդիր իշխանության ներկայացուցիչներ, ունեն որոշակի ընկալելի դիրք հասարակությունում, ինչը պարտավորեցնում է ունենալ անբասիր վարքագիծ և օրինակելի կեցվածք, այնինչ Պատասխանողի կողմից հոդվածում տարածած տեղեկությունները վերը նշված հանցագործությունների հետ այդ անձանց հնարավոր առնչության փաստի վերաբերյալ, այլ տեղեկատվություն են հաղորդում ընթերցողին՝ վտանգելով Հայցվորների, որպես օրենսդիր իշխանության ներկայացուցիչների նկատմամբ հասարակական վերաբերմունքի օբյեկտիվ դրսեւորումը: Հանրության կողմից Հայցվորներին տրվող գնահատականը ունի չափազանց կարևոր գործնական նշանակություն, քանի որ բացասական գնահատականը նսեմացնում է Հայցվորների, որպես անձի և ՀՀ ազգային ժողովի պատ-

գամավորի, հեղինակությունը, խոշընդուներ է ստեղծում հասարակական, տնտեսական հարաբերություններին լիարժեք մասնակցելու համար:

Հաշվի առնելով վերոգրյալը, նկատի ունենալով հասարակական կյանքում Հայցվորների՝ որպես օրենսդիր իշխանության ներկայացուցիչների զբաղեցրած դիրքը, և նկատի ունենալով այն հանգամանքը, որ զրպարտող տեղեկությունները տարածվել են 7480 տպաքանակով հրատարակվող օրաթերթում՝ հասու դառնալով հասարակության լայն զանգվածներին՝ Դատարանը փոխհատուցման չափը սահմանում է սահմանված նվազագույն աշխատավարձի 2000–ապատիկի չափով յուրաքանչյուր Հայցվորի մասով:

Չնայած ՀՀ քաղաքացիական դատավարության օրենսգրքի 48–րդ հոդվածի 1–ին կետի համաձայն՝ գործին մասնակցող յուրաքանչյուր անձ ինքն է ապացուցում իր վկայակոչած փաստերը, Պատասխանողի կողմից դատարան չներկայացվեց գոյքային դրությունը բնութագրող որևէ ապացույց, որպիսի հանգամանքը հիմք կարող էր հանդիսանալ փոխհատուցման չափը նվազեցնելու համար:

Դատարանի կողմից վկայակոչվել են նաև ՄԻԵԴ–ի մի շարք նախադեպեր. Այսպես, ՄԻԵԿ–ի 10–րդ հոդվածը պաշտպանում է լրագրողների՝ տեղեկատվություն տարածելու իրավունքը, որ վերջիններս գործեն բարեխղճությամբ և տիրապետեն արժանահավատ փաստական հիմքերի՝ տրամադրելով «հավաստի և ձշգրիտ» տեղեկատվություն լրագրողական էթիկայի նորմերին խիստ համապատասխան» *Բլադետ Թրոմսուն և Ստենսաս ընդեմ Նորվեգիայի* (Bladet Tromsø and Stensaas v. Norway, 20/05/1999, դիմում թիվ 21980/93, 65–րդ պարբերություն), *Պրագեր և Օբերշլիքն ընդեմ Ավստրիայի* (Prager and Oberschlick v. Austria, 26/04/1995, դիմում թիվ 15974/90, 37–րդ պարբերություն):

ՄԻԵԿ–ի 10–րդ հոդվածը ևս երաշխավորում է խոսքի ազատության իրավունքը, սակայն այդ իրավունքը չի հանդիսանում բացարձակ և ենթակա է սահմանափակումների: Կոնվենցիայի 10–րդ հոդվածը, որը երաշխավորում է խոսքի ազատության իրավունքը, պաշտպանում է նաև անձի հեղինակությունը և այլոց իրավունքները: ՄԻԵԴ–ն իր նախադեպային որոշումներում հստակ նշել է.

«Կասկածից վեր է, որ Կոնվենցիայի 10(2)–րդ հոդվածը պաշտպանում է բոլոր անձանց հեղինակությունը և այդ պաշտպանությունից անգամ օգտվում են քաղաքական գործիչները, երբ նրանք նույնիսկ չեն գործում որպես մասնավոր անձինք»:

«Երբ մարդու հեղինակությունը վնասված է, խախտվում է անձի մասնավոր կյանքի իրավունքը, եթե ապահովված չէ արդարացի հավասարակշուություն «մրցակցող» շահերի միջն՝ հաշվի առնելով անձի անմերության և բարեվարքության կանխավարկածը» (*Պֆայֆերն ընդեմ Ավստրիայի/Pfeifer v. Austria*, 15/11/2007, դիմում թիվ 12556/03, 35–րդ պարբերություն, ECHR 2007–XII):

Ընդ որում, այս սկզբունքը վկայակոչվել է ոչ ձիշտ բովանդակությամբ: Ելնելով վե-

րոնշյալ հիմնավորումներից՝ Դատարանը որոշեց Պատասխանողից հօգուտ յուրաքանչյուր Հայցվորի բռնագանձել նվազագույն աշխատավարձի 2000–ապատիկի չփով փոխհատուցում (1000 ՀՀ դրամ):

Վճիռը բողոքարկվել է Վերաքննիչ դատարան, որն անփոփոխ է թողել առաջին ատյանի դատարանի վճիռը: Վճռաբեկ դատարանը վերադրձել է վճռաբեկ բողոքը:

## **Դատական ակտի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Դատարանը պատշաճ կարգով չի քննարկել ՄԻԵԿ-ից բխող մի քանի էական հիմնահարցեր, որոնք կարող էին ուղղակի ազդեցություն ունենալ սույն գործի ելքի վրա: Դրանք հանրային շահին, կողմերի կարգավիճակին, փաստական հանգամանքների և գնահատողական դատողությունների տարբերակմանը, վնասների փոխհատուցման համաշափությանը վերաբերող հարցերն են:

### **Հոդվածի հանրային նշանակությունը**

ՄԻԵԿ-ի կողմից հետևողականորեն տարբերակվել են այն դեպքերը, երբ առկա է հասարակության տեղեկացված լինելու իրավունքը և երբ հրապարակումը ծառայում է զուտ որոշ ընթերցողների հետաքրքրահրությունը բավարարելուն (*Ստանդարտ Վերլագս Գմբհ-ն ընդդեմ Ավստրիայի/ Standard Verlags GmbH v. Austria, 04/06/2009, դիմում թիվ 34702/07, 32-րդ պարբերություն*): Թոնսբերգս Բլադ ԱՍ-ն ընդդեմ Նորվեգիայի (*Tonsbergs Blad AS v. Norway, 01/03/2007, դիմում թիվ 510/04, 87-րդ պարբերություն*) գործով ՄԻԵԿ-ը շեշտել է.

«Երբ հանրային գործիչը հնարավոր է խախտած լինի օրենքը, նույնիսկ մասնավոր կարգով, իր պաշտոնեական լիազորություններից դուրս, այդ գործողությունները կարող են հանդիսանալ հանրային մտահոգության առարկա և այդպիսով պաշտպանված լինել 10-րդ հոդվածով»:

*Կարհուվարան ընդդեմ Ֆինլանդիայի (Karhuvaara v. Finland, 16/11/2004 դիմում, թիվ 53678/00, 45-րդ պարբերություն)* գործով կայացված վճռով ՄԻԵԿ-ը շեշտել է.

«Չնայած խնդրո առարկա հարցը հնարավոր է մեծ հանրային մտահոգության առարկա չի հանդիսանում, եթե այն առնչվում է քաղաքական գործիչների կյանքին և կարող է ազդել քվեարկության վրա, այն կարող է ընկնել ժողովրդավարական հասարակությունում տեղեկացված լինելու հիմնարար իրավունքի շրջանակների մեջ»:

«Թեև մամուլը չպետք է անցնի ընդունված սահմանները, որոնց թվում են «ազգային անվտանգության շահերը», «դատարանի հեղինակության պահպանումը», այն պարտավոր է ներկայացնել հանրային շահին առնչվող տեղեկություններ և գաղափարներ: Հասարակությունն էլ իր հերթին իրավունք ունի դրանք ստանալու: Այլ պարագայում մամուլը կզրկվեր «հանրային հսկիչ» իր առաքելությունից» (*Օրգերվերը և Գարդիանն ընդդեմ Միացյալ Թագավորությունից պարբերություն*)

վլորության/ *Observer and Guardian v the UK*, 26/11/91, դիմում թիվ 13585/88, 59 (բ) պարբերություն):

Վիճահարույց հոդվածը վերաբերում է ութ քաղաքական գործիչների: Նրանց շարքում են սույն գործով Հայցվոր հանդիսացող ԱԺ-ի երեք պատգամավորները՝ Ռուբեն Հայրապետյանը, Լևոն Սարգսյանը և Սամվել Ալեքսանյանը: Վիճարկվող հոդվածում տեղեկատվություն է ներկայացվում վերոհիշյալ անձանց՝ ՌԴ-ի տարածքում կատարված հանցագործություններին ունեցած առնչության և ռուսական կրիմինալ խմբավորումների հետ ունեցած սերտ կապերի մասին: Պատգամավորների կողմից նման առնչություններին վերաբերող իրապարակման մեջ անկասկած առկա է հանրային շահը:

Այնուամենայնիվ, Դատարանը տվյալ գործում հանրային շահի վերաբերյալ իրավական վերլուծություն չի կատարել, ինչը իր ազդեցությունը կարող էր ունենալ գործիքնության և վնասների հատուցման չափի վրա:

### **Հայցվորի անձը և կարգավիճակը**

ՄԻԵԴ-ի կողմից զրպարտության վերաբերյալ գործերը քննելիս առանձնակի կարևորություն է տրվում նաև կողմերի կարգավիճակին: Թեև Դատարանը վերլուծել է կողմերից մեկի՝ Հայցվորի կարգավիճակը, դատարանի մեկնաբանությունը և դրա հիման վրա արված հետևողություններն ամբողջովին հակասում են ՄԻԵԿ-ի 10-րդ հոդվածից բխող սկզբունքներին:

«Այսպես, քննադատության ընդունելի շրջանակները քաղաքական գործիչների նկատմամբ, համապատասխանաբար, ավելի լայն են, քան մասնավոր անձանց նկատմամբ: Ի տարբերություն վերջիններին՝ քաղաքական գործիչները անկիուսափելիորեն և գիտակցարար բաց են իրենց յուրաքանչյուր խոսքի և արարքի մանրակրկիտ քննարկման համար ինչպես լրագրողների, այնպես էլ լայն հանրության կողմից և, հետևաբար, պետք է դրսևորեն հանդուրժողականության առավել բարձր աստիճան: Անկասկած է, որ ՄԻԵԿ-ի 10-րդ հոդվածի 2-րդ մասը հնարավորություն է ընձեռում պաշտպանելու նաև այլոց, այն է՝ բոլոր անձանց հեղինակությունը, և այս պաշտպանությունը տարածվում է նաև քաղաքական գործիչների վրա, նույնիսկ եթե նրանք չեն գործում որպես մասնավոր անձինք, բայց այս դեպքում նման պաշտպանության պահանջները պետք է կշռադատվեն՝ քաղաքական հարցերի բաց քննարկման շահերից ենելով» (*Lingens v. Austria*, 08/07/1986, դիմում թիվ 9815/82, 41–42-րդ պարբերություններ, Ֆելդեկն ընդդեմ Սլովակիայի/ *Feldek v. Slovakia*, 12/07/2001, դիմում թիվ 29032/95, 74–րդ պարբերություն, Քրոն Վերլագ ընդդեմ Ավստրիայի/ *Krone Verlag GmbH & Co. KG v. Austria*, 11/12/2003, դիմում թիվ 27306/07, 53–րդ պարբերություններ):

Այս նույն սկզբունքը ձանաչվել է նաև ԵԽ խորհրդարանական վեհաժողովի «Ժողովրդավարական հասարակությունում ԶԼՄ-ների չափորոշիչների վերաբերյալ 1636 (2008) բանաձևում», որի համաձայն՝ պետական պաշտոնյաները չպետք է պաշտպանվեն քննադատությունից և վիրավորանքից ավելի բարձր մակարդակով, քան

մասնավոր անձինք, օրինակ՝ քրեական օրենսդրությամբ, որը նախատեսում է ավելի բարձր տուգանքներ:

Այնուամենայնիվ, հակառակ նկարագրված հիմնարար սկզբունքների՝ ընդհանուր իրավասության դատարանը չափից ավելի է կարևորել 3 Հայցվոր պատգամավորների հեղինակության պաշտպանությանը՝ ինչ նրանց կարգավիճակից ենելով, որը վնասների փոխհատուցման առավելագույն չափի սամանման հիմքերից մեկն է հանդիսացել: Հատկանշական է, որ սույն գործով՝ ‘Դատարանի հիշյալ մեկնաբանությունը վկայակոչել է Դիմող կողմը ՀՀ Սահմանադրական դատարանում՝ ՀՀ քաղաքացիական օրենսդրի 1087.1 հոդվածի սահմանադրականությունը վիճարկելիս: ՀՀ Սահմանադրական դատարանն իր 15.11.2011թ. թիվ 997 որոշմամբ հատուկ անդրադարձել է այդ հարցին հետևյալ կերպ:

«Հաշվի առնելով, որ հանրային պաշտոններ գրադեցնող անձանց կամ քաղաքական գործիչների պարագայում հասարակական հետաքրքրություն ներկայացնող հարցերի վերաբերյալ հրապարակումները օգտվում են առավելագույն պաշտպանությունից՝ հայցվորի նման կարգավիճակը չի կարող մեկնաբանվել ի վնաս պատասխանողի՝ փոխհատուցման չափը որոշելիս»:

### **Դատասխանողի անձը և կարգավիճակը**

Տվյալ գործով՝ Դատասխանողը տպագիր լրատվամիջոց է: ՄԻԵԴ-ի նախադեպային իրավունքով հաստատվում է, որ գրպարտության գործերով քննարկման ենթակա էական խնդիր է հանդիսանում նաև Դատասխանողի կարգավիճակը: ՄԻԵԴ-ի վերահաստատած սկզբունքի համաձայն՝

«Մամուլը յուրահատուկ պաշտպանություն է վայելում, քանի որ այն ոչ միայն իրավունք, այլև պարտականություն ունի տեղեկություններ և գաղափարներ տարածելու հանրային շահին վերաբերող ցանկացած հարցի շուրջ, իսկ հանրությունն իրավունք ունի դրանք ստանալու» (*Սանդի Թայնսն ընդդեմ ՄՇ/ Sunday Times v. UK, 26/04/1979, դիմում թիվ 6538/74, 50 (թ) պարբերություն*): «Բացի այդ, լրագրողական ազատությունը ենթադրում է նաև որոշակի չափազանցության և նույնիսկ սադրանքի դիմելու հնարավորություն» (*Բլադետ Թրում և Ստենսաս ընդդեմ Նորվեգիայի/ Bladet Tromsø and Stensaas v. Norway, 20/05/1999, դիմում թիվ 21980/93, 59-րդ պարբերություն, Դիշանդ և այլոր ընդդեմ Ավստրիայի/ Dichand and Others v. Austria, 26/02/2002, դիմում թիվ 29271/95, 41-րդ պարբերություն, Պրագերը և Օբերշլիքն ընդդեմ Ավստրիայի/ Prager and Oberschlick v. Austria, 26/04/1995, դիմում թիվ 15974/90, 38-րդ պարբերություն*):

Այնուամենայնիվ, Դատարանի վճռում իրավական վերլուծություն չի կատարվել սույն գործով՝ Դատասխանողի՝ «Հայկական ժամանակ» տպագիր մամուլի միջոցի կարգավիճակի վերաբերյալ, այլ, ընդհակառակը, տպագիր միջոց հանդիսանալու հանգամանքը մեկնաբանվել է սույն սկզբունքին հակառակ իմաստով:

### **Փաստացի տվյալներ և գնահատողական դատողություններ**

Դատարանը չի կատարել հատուկ վերլուծություն վիճահարույց հոդվածի փաս-

տացի տվյալների և գնահատողական դատողությունների որակման և տարբերակման մասով:

Թեև ներկայացված հայտարարությունները առավելապես փաստերի շարադրանքի բնույթ ունեն, բննարկման ենթակա էին նաև հոդվածում առկա սահմանումների ձևակերպումները, որոնք բավական անորոշ բնույթի եզրեր էին պարունակում՝ ինչպիսիք են, օրինակ, «առնչություն» և «կապեր» արտահայտությունները: Սակայն, վերոնշյալ ձևակերպումների առկայության պարագայում անգամ հոդվածում ներառված հայտարարությունները կարող են դիտվել որպես արատավորող բնույթ ունեցող հայտարարություններ:

Արատավորող բնույթ ունեցող հայտարարություններն ստուգելու՝ լրագրողի պարտականության առնչությամբ ՄԻԵԴ-ի կողմից մշակված մոտեցումները հետևյալն են.

«Կոնվենցիայի 10-րդ հոդվածով լրագրողների համար ամրագրված երաշխիքը կիրառվում է պայմանով, որ նրանք գործում են քարեխնձորեն՝ տրամադրելու ձգրիտ և արժանահավատ տեղեկություններ՝ լրագրողական էթիկայի պահանջներին համապատասխան» (*Բլադետ Թրոմսոն և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93, 65-րդ պարբերություն, *Պրագեր և Օբերշլիք ընդդեմ Ավստրիայի/ Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն): «ՄԻԵԿ-ի 10-րդ հոդվածի 2-րդ մասին համապատասխան՝ այս ազատության իրականացումը ենթադրում է «պարտականություններ և պատասխանատվություն», որոնք կիրառելի են նաև մամուլի նկատմամբ: Այս պարտականություններն ու պատասխանատվությունը ձեռք են բերում Էական նշանակություն, եթե արատավորվում է անհատի հեղինակությունը և խախտվում են «այլոց իրավունքները»: «Որքան ավելի լուրջ է արված հայտարարությունը, այնքան ավելի ամուր փաստական հիմքեր են անհրաժեշտ այն հիմնավորելու համար» (*Եվրոպափոռես Հոլդինգ Դ.Օ.Օ. ընդդեմ Խորվաթիայի/ Europapress Holding D.O.O. v. Croatia*, 22/10/2009, դիմում թիվ 25333/06, 66-րդ պարբերություն:)

Տվյալ պարագայում գործն առնչվում է Հայցվորների կողմից քրեականացման բնույթի արարքների կատարմանը կամ ոուսական կրիմինալ խմբավորումների հետ առնչություններ ունենալու մասին հայտարարություններին, որոնք իրենց բնույթով պահանջում են առավել ամուր փաստական հիմքեր:

Միևնույն ժամանակ, ՄԻԵԴ-ը սահմանել է, որ հատուկ հիմքերի առկայության դեպքում լրատվամիջոցը կարող է ազատվել մասնավոր անձին արատավորող փաստացի տվյալները /statement of fact/ ստուգելու պարտականությունից: Նման հատուկ հիմքերի առկայությունը կախված է «զրպարտության բնույթից և աստիճանից» և նրանից, թե որքանով են ԶԼՄ-ները ողջամտորեն հուսալի համարում իրենց աղբյուրները, որոնց հիման վրա պնդումներ են արել (*Պեդերսեն և Բաադսգարդ ընդդեմ Դենմարք/ Pedersen and Baadsgaard v. Denmark*, 17/12/2004, դիմում թիվ 49017/99, 78-րդ պարբերություն, *Բլադետ Թրոմսոն և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93, 66-րդ պարբերություն, *Սարվի-*

քարն ընդեմ Միացյալ Թագավորության/ *McVICAR v. the United Kingdom*, 07/05/2002, դիմում թիվ 46311/99, 84-րդ պարբերություն):

Սույն գործի ուսումնասիրությունը վկայում է այն մասին, որ Պատասխանողը բացահայտել է իր տեղեկատվության աղբյուրը դեռևս մինչև Հայցվորների կողմից դատարան դիմելը՝ հերքման պահանջի վերաբերյալ ներկայացված պատասխանով, այնուհետև օրաթերթը հրապարակել է հոդված՝ տեղեկատվության աղբյուրի՝ Ս. Կարախանյանի հետ հարցազրույցի վերաբերյալ, որում վերջինս ընդունում է իր կողմից համապատասխան տեղեկատվության տրամադրման փաստը, ինչպես նաև ներկայացնում է որոշ մանրամասներ արծարծված թեմայի վերաբերյալ: Ավելի ուշ, «Հայկական ժամանակ» օրաթերթը հրապարակել է ևս մեկ հոդված «Ճշտում» վերտառությամբ, որտեղ նոյն տեղեկատվությունը հրապարակվել է տեղեկատվության աղբյուրի հղումով, իսկ նախորդ հոդվածը ներկայացվել է որպես թյուրիմացությամբ չխմբագրված տարրերակի հրապարակում: Հետևաբար, Պատասխանողն ի սկզբանե Հայցվորների առջև բացահայտել է իր տեղեկատվության աղբյուրը, ինչը կարևոր նշանակություն պետք է ունենար տվյալ գործով: Սույն գործով քննարկման ենթակա հարցերից եր հանդիսանում նաև վիճարկվող փաստերը ստուգելու լրագրողի ողջամիտ հնարավորություն ունենալու, վիճարկվող հայտարարությունների վերաբերյալ տեղեկատվության մատչելիության, տեղեկատվության աղբյուրների հուսալիության հարցերը: Հատուկ ուշադրության է ենթակա նաև ՌԴ-ի դատախազության նամակի բովանդակությունը, որում նշվում էր «համապատասխան անձանց կողմից նշված հանցագործություններին մասնակցության վերաբերյալ նյութերի բացակայության» մասին, մինչեւ, վիճահարույց հոդվածում խոսվում է նշված անձանց առնչության և կապերի մասին:

Այնուամենայնիվ, Պատասխանողն ըստ էության հնարավորություն չի ունեցել դատարանում բոլոր վերոնշյալ հարցերի շուրջ ներկայացնելու իր դիրքորոշումը, ինչպես նաև այն իիմնավորող նյութեր և ապացույցներ, ինչն ինքնին արդեն իսկ կարող է հանգեցնել ՄԻԵԿ 10-րդ հոդվածի խախտման:

## Միջամտության համաշափությունը

ՀՀ քաղաքացիական օրենսգրքի 1087.1-րդ հոդվածը նախատեսում է զրպարտության համար առավելագույնը նվազագույն աշխատավարձի 2000-ապատիկի չափով, իսկ վիրավորանքի համար՝ 1000-ապատիկի չափով փոխհատուցման հնարավորություն: Համաձայն սույն հոդվածի՝ Դատարանը, վնասի փոխհատուցման չափը սահմանելիս, հաշվի է առնում կոնկրետ գործի առանձնահատկությունները, ներառյալ՝ զրպարտության եղանակը և տարածման շրջանակը, զրպարտողի գույքային դրությունը:

Այնուամենայնիվ, Դատարանը կիրառել է վնասների փոխհատուցման առավելագույն չափ յուրաքանչյուր Հայցվորի օգտին՝ առանց հաշվի առնելու վերոնշյալ հանգամանքները, ինչպես նաև ՄԻԵԿ-ի 10-րդ հոդվածի պահանջները: Դատարանի

վերլուծությունը հետագայում հաստատվել է նաև Վերաքննիչ դատարանի կողմից հետևյալ կերպ.

«Հայցվորները սույն գործով ՀՀ Ազգային ժողովի պատգամավորներ են, և որպես ՀՀ օրենսդիր իշխանության ներկայացուցիչներ, ունեն որոշակի ընկալելի դիրք հասարակությունում, ինչը պարտավորեցնում է ունենալ անբասիր վարքագիծ և օրինակելի կեցվածք, այնինչ Պատասխանողի կողմից հոդվածում տարածած տեղեկությունները վերը նշված հանցագործությունների հետ այդ անձանց հնարավոր առնչության փաստի վերաբերյալ, այլ տեղեկատվություն են հաղորդում ընթերցողին՝ վտանգելով Հայցվորների, որպես օրենսդիր իշխանության ներկայացուցիչների նկատմամբ հասարակական վերաբերմունքի օրենսդիր դրսևորումը: Հանրության կողմից Հայցվորներին տրվող գնահատականն ունի չափազանց կարևոր գործնական նշանակություն, քանի որ բացասական գնահատականը նսեմացնում է Հայցվորների՝ որպես անձի և ՀՀ Ազգային ժողովի պատգամավորի, հեղինակությունը, խոչընդուներ է ստեղծում հասարակական, տնտեսական հարաբերություններին լիարժեք մասնակցելու համար: Հաշվի առնելով վերոգրյալը, ընդհանուր իրավասության դատարանը փոխհատուցման չափը սահմանելիս նկատի է ունեցել ինչպես փոխհատուցման չափին վերաբերող օրենսդրորեն սահմանված դրույթները, այնպես էլ հասարակական կյանքում Հայցվորների՝ որպես օրենսդիր իշխանության ներկայացուցիչների գրաղեցրած դիրքը, և այն հանգամանքը, որ զրապարտող տեղեկությունները տարածվել են 7.480 տպաքանակով հրատարակվող օրաթերթում՝ հասու դառնալով հասարակության լայն գանգվաճներին»:

Վերոգրյալից ակնհայտ է, որ Հայցվորների կարգավիճակը դրվել է փոխհատուցման առավելագույն չափի սահմանման հիմքում, ինչն ուղղակիորեն հակասում է ՄԻԵԴ-ի կողմից հաստատված չափանիշներին:

ՄԻԵԴ-ի կողմից սահմանված մի շարք նախադեպային վճիռներով ամրագրվել է համաշափության պահանջը վնասների փոխհատուցման կիրառման բնագավառում և շեշտվել է, որ անհամաշափորեն բարձր փոխհատուցման սահմանումը հանգեցնում է ՄԻԵԿ-ի 10-րդ հոդվածի խախտմանը: Այս պահանջը նույնպես ամրագրվել է ԵԽ-ի Նախարարների կոմիտեի 2004թ. փետրվարի 12-ի՝ Զանգվածային լրատվամիջոցներում քաղաքական բանավեճի ազատության վերաբերյալ հոչակագրում:

Այսպես, Ռուսանենկոն և այլոք ընդեմ Ռուսաստանի Դաշնության/ Romanenko and others v. Russia, 08/10/2009, դիմում թիվ 11751/03, 48-րդ պարբերություն) գործով ՄԻԵԴ-ը գտել է.

«Դիմումատուի խոսքի ազատության իրավունքը խախտվել է նաև այն պատճառով, որ ներպետական դատարանները չեն վերլուծել, թե դիմումատուի եկամուտների որ մասն է կազմել պահանջվող գումարը և արդյոք դրանով չափից ավելի մեծ քետ չի դրվել նրանց վրա: Մինչդեռ դիմումատուի պնդմամբ, ինչը չեր վիճարկել ՈՒ-ի կառավարությունը, պահանջվող գումարները հավասար են եղել նրա չորս ամսվա եկամուտներին և, հետևաբար, եղել են խիստ անհամաշափի: Ըստ այդ՝ ՄԻԵԴ-ը գտել էր. «Խախտվել է համաշափության սկզբունքն ու ձանաչել ՄԻԵԿ 10-րդ հոդվածի խախտում»:

*Տուսող Միլոսլավսկին ընդդեմ ՄՌ/Tolstoy Miloslavsky v. the United Kingdom, 13/07/1995, դիմում թիվ 18139/91, 42-րդ պարբերություն) գործով ՄԻԵԴ-ը, հաշվի առնելով սահմանված վնասների փոխհատուցման չափը, օրենսդրության մեջ անհամաշափորեն բարձր փոխհատուցման դեմ համարժեք և արդյունավետ երաշխիքների բացակայության համատեքստում, ձանաչել է դիմումատուի ՄԻԵԿ-ի 10-րդ հոդվածով ամրագրված իրավունքի խախտումը:*

Հաջորդ կարևոր հիմնահարցը սույն գործով, որը չի քննարկվել Դատարանի կողմից, սահմանվող փոխհատուցման չափի/2.000.000 <<դրամ՝ յուրաքանչյուր Հայցվորի օգտին/ հնարավոր սառեցնող ազդեցություն ունենալու խնդիրն է Հայաստանում մամուլի ազատության վրա, այն դեպքում, եթե ՄԻԵԴ-ը նման դեպքերում քննարկման առարկա է դարձնում մամուլի վրա «սառեցնող ազդեցության» գործոնը, որին կարող է հանգեցնել արտահայտվելու ազատության իրավունքի սահմանափակումը:

Սանկցիայի նկատմամբ ունեցած վախը «սառեցնող ազդեցություն» ունի արտահայտվելու ազատության իրավունքի իրականացման վրա» (*Ուայլն ընդդեմ Լիխտենշտեյնի/Wille v. Liechtenstein, 28/10/1999*, դիմում թիվ 28396/95, 50-րդ պարբերություն): Այս ազդեցության հանգամանքը գործում է ի վնաս ամբողջ հասարակության, նմանապես այն գործոն է, որը պետք է հաշվի առնվի դիմումատուների նկատմամբ կիրառված սանկցիաների համաշափության և դրանով իսկ դրանց հիմնավորման ժամանակ (*Լոմբարդոն և այլոր ընդդեմ Մալթայի/ Lombardo and others v. Malta, 24/04/2007*, դիմում թիվ 7333/06, 61-րդ պարբերություն):

Դատարանի կողմից սահմանված վնասների փոխհատուցման չափը՝ նվազագույն աշխատավարձի 2000-ապատիկի չափով յուրաքանչյուր Հայցվորի օգտին, ակնհայտորեն հակասում է ՄԻԵԴ-ի կողմից սահմանված միջամտության համաշափության պահանջին:

**ԲԵԼԱ ՔՈՉԱՐՅԱՆ ՈՒ ՍԵԴՐԱԿ ՔՈՉԱՐՅԱՆ**  
**ԸՆԴԻԵՄ «ԺԱՄԱՆԱԿ» ՕՐԱԹԵՐԹԻ**  
(հրատարակիչ՝ «Սկիզբ Մեղիս Կենտրոն» ՍՊԸ)

### **Գործի հանգամանքները**

06.06.2011թ. Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանը (այսուհետ՝ Դատարան) քննելով քաղաքացիական գործն ըստ հայցի՝ Բելա Լևոնի Քոչարյանի և Սեդրակ Ռոբերտի Քոչարյանի (այսուհետ՝ Հայցվորներ) ընդդեմ «Ժամանակ» օրաթերթի հիմնադիր և հրատարակիչ «Սկիզբ Մեղիս Կենտրոն» ՍՊԸ-ի (այսուհետ՝ Պատասխանող)՝ Հայցվորների պատիվը, արժանապատվությունը և բարի համբավն արատավորող տեղեկությունները Պատասխանողին հերքել պարտավորեցնելու, վիրավորանքի և զրաքարտության միջոցով հասցված՝ 6.000.000 ՀՀ դրամի չափով վնասը Պատասխանողին հատուցել պարտավորեցնելու պահանջների մասին, վճռել է բավարարել հայցը մասնակի՝ զրաքարտության և վիրավորանքի համար 3.000.000 ՀՀ դրամ փոխհատուցման պահանջի մասով:

«Ժամանակ» օրաթերթի մի քանի համարներում տպագրվել են հոդվածներ, որոնք, մասնավորապես, պարունակել են հետևյալ տեղեկությունները.

«Արյունը՝ Քոչարյաններից, կայֆը՝ Ծառուկյանից, իսկ հակացնցումը՝ Լֆիկից» խորագրով հոդվածում կատարվել են հետևյալ արտահայտությունները.

«...Հեղերի շուկայում գրաված իր դիրքով նրան զիջում է նույնիսկ ՀՀ երկրորդ նախագահ Ռոբերտ Քոչարյանի կինը՝ Բելլա Քոչարյանը:...»

«...Ուշագրավ է, որ այդ ցուցակում բացակայում էր «911» դեղատների ցանցի անունը, որը պատկանում է Քոչարյանների ընտանիքին:»

«...«Քոմաթար» ՍՊԸ-ն և «Լիկվոր» ՓԲԸ-ն հայկական դեղերի շուկայում մեկ երրորդ մասով գրանցնում են արյան պատրաստուկների և պլազմայի փոխադինիչների շուկան: Առաջինին պատկանում է շուկայի 55 տոկոսը, իսկ երկրորդին՝ 40 տոկոսը: Այս ընկերություններն եւ, մեր աղբյուրների փոխանցմամբ հովանավորում են Քոչարյանների ընտանիքը:»

«...Հայկական դեղերի շուկայում գերիշխող դիրք է զբաղեցնում նաև «Ֆարմատեքս» ՍՊԸ-ն...: Ընկերության սեփականատերը անգլիացի է, որին ևս Քոչարյանների ընտանիքն է հովանավորում...»:

«Աղամանդե Ռոբը» խորագրով հոդվածում կատարվել է հետևյալ արտահայտությունը. «... Այսպես, ինչպես հայտնում են իշխանական մեր աղբյուրները, վերջերս Քոչարյանների ընտանիքը հերթական տնտեսական ձեռքբերումն է ունեցել: Մեր տեղեկություններով Ռոբերտ Քոչարյանի ավագ որդին՝ Սեդրակ Քոչարյանը, աղամանդի հանք է ձեռք բերել Հնդկաստանում՝ այդ գործարքը ձևակերպելով որպես ներդրում: Հանքի ձեռքբերման գործարքը կատարվել է «Կոնվերսբանկ»-ի միջոցով: Հիշենք, որ ըստ որոշ տեղեկությունների՝ Քոչարյանները աղամանդի հանքեր ունեն նաև Նամիրիայում...»:

«Volvo+Spayka=Սեդրակ Քոչարյան» խորագրով հոդվածում կատարվել է հետևյալ արտահայտությունը. «.... բեռնատարների արտադրության հսկա շվեդական Volvo Trucks» ընկերությունը Հայաստանում իր պաշտոնական ներկայացման գործը վստահել է «Սպայկա» ընկերությանը: ... Բանն այն է, որ թեև պաշտոնապես այս ընկերությունը պատկանում է Դավիթ Ղազարյան անուն-ազգանունով մարդուն, սակայն իրականում այդ ընկերության մեջքին կանգնած է Քոչարյանների ընտանիքը և մասնավորապես Ռոբերտ Քոչարյանի որդի Սեդրակ Քոչարյանը....»:

11.10.2010թ. (ուղարկվել է փոստով՝ 13.10.2010թ.-ին) գրությամբ Բելա Քոչարյանի և Սեդրակ Քոչարյանի ներկայացուցիչը (որը հիշյալ գրությունն ուղարկելու ժամանակ դեռևս չուներ լիազորագիր) հայտնել է, որ վերը նշված հոդվածներում առկա են եղել անձտություններ և պահանջել հերքել դրանք:

Պատասխանողը գործի դատաքննության ընթացքում ընդունել է Հայցվոր կողմի հերքման առաջարկը: Հայցվոր կողմից Պատասխանողին է ներկայացվել հերքման տեքստ, որը հրապարկվել է Պատասխանող ԶԼՄ-ի կողմից:

Ըստ ՀՀ ԱՆ իրավաբանական անձանց պետական ռեգիստրի գործակալության պետի 08.11.2010թ. գրության՝ «Ֆարմատեք» ՍՊԸ-ն պետական ռեգիստրում գրանցված չէ: «Լիկվոր» ՓԲԸ-ի, «Թագակ Ֆարմ» ՓԲԸ-ի, «Քոմսթառ» ՍՊԸ-ի, «Ֆարմատեք» ՓԲԸ-ի գրանցված սեփականատերերի ցանկում, «Սպայկա» ՍՊԸ-ում Բելա Քոչարյանն ու Սեդրակ Քոչարյանն ընդգրկված չեն: Ըստ «Կոնվերս Բանկ» ՓԲԸ-ի 12.11.2010 թվականի գրության՝ Հնդկաստանի և Նամիրիայի ուղղությամբ Սեդրակ Քոչարյանի հաշիվներով երբեմն փոխանցում կամ այլ բանկային գործարք չի կատարվել:

**Դատական ակտի իրավական վերլուծությունը՝ Մարդու իրավունքների եվրոպական կոնվենցիայի (այսուհետ՝ ՄԻԵԿ) 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լրացի ներքո**

Դատարանը ոչ լիարժեք, որոշ դեպքերում նույնիսկ սխալ հետևության հանգեցնող մեկնաբանությամբ է վերլուծել ՄԻԵԿ-ից բխող մի քանի այնպիսի էական հիմնահարցեր, որոնք ուղղակի ազդեցություն են ունեցել սույն գործի վրա: Դրանք են հոդվածի հանրային նշանակության, Հայցվորի կարգավիճակի, փաստական տվյալների և գնահատողական դատողությունների տարրերակման, փոխառության համաշխատության հարցերը:

## Փաստեր և գնահատողական դատողություններ

Այսպես, վիրավորանքի և զրպարտության հասկացությունների իրավական վերլուծության հատվածում դատարանը կատարում է հետևյալ մեկնաբանությունը

«... վիրավորանքի և զրպարտության վերաբերյալ օրենսդրի կողմից տրված սահմանմամբ, ու վիրավորանքի և զրպարտության առկայության փաստը հաստատված համարվելու էական նշանակություն ունեցող փաստերի համադրումից հետևում է, որ ի տարբերություն զրպարտության՝ վիրավորանքն ունի դեռ չարատավորող, սակայն այդպիսի նպատակ հետապնդող նշանակություն, մինչդեռ զրպարտության համար էական է, որ տարածված փաստացի տեկնեկություններն իրենց բնույթով արդեն իսկ կրեն արատավորող բնույթ (արատավորման փաստի առկայությունը), այսինքն՝ իրավախախտող գործողությունը զրպարտության դեպքում պրատավորման միջոցով հանդիսանում է ավարտված, իսկ վիրավորանքի դեպքում՝ այն միայն հետապնդում է արատավորելու նպատակ, այսինքն՝ վիրավորանքի արդյունքում արտահայտած արատավորելու նպատակը կարող է իր ավարտին հասցվել անձին արատավորելով՝ իրականությանը չհամապատասխանող փաստացի տեղեկություններ տարածելու միջոցով, որպիսի պարագայում արդեն իսկ պետք է առաջնորդվել զրպարտության փաստական կազմով:

Վերոգրյալ իրավական դիրքորոշման լույսի ներքո՝ Դատարանն արձանագրում է, որ վիրավորանքը կոնկրետ անձի նկատմամբ կրելով շարունակական բնույթ՝ այն հետագայում միայն կարող է վերածվել զրպարտության, քանի որ արատավորելու նպատակով կատարված վիրավորական արտահայտությունների շարունակական բնույթը արդյունքում հանգեցնում է մարդու պատվի ու արժանապատվության փաստացից արատավորմանը՝ փաստացի ու ոչ իրական տվյալներ հրապարակելով, այսինքն՝ այն տեղի է ունենում նպատակի փաստացի իրագործմամբ, որպիսի պարագայում խոսք կարող է լինել միայն զրպարտության մասին»:

Նման մեկնաբանությամբ Դատարանն ակնհայտորեն հանգել է ոչ ճիշտ հետևության վիրավորանքի և զրպարտության տարբերակման հարցում: Ինչպես ՀՀ քաղաքացիական օրենսգրքից, այնպես էլ ՄԻԵԿ-ի 10-րդ հոդվածի վերաբերյալ ՄԻԵԴ-ի նախադեպային իրավունքից ուղղակիորեն բխում է, որ վիրավորանքի և զրպարտության, փաստական տվյալների /statement of fact/ և գնահատողական դատողության /value judgments/ միջև տարբերությունը կայանում է ոչ թե համապատասխան գործողության շարունակական բնույթի, ավարտման պահի հանգամանքներում, այլ, առաջին հերթին, կարծիքի և փաստերի տարբերակման մեջ, մինչդեռ Դատարանը դիտել է զրպարտությունը որպես վիրավորանքի հաջորդական փուլ, երբ փաստացի իրագործվում է վիրավորանքի արատավորման նպատակը:

ՄԻԵԴ-ը հետևողականորեն շեշտել է փաստական տվյալների և գնահատողական դատողությունների միջև տարբերակման անհրաժեշտությունը:

«Եթե փաստերի առկայությունը կարելի է ապացուցել, ապա գնահատողական դատողություններն ապացուցելի չեն: Գնահատողական դատողության ճշմարտացիության ապացուցման պահանջը անհնար է կատարել և խախտում է կարծիքի ազատությունն ինքնին, որը

10-րդ հոդվածով սահմանված իրավունքի հիմնարար մասն է» (*Lingens v. Austria*, 08/07/1986, դիմում թիվ 9815/82, 46-րդ պարբերություն):

Հաշվի առնելով վիրավորանքի և զրաքարտության տարբերակման կարևորությունը յուրաքանչյուր գործով՝ Դատարանի վերլուծությունը պետք է կառուցվեր ոչ թե իրավախախտ գործողության ավարտման պահի շուրջ, այլ գնահատողական դատողության և փաստական տվյալի միջև տարբերակման կատարման և, դրանով պայմանավորված, ապացուցման պահանջվող աստիճանի շուրջ:

«Երբ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական իմֆեր վիճարկվող արտահայտության կատարման համար, քանի որ նույնիսկ գնահատողական դատողությունն առանց այն պաշտպանող որևէ փաստական իմֆեր կարող է լինել չափազանց» (*Dichand and Others v. Austria*, 26/02/2002, դիմում թիվ 29271/95, 41-րդ պարբերություն):

## Դատարանը հանգել է հետևյալ եզրակացության.

«Դատարանն արձանագրում է, որ վերոնշյալ մեկնաբանության իմաստով Հայցվորի կողմից ներկայացված և հոդվածներում տպագրված փաստացի տեղեկություններից միայն «ԱՐՅՈՒՆԸ՝ ՔՈՉԱՐՅԱՆՆԵՐԻՑ...» խորագրի մասում կատարված արտահայտությունը, ՀՀ քաղաքացիական օրենսգրքի 1087.1 հոդվածի 2-րդ կետի մասի պահանջներով պայմանավորված, համարվում է վիրավորանք, քանի որ այս պարագայում Պատասխանողի կողմից նման խորագրով տարածված տեղեկությունը հանդիսանում է արտահայտություն՝ վերագրվող Հայցվորների ընտանիքին՝ առանց սուբյեկտիվ տարանջատման, այսինքն՝ այն որպես այդպիսին, անկախ իրապարակային բնույթ կրելու հանգամանքից, չի հանդիսանում փաստացի տվյալ, ավելին՝ այստեղ էական չէ այն իրականությանը համապատասխանելու կամ չհամապատասխանելու զրպարտության համար սահմանված էական նախապայմանը, ինչը նշանակում է, որ վերը նշված արտահայտությունը պետք է դատարանի կողմից դիտարկվի «վիրավորական» եզրույթի ներքո:

Այսպես, «Արյուն» բառը իր տառացի շարադրանքով և բառացի պարզ մեկնաբանմամբ վիրավորանքի տարբեր չի պարունակում, և այն գործածվում է այս իմաստով եղելության հետ համահունչ կարգով՝ իր ամբողջ իմաստով, մինչդեռ հոդվածով տպագրված խորագրով «Արյուն» բառը և այն «Քոչարյաններին» վերագրվող արտահայտությունն արդեն իսկ կորցնում է «Արյան» բառացի պարզ մեկնաբանությունը, քանի որ տվյալ նյութը ընթերցելիս՝ ընթերցողի մոտ այն առաջացնում է բացասական տպավորություններ, այսինքն՝ այն կարող է ընկալվել արյունը վերագրվող անձանց տարբեր բացասական ձևերով գնահատելու միջոցով (օրինակ՝ որպես հանցանք կատարած անձի), ուստի այդ արտահայտությունը Պատասխանողի կողմից տարածվելու հետապնդել է Հայցվորների ընտանիքի պատիվն ու արժանապատվությունն արատավորելու, այսինքն՝ հասարակության աշքերին վերջիններիս հանդեպ ունեցած օբյեկտիվ կարծիքը նսեմացնելու նպատակ, որի հերքման ու դրանով պատճառված փոխառության իրավունքը պատկանում է նշված ընտանիքի անդամներից յուրաքանչյուրին:

Դատարանն ընդգծում է, որ բոլորովին այլ հարթության վրա կարող էր քննարկվել և ընդունվել վերոհիշյալ խորագրում տեղ գտած արտահայտությունը, այսինքն՝ այն իր պարզ մեկնարանությամբ կարող էր ընդունվել որպես ոչ վիրավորական արտահայտություն միայն այն դեպքում, եթե նման խորագրից հնարավոր լինել որոշելու դրա ոչ բացասական իմաստը, մինչդեռ Պատասխանողի կողմից կատարված տվյալ արտահայտությունը որևէ կերպ սովորական ու ուղղակի իմաստով չի հասկացվում, քանի որ սովորաբար նման արտահայտությունն օգտագործվում է բացասական տպավորություն և նման էմոցիաներ ստեղծելու նպատակով, և ընթերցողների՝ հասարակության լայն շրջանակի մոտ այն ինքնին չի կարող առաջացնել Հայցվորների հանդեպ ունեցած հարգանքի ու բարի համբավի դրական հատկանիշներ, հակառակ՝ այն միանգամայն առաջացնում է բացասական տպավորություն ու կարծիք այն անձանց վերաբերյալ, որոնց և վերագրվում է խորագիրը, մինչդեռ նման խորագրով հոդվածում անգամ չկան պարզաբանումներ խորագրի ոչ բացասական իմաստի շուրջ, այլ հակառակ՝ տեղեկություն տարածողի կողմից փորձ է կատարվում «Արյան» բացասական իմաստն ավելի արտահայտիչ ու ընդգծվող դարձնել՝ փաստացի իրականությանը, իր կարծիքով, համաՊատասխանող տեղեկություններով այն հաստատելու միջոցով, որն էլ արտահայտվել է Պատասխանողի կողմից խորագրում կատարված և բացասական նպատակ հետապնդող արտահայտության արդեն իսկ որոշակի փաստերով հաստատված գնահատականի ձևով»:

Դատարանի վերոգրյալ մեկնարանությունից ակնհայտորեն բխում է, որ հոդվածի խորագրում տեղ գտած՝ «Արյունը Քոչարյաններից» արտահայտությունը դիտարկվել է հոդվածի բովանդակությունից անջատ՝ որևէ ձևով չպայմանավորելով այն հոդվածի համատեքստի հետ: Մինչդեռ հոդվածն ամբողջությամբ ընթերցելիս պարզ է դառնում, որ նման խորագիրը կապվում է արյան պատրաստուկների և պլազմայի փոխարինիչների շուկայի հետ Քոչարյանների ընտանիքի առնչությունների հետ, մասնավորապես, այդ մասին է վկայում հետևյալ հատվածը.

«...«Քոմաթար» ՍՊԸ-ն և «Լիկվոր» ՓԲԸ-ն հայկական դեղերի շուկայում մեկ երրորդ մասով գրանցնում են արյան պատրաստուկների և պլազմայի փոխարինիչների շուկան: Առաջինին պատկանում է շուկայի 55 տոկոսը, իսկ երկրորդին՝ 40 տոկոսը: Այս ընկերություններն էլ, մեր աղյուրների փոխանցմամբ հովանավորում են Քոչարյանների ընտանիքը» (Հոդված 1, 3-րդ պարբերություն, 38–49 տողեր)»:

ՄԻԵԴ-ի վճիռների վերլուծությունը վկայում է այն մասին, որ ցանկացած վիճարկվող արտահայտություն դիտարկելիս դատարանը հաշվի է առնում ամբողջական հոդվածի բովանդակությունը և (*Պերնան ընդդեմ Իտալիայի/ Perna v. Italy/ 06/05/2003, դիմում թիվ 48898/99, 45-րդ պարբերություն, Մարոննեքն ընդդեմ Սլովակիայի/ Marhneček v. Slovakia/ 19/04/2001, դիմում թիվ 32686/96, 53-րդ պարբերություն*) որևէ բառակապակցության իմաստ չի բացահայտվում հոդվածի համատեքստից կտրված: Մինչդեռ տվյալ դեպքում Դատարանի կողմից հստակորեն շեշտվել է, որ «Արյունը Քոչարյաններից» արտահայտությունը իր պարզ մեկնարանությամբ կարող էր ընդունվել որպես ոչ վիրավորական արտահայտություն միայն այն դեպքում, եթե նման խորագրից հնարավոր լիներ որոշել դրա ոչ բացասական իմաստը, մինչդեռ Պատասխանողի

կողմից կատարված տվյալ արտահայտությունը որևէ կերպ սովորական ու ուղղակի իմաստով չի հասկացվում, քանի որ սովորաբար նման արտահայտությունն օգտագործվում է բացասական տպավորություն և նման էմոցիաներ ստեղծելու նպատակով, և ընթերցողների՝ հասարակության լայն շրջանակի մոտ այն ինքնին չի կարող առաջացնել Հայցվորների հանդեպ ունեցած հարգանքի ու բարի համբավի դրական հատկանիշներ, հակառակ՝ այն միանգամայն առաջացնում է բացասական տպավորություն ու կարծիք այն անձանց վերաբերյալ, որոնց և վերագրվում է խորագիրը, մինչդեռ նման խորագրով հոդվածում անգամ չկան պարզաբանումներ խորագրի ոչ բացասական իմաստի շուրջ:

Այսպիսով, Դատարանը վիճարկվող արտահայտությունը վեր է լուծել հենց հոդվածի վերնագրի շրջանակներում միայն, երկրորդ, անտեսել է հոդվածի բովանդակությունը, որով ըստ էության բացատրվում է խորագրում տեղ գտած նման ձևակերպումը:

Դատարանի կողմից որպես զրապարտություն դիտարկված տեղեկությունների՝ իրականությանը չհամապատասխանելու փաստը Դատարանը հաստատված է համարել որոշակի պաշտոնական փաստաթղթերի և տեղեկատվության հիման վրա, որոնցով հերքվում է այդ ընկերություններին Հայցվորների մասնակցության կամ առնչության փաստը, մինչդեռ պետք է նկատի ունենալ, որ հոդվածում տեղ գտած տեղեկությունների մեծ մասը վերաբերում են ոչ թե Հայցվորների կողմից համապատասխան ընկերություններին մասնակցելու կամ այլ կերպ պաշտոնապես առնչվելու հանգամանքներին, այլ դրանք հովանավորելու հանգամանքին, ինչը չէր էլ կարող ապացուցվել գործում եղած փաստաթղթերով:

Այս համատեքստում վերոգրյալ տեղեկությունների բնույթը, դրանց իրականությանը համապատասխանելու ապացուցման, արատավորման աստիճանը պարզելիս դատարանը պետք է նախ տարբերակեր դրանք հոդվածում տեղ գտած մյուս տեղեկություններից, որոնք կարող են հերքվել ներկայացված ապացույցներով, և իրավական վերլուծություն իրականացնելիս հաշվի առներ մի շարք սկզբունքներ, որոնք ամրագրված են ՄԻԵԴ-ի նախադեպային իրավունքում:

Կոնվենցիայի 10-րդ հոդվածով լրագրողների համար ամրագրված երաշխիքը կիրառվում է պայմանով, որ նրանք գործում են բարեխղճորեն՝ տրամադրելու ձգրիտ և արժանահավատ տեղեկություններ՝ լրագրողական էթիկայի պահանջներին համապատասխան (*Բլադետ Թրոմսոն և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93, 65-րդ պարբերություն, *Պրագերը և Օբերշլիկն ընդդեմ Ավստրիայի/ Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն): ՄԻԵԿ-ի 10-րդ հոդվածի 2-րդ մասին համապատասխան՝ այս ազատության իրականացումը ենթադրում է «պարտականություններ և պատասխանատվություն», որոնք կիրառելի են նաև մամուլի նկատմամբ: Այս պարտականություններն ու պատասխանատվությունը ձեռք են բերում էական նշանակություն, եթե արատավորվում է անհատի հեղինակությունը և խախտվում են «այլոց իրավունքները»:

Մեկ այլ կարևոր սկզբունք է հանդիսանում հետևյալ՝ ՄԻԵԴ նախադեպային իրավունքում հաստատված սկզբունքը.

«Որքան ավելի լուրջ է արված հայտարարությունը, այնքան ավելի ամուր փաստական իիմքեր են անհրաժեշտ այն իիմնավորելու համար» (*Եվրոպասփորես Հողագործություն և համարակալություն* / *Europapress Holding D.O.O. v. Croatia*, 22/10/2009, դիմում թիվ 25333/06, 66-րդ պարբերություն): Այս սկզբունքը հատկապես շեշտադրվել է քրեական բնույթի հայտարարությունների համատեքստում:

«Հատուկ իիմքերի առկայության դեպքում լրատվամիջոցը կարող է ազատվել մասնավոր անձին արատավորող փաստական տվյալները /statement of fact/ սոուգելու պարտականությունից: Նման հատուկ իիմքերի առկայությունը կախված է «զրապարտության բնույթից և աստիճանից» և տեղեկատվությունը տրամադրող աղբյուրների վստահելիությունից» (*Պեդերսեն և Բաադսգարդ ընդդեմ Դանիայի/Pedersen and Baadsgaard v. Denmark*, 17/12/2004, դիմում թիվ 49017/99, 78-րդ պարբերություն, *Բլադետ Թրոնս և Ստենսաս ընդդեմ Նորվեգիայի/Bladet Tromsø and Stensaas v. Norway*, 20/05/1999, դիմում թիվ 21980/93, 66-րդ պարբերություն):

Լրատվամիջոցն ունի նաև աղբյուրը չբացահայտելու իրավունք, բացառությամբ խիստ անհրաժեշտ դեպքերի: Առանց նման պաշտպանության տեղեկատվության աղբյուրները կարող են ձեռնապահ մնալ մամուլին տեղեկատվություն տրամադրելուց՝ հանրային շահին վերաբերող հարցերով: Որպես հետևանք մամուլի՝ հանրային հսկիչի կենսական դերը կարող է արժեզրկվել և վատ հետևանքներ թողնել ձգրիտ ու վստահելի տեղեկատվություն տրամադրելու՝ մամուլի ունակության վրա (*Գուդվին ընդդեմ Միացյաл Թագավորություն/Goodwin v. UK*, 27/03/1996, դիմում թիվ 28957/95, 35-րդ պարբերություն): Այս սկզբունքն իր արտացոլումն է գտել նաև ԵԽ-ի Նախարարների կոմիտեի թիվ (2000)7 հանձնարարականում, որն առնչվում է տեղեկատվության աղբյուրը չբացահայտելու՝ լրագրողի իրավունքին:

Բոլոր վերոնշյալ սկզբունքների լույսի ներքո Դատարանը պետք է առնվազն քննարկեր վերը թվարկված տեղեկությունների՝ իրականությանը համապատասխանելու ապացուցման հնարավորությունը՝ հաշվի առնելով հայտարարություններում տեղ գտած «հովանավորման» ձևակերպումները, դատարան հայց ներկայացրած սուրբեկտներին, տեղեկատվության աղբյուրի, արված հայտարարությունների արատավորող բնույթի և աստիճանի հարցերը:

Առնվազն ակնհայտ է, որ վերոհիշյալ տեղեկությունները չեն կարող իիմնավորվել կամ հերքվել գործում առկա պաշտոնական փաստաթղթերով: Հոդվածում տեղ գտած մյուս հայտարարությունները, որոնք նույնպես դիտվել են որպես զրպարտություն դատարանի կողմից՝ համապատասխան ընկերությունների անմիջական պատկանելության կամ մասնակցության մասով, ենթակա են ապացուցման որոշակի փաստաթղթերի հիման վրա: Առանցքային պետք է լիներ նաև բոլոր թվարկված տեղեկությունների ու հայտարարությունների արատավորող բնույթի և աստիճանի

վերաբերյալ իրավական վերլուծությունը: Դատարանը դիտել է բոլոր այդ տեղեկությունները որպես անձի պատվին, արժանապատվությանն ու բարի համբավին էական վնաս պատճառող, արատավորող տեղեկություններ, ինչը հիմնավորվել է Հայցվորի կարգավիճակի հանգամանքով:

## Հայցվորի անձը և կարգավիճակը

Նման եզրահանգման հիմքում դրվել է վնասը կրած սուբյեկտների՝ Հայցվորների կարգավիճակը, որպիսի պայմաններում, ի տարբերություն մյուսների, վերջիններս հանրության մեջ վայելում են ավելի մեծ ուշադրություն ու հարգանք, իսկ փաստացի ու իրականությանը չհամապատասխանող տվյալների հրապարակման, տարածման արդյունքում Հայցվորների բարի համբավին հասցված վնասը վերականգնելը դժվար է: Վճռով շեշտվել է հետևյալը.

«Փաստացի տեղեկություններն իրենց բնույթով հանդիսանում են Հայցվորների արժանիքները՝ պատիվն ու արժանապատվությունը նսեմացնող տվյալներ, քանի որ դրանց միջոցով փոխվում է հասարակության՝ վերջիններիս որպես ՀՀ երկրորդ նախագահի ընտանիքի անդամների նկատմամբ ունեցած կարծիքը՝ բարոյական բացասական ուղղվածությամբ, քանի որ ՀՀ երկրորդ նախագահը, որպես կանոն, հանդիսանալով երկրի ՀՀ նախկին դեկապարը՝ նախագահը, նրա ընտանիքը նոյնպես հետևում է վերջինիս կարգավիճակից բխող հասարակության մեջ ունեցած դերին ու հետինակությանը՝ արտահայտված գործարարության ու ձեռնարկատիրության հետ հարաբերություններում չեղոքություն դրսնորելու վարքագծով ...»:

Դատարանի մեկնաբանությունն ու տրամաբանությունը չի բխում ՄԻԵԴ-ի կողմից սահմանված չափանիշներից: *Lihnskeenau ընդդեմ Ավստրիայի* (Lingens v. Austria, 08/07/1986, դիմում թիվ 9815/82, 42-րդ պարբերություն) գործով սահմանած սկզբունքի համաձայն՝

«քննադատության ընդունելի շրջանակները քաղաքական գործիչների նկատմամբ ... ավելի լայն են, քան մասնավոր անձանց նկատմամբ: Ի տարբերություն վերջիններիս՝ քաղաքական գործիչներն անխուսափելիորեն և գիտակցաբար բաց են իրենց յուրաքանչյուր խոսքի և արարքի մանրակրկիտ քննարկման համար ինչպես լրագրողների, այնպես էլ լայն հանրության կողմից և, հետևաբար, պետք է դրսնորեն հանդուրժողականության առավել բարձր աստիճան:

Հանրային անձանց նկատմամբ քննադատության շրջանակների առնչությամբ ՄԻԵԴ-ը բազմիցս շեշտադրել է, որ երբ մասնավոր անձինք մտնում են հանրային դաշտ, նրանք բաց են դառնում հասարակական քննարկման համար և հետևաբար պետք է դրսնորեն հանդուրժողականության առավել բարձր աստիճան քննադատության նկատմամբ (*Bodrožić ընդդեմ Սերբիայի/Bodrožić v. Serbia*, 23/06/2009, դիմում թիվ 38435/05, 34-րդ պարբերություն): Մինչդեռ, Դատարանը Հայցվորների՝ հանրության մեջ ավելի մեծ ուշադրություն ու հարգանք վայելելու հանգամանքը, ըստ Էության, հակադրել է նրանց նկատմամբ քննադատության շրջանակներին՝ դրան տալով միջազգային չափորոշիչներին հակասող իմաստ: Դատարանի կողմից տար-

թերակում չի կատարվել նաև ՀՀ երկրորդ նախագահի կնոջ, որպես հանրային դաշտում լայնածավալ գործունեություն իրականացնող անձի, և Ս. Քոչարյանի միջև, որը զբաղվում էր գործարարությամբ:

Հանրապետության երկրորդ նախագահի տիկինն ուղղակիորեն հանրային ուշադրության կենտրոնում գտնվող անձ է, որի դիրքն ու կարգավիճակը, արտահայտվելու ազատության իրավական կարգավորումների շրջանակում, ուղղակիորեն պետք է հավասարեցվի քաղաքական գործչի կարգավիճակին՝ դրանից բխող բոլոր հետևանքներով:

Մյուս Հայցվորը, ՀՀ երկրորդ Նախագահի որդին, հոդվածների հրապարակման պահին հայտնի գործարար լինելով, կրկին, հանրային ուշադրության կենտրոնում գտնվող անձ էր, միաժամանակ հանդիսանալով նաև Հանրապետության քարձրագույն պաշտոնատար անձի ընտանիքի անդամ, որի գույքի, ունեցվածքի և գործարար կարգավիճակի վերաբերյալ հանրությունն ուներ տեղեկատվություն ստանալու իրավունք: Հաշվի առնելով նաև այն հանգամանքը, որ Հայցվոր Սեդրակ Քոչարյանի կարգավիճակում նրա՝ ՀՀ երկրորդ Նախագահի որդին լինելու հանգամանքը առավել կարևոր էր, քան նրա՝ գործարար լինելու հանգամանքը հանրային ուշադրության և տեղեկատվական պահանջների առաջադրման տեսանկյունից, ապա սույն գործի շրջանակներում նա նույնպես պետք է դիտվեր քաղաքական գործչին վերապահված դիրքում գտնվող անձ՝ դրանից բխող հետևանքներով:

ՀՀ երկրորդ նախագահի ընտանիքի անդամների կողմից, նույնիսկ պաշտոնավարման պարտից հետո, գործարարության բնագավառում չեղոքության դրսուրման պահանջը և ընկալումը, ըստ էության, հանդիսանում է դատարանի սուբյեկտիվ մոտեցումը և չի բխում որևէ ներպետական կամ միջազգային իրավական ակտի պահանջներից: Ավելին, ՀՀ երկրորդ նախագահի երկու որդիների (այդ թվում՝ Հայցվորի) կողմից տարբեր բնագավառներում ձեռնարկատիրական գործունեության իրականացման վերաբերյալ տվյալները հրապարակվել են հենց Ռ. Քոչարյանի ոչ պաշտոնական կայքում և հետևաբար չեն դիտվել որպես գործարարությամբ չզբաղվելու, չեղոքության պահանջների խախտում: Մեկ այլ սկզբունք, որը նույնպես կարևոր է տվյալ գործի շրջանակներում, այն է, թե որքանով է հրապարակումն ազդել քննադատության թիրախ դարձած անձի մասնագիտական կյանքի վրա (*Գրինբերգն ընդեմ Ռուսաստանի Դաշնության/Grinberg v. Russia*, 21/07/2005, դիմում թիվ 23472/03, 33-րդ պարբերություն):

Վերօգրյալի լույսի ներքո, առաջին ատյանի դատարանի կողմից էական պետք է դառնար արված հայտարարությունների արատավորող բնույթի և աստիճանի վերլուծությունը՝ ՄԻԵԴ-ի նախադեպային իրավունքի լույսի ներքո, առավել ևս փոխհատուցման չափի որոշման պարագայում: Մինչդեռ, Հայցվորների հասարակական դիրքը և հանրային ուշադրությունը Դատարանի կողմից մեկնաբանվել է միջազգային չափորոշիչներին հակասող իմաստով:

## **Պատասխանողի անձը և կարգավիճակը**

Նմանապես, դատարանների կողմից անտեսվել էր նաև **Պատասխանողի կարգավիճակը**. մասնավորապես այն հանգամանքը, որ պատասխանողը լրատվամիջոց էր, որևէ էական գնահատականի չէր արժանացել դատարանների կողմից: Մինչդեռ ՄԻ-ԵԿ-ի 10-րդ հոդվածին վերաբերող իր վաղ շրջանի նախադեպային վճիռներում (տես, մասնավորապես՝ *Սանդի Թայմսն ընդդեմ Մթ-ի/ Sunday Times v. UK*, 26/04/1979, դիմում թիվ 6538/74, 50 (թ) պարբերություն) ՄԻԵԴ-ը նախանշել էր, որ.

«Լրատվամիջոցների դերը պետք է լիներ հանրության համար մշտահսկող լինելը ... նրա առաքելությունն է տարածել տեղեկություններ և գաղափարներ քաղաքական անցուղարձի և կյանքի, ինչպես նաև հանրային շահին առնչվող այլ թեմաների վերաբերյալ: Բացի այն, որ լրատվամիջոցներն ունեն այսպիսի տեղեկությունների և գաղափարների տարածման խնդիր, հանրությունն իր հերթին ունի այդ տեղեկությունները և գաղափարներն ստանալու իրավունք»:

**Պատասխանողի կարգավիճակը հատկապես կարևոր է սույն գործի շրջանակներում նաև ՄԻԵԴ-ի մեկ այլ՝ սույն գործի հանգամանքներին ուղղակիորեն վերաբերելի այն մոտեցման լույսի ներքո, որի համաձայն. «Լրագրողական ազատությունը ենթադրում է նաև որոշակի չափազանցություն և նույնիսկ սադրանքի դիմելու հնարավորություն» (տես օրինակ՝ *Պրագերն և Օբերշլիկն ընդդեմ Ավստրիայի/ Prager and Oberschlick v. Austria*, 26/04/1995, դիմում թիվ 15974/84, 38-րդ պարբերություն):**

Կրկին, ինչպես և *Հայցվորների կարգավիճակի հարցում*, Դատարանը ոչ միայն հաշվի չի առել **Պատասխանողի լրատվամիջոց** լինելու հանգամանքը, այլ այն օգտագործել է հենց պատասխանատվության խստացման իմաստով՝ հղում կատարելով տեղեկատվության տարածման եղանակի՝ տպագիր մամուլով տարածելու վրա: Այսինքն, ինչպես և *Հայցվորների կարգավիճակի դեպքում*, **Պատասխանողի կարգավիճակին առնչվող մոտեցումները Դատարանի կողմից օգտագործվել են ՄԻԵԿ-ի 10-րդ հոդվածի պահանջներին և նպատակներին ուղիղ հակառակ:**

## **Հոդվածի հանրային նշանակությունը**

Դատարանը, վկայակոչելով հանրային հետաքրքրություն ունեցող խնդիրների վերաբերյալ ՄԻԵԴ-ի կողմից մշակված մոտեցումները, հանգել է այն եզրակացության, որ տվյալ դեպքում **Պատասխանողի կողմից հրապարակված վերոհիշյալ հոդվածներում պարունակող զրապատիչ և վիրավորական արտահայտությունները որևէ կերպ լրագրողի կողմից հրապարակված՝ քաղաքական ասպարեզում քննարկվող տեղեկություններ ու գաղափարներ չեն, բացի այդ, դրանք հանրային հետաքրքրություն ներկայացնող այլ ոլորտների գաղափարներ չեն: ... Ավելին՝ լրատվական միջոցը տվյալ տեղեկատվությունների տարածմամբ դրանց միջոցով հասարակությանը քաղաքական որևէ քննարկման մասնակից դարձնելու նպատակ չի հետապնդել, և հրապարակված տեղեկատվությունը հասարակությանը մտահոգ հարցի քննարկման արդյունք չի հանդիսացել:**

ՄԻԵԿ-ի 10-րդ հոդվածի վերաբերյալ ՄԻԵԴ-ի նախադեպային իրավունքի ուսումնասիրությունը վկայում է այն մասին, որ Դատարանը հանրային նշանակության հարցերի վերաբերյալ իր կողմից սահմանված սկզբունքը կիրառել է բավական ազատորեն, պարզեցված ձևով հաստատելով հանրային շահի առկայությունը՝ նույնիսկ որոշ դեպքերում պաշտպանելով հասարակության տեղեկացված լինելու իրավունքը հանրային նշանակության խնդրի բացակայության պարագայում (Կարհուվարան ընդեմ Ֆինլանդիայի/Karhuvaara v. Finland, 16/11/2004, դիմում թիվ 53678/00, 45-րդ պարբերություն, Թոնսբերգ Բլադ ԱՍ-ն ընդեմ Նորվեգիայի/ T onsbergs Blad AS v. Norway, 01/03/2007, դիմում թիվ 510/04, 87-րդ պարբերություն): Դատարանը որոշ դեպքերում պայմանավորել է ամուսնու հնարավոր քրեական դատապարտման հարցը քաղաքացիների՝ ընտրելու մտադրությունների հետ և հաստատել է հանրային շահի որոշակի աստիճանի առկայությունը (Կարհուվարան ընդեմ Ֆինլանդիայի/Karhuvaara v. Finland, 16/11/2004, դիմում թիվ 53678/00, 45-րդ պարբերություն): Եվրոպական դատարանը նշել է նաև քաղաքական քննարկման և հանրային մտահոգության այլ խնդիրների միջև տարբերակման անհրաժեշտության բացակայությունը (Թորգեյր Թորգեյրսոն ընդեմ Իսլանդիայի/ Thorgeir Thorgeirson v. Iceland, 25/06/1992, դիմում թիվ 13778/88, 64-րդ պարբերություն):

Համաձայն թե միջազգային իրավունքի նորմերի (ՄԻԵԿ-ի 10-րդ հոդված), թե ներպետական իրավունքի նորմերի (ՀՀ քաղաքացիական օրենսգիրք, 1087.1-րդ հոդվածի 5-րդ մաս) արատավորող տեղեկությունների հրապարակման համար պատասխանատվությունը կարող էր սահմանափակվել նաև այն դեպքերում, եթե նման տեղեկությունների հրապարակումը տվյալ իրավիճակում և իր բովանդակությամբ պայմանավորված է եղել հանրային գերակա շահով, և դրանք հրապարակայնորեն ներկայացրած անձն ապացուցում է, որ ողջամտության սահմաններում ձեռնարկել է համապատասխան միջոցներ՝ պարզելու դրանց ձշմարտությունը և հիմնավորվածությունը: Այն պայմաններում, եթե Հայաստանում բարձրաստիճան պետական պաշտոնատար անձնաց գույքային դրության վերաբերյալ տեղեկությունների հրապարակումն ընդհանրապես չի համապատասխանում թափանցիկության և հաշվետվողականության հանրաճանաչ պահանջներին, նման կառուցակարգի առաջադրումը Պատասխանողի կողմից, անտեսելով դատարանների նկատմամբ հանրության անվտահության հանգամանքը և դրանով պայմանավորված և սույն գործով կայացվելիք ակտի կանխորոշվածությունը հիմնավոր պաշտպանություն կարող էր դիտվել: Ինչպես կարող էր լրագրողը տեղեկատվության բացակայության պայմաններում իրականացնել հանրության համար կարևոր նշանակություն ունեցող տեղեկությունների ձգրտման գործունեություն, եթե պետությունն ինքը չի օժանդակում և միջավայր ստեղծում այդ գործառույթի հրականացման համար:

### **Միջամտության համաշափությունը.**

Դատարանը սահմանել է փոխհատուցման առավելագույն չափ վիրավորանքի և զրպարտության համար՝ 3.000.000 ՀՀ դրամի չափով:

## **Փոխհատուցման այս չափը պատճառաբանվել է հետևյալով.**

«Ենելով վերը նշված հոդվածով գրադարանության և վիրավորանքի համար սահմանված՝ փոխհատուցման գումարի չափերից՝ հաշվի առնելով օրենսդրի կողմից սահմանված առավելագույն փոխհատուցման չափը՝ դատարանն արձանագրում է, փոխհատուցման պահանջը բավարարելիս անհրաժեշտ է հաշվի առնել նաև գործի առանձնահատկությունները՝ կապված վնասը կրած սուբյեկտների՝ **Հայցվորների կարգավիճակի հետ**, որպիսի պայմաններում, ի տարբերություն մյուսների, վերջիններս հանրության մեջ վայելում են ավելի մեծ ուշադրություն ու հարգանք, իսկ փաստացի ու իրականությանը չհամապատասխանող տվյալների հրապարակման, տարածման արդյունքում **Հայցվորների** բարի համբավին հասցված վնասը վերականգնելը դժվար է, ուստի անհրաժեշտ է, որպեսզի սահմանված փոխհատուցման գումարը լինի **Վնասի ծանրության հետ համահունչ**:

Բացի այդ, փոխհատուցման չափի որոշման հարցում դատարանը, ելնելով գործի առանձնահատկությունից, հատուկ կարևորում է այն հանգամանքը, որ իրավախախտ անձը՝ **Պատասխանողը**, մինչ դատական կարգով վեճի քննությունը որևէ միջոցներ չի ձեռնարկել հարցին՝ արտադատական կարգով լուծում տալու ուղղությամբ՝ պայմանավորված օրենքի պահանջներով, ավելին՝ «Քոչարյանի սիրտը հերքում է ուզում» խորագորվ հոդվածով ավելի է խորացրել տարածված նյութի վերաբերյալ հանրության հետաքրքրությունը...»:

Վերոգրյալից ակնհայտ է, որ **Հայցվորների կարգավիճակը**, նրանց կողմից հանրային ուշադրություն վայելելու հանգամանքները դրվել են փոխհատուցման առավելագույն չափի սահմանման հիմքում, ինչն ուղղակիորեն հակասում է **ՄԻԵԴ-ի** կողմից հաստատված չափանիշներին:

Միջամտության համաչափության չափանիշի բավարարման նպատակով **Դատարանի** կողմից հաշվի չի առնվել, մի կողմից դատավարության կողմերի կարգավիճակները, մյուս կողմից նշանակված փոխհատուցման և **Պատասխանողի** եկամուտների հարաբերակցության հանգամանքները: Ըստ Էռլիյան, այս հանգամանքները չեն էլ առաջադրվել լուծման Դատարանին, իսկ Դատարանն, իր հերթին, ոչ նախնական դատական նիստի և ոչ էլ դատաքննության ընթացքում որևէ անդրադարձ չի կատարել դրանց: Ավելին, փորձելով հիմնավորել հայցադիմումն օրենքով նախատեսված փոխհատուցման առավելագույն չափով բավարարելու վերաբերյալ իր եզրահանգումը, **Դատարանը** հղում է կատարել **ՄԻԵԴ-ի** մի վճռի (*Պետրինան ընդդեմ Ռումինիայի/Petrina v. Romania, 14/10/2008, դիմում թիվ 78060/01*), որի ոչ փաստական հանգամանքները, ոչ էլ՝ դրանով արձանագրված իրավական դիրքորոշումները կիրառելի չեն սույն գործի նկատմամբ: Սույն գործի հանգամանքների այդ նմանությունն ընդամենը մաթեմատիկական մոտավորությամբ նշված գումարների մոտավոր նմանության մեջ էր:

ՄԻԵԴ-ի կողմից բազմիցս նշվել է, որ թեև որոշված փոխհատուցման չափը հարաբերականորեն չափավոր է եղել ժամանակակից չափանիշների լույսի ներքո, այն էական էր դիմումատունների սահմանափակ եկամուտների և առյուղների համեմատ (*Տոլստոյ Միլոսլավսկին ընդդեմ Մթ/Толстой Miloslavsky v. the United Kingdom,*

13/07/1995, դիմում թիվ 18139/91, 39-րդ պարբերություն, *Ռուսանենկոն և այլոք ընդդեմ Ռուսաստանի Դաշնության/Romanenko and others v. Russia*, 08/10/2009, դիմում թիվ 11751/03, 48-րդ պարբերություն): Հետևաբար, փոխհատուցման չափը որոշելիս պետք է հաշվի առնվեին ոչ թե այլ գործերով այլ երկրների համար սահմանված փոխհատուցման չափերը, այլ Հայցվորին նման իրապարակմամբ պատճառված վնասը, Պատասխանողի եկամուտները և փոխհատուցման ազդեցությունը վերջինիս գործունեության վրա:

Առաջին ատյանի դատարանի վճիռը վերահաստատվել է Վերաքննիչ դատարանի կողմից, իսկ ներկայացված վճռաբեկ բողոքը վերադարձվել է:

Որպես ամփոփում, ներպետական դատարանների կողմից Պատասխանող լրատվամիջոցի արտահայտվելու ազատության սահմանափակումը չէր կարող որևէ կերպ դիտվել «անհրաժեշտ ժողովրդավարական հասարակությունում» և հանգեցրել է Սահմանադրության 27-րդ և ՄԻԵԿ-ի 10-րդ հոդվածների խախտումների:

## **ՏԻԳՐԱՆ ԱՐԶԱՔԱՆՑՅԱՆ ԸՆԴՀԵՄ «ԵՐԿԻՐ ԽՄԲԱԳՐՈՒԹՅՈՒՆ» ՍՊԸ-Ի**

2011թ. հունվարի 13-ին «Երկիր» օրաթերթի 3/2326 համարում տպագրվել է հոդված Տիգրան Արզաքանցյանի (այսուհետ՝ Հայցվոր) վերաբերյալ «131 դեմք ու դիմակ» խորագիրը կրող հոդվածաշարի շրջանակներում: Տիգրան Արզաքանցյանը «Երկիր խմբագրություն» ՍՊԸ-ին (այսուհետ՝ Պատասխանող) ուղարկել է տեսքու և պահանջել, որպեսզի այն, որպես վերոգրյալ հոդվածին՝ իր կողմից տրված պատասխան, հրապարակվի «Երկիր» օրաթերթում: Այդ տեքստու օրաթերթը չի հրապարակել՝ դրա փոխարեն հրապարակելով մեկնաբանություն ստացված տեքստի վերաբերյալ: 2011թ. փետրվարի 11-ին Տիգրանը Արզաքանցյանը դիմել է դատարան ընդդեմ ընկերության՝ իր պատիվը և արժանապատվությունն արատավորող տեղեկությունները պատասխանողին հերքել պարտավորեցնելու, վիրավորանքի և զրպարտության միջոցով հասցված վնասի՝ 3.000.000 ՀՀ դրամ գումարի, ինչպես նաև դատական ծախսերի՝ 568.000 ՀՀ դրամ գումարի բռնագանձման պահանջներով: Հայցվորը, մասնավորապես, վիրավորանք է համարել հոդվածում իբրև թե Հրանտ Բագրատյանի կողմից իր վերաբերյալ արված «Էղ լակոտը...» արտահայտությունը, ինչպես նաև «ատիլյագ» և «...առավել հասկանալի խոսում է հայրենի քյավառա բարբառով» արտահայտությունները: Ի լրումն սրանց՝ «... ինքնաթիռով գեղեցկուիիներ քերում ու տանում...», «հայտնի է որպես կազինոների մշտական հաճախորդ», «շարունակ ծեծ ուտելու սովորություն ունի», «ծեծ է կերել», «ամեն անգամ ծեծվելուց հետո...», «անցնող նստաշրջանում միայն մեկ անգամ է երևացել Ազգային ժողովի միջանցքներում» արտահայտությունները Հայցվորը որակել է զրպարտություն՝ պնդելով, որ:

«նման բառերը, արտահայտությունները և նախադասությունները՝ արտահայտված թեկուզն ցանկացած անձի, առավել ևս ժողովրդի կողմից ընտրված ՀՀ Ազգային ժողովի պատգամավորի հանդեպ, վիրավորական, դատապարտելի, պարսավելի և արատավորող են»:

Ինչ վերաբերում է ոչ նյութական վնասի փոխհատուցման չափին, Հայցվորը նշել է, որ.

«... այդ չափն օբյեկտիվ է գնահատել հաշվի առնելով հասարակական կյանքում հայցվորի, որպես օրենսդիր իշխանության ներկայացուցչի, գրադեցրած դիրքը, և նկատի ունենա-

լով այն հանգամանքը, որ վիրավորող և զրաբարտող տեղեկությունները տարածվել են 2000 տպաքանակով հրատարակվող օրաթերում՝ հասու դառնալով հասարակության լայն զանգվածներին (ինչպես թղթային տարրերակով, այնպես էլ ինտերնետային):

Դատարանը, ուսումնասիրելով գործի հանգամանքները և հետազոտելով ներկայացված ապացույցները, գտել է, որ Տիգրան Արզաքանցյանի հայցն ընդդեմ «Երկիր խմբագրություն» ՍՊԸ-ի ենթակա է մասնակի բավարարման: Ըստ այդմ, Դատարանը որոշել է, որ իբրև թե Հրանտ Բագրատյանի կողմից արված «...էդ լակոտը» արտահայտության մեջ «լակոտ» բառն ինքնին անձի արժանապատվությունը արատավորելու նպատակով կատարված արտահայտություն է և հանրության կողմից ընկալվում է որպես վիրավորական արտահայտություն: Այդ պատճառով 08.06.2011թ. Դատարանը որոշել է Հայցվորի պահանջը բավարարել մասնակի և Պատասխանողից հօգուտ Հայցվորի բռնագանձել 288.000 ՀՀ դրամ, որից 200.000 ՀՀ դրամը՝ որպես նրա կրած ոչ նյութական վնասի փոխհատուցում, 80.000 ՀՀ դրամը՝ որպես փաստաբանի խելամիտ վարձատրություն և 8000 ՀՀ դրամը՝ որպես նախապես վճարված պետտուրքի գումարի մասնակի փոխհատուցում:

**Դատական ակտի իրավական վերլուծությունը՝ Մարդու իրավունքների եվրոպական կոնվենցիայի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Դատարանի վճիռը, բացառությամբ երկու կետի, բավական հիմնավոր և ձիշտ վերլուծված դատական ակտ է, որտեղ հաշվի են առնվել ՄԻԵԴ-ի նախադեպային իրավունքով սահմանված՝ սույն գործին վերաբերելի գրեթե բոլոր կարևորագույն սկզբունքները: Դրանք, մասնավորապես, վերաբերել են խոսքի ազատության կարևորությանը, թեմայի առնչությանը հանրային շահին, Հայցվորի անձին և կարգավիճակին, Պատասխանողի կարգավիճակին և դերին ժողովրդավարական հասարակությունում, պատասխանատու լրագրության չափորոշիչներին և փաստերի և գնահատողական դատողությունների միջև ձիշտ տարրերակում կատարելու անհրաժեշտությանը:

### **Խոսքի ազատության կարևորությունը**

Դատարանն իրավացիորեն ընդգծել է խոսքի ազատության կարևորությունը ժողովրդավարական հասարակությունում՝ վկայակոչելով ՄԻԵԴ-ի Հենդիսային ընդդեմ Միացյալ Թագավորության (*Handyside v. UK*, 07/12/1976, դիմում թիվ 5493/72, 49-րդ պարբերություն), որտեղ առաջին անգամ ամրագրվել է այն կարևորագույն սկզբունքը՝ համաձայն որի.

«...արտահայտվելու ազատությունը ..., ինչպես այն երաշխավորված է ՄԻԵԿ-ի 10-րդ հոդվածի 1-ին կետի պահանջների պահպանման պարագայում ... ընդգրկում է ոչ միայն «տեղեկատվությունը» կամ «գաղափարները», որոնք լինում են նպաստավոր կամ դիտվում են անվնաս, կամ էլ՝ չեզոք, այլ նաև այնպիսիք, որոնք վիրավորում են (պետք է կարդալ՝ վրդ-

վեցնում են), ցնցում կամ անհանգստություն պատճառում պետությանը կամ բնակչության մի մասին: Այդպիսիք են բազմակարծության, հանդուժողականության և ազատականության պահանջները, առանց որոնց գոյություն չունի ժողովրդավարական հասարակություն»:

## Հայցվորի անձը և կարգավիճակը

Դատարանը ձիշտ է կիրառել ՄԻԵԴ-ի *Lինգենս լնդեմ Ալստրիայի/Lingens v. Austria*, 08/07/1986, դիմում թիվ 9815/82, 41–42–րդ պարբերություն) գործով շրջադարձին վճռով սահմանված այն սկզբունքը՝ համաձայն որի.

«...ինչ վերաբերում է քննադատության շրջանակներին, ապա քաղաքական գործիչների առնչությամբ, որպես այդպիսին, թույլատրելի քննադատության շրջանակներն ավելի լայն են, քան մասնավոր անձանց առնչությամբ: Ի տարբերություն մասնավոր անձանց, քաղաքական գործիչները գիտակցաբար և անխոսափելիորեն իրենց յուրաքանչյուր խոսքը և արարքը թողնում են բաց լրագրողների և հանրության վերլուծության համար և, հետևաբար, քաղաքական գործիչները պետք է ցուցաբերեն ավելի մեծ հանդուժողականություն: Անկանակած է, որ Կոնվենցիայի 10–րդ հոդվածը հնարավորություն է տալիս պաշտպանել այլ այսինքն բոլոր անձանց հեղինակությունը և, հետևաբար, այդ պաշտպանությունը տարածվում է նաև քաղաքական գործիչների վրա նույնիսկ եթե նրանք չեն գործում իրենց պաշտոնական լիազորությունների շրջանաներում, սակայն նման դեպքերում նշված պաշտպանություն տրամադրելու պահանջը պետք է հավասարակշռվի քաղաքական հարցերի շուրջ բաց բանավեճի հանրային շահի հետ»:

## Դատասխանողի կարգավիճակը և մամուլի դերը ժողովրդավարական հասարակությունում

Դատարանը միանգամայն ձիշտ է կիրառել ՄԻԵԴ-ի՝ մամուլի դերին, գործառույթներին, իրավունքներին և պարտականություններին վերաբերող նախադեպերը, մասնավորապես՝ լնդգծելով, որ.

«Մամուլը կատարում է էական գործառույթներ ժողովրդավարական հասարակությունում: Թեև այն չպետք է անցնի որոշակի շրջանակներից հատկապես այլ անձանց հեղինակության և իրավունքների առնչությամբ, այդուհանդերձ, մամուլը կրում է հանրային հետաքրքրություն ներկայացնող բոլոր հարցերի վերաբերյալ տեղեկություններ և գաղափարներ՝ իր պարտականությունների և պատասխանատվությունների պահպանմամբ տարածելու պարտավորություն: Ոչ միայն մամուլը կրում է նման տեղեկություններ և գաղափարներ տարածելու պարտավորություն, այլ հանրությունը նույնպես ունի նման (տեղեկություններ և գաղափարներ) ստանալու իրավունք» (*Lինգենս լնդեմ Ալստրիայի/Lingens v. Austria*, 08/07/1986, դիմում թիվ 9815/82, 41–42–րդ պարբերություն):

Միանգամայն տեղին վկայակոչելով մի քանի այլ նախադեպային վճիռներ, այդ թվում՝ *Պրագերը և Օբերշլիկն լնդեմ Ալստրիայի/Prager and Oberschlick v. Austria*, 26/04/1995, դիմում թիվ 15974/84, 38–րդ պարբերություն), Դե Հայսն ու Գիյսելսն լնդեմ Բելգիայի (De Haes and Gijssels v. Belgium, 24/02/1997, դիմում թիվ

19983/92, 46-րդ պարբերություն)՝ Դատարանը ձիշտ է կիրառել ՄԻԵԴ-ի այն սկզբունքը՝ համաձայն որի:

«Ինչ վերաբերում է լրագրողական ազատությանը, ապա այն ներառում է որոշակի աստիճանի չափազանցության և նոյնիսկ սադրանքի դիմելու հնարավորություն և այդ իմաստով Կոնվենցիայի 10-րդ հոդվածը պաշտպանում է ոչ միայն տեղեկությունների և գաղափարների բովանդակային մասը, այլ նաև դրանց մատուցման եղանակը»:

Դատարանը միանգամայն տեղին է կիրառել նաև պատասխանատու լրագրությանը վերաբերող՝ ՄԻԵԴ-ի *Շաբանովին ու Տրենին ընդդեմ Ռուսաստանի* (*Shabanov and Tren v. Russia*, 14/12/2006, դիմում թիվ 5433/02, 40-րդ պարբերություն) նախադեպը՝ ընդգծելով, որ.

«Տեղեկություն տարածելու լրագրողի ազատության առնչությամբ եվրոպական դատարանը նշում է, որ Կոնվենցիայի 10-րդ հոդվածը պաշտպանում է համընդհանուր հետաքրքրություն ներկայացնող դեպքերի վերաբերյալ տեղեկություն տարածելու լրագրողի իրավունքը, եթե լրագրողը գործում է բարեխղձորեն և ձգրիտ փաստացի հիմքերի վրա ու տրամադրում է «վստահելի ու ձգրիտ» տեղեկություն լրագրողական վարքագծի նորմերի հիման վրա»:

## **Փաստական տվյալներն ընդդեմ գնահատողական դատողությունների**

Դատարանը ձիշտ է կիրառել նաև ՄԻԵԴ-ի նախադեպերով բազմիցս սահմանված՝ փաստական տվյալները գնահատողական դատողություններից տարանջատելու պահանջը՝ մասնավորապես նշելով, որ.

«Մարդու իրավունքների եվրոպական դատարանը մատնացույց է արել փաստերի և գնահատիչ դատողությունների միջև ձշտակատար տարբերություն դնելու անհրաժեշտությունը, քանզի փաստերի գոյությունը կարող է ապացուցվել, այն դեպքում, եթե գնահատիչ դատողությունների ձշմարտացիությունը ոչ միշտ է ապացուցման ենթարկվում։ Այդ կապակցությամբ, այդպիսի դատողությունների առնչությամբ անհնարին է կատարել սեփական պնդումների ձշմարտացիության ապացուցման վերաբերյալ պահանջները, և այն խախտում է հենց կարծիքի արտահայտման ազատությունը, ինչը հանդիսանում է Կոնվենցիայի 10-րդ հոդվածով երաշխավորված իրավունքի հիմնական մասը։ Այդուհանդերձ, գնահատող դատողությունը, որի հիմքում բացակայում են ինչ-ինչ փաստացի հիմքեր, կարող է լինել չափազանցված։ Հետևաբար, խնդիրը կայանում է նրանում, թե արդյոք տվյալ գնահատող դատողության համար առկա են եղել բավարար փաստացի հիմքեր»։

Իր վերլուծության արդյունքում Դատարանը գտել է, որ հոդվածում տեղ գտած «ավելի հասկանալի խոսում է հայրենի քյավառա բարբառով» արտահայտությունն իր բնույթով գնահատող դատողություն է և, որպես այդպիսին, ապացուցման ենթակա չէ։ Բացի այդ, ըստ Դատարանի՝ այն զուրկ չէ նաև որոշակի փաստական հիմքից, այն է՝ Հայվորի կողմից մի շարք լրատվամիջոցների հետ ընդգծված կերպով Գավառի բարբառով հաղորդակցվելու հանգամանքը։ Դատարանը գնահատողական դատո-

դուրյուն է գնահատել նաև «ստիլյագ» արտահայտությունը՝ համարելով, որ դրանով լրատվամիջոցն իր տեսակետն է հայտնել Հայցվորի հազնվելու ոձի մասին: Ավելին՝ Դատարանն ընդգծել է, որ ժողովրդի ընտրյալների կենսաձևը հանդիսանում է հանրային հետաքրքրություն ներկայացնող նյութ և այդ առումով տեսակետ հայտնելիս թույլատրվում է օգտագործել չափազանցված լեզվառձ:

Դատարանը, սակայն, վիրավորանք է գնահատել Հայցվորի հասցեին օգտագործված «լակոտ» բառը՝ պատճառաբանելով, որ այն ինքնին անձի արժանապատվությունն արատավորելու նպատակով կատարված արտահայտություն է և իր սովորական, առօրյա գործածության իմաստով հանրության կողմից ընկալվում է որպես վիրավորական արտահայտություն: Դատարանը նաև հղում է կատարել Եղ. Աղայանի «Արդի հայերենի բացատրական բառարանին», որի համաձայն՝ «լակոտ» բառն ունի հայերական իմաստ և նշանակում է «ստահակ, գյաղա, ինչպես նաև տիաս և երեխա»: Դատարանն իրավացիորեն գտել է, որ.

«Լրատվամիջոցը պատասխանատվություն չեր կրի նման արտահայտության համար այն դեպքում, եթե հիմնավորեր, որ նշված արտահայտությունը կատարվել էր այլ անձի կողմից և որ լրագրողը գուտ վկայակոշել է այդ արտահայտությունը իրեն բավարար կերպով հեռու պահելով որպես այդ արարտահայտությունն իր սեփականը լինելուց»:

Դատարանը միաժամանակ հաշվի է առել այն հանգամանքը, որ Հայցվորը ներկայացրել է Հրանտ Բագրատյանի ստորագրությամբ գրավոր հայտարարություն, որտեղ վերջինս հերքել է նման հայտարարություն կատարած լինելու փաստը: Ըստ այդմ՝ հայտարարելով, որ առաջնորդվում է համաշափության սկզբունքով և հաշվի է առնում Պատասխանողի գույքային դրությունը՝ Դատարանը գտել է, որ այդ մասով որպես Հայցվորին հասցված վիրավորանք Պատասխանողը պետք է վճարի փոխհատուցում՝ 200.000 << դրամ գումարի չափով, որով և կվերականգնվի պատասխանողի խախտված իրավունքը: Այդուհանդերձ, գտնում ենք, որ 200.000 << դրամ փոխհատուցումը չի բավարարում համաշափության սկզբունքին և համարժեք չէ արված արտահայտության միջոցով Հայցվորին պատճառված վնասի չափին: Իրականում այն կարող է «սառեցնող ազրեցություն» ունենալ ազատ մամուլի վրա (*Ուայն ընդդեմ Լիխտենշտեյնի/Wille v. Liechtenstein*, 28/10/1999, դիմում թիվ 28396/95, 50-րդ պարբերություն):

Ինչ վերաբերում է Հայցվորի կողմից զրպարտություն դիտարկած արտահայտություններին, ապա Դատարանը, քննության առնելով դրանք ՄԻԵԴ-ի նախադեպերի վերոգրյալ կարևոր սկզբունքների, այդ թվում՝ քաղաքական գործիչների կողմից հանդուժողականության առավել բարձր աստիճան դրսևորելու պահանջի լույսի ներքո, գտել է, որ հայցն այդ մասով ենթակա է մերժման: Այդուհանդերձ, գտնում ենք, որ Դատարանը սխալ է գնահատել այն հանգամանքը, թե արդյոք վերոգրյալ արտահայտություններից մասնավորապես՝ «ինքնաթիռով գեղեցկուիիներ է բերում-տանում», «հայտնի է որպես կազինոների մշտական հաճախորդ», «ծեծ է կերել և ամեն անգամ ծեծ ուտելուց հետո ամիսներով բուժվում է և չի հաճախում Ազգային ժողովի

նիստերին», և «անցնող նստաշրջանում միայն մեկ անգամ է երևացել Ազգային ժողովի միջանցքներում» արտահայտություններն իրենց բնույթով արատավորող են, թե ոչ: Դատարանը գտել է, որ դրանք արատավորող չեն՝ պատճառաբանելով, որ.

«անկախ դրանց՝ իրականությանը համապատասխանելու փաստից, իրենց բնույթով զույգարտություն չեն հանդիսանում, քանի որ չեն ներառում զրաբարտություն համարվելու համար էական նշանակություն ունեցող վերջինս տարրը (էական փաստը), մասնավորապես՝ դրանք չեն արատավորում հայցվորի ոչ պատիվը, ոչ արժանապատվությունը և ոչ էլ գործար համբավը»:

Գտնում ենք, որ խնդրո առարկա արտահայտություններն իրականում արատավորող են, քանի որ ազգընտիր պատգամավորի կողմից ինքնաթիռներով գեղեցկուիհներ տանել–քերելու, կազինոների մշտական հաձախորդ լինելու և ծեծ ուտելու սովորություն ունենալու երևույթները չեն կարող դատապարտելի չլինել հասարակության յուրաքանչյուր ողջամիտ անդամի կողմից: Այդուհանդերձ, դրանք չի կարելի զրաբարտություն դիտարկել ոչ թե այն պատճառով, որ դրանք արատավորող չեն, այլ այն, որ դրանց վերաբերյալ Պատասխանող կողմը ներկայացրել էր մի շարք հրապարակումներ մամուլով, մինչդեռ Հայցվոր կողմը երբեմ դրանք հերքելու պահանջ չէր ներկայացրել հիշյալ լրատվամիջոցներին և նույնիսկ փորձ չէր արել այդ փաստերը հերքելու դատավարության ընթացքում, ինչը իր վճռում բավական տեղին նկատել էր Դատարանը՝ նշելով, որ.

«... վերոհիշյալ տեղեկատվական աղբյուրների կողմից համապատասխան հոդվածներով տեղեկատվության տարածումը նույնպես կրել է հրապարակային բնույթ, մինչդեռ հայցվորը տվյալ լրատվական միջոցների կողմից հրապարակված տեղեկությունների վերաբերյալ որևէ առարկություն նախկինում չի ներկայացրել, իսկ դատաքննության ընթացքում պատասխանողի կողմից ներկայացված փաստերին նույնպես չառարկելու պարագայում կարելի է փաստել, որ տարածված արտահայտությունները՝ փաստացի տեղեկությունները, ըստ էության համապատասխանում են իրականությանը, որպիսի պարագայում զրաբարտության մասին խոսք լինել չի կարող»:

Հարկ է ավելացնել նաև, որ թե Հայցվորը և թե Պատասխանողը վերաքննիչ բողոքներ են ներկայացրել առաջին ատյանի դատարանի վճռի դեմ, որոնք վերաքննիչ դատարանը չի բավարարել: ՎՃռաբեկ դատարանն իր հերթին վերադարձրել է կողմերի վճռաբեկ բողոքները:

## **ԹԱԹՈՒԼ ՄԱՆԱՍԵՐՅԱՆ ԸՆԴԻԵՄ «ԺԱՄԱՆԱԿ» ՕՐԱԹԵՐԹԻ** (հրատարակիչ՝ «Սկիզբ Մեղիա Կենտրոն» ՍՊԸ)

### **Գործի հանգամանքները**

20.09.2011թ. Երևան քաղաքի Կենտրոն և Նորք-Մարաշ վարչական շրջանների լոնդիանուր իրավասության դատարանը (այսուհետ՝ Դատարան), քննելով քաղաքացիական գործն ըստ հայցի Թաթուլ Մանասերյանի (այսուհետ՝ Հայցվոր) լոնդիամ «Սկիզբ Մեղիա Կենտրոն» ՍՊԸ-ի (այսուհետ՝ Պատասխանող)՝ զրպարտությունը հերքելու և փոխհատուցում վճարելու պահանջների մասին վճուց Թ. Մանասերյանի հայցը բավարարել մասնակի, պարտավորեցնել «Սկիզբ Մեղիա Կենտրոն» ՍՊԸ-ին հերքել «Ժամանակ» օրաթերթի «Քրգործ՝ ԱԺ նախագահի խորհրդականի դեմ» խորագրով հոդվածում Հայցվորի պատիվն ու արժանապատվությունն արատավորող տեղեկատվությունը, հօգուտ Թ. Մանասերյանի բռնագանձել 510.000 ՀՀ դրամ, որից 300.000 ՀՀ դրամը՝ որպես փոխհատուցման գումար, 200.000 ՀՀ դրամը՝ որպես փաստաբանի վարձատրություն, 10.000 ՀՀ դրամը՝ որպես նախապես վճարված պետական տուրքի գումար: Հայցը մնացած մասով մերժվել է:

### **Վիճարկվող իրապարակումները**

«Ժամանակ» օրաթերթում հրապարակվել է տեղեկատվություն, որը վերնագրված է «Քրգործ՝ ԱԺ նախագահի խորհրդականի դեմ»: Հոդվածում տեղ են գտել հետևյալ ձևակերպումները. «Մեր տեղեկություններով՝ ՀՀ ԱԺ նախագահ Հ. Աբրահամյանի խորհրդական Թաթուլ Մանասերյանի դեմ քրգործ է հարուցվել, և այն գտնվում է ոստիկանության Կենտրոնի քննչական բաժնում՝ հատուկ կարևորագույն քննիչներից մեկի վարույթում: Նրան կասկածում են վաշխառությամբ զբաղվելու մեջ: Մեկ այլ քրգործի շրջանակներում որպես վկա հրավիրված անձանցից մեկը միամիտ բերանից թոցրել է, որ Թաթուլ Մանասերյանն իրեն տոկոսով փող է տվել: Ասում են՝ այդպես էլ ծնվել է քրգործը»:

«Ժամանակ» օրաթերթի մեկ այլ համարում հրապարակվել է տեղեկատվություն, որը վերնագրված է «Դրն Մանասերյան, \$ 40.000 տոկոսով չեք տվե՞ն»: Հոդվածում տեղ են գտել հետևյալ տեղեկությունները.

««Ժամանակ»–ում նախօրեին հրապարակված լուրից («Քրգործ՝ Աժ նախազահի խորհրդականի դեմ») անհանգստացած և զայրացած՝ երեկ խմբագրություն էր զանգահարել Աժ նախազահ Հովհիկ Աբրահամյանի խորհրդական Թաթով Մանասերյանը և պահանջում էր, որ հերքենք և ներդողայուն խնդրենք ոչ ճիշտ տեղեկատվության համար: Որպես հիմնավորում՝ նշում էր, որ ինքն անձամբ հետաքրքրվել է ոստիկանության Կենտրոնի քննչական բաժնի աետ Մաթևոսյանից, թե կա՞ իր դեմ վաշխառության փաստով հարուցված քրգործ, թե ոչ, Մաթևոսյանն էլ բացասական պատասխան էր տվել: Մանասերյանն ասաց, որ ոստիկանությունն էլ է հերքել և մեզ ևս առաջարկեց անձամբ զանգել այդ պաշտոնյային և համոզվել: Բայց մենք զանգահարեցինք ոստիկանության լրատվական ծառայություն, որտեղ այնքան է տեղյակ չին և առաջարկեցին՝ հաջորդ օրը զանգահարել մինչև քննիչներից պարզեն: Պարոն Մանասերյանին խնդրեցինք, ամեն դեպքում՝ հերքման տեքստ ուղարկել, սակայն նա ասաց, որ դա կանի, եթե մեզնից տեղեկանա, թե ինչ են պատասխանել ոստիկանությունից: Նաև հերքեց, որ ինքը նախօրեին ցուցունք է տվել: Այնուհանդերձ, մեր աղբյուրները պնդում են, որ կա վաշխառության փաստով հարուցված գործ, որով որպես մեղադրյալ անցնում է այլ անձ, ում Թաթով Մանասերյանը տվել է 40.000 դրամ՝ 12% տոկոսադրույթով: Նախաքննությունը դեռ շարունակվում է: Այլ մանրամասներ առայժմ չենք հրապարակում և այսօր անպայման կզանգահարենք ոստիկանություն:»: 20.10.2010 թվականին Թաթով Մանասերյանը հերքման պահանջ է ներկայացրել «Ժամանակ» օրաթերթը հրատարակող ընկերությանը: Հերքման պահանջը բավարարելու վերաբերյալ գործում ապացույցներ չկան: Ընկերության միջնորդության և 09.06.2011 թվականի դատական նիստի արձանագրության համաձայն՝ Ընկերությունն Անտոն Առակերպյան վկայակոչել է որպես բացահայտման ենթակա աղյուր»:

Դատարանը, հաշվի առնելով ապացուցման պարտականությունը՝ Պատասխանողի կողմից չկատարելու հանգամանքը և Երևան քաղաքի քննչական վարչության Կենտրոնականի քննչականի բաժնի պետի գրությունն այն մասին, որ Թաթով Մանասերյանի կողմից հանցանք կատարելու վերաբերյալ Կենտրոնականի քննչական բաժնում նյութեր չեն նախապատրաստված և քրեական գործ չի հարուցվել, հաստատված է համարել «Քրգործ՝ Աժ նախազահի խորհրդականի դեմ» վերտառությամբ հոդվածում Պատասխանողի տարածած տեղեկությունների մտացածին լինելու և իրականությանը չհամապատասխանելու փաստը: Ենելով վերոգրյալից՝ առաջին ատյանի Դատարանը հիմնավոր է համարել Հայցվորի հերքման պահանջը:

Դատարանը վկայակոչել է խոսքի ազատությանն առնչվող՝ ՄԻԵԴ-ի մի շարք նախադեպեր: Մասնավորապես, վկայակոչվել են *Պեդերսեն և Բաադսգարդն ընդդեմ Դանիայի* (Pedersen and Baadsgaard v Denmark, 17/12/2004, դիմում թիվ 49017/99), *Լինգենսն ընդդեմ Ավստրիայի*, *Բլադետ Թրոնսոն ընդդեմ Նորվեգիայի* (Bladet Tromsø and Stensaas v. Norway, 20/05/1999, դիմում թիվ 21980/93), *Պրագերն ու Օբերշլիքն ընդդեմ Ավստրիայի* (Prager and Oberschlick v. Austria, 26/04/1995, դիմում թիվ 15974/90), *Մարիլիքարն ընդդեմ Միացյալ Թագավորության/McVICAR v. the United Kingdom*, 07/05/2002, դիմում թիվ 46311/99), *Պֆայֆերն ընդդեմ Ավստրիայի* (Pfeifer v. Austria, 15/11/2007, դիմում թիվ 12556/03) գործերով կայացված վճիռները:

Դատարանի վճոհի վերլուծությունից բխում է, որ Դատարանն առանձին քննարկ-

ման առարկա չի դարձրել վիճարկվող հրապարակման մեջ հանրային շահի առկայության խնդիրը, ինչպես նաև հնարավորություն չի ընձեռել Պատասխանող կողմին որպես վկա դատարան հրավիրելու իր տեղեկատվության աղբյուր հանդիսացող անձին, ում կողմից հայտնած տեղեկությունները կարող էին նշանակություն ունենալ լրատվամիջոցի կողմից անհրաժեշտ ուսումնասիրության կատարման նպատակով ողջամիտ ջանքերի գործադրման, տեղեկատվության աղբյուրի վստահելիության գնահատման համար:

Դատարանը բավական հիմնավոր կերպով օրաթերթում հրապարակված երկրորդ հոդվածում ներառված տեղեկությունները գնահատել է որպես արատավորող բնույթ չունեցող:

Փոխհատուցման չափը որոշելիս Դատարանը, ՀՀ քաղաքացիական օրենսգրքի 1087.1-րդ հոդվածի և ՄԻԵԴ-ի նախադեպային իրավունքի պահանջներին լիովին համահունչ, հաշվի է առել Պատասխանողի գույքային դրությունը և կարգավիճակը (տպագիր լրատվամիջոց լինելու հանգամանքը և որպես այդպիսին, նրա ունեցած դերը): Վերոգրյալ պատճառաբանություններով Դատարանը փոխհատուցման չափը սահմանել է սահմանված նվազագույն աշխատավարձի 300-ապատիկի չափով :

Վճիռը բողոքարկվել է Վերաբննիշ քաղաքացիական դատարան, որն այն որոշմամբ մերժել է: Այնուհետև, որոշումը բողոքարկվել է ՀՀ վճռաբեկ դատարան, որը 27.04.2012թ. կայացված որոշմամբ վճռաբեկ բողոքը մերժել է:

### **Վճռաբեկ դատարանի որոշման վերլուծությունը**

Վճռաբեկ դատարանը, հաշվի առնելով, որ դատարաններում ՀՀ քաղաքացիական օրենսգրքի 1087.1-րդ հոդվածի կիրառման առումով առկա է օրենքի միատեսակ մեկնարանման անհրաժեշտություն, անդրադարձել է վերոնշյալ հոդվածով կարգավորվող հարաբերությունները կանոնակարգող իրավական դրույթների մեկնարանմանը: Վճռաբեկ դատարանը շեշտել է, որ դատարանների հայեցական լիազորության ձիւտ կենսագործման համար անհրաժեշտ է հաշվի առնել ՄԻԵԴ-ի կողմից սահմանված չափորոշիչները իսպաթիազատության իրավունքի և դրասահմանափակումների վերաբերյալ:

Այնուհետև, Դատարանը մեկնարանել է եռաստիճան թեսթի յուրաքանչյուր պահանջի բովանդակությունը ՄԻԵԴ-ի նախադեպային իրավունքի լույսի ներքո: Թեև համանման մեկնարանություններով արդեն իսկ հանդես էր եկել ՀՀ սահմանադրական դատարանն իր 15.11.2011թ. թիվ 997 որոշմամբ, այնունամենայնիվ, Վճռաբեկ դատարանի որոշմամբ եռաստիճան թեսթի հատակեցմանն ուղղված վերլուծությունը կարևոր գործնական նշանակություն կարող է ունենալ ստորադաս դատարանների համար գրպարտության և վիրավորանքի գործեր քննելիս:

Վճռաբեկ դատարանի կողմից մեկնարանվել են նաև ՀՀ քաղաքացիական օրենսգրքի 1087.1-րդ հոդվածի կանոնակարգումները, որոնցից հատուկ ուշադրության են ենթակա, մասնավորապես, հետևյալները.

«Դատարանի կողմից մեկնաբանվել է «վիրավորանք» հասկացությունը. Անդրադառնալով կրնկրետ արտահայտության՝ վիրավորանք գնահատելու չափանիշներին՝ ՎՃուաբեկ դատարանն արձանագրել է, որ՝

1. *արված արտահայտությունն իրականում պետք է արատավորի անձի պատիվը, արժանապատվությունը և գործարար համբավը, որպիսի փաստը ապացուցելու դատավարական բեռլ կրում է Հայցվորը,*
2. *արտահայտություն կատարողն ի սկզբանե պետք է հետապնդի անձի պատիվը, արժանապատվությունը կամ գործարար համբավն արատավորելու նպատակ, այսինքն՝ պետք է իր կատարած արտահայտությամբ անձի հեղինակությունը նսեմացնելու և նրան նվաստացնելու դիտավորություն ունենա:*

ՀՀ քաղաքացիական օրենսգիրքը վիրավորանքը բնորոշվում է որպես պատիվը, արժանապատվությունը կամ գործարար համբավն արատավորելու նպատակով կատարված հրապարակային արտահայտություն։ Նորմի սահմանումից բխում է, որ վիրավորանքի հասկացության անհրաժեշտ բաղադրատարը է հանդիսանում արատավորելու նպատակը, այսինքն անձը ոչ միայն պետք է անի համապատասխան արտահայտությունը, այլև գործողությունը կատարելիս ունենա արատավորելու նպատակ։ Միևնույն ժամանակ, նշված դրույթի նման ձևակերպումից դուրս է մնում բուն արտահայտության բնորոշումը՝ որպես արատավորողի։ Ակնհայտ է, որ անձը համապատասխան հայտարարությունն անելիս կարող է ունենալ արատավորելու նպատակ, սակայն բուն արտահայտությունը, որպես այդպիսին, օբյեկտիվորեն չունենա արատավորող բնույթ։

ՎՃուաբեկ դատարանի կողմից արված մեկնաբանությամբ հստակեցվել է երկու բաղադրատարերի/նպատակ, արատավորող բնույթ/ առկայության անհրաժեշտությունը՝ վիրավորանքի որակման համար։

Պետք է նշել նաև, որ իրավակիրառ պրակտիկայում առանձին դեպքերում ՀՀ քաղաքացիական օրենսգրքում վիրավորանքի համապատասխան ձևակերպումը հանգեցրել էր այնպիսի մեկնաբանության և կիրառման, որով արատավորելու նպատակը, ըստ Էության, հավասարեցվել է բուն արատավորման գործողությանը, արդյունքում, անտեսվել էր արտահայտության կատարման նպատակը (Վերաբննիչ քաղաքացիական դատարան. քաղաքացիական գործ՝ ըստ հայցի Բելա և Սեղրակ Քոչարյանների ընդեմ «Ժամանակ» օրաթերթի հիմնադիր և հրատարակիչ «Սկիզ Սեղիս Կենտրոն» ՍՊԸ-ի)։

ՎՃուաբեկ դատարանը մեկնաբանել է նաև վիրավորանքի համատեքստում «իրապարակային» արտահայտությունը. «*հրապարակային կարող են համարվել առնվազն մեկ երրորդ անձի ներկայությամբ կատարված արտահայտությունները և ներկայացված փաստերը։ Վերջիններս երրորդ անձի ներկայությամբ կատարված արտահայտությունները և ներկայացնում փաստեր, որոնք բովանդակային առումով կապված են վիրավորողի արած արտահայտությունների կամ ներկայացրած փաստերի հետ (օրինակ՝ երկու և ավելի անձանց կողմից վիրավորելը)։ Նման դեպքերում առկա է վնասի համատեղ պատճառում»։*

Նման մեկնաբանությունը համահունչ է նաև ՀՀ սահմանադրական դատարանի 15.11.2011թ. թիվ 997 որոշմանը, որով նոյնպես առնվազն մեկ երրորդ անձի ներկայությամբ հասցված վիրավորանքը գնահատել է որպես հրապարակային:

Որպես հրապարակայնության հատկանիշի հետագա հստակեցում կարևորվում է ՀՀ վճռաբեկ դատարանի հետևյալ մեկնաբանությունը. «Այդպիսի արտահայտությունների ներկայացումը հասցեատիրոջը չի կարող համարվել հրապարակային, եթե դրանք ներկայացնող անձը բավականաչափ միջոցներ է ձեռնարկել դրանց գաղտնիությունն ապահովելու ուղղությամբ, որպեսզի դրանք հասանելի չդառնան այլ անձանց»:

Նման մեկնաբանության շրջանակներում ողջամտորեն կարող են տեղավորվել այն դեպքերը, երբ լրագրողը զգուշացնում է հարցվողին հարցազրույցի ձայնագրման հանգամանքի մասին: Թեև այս դեպքում ներկա կարող են լինել միայն լրագրողն ու հարցվողը, սակայն հարցազրույցի ձայնագրման փաստի վերաբերյալ տեղեկացված լինելու հանգամանքը տրամաբանորեն կարող է հարցվողի կողմից արված արտահայտություններին վերագրել հրապարակային բնույթ, քանի որ դրանք ներկայացնող անձը/հարցվողը/, տեղեկացված լինելով հանդերձ, բավականաչափ միջոցներ չի ձեռնարկում դրանց գաղտնիությունն ապահովելու ուղղությամբ: Զայնագրման փաստի մասին տեղեկացված լինելու պարագայում այլ երրորդ անձի բացակայությամբ արված արտահայտությունների հրապարակային բնույթի վերաբերյալ հետևողաբանը տրամաբանորեն բխում է վիրավորանքի հրապարակայնության սկզբունքի բովանդակությունից: Գործնական կարևոր նշանակություն կունենար նաև այս ուղղությամբ ՀՀ վճռաբեկ դատարանի կողմից հետագա հստակեցումը ու համապատասխան մեկնաբանության ամրագրումը:

ՀՀ քաղաքացիական օրենսգրքի 1087.1-րդ հոդվածի համաձայն՝ սույն օրենսգրքի իմաստով հրապարակային արտահայտությունը տվյալ իրավիճակում և իր բովանդակությամբ կարող է չհամարվել վիրավորանք, եթե այն հիմնված է ստույգ փաստերի վրա (բացառությամբ բնական արատների) կամ պայմանավորված է գերակա հանրային շահով:

Անդրադարձով «ստույգ փաստեր» եզրին՝ ՎՃՌԱԲԵԿ դատարանն ընդգծել է, որ այդպիսիք հանդիսանում են այն փաստերը, որոնք հիմնավորվում են ապացույցներով տեղեկատվության հրապարակման հետ միաժամանակ կամ հանդիսանում են հանրահայտ փաստեր (ապացույցման անհրաժեշտություն չունեցող):

Այնուամենայնիվ, գտնում ենք, որ տվյալ ձևակերպման մեկնաբանությունը որպես հրապարակման ժամանակ ապացույցներով հիմնավորվող տեղեկատվություն կամ հանրահայտ փաստերի ներկայացում, խնդրահարույց է: Այս հետևողաբանը բխում է նույն նորմում առկա հանրային գերակա շահի վերապահումից: Բանն այն է, որ հանրային շահի առկայությունը և գնահատողական դատողության համար հիմք հանդիսացող փաստական հիմքերը հաշվի առնելու անհրաժեշտությունը բխում է ՄԻԵԴ-ի նախադեպային իրավունքից: Ստույգ փաստի առկայությունը ՄԻԵԴ-ի կողմից երբեք

չի պահանջվում գնահատողական դատողությունն արդարացնելու համար: ՄԻԵԿ-ի 10-րդ հոդվածի իմաստով գնահատողական դատողությունը չպետք է հիմնված լինի ստույգ փաստերի վրա: Բավական է, որ համապատասխան արատավորող արտահայտության համար լինեն այն պաշտպանող բավարար փաստական հիմքեր: Ընդ որում, որքան ավելի լուրջ է վիճարկվող հայտարարությունը, այնքան ավելի ամուր պետք է լինեն դրա փաստական հիմքերը:

ՄԻԵԿ-ի 10-րդ հոդվածին վերաբերող գործերով ՄԻԵԴ-ը հայցվորի կողմից վիճարկվող արտահայտության ապացուցման վերաբերյալ սահմանել է հետևյալ ընդհանուր մոտեցումը.

«Եթե փաստերի առկայությունը կարելի է ապացուցել, ապա գնահատողական դատողություններն ապացուցելի չեն: Գնահատողական դատողության ձշմարտացիության ապացուցման պահանջը անհնար է կատարել և խախտում է կարծիքի ազատությունը ինքնին, որը 10-րդ հոդվածով սահմանված իրավունքի հիմնարար մասն է (*Lingens v. Austria*, 08/07/1986, դիմում թիվ 9815/82, 46-րդ պարբերություն): Եթե արված հայտարարությունը հանդիսանում է գնահատողական դատողություն, միջամտության համաշահությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նոյնիսկ գնահատողական դատողությունն, առանց այն պաշտպանող որևէ փաստական հիմքի, կարող է լինել չափանց: Այդ փաստական հիմքերի և դատողության միջև կապի անհրաժեշտությունը տարբեր է՝ կախված կոնկրետ գործի հանգամանքներից (*Feldeck v. Slovakia*, 12/07/2001, դիմում թիվ 29032/95, 76-րդ պարբերություն)»:

Հետևաբար, բոլոր դեպքերում արտահայտության՝ որպես վիրավորանքի որակման պայմանավորումը ստույգ փաստերի հիմնավորմամբ, չի բխում ՄԻԵԿ-ի 10-րդ հոդվածի պահանջներից:

Վճռաբեկ դատարանն արձանագրել է նաև, որ քննարկման առարկա հարցի վերաբերյալ դատական գործեր քննելիս դատարանները մեծ ուշադրություն պետք է դարձնեն հրապարակայնորեն փաստացի տվյալներ ներկայացրած անձի բացատրություններին, մոտեցումներին, իր կողմից ներկայացված փաստացի տվյալների նկատմամբ վերաբերմունքին՝ պարզելու նպատակով՝ արդյո՞ք անձը ներկայացված փաստերով դիտավորություն ունեցել է արատավորելու որևէ մեկին, թե՛ օբյեկտիվութեն արտահայտել է իր գնահատողական դատողությունները՝ միաժամանակ դրսութելով բարեխիղձ մոտեցում:

ՀՀ վճռաբեկ դատարանը մեկնաբանել է նաև զրպարտության հասկացությունը: Մասնավորապես, նշվել է.

«Արատավորող կարող են լինել այնպիսի տվյալները, որոնք բովանդակում են ֆիզիկական կամ իրավաբանական անձի կողմից գործող օրենսդրության պահանջների խախտման, անարդարացի վարքագծի դրսուրման, անձնական, հասարակական կամ քաղաքական կյանքում էթիկայի պահանջներին հակասող վարքագծի դրսուրման, տնտեսա-

կամ կամ ձեռնարկատիրական գործունեության ժամանակ անբարեխղձության, գործարար շրջանառության սովորությների խախտման և այլ տեղեկություններ, որոնք չեն հիմնավորվում վերաբերելի և թույլատրելի ապացույցներով (իրական չեն), նվաստացնում, նսեմացնում են անձի պատիվը, արժանապատվությունը կամ գործարար համբավը։ Անդրադառնալով կոնկրետ արտահայտության՝ զրպարտություն գնահատելու չափանիշներին՝ ՎՃռաբեկ դատարանն արձանագրել է, որ՝

1. անձի վերաբերյալ պետք է ներկայացված լինեն փաստացի տվյալներ, այսինքն՝ ներկայացվածն իր մեջ պետք է պարունակի կոնկրետ, հատակ տեղեկություններ որոշակի գործողության կամ անզործության վերաբերյալ, այն չպետք է լինի վերացական,
2. անձի վերաբերյալ փաստացի տվյալները պետք է ներկայացված լինեն հրապարակային,
3. ներկայացված փաստացի տվյալները պետք է շհամապատասխանեն իրականությանը, այսինքն՝ պետք է լինեն սուտ, անհիմ, ոչ հավատի,
4. ներկայացված փաստացի տվյալներն իրականում պետք է արատավորեն անձի պատիվը, արժանապատվությունը կամ գործարար համբավը։

ՎՃռաբեկ դատարանի կողմից սահմանված բոլոր վերոնշյալ չափորոշիչները կարևոր գործնական նշանակություն ունեն դատարանների կողմից զրպարտության և վիրավորանքի գործերի քննության համար։

Կարևորվում է նաև ՀՀ վՃռաբեկ դատարանի կողմից արված հետևյալ հստակեցումը։

«Որպեսզի միջամտությունը խոսքի և կարծիքի ազատ արտահայտման իրավունքին լինի համաշափ օրինական նպատակներին՝ այլ մարդկանց հեղինակության պաշտպանությանը, անհրաժեշտ է օբյեկտիվ կապի առկայություն գնահատող դատողությունների և այն անձի միջև, ով դիմել է դատարան։ Հրապարակումների զրպարտչական բնույթի մասին միայն ենթադրելը և կասկածելը բավարար չէ հաստատելու այն հանգամանքը, որ որևէ կոնկրետ անձի հասցեկ է վնաս։ Գործի փաստական հանգամանքներում պետք է լինի այնպիսի հանգամանք, որ սովորական ընթերցողն էլ զգա, որ տվյալ հայտարարությունն իրականում հասցեագրված է անմիջականորեն դիմումատուին, կամ էլ որ հենց ինքն է հանդիսացել քննադատության թիրախ (տե՛ս Դյուլդինը և Կիսլովն ընդդեմ Ռուսաստանի Դաշնության / *Dyuldin and Kislov v. Russia*, 31/07/2007, դիմում թիվ 25968/02., 38-րդ պարբերություն)։

ՎՃռաբեկ դատարանն անդրադարձել է նաև այն պայմաններին, որոնց առկայության պարագայում փաստական տվյալները հրապարակային ներկայացնելը չի համարվում զրպարտություն։

Առանձնակի կարևորություն է ձեռք բերում այս համատեքստում Դատարանի կողմից բարեխղձության եզրի մեկնարանությունը, որն ունի բավական մեծ գործնական նշանակություն։ Այսպես, Դատարանն ընդգծել է, որ համապատասխան դրույթի պարագայում բարեխղձությունը ենթադրում է տեղեկատվության (փաստական տվյալի

(տվյալների) ամբողջական, առանց էական նշանակություն ունեցող փաստերի փոփոխման շարադրանք:

Բարեխիղձ վերարտադրության վերաբերյալ հղումներ պարունակվում են ՀՀ քաղաքացիական օրենսգրքի 1087.1-րդ հոդվածի 6-րդ մասում: ՎՃուարեկ դատարանի վերոգրյալ մեկնաբանությունից բխում է, որ եթե լրագրողի կողմից վերարտադրվել է, օրինակ, այլ լրատվամիջոցում տեղ գտած տեղեկատվությունը շարադրանքի ձևափոխություններով՝ առանց էական նշանակություն ունեցող փաստերի փոփոխման, ապա այն տեղափորվում է բարեխիղձ վերարտադրության սահմանման շրջանակների մեջ:

Դատարանի կողմից մեկնաբանվել է նաև «հավասարակշռված» եզրը, մասնավորապես, ՎՃուարեկ դատարանն արձանագրել է, որ հավասարակշռվածություն պետք է լինի ներկայացվող փաստական տվյալների և գերակա հանրային շահի հարաբերակցության առումով: Փաստական տվյալների հրապարակումը, պայմանավորված լինելով գերակա հանրային շահով, չպետք է պարունակի զրապարտող այլ տեղեկություններ, որոնք չեն առնչվում տվյալ ինդիքին:

Դատարանի այս մեկնաբանությունն արվել է ՀՀ քաղաքացիական օրենսգրքի 1087.1-րդ հոդվածի 5-րդ մասի 2-րդ կետի համատեքստում, համաձայն որի՝ ներկայացված փաստական տվյալները չեն համարվում զրապարտություն, եթե դա տվյալ իրավիճակում և իր բովանդակությամբ պայմանավորված է գերակա հանրային շահով, և եթե դրանք հրապարակայնորեն ներկայացրած անձն ապացուցի, որ ողջամտության սահմաններում ձեռնարկել է միջոցներ՝ պարզելու դրանց ձշմարտությունը և իհմնավորվածությունը, ինչպես նաև հավասարակշռված և բարեխղձորեն է ներկայացրել այդ տվյալները:

Վերոգրյալ նորմով սահմանված պայմաններն առավելապես բխում են ՄԻԵԴ-ի նախադեպային պրակտիկայից և դրանք համապատասխան հիմք են հանդիսանում լրագրողի կողմից փաստերն ստուգելու ընդհանուր պարտականությունից ազատելու համար, այնուամենայնիվ, «հավասարակշռված» եզրի նման մեկնաբանությունը տարբերվում է ՄԻԵԴ-ի նախադեպային իրավունքում կիրառվող մեկնաբանությունից: «Հավասարակշռված ներկայացման» հասկացությունն այս առումով հնարավոր է ունի առավել հստակեցման և մեկնաբանման անհրաժեշտություն:

ՎՃուարեկ դատարանն անդրադաել է նաև ՀՀ քաղաքացիական օրենսգրքի 1087.1-րդ հոդվածի 6-րդ կետի համաձայն պատասխանատվությունից ազատելու դեպքերին: Անձն ազատվում է վիրավորանքի կամ զրապարտության համար պատասխանատվությունից, եթե իր արտահայտած կամ ներկայացրած փաստացի տվյալները լրատվական գործակալության տարածած տեղեկատվության, ինչպես նաև այլ անձի հրապարակային ելույթի, պաշտոնական փաստաթղթերի, լրատվության այլ միջոցի կամ հեղինակային որևէ ստեղծագործության բովանդակած տեղեկատվության բառացի կամ բարեխիղձ վերարտադրությունն են, և դա տարածելիս հղում է կատարվել տեղեկատվության աղբյուրին (հեղինակին):

Նույն հոդվածի 9-րդ կետի համաձայն՝ եթե վիրավորելիս կամ զրապարտելիս հղում չի կատարվել տեղեկատվության աղբյուրին (հեղինակին), կամ տեղեկատվության աղբյուրը (հեղինակը) հայտնի չէ, կամ լրատվական գործունեություն իրականացնողը, օգտվելով տեղեկատվության աղբյուրը չբացահայտելու իր իրավունքից, չի հայտնում հեղինակի անունը, ապա փոխհատուցման պարտավորությունը կրում է վիրավորանքը կամ զրապարտությունը հրապարակային ներկայացնողը, իսկ եթե այն ներկայացվել է լրատվական գործունեություն իրականացնողի տարածած տեղեկատվության մեջ, ապա՝ լրատվական գործունեություն իրականացնողը:

Վերոգրյալ դրույթների համակարգային վերլուծության արդյունքում Դատարանը հանգել է հետևյալ եզրակացության.

«ՀՀ քաղաքացիական օրենսգրքի 1087.1-րդ հոդվածի 6-րդ և 9-րդ կետերից հետևում է, որ անձն ազատվում է պատասխանատվությունից երկու պայմանների միաժամանակյա առկայության դեպքում. արտահայտված կամ ներկայացված փաստացի տվյալներն անձի հրապարակային ելույթների, պաշտոնական փաստաթյուրի, հեղինակային ստեղծագործությունների, լրատվական գործունեություն իրականացնող ընկերությունների հրապարակած տեղեկատվության բառացի կամ բարեխիղճ վերաբարությունն են, տեղեկատվությունը տարածելիս հղում է կատարվել տեղեկատվության աղբյուրին: Տեղեկատվությունը բառացի կամ բարեխիղճ ներկայացնելու օրենսդրի պահանջը նպատակ է հետապնդում ապահովել բացահայտված աղբյուրում տեղ գտած տեղեկատվության բառացի շարադրանքը կամ հրապարակել այն այնպես, որ չփոխվի ինչպես ամբողջական իմաստը, այնպես էլ կրնկրեն փաստերի վերաբերյալ առկա տեղեկատվությունը:

Այնուհետև, հաշվի առնելով վերոգրյալը՝՝ ՎՃռաբեկ դատարանը հանդես է եկել հետևյալ խնդրահարույց մեկնաբանությամբ.

«ՎՃռաբեկ դատարանն անհրաժեշտ է համարում նաև անդրադառնալ ՀՀ քաղաքացիական օրենսգրքի 1087.1-րդ հոդվածի 6-րդ և 9-րդ կետերում ամրագրված «տեղեկատվության աղբյուր» եզրույթին: Նշված դրույթների վերլուծությունը թույլ է տալիս արձանագրել, որ ՀՀ քաղաքացիական օրենսգրքի 1087.1-րդ հոդվածի իմաստով տեղեկատվության աղբյուրներն անձինք են (Փիզիկական և իրավաբանական), որոնք տարբեր միջոցներով հրապարակում են տեղեկատվությունը: Տեղեկատվության աղբյուր են հանդիսանում հեղինակները և լրատվական գործակալությունները: ՎՃռաբեկ դատարանն ընդգծում է, որ հիշատակված դրույթներում ամրագրված անձի հրապարակային ելույթները, պաշտոնական փաստաթյուրը, հեղինակային ստեղծագործությունները տեղեկատվության աղբյուրների կողմից օգտագործվող միջոցներ են:

Վերոնշյալ հետևությունը իիմք ընդունելով՝ ՎՃռաբեկ դատարանն արձանագրում է, որ այն դեպքում, եթե հղում է կատարված տեղեկատվության աղբյուրին, սակայն նոյն աղբյուրում տեղ գտած տեղեկատվությունը իրապարակված չէ բառացի կամ բարեխիղճ, այլ կերպ՝ հրապարակող փոփոխություններ է մտցրել տեղեկատվության մեջ, ավելացրել է, հանել կամ փոփոխել փաստերը (շարադրանքը կամ դրա

առանձին մասերը), ապա հրապարակող անձը չի ազատվում պատասխանատվությունից:

Վերոնշյալ պարբերությունից ակնհայտ է Վճռաբեկ դատարանի երկու մեկնաբանությունների միջև առկա հակասությունը: Մասնավորապես, նույն որոշման՝ «բարեխիղձ վերարտադրություն» մեկնաբանությանն առնչվող հատվածում Դատարանը շեշտել է, որ բարեխիղձությունը ենթադրում է տեղեկատվության (փաստական տվյալի (տվյալների)) ամբողջական, **առանց էական նշանակություն ունեցող փաստերի փոփոխման շարադրանք**, մինչեւ որոշման այս մասում Վճռաբեկ դատարանը բարեխիղձ վերարտադրություն չի համարում, եթե հրապարակողը փոփոխություններ է մտցրել տեղեկատվության մեջ, **ավելացրել է, հանել կամ փոփոխել փաստերը (շարադրանքը կամ դրա առանձին մասերը)**: Ընդ որում, որևէ հղում չի կատարվում համապատասխան փաստերի էական լինելու, ավելացված փաստերի՝ իրականությանը համապատասխանելու հարցերին:

Մեկ այլ՝ խնդրահարույց մեկնաբանություն է կատարվել ՀՀ վճռաբեկ դատարանի կողմից տեղեկատվության աղբյուրի հասկացության պարզաբանման համատեքստում: Մասնավորապես, դատարանի կողմից նշվել է:

«Նույն կանոնը գործում է նաև այն դեպքում, եթե տարածողը թեև վերարտադրում է տեղեկատվության բառացի կամ բարեխիղձ շարադրանքը, այդուհանդերձ հղում է կատարում մի աղբյուրի, որը չի համարվում «տեղեկատվության աղբյուր» ՀՀ քաղաքացիական օրենսգրքի 1087.1-րդ հոդվածի իմաստով, այն է՝ չի հանդիսանում հեղինակ կամ լրատվական գործակալություն: Վերը նշված երկու դեպքերում էլ տեղեկատվություն հրապարակողն ինքն է համարվում գրպարտող կամ վիրավորող»:

Փաստորեն, Դատարանը սահմանափակել է տեղեկատվության աղբյուրների շրջանակն այն անձանցով (ֆիզիկական և իրավաբանական), որոնք տարբեր միջոցներով հրապարակում են տեղեկատվությունը, այն է հեղինակներով և լրատվական գործակալություններով, ինչը համահունչ չէ ՄԻԵԴ-ի կողմից Կոնվենցիայի 10-րդ հոդվածի վերաբերյալ մշակված նախադեպային պրակտիկային: Գտնում ենք, որ ՀՀ քաղաքացիական օրենսգրքի 1087.1-րդ հոդվածի 6-րդ և 9-րդ մասերի՝ նման հետևողական հանգեցնող մեկնաբանությունը չի բխում ոչ հոդվածի տրամաբանությունից և ոչ էլ ՄԻԵԿ-ի 10-րդ հոդվածի պահանջներից: Պետք է նկատի ունենալ նաև, որ հիշյալ հոդվածի 6-րդ մասը վերաբերում է պատասխանատվությունից ազատելու դեպքերին, իսկ 9-րդ մասն ըստ էության կարգավորում է փոխհատուցման պարտավորության սուբյեկտների փոփոխման, այլ ոչ թե պատասխանատվությունից ազատման հարաբերությունները:

Միաժամանակ, Վճռաբեկ դատարանն արձանագրել է, որ տեղեկատվություն հրապարակողը, եթե նույնիսկ հրապարակել է տեղեկատվության բովանդակությունը բառացի կամ բարեխիղձ և հղում է կատարել աղբյուրին, չի ազատվում պատասխանատվությունից, եթե դատավարության ընթացքում կապացուցվի, որ նա գիտեր կամ

ակնհայտորեն պետք է իմանար տեղեկատվության՝ զրաբարտություն լինելու մասին, քանի որ նման դեպքում անձի մոտ առկա է զրաբարտելու դիտավորությունը: Այս դեպքում ինչպես տեղեկատվությունը կրող աղբյուրը, այնպես էլ այդ տեղեկատվությունը հրապարակողը կրում են համապարտ պատասխանատվություն որպես համատեղ վնաս պատճառողներ:

Թեև նման մեկնաբանությունը, որպես այդպիսին, բխում է ՄԻԵԴ-ի նախադեպային իրավունքի ընդհանուր տրամաբանությունից, սակայն հակասում է ՀՀ քաղաքացիական օրենսգրքի 1087.1-րդ հոդվածի 9-րդ մասին, որպիսի պարագայում գտնում ենք, որ նշված հարցը կարող է լուծվել օրենսդրական իրավակարգավորման ձանապարհով և չի կարող կարգավորվել իրավական նորմին ուղղակիորեն հակասող մեկնաբանության ամրագրմամբ:

ՄԻԵԿ-ի 10-րդ հոդվածի, ՄԻԵԴ-ի՝ տեղեկատվության աղբյուրների բացահայտմանն առնչվող նախադեպային սկզբունքների լույսի ներքո առավել խնդրահարուց և հակասական է ՀՀ վճռաբեկ դատարանի հետևյալ մեկնաբանությունը.

«Վճռաբեկ դատարանն անհրաժեշտ է համարում նաև նշել, որ բովանդակային առումով տեղեկատվության աղբյուրի բացահայտումը պետք է կատարվի տեղեկատվությունը տարածելու հետ միաժամանակ: Տեղեկատվությունը տարածելիս և ոչ թե դրանից հետո աղբյուրի բացահայտումը նպատակ է հետապնդում այդ տեղեկատվության հասցեատերի մոտ ապահովել տեղեկացվածություն այն մասին, որ զրաբարտությունը կամ վիրավորանքը դուրս է գալիս կոնկրետ սուբյեկտից, այլ ոչ թե անմիջական իրապարակողից կամ անորոշ թվով սուբյեկտներից: Աղբյուրի բացահայտումը, կախված աղբյուրի տեսակից, կարող է ազդել հասարակական կարծիքի ձևավորման վրա: Մինչդեռ տեղեկատվության աղբյուրը դատական վարույթի ընթացքում բացահայտելը լիարժեք չի ապահովում զրաբարտող կամ վիրավորող սուբյեկտի վերաբերյալ հանրության տեղեկացվածությունը»:

Վճռաբեկ դատարանի կողմից հստակեցում է արվել Պատասխանողի գույքային դրության վերաբերյալ ապացույցներ և փաստարկներ ներկայացնելու պարտականություն ունեցող սուբյեկտների առումով: Այս հստակեցումը դատական պրակտիկայում առավել քան անհրաժեշտ էր, քանի որ դատարանների կողմից նշված հարցի շուրջ հակասական մոտեցումների կիրառման արդյունքում որոշ դեպքերում գույքային դրության վերաբերյալ ապացույցներ ներկայացնելու պարտականությունը դրվում էր Հայցվորի վրա:

### ՎՃՌԱԲԵԿ ԴԱՏԱՐԱՆԸ ՀԵՂՄԵԼ Է.

«Նյութական փոխհատուցում նշանակելու դեպքում անհրաժեշտ է, որ դատարանները մեծ ուշադրություն դարձնեն փոխհատուցվող գումարի չափի սահմանմանը, պատասխանողներից պահանջեն նրանց եկամուտների վերաբերյալ պետական իրավասում մարմիններին ներկայացված ֆինանսական և այլ փաստաթղթեր (օրինակ՝ ՀՀ կառավարությանն առընթեր պետական եկամուտների կոմիտեին ներկայացված հարկային հաշվետվությունները), հակառակ դեպքում մեծ չափով փոխհատուցումները կարող են ծանր հետևանքներ ունենալ

վերջիններիս քնականոն գործունեությունը շարունակելու առումով: Ընդ որում, այս հարցի քննարկման ժամանակ դատարանները պետք է ուշադրություն դարձնեն հայցվոր կողմի՝ նյութական փոխհատուցման պահանջի վերաբերյալ պատասխանող կողմի ներկայացրած փաստարկներին, որոնք, ըստ էության, պետք է պարունակեն նաև տեղեկություններ իրենց քնականոն գործունեության նկատմամբ պահանջվող փոխհատուցման չափի ֆինանսական ազդեցության վերաբերյալ»:

Այսպիսով, դատարանի կողմից միանշանակորեն արձանագրվել է, որ զրաբարտության և վիրավորանքի գործերով պատասխանողի գույքային դրության վերաբերյալ ապացույցներ ներկայացնելու պարտականությունը կրում է Պատասխանող կողմը:

Մեկ այլ կարևոր դիտարկում է արվել դատարանի կողմից փոխհատուցման չափի որոշման ուղենիշների սահմանման իմաստով:

«...Երբ վիրավորանքը կամ զրաբարտությունը շարունակվում են նաև գործի քննության ընթացքում (գործի՝ դատարանում քննության գտնվելու ողջ ժամանակահատվածում), այդ հանգամանքը դատարանները կարող են հաշվի առնել դրամական փոխհատուցման չափ նշանակելու հարցը լուծելիս»:

Այս եզրահանգումը համահունչ է նաև ՄԻԵԴ-ի նախադեպային պրակտիկայի և Սահմանադրական դատարանի 15.11.2011թ. թիվ 997 որոշմանը:

ՀՀ վճռաբեկ դատարանի հիշյալ որոշման ամբողջական վերլուծությունը վկայում է այն մասին, որ ՀՀ քաղաքացիական օրենսգրքի 1087.1-րդ հոդվածի միատեսակ կիրառման նպատակով կատարվել են բավական կարևոր և գործնական նշանակություն ունեցող մեկնարանություններ և հստակեցումներ, որոնք կարող են էական դեր ունենալ դատարանների համար վիրավորանքի և զրաբարտության գործերի քննության համար: Միևնույն ժամանակ, որոշմամբ ամրագրված որոշ մեկնարանություններ դատական պրակտիկայում կարող են հանգեցնել խոսքի ազատության իրավունքի անհամաշափ սահմանափակումների՝ հանգեցնելով ՄԻԵԿ-ի 10-րդ հոդվածի խախտման:

## **ՍՈՒՄԱՆԱԳ ԲԱՂԴԱՍԱՐՅԱՆ ԸՆԴԴԵՄ «ՀԱՅՔ» ԹԵՐԹԻ ԽՄԲԱԳՐՈՒԹՅԱՆ, ԹՂԹԱԿԻՑ ԱՐՄԱՆ ԳԱԼՈՅԱՆԻ ԵՎ ՍՎԵՏԼԱՆԱ ԱՌԱՔԵԼՅԱՆԻ**

### **Գործի հանգամանքները**

27.09.2011թ. Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանը (այսուհետ՝ Դատարան), քննելով քաղաքացիական գործն ըստ հայցի Սուսաննա Բաղդասարյանի (այսուհետ՝ Հայցվոր) ընդդեմ «Հայք» թերթի խմբագրության, «Հայք» թերթի թղթակից Արման Գալոյանի, Սվետլանա Առաքելյանի (այսուհետ՝ Պատասխանողներ) «Հայք» թերթի համարում երկրորդ Պատասխանողի հեղինակած «Սպանության հետքերով» հոդվածում հրապարակված, հանգուցյալ որդու հիշատակը պղծող, բարի համբավն ու անունն արատավորող տեղեկությունները հերքելու պահանջի մասին, վճռել է հայցը բավարարել մասնակի: ՀՀ քաղաքացիական դատավարության օրենսգրքի 31-րդ հոդվածի 3-րդ կետի հիմքով՝ որպես Պատասխանող մասնակից է դարձվել նաև գործով վկա հանդես եկած Սվետլանա Առաքելյանը:

2007թ. փետրվարի 21-ին Վայոց Ձոր մարզի Արենի գյուղում, իրենց տան առաջին հարկում, մուտքի մոտ Հայցվորի ամուսնու ծնողները հայտնաբերել են նրա որդուն՝ 28.10.1989 թվականին ծնված Հայկ Բաղդասարյանին՝ մահացած, դեմքին պոլիէթիլենե տոպրակով ինչ-որ նյութ կացրած վիճակում: Դիակի դատաքննչական, դատաքնիմական փորձաքննությունների արդյունքներով հերքվել է որդու կողմից թմրանյութեր օգտագործած լինելու հանգամանքը:

Ամուսինը՝ Համիլետ Բաղդասարյանը, հիմնավոր կասկածներ ունենալով որդու սպանության մեջ իրենց համագյուղացի Կարեն Մանուկյանի մասնակցության վերաբերյալ՝ 2007թ. օգոստոսի 18-ի երեկոյան պատահականորեն հանդիպելով նրան և զրոյցի ընթացքում արդեն համոզվելով դրանում՝ սպանել է վերջինիս: Կատարած հանցագործության համար ամուսինը դատապարտվել է ազատազրկման 10 տարի ժամկետով: Երկու սպանությունների վերաբերյալ հանրության շրջանում տարբեր խոսակցություններ, վարկածներ, մեկնաբանություններ են շրջանառվել:

Հոդվածի հեղինակը զրոյցել է սպանված Կարենի կնոջ՝ Սվետլանայի հետ: Վերջինս զրոյցի ընթացքում Հայկին ներկայացրել է որպես թմրամոլ: Զրոյցին հաջորդել

Է «Հայք» թերթի թղթակից Արման Գալոյանի «Սպանության հետքերով» վերնագրով հետևյալ բովանդակությամբ հոդվածը.

«Խոսքը «Ամպրոպ» ՍՊԸ-ին պատկանող Արենի գյուղի հարևանությամբ գտնվող քարհանքի պահակ, այդ գյուղի բնակիչ Կարեն Մանուկյանի սպանության մասին է: Վերջինիս կինը պատմում է, որ 2007 թվականի օգոստոսի 18-ին Կարենը երեկոյան դուրս է եկել տանից ու այլս չի վերադառնել: ... Մեր հարցին, թե որն է սպանության պատճառը, սպանվածի այրին պատմեց, որ Գեղամ Բաղրասարյանը Կարենին կասկածել է իր թոռան՝ Հայկի մահվան մեջ: Հայկը մահացել էր 2006թ. փետրվարին՝ թմրանյութ օգտագործելիս: Գեղամը համոզված էր, որ Կարենն է նրան սովորեցրել թմրանյութ օգտագործել: Բայց Կարենը կյանքում չգիտեր ինչ բան է թմրանյութը, բացի այդ, երբ Հայկը եկավ Ռուսաստանից, արդեն թմրամոլ էր: Բոլորը դա գիտեին: Նույնիս նրա հայրը, որ եկավ թաղմանը, ասում էր՝ ինքը գիտի, որ իր տղան վաղ թե ուշ մեռնելու է», – ասում է Կարինեն:...»:

Հոդվածում ներկայացվել է, որ Հայկը մահացել է թմրանյութեր գործածելիս: Հայցվորը պահանջել է հերքել հոդվածում հրապարակված, հանգույցյալ որդու հիշատակը պղծող, բարի համբավն ու անունն արատավորող տեղեկությունները: Հաշվի առնելով արատավորող տեղեկությունները Սվետլանա Առաքելյանի կողմից հայտնած լինելու հանգամանքը՝ Հայցվորը հայցապահանջը հղել է նաև գործով Պատասխանող ներգրավված Սվետլանա Առաքելյանի նկատմամբ:

## Դատարանի վճիռը

Սվետլանա Առաքելյանը Դատարանին տված ցուցմունքով հայտնել է, որ տեղեկությունները փոխանցել է իր տուն եկած անձին՝ չիմանալով, որ վերջինս լրագրող է:

Դատարանը, հաստատված է համարել հրապարակված տեղեկությունների արատավորող լինելու հանգամանքը, քանի որ այդ տեղեկությունները հանրության կողմից դատապարտելի և պարսավելի են:

Դատարանը փաստել է, որ դատաքննությամբ հետազոտված ապացույցներով չի հաստատվել Հայկ Բաղրասարյանի՝ թմրամիջոցներ օգտագործելիս մահանալու հանգամանքը: Ավելին, չունենալով ապացույցման պարտականություն՝ Հայցվորը, ի դեմս ներկայացուցչի, նախապատրաստական փուլի ընթացքում Դատարանին է ներկայացրել «Հոգեբուժական բժշկական կենտրոն» ՓԲԸ-ի նարկոլոգիական կլինիկայի փորձագետի եզրակացությունը, որի համաձայն՝ Հայկ Բաղրասարյանի մեզի փորձանմուշում ալկոհոլի և թմրամիջոցների հետքեր չեն հայտնաբերվել, ՀՀ առողջապահության նախարարության հանրապետական դատական բժշկության գիտագործնական կենտրոնի փորձագետի եզրակացությունը, ըստ որի՝ մահվան նախորդող պահին Հ. Բաղրասարյանի դիակից վերցված մեզի և ներքին օրգանների կտորների մեջ, ըստ դատաքիմիական ուսումնասիրության եզրակացության, թմրանյութեր, ալկոհոլ և թունաքիմիկաներ չեն հայտնաբերվել: Դատաքննությամբ հետազոտված ապացույցներով հաստատվել է, որ հոդվածում, որպես Կարեն Մանուկյանի կին հիշատակված Կարինեն սույն գործով Պատասխանող Սվետլանա Առաքելյանն է, որի տրամադրած տեղեկատվության բա-

ոացի շարադրանքն էլ զետեղվել է հոդվածում, որպիսի փաստը հավաստել է նաև Սվետլանա Առաքելյանը դատաքննությամբ տրված ցուցմունքներով: Ընդ որում, տեղեկատվությունը մեջբերված է որպես ուրիշի (Սվետլանա Առաքելյանի) ուղղակի խոսք՝ չակերտների մեջ: Այսինքն, հոդվածում առկա է հղում սկզբնադրյուրին, որն էլ այդ փաստը չի ժխտում, որպիսի պայմաններում ՀՀ քաղաքացիական օրենսգրքի 19-րդ հոդվածով նախատեսված պատասխանատվությունը կրում է Սվետլանա Առաքելյանը՝ որպես թերթի միջոցով արատավորող տեղեկությունների տարածող: Դատաքննությամբ հետազոտված ապացույցներով հաստատված համարելով Հայկ Բաղդասարյանի պատիվն ու արժանապատվությունն արատավորող տեղեկությունների տարածման փաստը Սվետլանա Առաքելյանի կողմից, և, նկատի ունենալով այն հանգամանքը, որ դատաքննությամբ չի ապացուցվել արատավորող տեղեկությունների համապատասխանությունն իրականությանը՝ Դատարանը գտել է, որ «Հայք» թերթում հրապարակված հոդվածում՝ վերնագրված «Սպանության հետքերով», տեղ գտած տեղեկությունները (այն մասին, որ «Հայկը մահացել էր 2006 թ. փետրվարին՝ թմրանութ օգտագործելիս», «երբ Հայկը եկավ Ռուսաստանից, արդեն թմրամոլ էր») ենթակա են հերքման:

ՎՃռով Ս. Առաքելյանը պարտավորեցվել է հերքել հրապարակված «Սպանության հետքերով» խորագրով հոդվածում Հայկ Բաղդասարյանի պատիվն ու արժանապատվությունն արատավորող տեղեկությունները և հերքումը տպագրել նույն «Հայք» թերթում: Լրացուցիչ վճիռ կայացնելու Հայցվորի միջնորդությունը (նկատի ունենալով, որ թերթը այլևս լույս չի տեսնում) Դատարանի կողմից մերժվել է:

**Դատական ակտի իրավական վերլուծությունը՝ Մարդու իրավունքների եվրոպական կոնվենցիայի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

### **Հանրային նշանակությունը**

Հոդվածում, ի թիվս այլ տեղեկությունների, քննարկվում են Հայցվորի որդու՝ Հայկ Բաղդասարյանի մահվան հանգամանքները, նշելով, որ Հայկը մահացել է թմրանութ օգտագործելիս:

ՄԻԵԴ-ի նախադեպային իրավունքի համաձայն՝ Դատարանն ընդլայնված պաշտպանություն է տրամադրում խոսքի ազատությանը, եթե համապատասխան հայտարարություններն արվել են հանրային քննարկման համատեքստում (*Ֆլաքսն ընդդեմ Միլլովայի/Flux v. Moldova, 20/11/2007*, դիմում թիվ 28702/03, Կրասովյան ընդդեմ ՌԴ/ *Krasulya v. Russia, 22/02/2007*, դիմում թիվ 12365/03): Հանրային շահի առկայությունը ՄԻԵԴ-ի կողմից տարբերակվում է երկու ասպեկտներով՝ այն սուբյեկտների շրջանակով, որոնց նկատմամբ քննադատության շրջանակներն ավելի լայն են՝ մասնավոր անձանց համեմատ և այն հիմնահարցերի շրջանակով, որոնք առնչվում են հանրային շահին: ՄԻԵԴ-ի կողմից հետևողականորեն տարբերակվել են այն դեպքերը,

երբ առկա է հասարակության տեղեկացված լինելու իրավունքը և երբ իրապարակումը ծառայում է զուտ որոշ ընթերցողների հետաքրքրասիրությունը բավարարելուն (*Ստանդարտ Վերլագս Գմբհ-ն ընդեմ Ավստրիայի/Standard Verlags GmbH v. Austria*, 04/06/2009, դիմում թիվ 34702/07, 32-րդ պարբերություն):

Դատարանի վճռով ընդհանրապես քննարկման առարկա չի դարձել հանրային շահի առկայության հարցը խնդրու առարկա իրապարակման մեջ, որը հոդվածի բովանդակությունից առնվազն չի բխում:

### **Հայցվորի կարգավիճակը**

Հայցվորը վիճարկվող հոդվածում հիշատակված անձի՝ Հայկ Բաղդասարյանի մայրն է՝ Ս. Բաղդասարյանը, որը վերջինիս մահից հետո հանդես է եկել նրա պատվի և արժանապատվության պաշտպանության պահանջով:

Հոդվածի բովանդակությունից բխում է, որ Հ. Բաղդասարյանը մասնավոր անձ է, որի պարագայում ՄԻԵԴ-ն առավելագույն պաշտպանություն է նախատեսում զրպարտչական հայտարարությունների դեպքում, քանի որ նա գիտակցաբար իրեն ենթակա չի դարձրել հանրային մանրակրկիտ քննարկման համար (*Թամմերն ընդեմ Էստոնիայի/ Tammer v. Estonia*, 06/02/2001, դիմում թիվ 41205/98):

### **Փաստեր և գնահատողական դատողություններ**

Դատարանի կողմից առանձին քննարկման առարկա չի դարձել իրապարակված տեղեկությունների տեսակը (փաստ թե գնահատողական դատողություն): Հոդվածի բովանդակությունից բխում է, որ վիճարկվող հայտարարություններն ունեցել են փաստական տվյալների շարադրանք:

Հոդվածում մեջ է բերվել որպես Կարինե հիշատակված Կարեն Մանուկյանի կնոջ խոսքը, որում էլ ներկայացված են վիճարկվող հայտարարությունները: Դատաքնությամբ հաստատվել է, որ Կարինեն գործով Պատասխանող Սվետլանա Առաքելյանն է, այսինքն՝ հոդվածում վերջինիս անունը փոխված է: Թեև Դատարանի վճռով հաստատվել է Ս. Առաքելյանի ինքնությունը՝ որպես վիճարկվող արտահայտությունների աղբյուր, այդ հանգամանքը չի քննարկվել որպես լրագրողի կողմից աղբյուրը հստակ չնույնականացնելու գործոն՝ վիճարկվող հայտարարություններից լրագրողի կողմից պատշաճ հեռավորություն ապահովելու համատեքստում:

Այլ անձանց խոսքի վերարտադրությանն առնչվող ՄԻԵԴ-ի դիրքորոշումները հետևյալն են. հարցագրույցի ընթացքում ուրիշի կողմից արված հայտարարությունների տարածմանն աջակցող լրագրողին պատժելը լրջորեն կիսոչնդութի՝ հանրային շահին առնչվող հարցերի քննարկմանը՝ մամուլի ունեցած նպաստին և նման պատիժ չպետք է նախատեսվի, եթե չկան դրա համար առանձնապես հիմնավոր պատճառներ (Զերսիլդն ընդեմ Դանիայի/Jersild v Denmark, 23/09/1994, դիմում թիվ 15890/89, 35-րդ պարբերություն): Լրագրողների նկատմամբ ընդհանուր պահանջը, ըստ որի՝ նրանք պարտավոր են պարբերաբար և ձևականորեն իրենց տարանջատել այլ ան-

ձանց վիրավորող, սադրող կամ նրանց հեղինակությանը վնասող մեջքերման բովանդակությունից, անհամատեղելի է ընթացիկ դեպքերի, կարծիքների և զաղափարների վերաբերյալ տեղեկատվություն տարածելու մամուլի դերի հետ (*Թոման ընդեմ Լյուքսեմբուրգի/Thoma v. Luxembourg*, 29/03/2001, դիմում թիվ 38432/97, 64-րդ պարբերություն):

Էրլա Հլինսդոտիրն ընդեմ Իսլանդիայի (*Erla Hlynsdottir v. Iceland*, 10/07/2012, դիմում թիվ 43380/10, 70-րդ պարբերություն) գործով կայացված վճռով ՄԻԵԴ-ը շեշտել է, որ.

«...Վերաբերադրելով ոչ միայն պարոն Բ-ի և պարոն Ը-ի իրադարձությունների տարբերակները, այլ նաև պարոն Ա-ի /մեղադրանքների սուբյեկտի/ տարբերակը՝ դիմումատուն փորձել է հավասարակշռության հասնել իր լուսաբանման մեջ: ... Թեև համապատասխան հայտարարությունները կարող էին վնաս պատճառել պարոն Ա-ի հեղինակությանը, Դատարանը պատճառ չի տեսնում քննադատելու դիմումատուին, այն հարցում, որ վերջինս հեռափորություն չի ապահովել պարոն Բ-ի հայտարարությունների բովանդակությունից»:

Սույն գործով Սվետլանա Առաքելյանը դատարանին տված ցուցմունքով հայտնել է, որ տեղեկությունները փոխանցել է իր տուն եկած անձին՝ չիմանալով, որ վերջինս լրագրող է:

ՄԻԵԴ-ի կողմից սահմանված վերոնշյալ նախադեպային սկզբունքներն այլ անձանց հայտարարությունների տարածմանը լրագրողի աջակցության և դրա համար պատասխանատվության բացառման վերաբերյալ (առանց իիմնավոր պատճառների) դժվար թե կիրառելի լինեին այս գործով, քանի որ դրանք հրապարակային ներկայացնողը եղել է ոչ թե Ս. Առաքելյանը, այլ լրագրողը և լրատվամիջոցը, իսկ Ս. Առաքելյանը այդ տեղեկությունները լրագրողին հայտնել է առանց դրանք տարածելու մտադրության, առանց վերջինիս՝ լրագրողը լինելու հանգամանքի իմացության: Բացի այդ, լրագրողը հոդվածում պատշաճ կարգով չի նույնականացրել տեղեկատվության աղբյուրը: Նշվածի լույսի ներքո էլ ավելի խնդրահարույց է Ս. Առաքելյանի վրա համապատասխան տեղեկությունները հերքելու պարտականություն դնելը:

Վճիռը խնդրահարույց է նաև այն մասով, որ վճոհ կայացման պահին «Հայք» թերթու այլևս լույս չէր տեսնում, հետևաբար հերքումը հնարավոր չէր լինի հրապարակել:

**Սույն գործով կիրառելի են նաև ՄԻԵԴ-ի հետևյալ դիրքորոշումները.**

«Կոնվենցիայի 10-րդ հոդվածով լրագրողների համար ամրագրված երաշխիքը կիրառվում է պայմանով, որ նրանք գործում են բարեխղճորեն՝ տրամադրելու ձգգրիտ և արժանահավատ տեղեկություններ՝ լրագրողական էթիկայի պահանջներին համապատասխան» (*Բլադետ Թրուն և Ստենսաս ընդեմ Նորվեգիայի/Bladet Tromsø and Stensaas v. Norway*, 20/05/1999, դիմում թիվ 21980/93, 65-րդ պարբերություն, *Պրագերը և Օբերշլիքն ընդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն): «ՄԻԵԿ-ի 10-րդ հոդվածի 2-րդ մասին համապատասխան՝ այս ազատության իրականացումը ենթադրում է «պարտականություններ և պատասխանատվություն», որոնք կիրառելի են նաև մա-

մովի նկատմամբ: Այս պարտականություններն ու պատասխանատվությունը ձեռք են բերում էական նշանակություն, երբ արատավորվում է անհատի հեղինակությունը և խախտվում են «այլոց իրավունքները»: «Որքան ավելի լուրջ է արված հայտարարությունը, այնքան ավելի ամուր փաստական հիմքեր են անհրաժեշտ այն հիմնավորելու համար» (*Եվրոպասփրես Հոլդինգ Դ.Օ.Օ. ընդդեմ Խորվաթիայի/Europapress Holding D.O.O. v. Croatia*, 22/10/2009, դիմում թիվ 25333/06, 66-րդ պարբերություն):

Դատարանի կողմից ՄԻԵԿ-ի և ՄԻԵԴ-ի նախադեպերին որևէ հղում չի կատարվել, չի իրականացվել նաև գործի հանգամանքների՝ վերոնշյալ նախադեպային սկզբունքներով պայմանավորված իրավական վերլուծություն:

## **ԳԵՎՈՐԳ ՀԱՅՐԱՊԵՏՅԱՆ ԸՆԴՀԵՄ «ՄՈՒԼՏԻ ՄԵԴԻԱ ԿԵՆՏՐՈՆ ԹԻՎԻ» ՓԲԸ-Ի**

### **Գործի հանգամանքները**

«Մոլուխ Մեդիա Կենտրոն Թիվի» ՓԲԸ-ի «Կենտրոն» հեռուստաղնկերությունը (այսուհետ՝ «Պատասխանող») «Հետաքննություն» հաղորդաշարի շրջանակներում տեսանյութ է հեռարձակել, որում Գևորգ Հայրապետյանը (այսուհետ՝ «Հայցվոր») ներկայացվել է որպես լրտեսության ձևով պետական դավաճանություն կատարած անձ: Ներկայացվել է նաև, որ Երևան քաղաքի Ավան և Նոր Նորք վարչական շրջանների ընդհանուր իրավասության դատարանը Գևորգ Հայրապետյանի վերաբերյալ կայացրել է մեղադրական դատավճիռ: Հրապարակվել է, որ նույն քրեական գործով մեղադրյալ Բաղերիին փոխանցված սկավառակը պահված է եղել նրա պայուսակի ստորին մասի տակդիրում, որը հայտնաբերվել է ՀՀ ԿԱ ԱԱԾ աշխատակիցների կողմից: Ներկայացված հատվածում Գևորգ Հայրապետյանը, կատարելով լրտեսություն, ակնկալել է ստանալ 60.000 ԱՄՆ դոլար գումար, իսկ Քելքաջարում տեղադրված ականների տեղակայման վայրերը հայտնելու համար նրան խոստացել են յուրաքանչյուր ականի համար 1000 ԱՄՆ դոլար գումար: Տեսանյութում ցուցադրվել են կադրեր, որոնցում ինչ-որ անձ մեկ այլ անձի գումար է փոխանցում: Տեսանյութի ցուցադրման ժամանակ բացակայել է նշումը, որ ցուցադրվող կադրերն օպերատիվ նկարահանումներ չեն: Տեսանյութը եթեր է հեռարձակվել 2010 թ. նոյեմբերի 14–21-ն ընկած ժամանակահատվածում:

«Կենտրոն» հեռուստաղնկերությանն ուղղված 01.12.2010 թվականի գրությամբ Հայցվորի ներկայացուցիչը նշել է, որ Գևորգ Հայրապետյանի վերաբերյալ Երևան քաղաքի Ավան և Նոր Նորք վարչական շրջանների ընդհանուր իրավասության դատարանի 25.10.2010 թ. մեղադրական դատավճիռն օրինական ուժի մեջ չի մտել, հետևաբար, այդ պայմաններում նման տեսանյութի եթեր հեռարձակումը խախտում է Գևորգ Հայրապետյանի՝ «Մարդու իրավունքների և հիմնարար ազատությունների մասին» եվրոպական կոնվենցիայի 6-րդ հոդվածի 2-րդ կետով, ՀՀ Սահմանադրության 21-րդ հոդվածի 1-ին մասով և ՀՀ քրեական դատավարության օրենսգրքի 18-րդ հոդվածի 1-ին կետով երաշխավորված անմեղության կանխավարկածի իրավունքը:

## **Գործի դատավարական նախապատմությունը**

28.12.2012թ. Գևորգ Հայրապետյանը (այսուհետ՝ Հայցվոր) հայցադիմում է ներկայացրել Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարան (այսուհետ՝ Դատարան) ընդդեմ «Մոլտի Մեդիա Կենտրոն Թիվի» ՓԲ ընկերության (այսուհետ՝ Պատասխանող)` իր պատիվն ու արժանապատվությունն արատավորող տեղեկությունները հերքելու նպատակով իրեն անվճար հեռուստաժամ տրամադրելու պահանջով։ 17.02.2011թ. դատարան ներկայացված դիմումով Հայցվորի ներկայացուցիչն, ավելացնելով հայցապահանջը, խնդրել է Պատասխանող ընկերությունից հօգուտ Գևորգ Հայրապետյանի գանձել 3.000.000 ՀՀ դրամ գումար՝ որպես պատճառված բարոյական վնասի փոխհատուցում։

16.10.2011թ. Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանը վճիռ է կայացրել, որով մերժել է Գևորգ Հայրապետյանի հայցն ընդդեմ «Մոլտի Մեդիա Կենտրոն Թիվի» ՓԲ ընկերության՝ ՄԻԵԿ-ի 6-րդ հոդվածով երաշխավորված անմեղության կանխավարկածի խախտման փաստն արձանագրելու, քաղաքացու պատիվն ու արժանապատվությունն արատավորող տեղեկությունները հերքելու նպատակով Հայցվորին անվճար հեռուստաժամ տրամադրելու և պատճառված բարոյական վնասի հատուցման պահանջի մասին։

**Նշված վճոհ դեմ վերաբննիշ բողոք են բերել Գևորգ Հայրապետյանն ու նրա ներկայացուցիչը։**

2011թ. սեպտեմբերի 15-ին ՀՀ վերաբննիշ քաղաքացիական դատարանը մերժել է Գևորգ Հայրապետյանի և նրա ներկայացուցչի վերաբննիշ բողոքը։

ՀՀ վերաբննիշ քաղաքացիական դատարանի որոշման դեմ բողոք է բերել Գևորգ Հայրապետյանի ներկայացուցիչը։ ՀՀ վճուաբեկ դատարանը որոշել է վերադարձնել Գևորգ Հայրապետյանի ներկայացուցչի բերած վճուաբեկ բողոքը։

**Դատական ակտի իրավական վերլուծությունը՝ Մարդու իրավունքների եվրոպական կոնվենցիայի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լրացի ներքո**

Իր վճուում Դատարանը հղում է կատարել ՄԻԵԿ-ի 10-րդ հոդվածին և ՀՀ Սահմանադրության 27-րդ հոդվածին, որոնք ամրագրում են արտահայտվելու ազատության իրավունքը, «Տեղեկատվության ազատության մասին» ՀՀ օրենքին, «Զանգվածային լրատվության մասին» ՀՀ օրենքին։

Նշված իրավական ակտերին հղումներ կատարելով՝ Դատարանը հետևողություն է կատարել, որ ՀՀ-ում երաշխավորված է տեղեկատվության ազատության իրավունքը, և ԶԼՄ-ները հանդիսանում են տեղեկություններ և գաղափարներ փնտրող, ստացող և տարածող սուրյեկտներ։

Դատարանն արձանագրել է, որ Գևորգ Հայրապետյանի վերաբերյալ հարուցվածքրեական գործի նյութերն այն իմաստով, որքանով չեն պարունակում պետական գաղտնիք «Տեղեկատվության ազատության մասին» ՀՀ օրենքի իմաստով հանդիսանում են տեղեկատվություն և կարող են հրապարակվել:

Դատարանն արձանագրել է, որ զանգվածային լրատվամիջոցը, հրապարակելով տեսանյութը, ներկայացրել է բացառապես այն եղելությունը, ինչն արտահայտված է քրեական գործի նյութերում՝ չկատարելով որևէ սեփական հետևողություն: Դատարանը հաստատված է համարել, որ Պատասխանող ընկերությունը հրապարակել է բացառապես քրեական գործի նյութերում և դատարանի դատավճռում շարադրված տեղեկություններ և հղում է կատարել տեղեկատվության աղբյուրին:

Դատարանը գտել է, որ ՄԻԵԿ-ի 6-րդ հոդվածով երաշխավորված անմեղության կանխավարկածի խախտման փաստն արձանագրելու պահանջը գուրկ է իրավական և օրենսդրական հիմքից և ենթակա է մերժման:

Անդրադառնալով Հայցվորի՝ որպես բարոյական վնասի հատուցում 3.000.000 ՀՀ դրամ գումար բոնագանձելու պահանջին՝ Դատարանը փաստել է, որ օրենսդիրն անձի պատվի, արժանապատվության և գործարար համբավի պաշտպանության միջոցներն իրականացնելու հետ միասին հնարավորություն է ընձեռել նաև վիրավորանք հասցրած կամ զրպարտած անձից դատական կարգով պահանջելու վիրավորանքի կամ զրպարտության հետևանքով պատճառված գույքային վնասի, ներառյալ՝ ողջամիտ դատական ծախսերը և խախտված իրավունքների վերականգնման համար կատարած ողջամիտ ծախսերը, այլ ոչ՝ բարոյական վնասի հատուցում:

Հերքման պահանջի մասով Դատարանը նշել է, որ օրենսդիրը նախատեսել է տեղեկատվության մեջ անձի իրավունքները խախտող փաստացի անձշտությունները հերքելու եղանակները: Օրենսդիրը որպես հերքման եղանակ չի նախատեսել իրավունքը խախտած անձին կամ նրա ներկայացուցչին անվճար հեռուստաեթեր տրամադրելը:

Դատարանը վճռել է հայցը մերժել և Հայցվորից բոնագանձել 60.000 ՀՀ դրամ՝ որպես պետական տուրք:

Վերաբննիչ դատարանը, անդրադառնալով նյութական իրավունքի խախտման վերաբերյալ բողոքի հիմքին, հիշատակել է ՀՀ Սահմանադրության 3-րդ հոդվածը, որը սահմանում է, որ մարդը, նրա արժանապատվությունը, իմաստական իրավունքները բարձրագույն արժեքներ են, ՀՀ Սահմանադրության 14-րդ հոդվածը, որի համաձայն՝ մարդու արժանապատվությունը՝ որպես նրա իրավունքների ու ազատությունների անքակտելի հիմք, հարգվում և պաշտպանվում է պետության կողմից, ՀՀ Սահմանադրության 18-րդ հոդվածը, որը սահմանում է, որ յուրաքանչյուր ոք ունի իր իրավունքների և ազատությունների դատական պաշտպանության արդյունավետ միջոցների իրավունք, ՀՀ քաղաքացիական օրենսգրքի 19-րդ հոդվածի 1-ին մասին, որով սահմանված է, որ քաղաքացին իրավունք ունի դատարանով պահանջել

հերքելու իր պատիվը, արժանապատվությունը և գործարար համբավն արատավորությունները, եթե նման տեղեկություններ տարածած անձը չապցուցի, որ դրանք համապատասխանում են իրականությանը:

Վերաքննիչ դատարանը վկայակոչել է նաև ՄԱԿ-ի կանոնադրությունը, որը հոչակել է իրավունքների և ազատությունների պաշտպանությունը, ինչպես նաև ՄԱԿ-ի Գլխավոր ասամբլեայի կողմից ընդունված Մարդու իրավունքների համընդհանուր հոչակագիր, որում ասվում է, որ ոչ չի կարող ենթարկվել իր պատվին և գործարար համբավին ուղղված կամայական ոտնածզությունների:

Վերաքննիչ դատարանը գտել է, որ վերաքննիչ բողոքի համար նշանակություն ունեցող և ընդհանուր իրավասության դատարանի կողմից հետազոտված ապացույցների հիման վրա հաստատված փաստերի վերլուծության արդյունքում ընդհանուր իրավասության դատարանը վեճի վերաբերյալ եկել է իրավացի եզրահանգման: Ուստի Վերաքննիչ դատարանն անհիմն է համարել բողոքում նշված դատական սխալների վերաբերյալ փաստարկները: Հետևաբար վերաքննիչ բողոքը մերժվել է:

ՎՃռաբեկ դատարանը, քննարկելով բողոք բերած անձի հիմնավորումները՝ վՃռաբեկ բողոք քննության ընդունելու մասին, գտել է, որ վՃռաբեկ բողոքը ենթակա է վերադարձման: ՎՃռաբեկ դատարանը գտել է, որ Վերաննիչ դատարանի կողմից թույլ տրված դատական սխալի մասին բողոք բերած անձի հիմնավորումը հերքվում է Վերաքննիչ դատարանի որոշմամբ նշված պատճառաբանություններով:

Վերաքննիչ դատարանն արձանագրել է, որ «դատաքննությամբ հիմնավորվել է, որ Պատասխանող ընկերությունը իրապարակել է բացառապես քրեական գործի նյութերում և դատարանի դատավճռում շարադրված տեղեկություններ և հղում է կատարել տեղեկատվության աղբյուրին»:

ՎՃռաբեկ դատարանն արձանագրել է, որ ՄԻԵԴ-ը «Մելտեքս» ՍՊԸ-ն և Մելրոպ ՄՌՎՀՍՀ ընդունել Հայաստանի (գանգատ թիվ 32283/04) գործով 17.06.2008թ. վՃռով՝ ՀՀ վՃռաբեկ դատարանի որոշման պատճառաբանվածության վերաբերյալ, արտահայտել է իր իրավական դիրքորոշումն այն մասին, որ «ՎՃռաբեկ դատարանի իրավասությունը սահմանափակվում էր միայն իրավունքի հարցերի ուսումնասիրությամբ»:

ՎՃռաբեկ դատարանը որոշել է վերադարձնել Գևորգ Հայրապետյանի ներկայացուցչի բերած վՃռաբեկ բողոքը:

Ներանտական դատարանները չեն կիրառել ՄԻԵԿ-ի 6-րդ և 13-րդ հոդվածներին վերաբերող ՄԻԵԴ-ի նախադեպերում սահմանված սկզբունքները:

ՄԻԵԿ-ի 6-րդ հոդվածի 1-ին մասը սահմանում է.

«Յուրաքանչյուր ոք, երբ որոշվում են նրա քաղաքացիական իրավունքներն ու պարտականությունները կամ նրան ներկայացված ցանկացած մեղադրանքի առնչությամբ, ունի օրենքի հիման վրա ստեղծված անկախ և անաշառ դատարանի կողմից ողջամիտ ժամկետում ար-

դարացի և հրապարակային դատաքննության իրավունքը։ Միևնույն հոդվածի 2-րդ մասի համաձայն՝ «Յուրաքանչյուր ոք, ով մեղադրվում է քրեական հանցագործություն կատարելու մեջ, համարվում է անմեղ, քանի դեռ նրա մեղավորությունն ապացուցված չէ օրենքին համապատասխան»։

### ՄԻԵԿ-ի 13-րդ հոդվածը սահմանում է.

«Յուրաքանչյուր ոք, ում սույն Կոնվենցիայով ամրագրված իրավունքներն ու ազատությունները խախտվում են, ունի պետական մարմինների առջև իրավական պաշտպանության արդյունավետ միջոցի իրավունք»։

ՄԻԵԴ-ը Կոնվենցիայի 6-րդ հոդվածի 2-ին մասում ամրագրված անմեղության կանխավարկածը դիտարկում է որպես ՄԻԵԿ-ի 6-րդ հոդվածի 1-ին մասում ամրագրված արդար դատաքննության պայմաններից մեկը։ Հստ այդմ, ներպետական դատարանները պետք է բողոքը քննեին հոդվածի երկու մասերի փոխկապվածության տեսանկյունից՝ այն, որ մինչև դատավճռի օրինական ուժի մեջ մտնելը նման բովանդակությամբ տեսանյութ հեռարձակելը խախտում է Հայցվորի արդար դատաքննության իրավունքը։

ՄԻԵԴ-ն արձանագրել է, որ լրատվամիջոցների կողմից ընթացիկ իրադարձությունների լուսաբանումը ՄԻԵԿ-ի 10-րդ հոդվածով երաշխավորված ազատ արտահայտվելու դրսևնորում է։ Սակայն ներպետական դատարաններն անտեսել են այն հանգամանքը, որ Գևորգ Հայրապետյանի գործով քրեական դատավարությունն անցկացվել է դոնփակ, գործի նյութերը չեն իրապարակվել «պետական գաղտնիքի տարր» պարունակելու պատճառով։ Նման պարագայում գեղարվեստական ձևավորմամբ կադրերի ցուցադրումը հաստատում է ամբաստանյալի մեղավորությունը, ինչն էլ իր հերթին հանդիսանում է ՄԻԵԿ-ի 6-րդ հոդվածի 2-րդ մասով ամրագրված անմեղության կանխավարկածի սկզբունքի խախտում։

*Բլադետ Թրոմս և Ստենսաս լնդեմ Նորվեգիայի/Bladet Tromsø and Stensaas v. Norway, 20/05/1999, դիմում թիվ 21980/93, 65-րդ պարբերություն) գործում ՄԻԵԴ-ը հաստատել է հետևյալը։*

«ՄԻԵԿ-ի 10-րդ հոդվածը, այնուամենայնիվ, չի երաշխավորում կատարելապես անսահմանափակ արտահայտվելու ազատություն նույնիսկ այն դեպքերում, երբ խոսքը գնում է մամուլի կողմից հանրության մտահոգության առարկա հանդիսացող լուրջ հարցերի լուսաբանման մասին։ Նշված հոդվածի 2-րդ մասի պայմանների համաձայն՝ այս ազատության իրականացումը պայմանավորված է «պարտականություններով և պատասխանատվությամբ», որոնք վերաբերում են նաև մամուլին։ Այս «պարտականությունները և պատասխանատվությունը» նշանակություն են ձեռք բերում, երբ խոսքը վերաբերում է մասնավոր անձանց հեղինակության նկատմամբ ունաձգություններին և «այլ անձանց իրավունքների» խախտումներին։ Եվ քանի որ «պարտականությունները և պատասխանատվությունն» արտահայտվելու ազատության իրականացման տարրերից են, համընդիանուր շահին վերաբերող հարցերը լուսաբանելիս 10-րդ հոդվածով լրագրողներին վերապահված երաշխիքը պարտադրում է, որ նրանք

գործեն բարեխղձորեն՝ տրամադրելու ձշգրիտ և արժանահավատ տեղեկատվություն՝ պահպանելով լրագրողական էթիկայի կանոնները»:

ՄԻԵԴ-Ն արտահայտվելու ազատության իրավունքի սահմանափակման մեկ այլ «օրինական նպատակ» է սահմանում «դատական իշխանության հեղինակությունն ու անկողմնակալությունը»:

Այս առումով *Ուորմի ընդեմ Ավստրիայի/Worm v. Austria*, 29/08/1997, դիմում թիվ 22714/93, 40-րդ պարբերություն) գործում ՄԻԵԴ-ը նշել է.

«Դատական իշխանության հեղինակություն» արտահայտությունը ներառում է, մասնավորապես, այն, որ դատարաններն են հանդիսանում իրավունքների և պարտականությունների ձանաշման և դրանց վերաբերյալ վեճերի լուծման պատշաճ ատյանը և որպես այդպիսին՝ ընկալվում են հանրության կողմից: Ի լրումն սրա՝ լայն հանրությունը պետք է ունենա հարգանք և վստահություն այդ գործառույթն իրականացնելու՝ դատարանի կարողության նկատմամբ: «Անկողմնակալությունը», որպես կանոն, նշանակում է նախապաշարմունքի կամ կողմնակալության բացակայություն: Այնուհանդերձ, ... դատարանի անկողմնակալությունը պաշտպանելու հարցում խնդիրն այն վստահությունն է, որ դատարանները պետք է ներշնչեն քրեական գործով մեղադրյալներին, ինչպես նաև լայն հանրությանը»:

ՄԻԵԴ-ի կողմից հաստատված սույն սկզբունքից պարզ է դառնում, որ Գևորգ Հայրապետյանը չէր կարող ունենալ վստահություն դատարանի նկատմամբ՝ իր իրավունքների և պարտականությունների ձանաշման գործառույթն իրականացնելու հարցում, եթե մինչև գործով վճռի ուժի մեջ մտնելը լիարժեքորեն չէր կարող օգտվել գործով վճիռը բողոքարկելու ընթացքում անկախ և անկողմնակալ դատարանի կողմից իր գործի քննության իրավունքից:

*Ջերսիլդի ընդեմ Դանիայի/Jersild v Denmark*, 23/09/1994, դիմում թիվ 15890/89, 31-րդ պարբերություն) գործում ՄԻԵԴ-ը նշել է.

«Հաշվի առնելով լրագրողի «պարտականություններն ու պատասխանատվությունը», լրատվամիջոցի հավանական ազդեցությունը կարևոր գործոն է: Ընդունված փաստ է, որ հեռարձակող լրատվամիջոցները հաճախ ունեն ավելի անսիրական և հզոր ազդեցություն քան տպագիր լրատվամիջոցները: Հեռարձակող լրատվամիջոցները պատկերների միջոցով հնարավորություն ունեն հաղորդելու այնպիսի մտքեր, որոնք չեն կարող անել տպագիր լրատվամիջոցները»:

Ներառետական դատարանները չեն անդրադարձել անձնական կյանքի պաշտպանության հարցին:

**ՄԻԵԿ-ի 8-րդ հոդվածը սահմանում է.**

«1. Յուրաքանչյուր մարդ իրավունք ունի, որպեսզի հարգվի իր անձնական ու ընտանեկան լյանքը, ապահովվեն իր բնակարանի անձեռնմխելիությունը, նամակագրության գաղտնիությունը:

2. Զի թույլատրվում պետական մարմինների միջամտություն այդ իրավունքի իրականացմանը, բացառությամբ այն դեպքերի, երբ դա նախատեսված է օրենքով և անհրաժեշտ է ժողովրդավարական հասարակության մեջ ի շահ պետական անվտանգության, հասարակական կարգի կամ երկրի տնտեսական բարեկեցության, կարգուկանոնի պահպանման և հանցագործությունների կանխման համար, անկարգությունների կամ հանցագործությունների կանխման, առողջության պահպանման կամ բարոյականության պաշտպանության կամ այլ անձանց իրավունքների և ազատասիրությունների պաշտպանության նպատակով»:

*Ֆոն Հաննովերն ընդդեմ Գերմանիայի (Von Hannover v. Germany, 07/02/2012, դիմում թիվ 40660/08, 98–99–րդ պարբերություններ) գործում, երբ դիմումատուն փորձել է կանխարգելել իր և իր ընտանիքի լուսանկարների հրապարակումը Եվրոպական մի շարք պետությունների թերթերում, ՄԻԵԴ–ն արձանագրել է հետևյալը.*

«Դատարանը կրկնում է, որ չնայած 8–րդ հոդվածի հիմնական նպատակը մարդուն հանրային մարմինների կամայական միջամտություններից պաշտպանության ապահովումն է, այն չի սահմանափակվում միայն այդպիսի միջամտությունից ձեռնպահ մնալով։ Ի լրումն այս նեզատիվ պարտավորության՝ պետությունն ունի նաև պողիտիվ պարտավորություն անձնական և ընտանեկան կյանքի արդյունավետ պաշտպանության համար։ Սակայն այս հոդվածով սահմանված պողիտիվ և նեզատիվ պարտավորությունների սահմանը հստակ ուրվագծված չէ։ Այնուամենայնիվ, կիրառվող սկզբունքները նման են։ Երկու դեպքում էլ պետք է հավասարակշուղվեն միմյանց հետ մրցակցող իրավունքները՝ մի կողմից մարդու, իսկ մյուս կողմից հանրային շահը։ Երկու դեպքում էլ պետությունն ունի որոշակի հայեցողության լուսանցք»։

Այն դեպքերում, երբ դատարանը պետք է հավասարակշուղ մարդու անձնական կյանքի նկատմամբ հարգանքի իրավունքը արտահայտվելու ազատության հետ, նա միշտ ընդգծել է հանրային շահի համատեքստում թերթերում բանավեճ խթանելու տեսանկյունից նկարների և հոդվածների ունեցած ներդրումը։

Այսպիսով ներպետական դատարաններն ուշադրություն չարժանացնելով ՄԻԵԿ–ի 8–րդ հոդվածով ամրագրված անձնական կյանքի պաշտպանության հարցին, անտեսել են նաև այն հարցը, որ Գնորգ Հայրապետյանի մասին նման տեղեկատվության տարածումը չի նպաստել հանրային բանավեճին, այլ սուսկ նպատակ է ունեցել ազդել լսարանի վրա։

Այսպիսով, ներպետական դատարանների որոշումների վերլուծությունը պարզում է, որ սույն գործում դատարանները չեն կիրառել ՄԻԵԿ–ի դատական նախադեպերով վերահաստատված և ոչ մի սկզբունք։

## **ՍԱՀՄԱՆԱԴՐԱԿԱՆ ԴԱՏԱՐԱՆԻ 2011 թ. ՆՈՅԵՄԲԵՐԻ 15-Ի ԹԻՎ ՍԴՈ-997 ՈՐՈՇՈՒՄԸ**

2011թ. նոյեմբերի 15-ին ՀՀ սահմանադրական դատարանը կայացրեց թիվ ՍԴՈ-997 որոշումը՝ ի պատասխան ՀՀ մարդու իրավունքների պաշտպանի՝ ՀՀ քաղաքացիական օրենսգրքի 1087.1-րդ հոդվածի սահմանադրականության հարցը որոշելու մասին 2011թ. հոկտեմբերի 13-ի դիմումի: Որոշումը 37 էջից կազմված մի փաստաթուղթ է, որը մի քանի դրական հստակեցումներից զատ, պարունակում է մի շարք անորոշ սահմանումներ ու ձևակերպումներ, որոնք հաշվի առնվելու դեպքում, ել ավելի մեծ շփոթ են առաջացնելու առանց այն ել այս ոլորտի մասին մեղմ ասած սահմանափակ պատկերացում ունեցող դատական պրակտիկայում:

### ***Դրական հստակեցումների շարքում կարելի է առանձնացնել.***

1. Այն դիրքորոշումը, որի համաձայն՝ ՀՀ դատարանները պետք է ընդունեն Մարդու իրավունքների եվրոպական դատարանի նախադեպային իրավունքում տեղ գտած հասարակական ու քաղաքական գործիչների քննադատության առավել լայն սահմանների մասին սկզբունքը (ՍԴՈ-997, 25-րդ էջ),
2. Այն սկզբունքային մոտեցումը, որի համաձայն՝ «անձ» արտահայտությունը չի վերաբերում իշխանության մարմիններին որպես իրավաբանական անձ,
3. «Անվանարկում» եզրի ներմուծումը:

### ***Անորոշություններից արժի հատկապես նշել հետևյալը.***

1. Անվանարկման իրավունքի (defamation law) ոլորտում կա երկու մոտեցում՝ բրիտանական և մայրցամաքային իրավունքի մոտեցումները: Առաջինի համաձայն՝ գոյություն ունի միայն անվանարկում եզրը (defamation), որը կարող է ունենալ բանավոր (slander) և զրավոր (libel) ձևերը: Անվանարկել, այն է՝ անունը զցել, վարկարեկել, կարելի է ինչպես տեղեկություններ՝ փատեր կամ փաստական տվյալներ, այնպես է՝ գաղափարներ՝ կարծիք կամ գնահատողական դատողություններ արտահայտելու միջոցով: Առաջինի դեպքում որպես պաշտպանություն անվանարկած անձը, որը քաղաքացիական դատավարությունում հանդես է գալիս Պատասխանողի կարգավիճակով, վկայակոչում է ձշմարտության/հիմնավորման պաշտպանությունը (defence of justification) կամ հանրային շահի պաշտպանությունը (defence of public interest), իսկ երկրորդ դեպքում՝ հանրային շահին վերաբերող հարցի շուրջ ազնիվ կարծիքի արտահայտման պաշտպանու-

թյունը (defence of a fair comment on a matter of public interest): Մայրցամաքային իրավունքի երկրներում զոյլություն ունեն երկու հասկացություններ՝ զրաբարտություն (defamation)` արատավորող տեղեկություններ կամ փաստեր կամ փաստական տվյալներ և վիրավորանք (insult)` արատավորող գաղափարներ կամ կարծիք կամ գնահատողական դատողություն իրապարակելը: Այս երկու մոտեցումները հստակ չպատկերացնելու և չտարանջատելու հետևանքով ՀՀ սահմանադրական դատարանի որոշման մեջ գտնում ենք հետևյալ սահմանումները, որոնք բերելիս Սահմանադրական դատարանը հղում է անում ԵԱՀԿ-ի 2005թ. սահմանաձ արտահայտություններին՝ «անվանարկում (defamation), զրավոր արտահայտություն, որը վնասում է անձին (libel), ինչպես նաև հայտարություն կամ գործողություն, որն ասվել կամ արվել է այլ անձի վիրավորելու նպատակով (insult)»:

2. Այս երկու իրավախախտումների առկայությունը դիտավորությամբ պայմանավորելու մասին՝ Սահմանադրական դատարանի որոշման ձևակերպումները նույնպես համապարփակ պատկերացման վկայություն չի կարելի համարել: Ըստ երևոյթին այն, ինչ Սահմանադրական դատարանը նկատի ունի «դիտավորության» տակ, նույն բրիտանական անվանարկման իրավունքի չարամտություն (malice) հասկացությունն է, որն ունի երկու տարատեսակ. իրավական չարամտություն (legal malice), որը ենթադրում է, որ տեղեկությունները կամ զաղափարները իրապարակվել են անազնվորեն (dishonesty) կամ չմտածված կերպով ձշմարտությունն անտեսելով (reckless disregard for truth) և իրական չարամտություն (actual malice), որը ենթադրում է չարացածություն կամ անձնական շահ: Այսպիսով՝ չարամտություն հասկացությունն՝ իրավական իմաստով, ենթադրում է ոչ միայն դիտավորության, այլև անզգուշության տարրեր: Ամեն դեպքում չարամտությունն ապացուցելու բեռը կրում է հայցվորը: Մնում է հասկանալ, թե դիտավորություն ասելով իրականում ինչ է նկատի ունեցել ՀՀ սահմանադրական դատարանը և թե ինչպես է նա հաշտեցրել իր այս մոտեցումը ՀՀ քաղաքացիական օրենսգրքի 1087.1-րդ հոդվածի այն ընդհանուր կանոնի հետ, որի համաձայն՝ այս տիպի գործերով անհրաժեշտ փաստական հանգամանքների առկայության կամ բացակայության ապացուցման պարտականությունը կրում է պատասխանողը:

3. Սահմանադրական դատարանի համար վիրավորանք չի համարվում գնահատողական դատողությունը, քանի որ «գնահատողական դատողությունը փաստական հանգամանքների վերլուծության արդյունքում արվող հետևողություն է, ինչը լրագրողի ոչ միայն իրավունքը, այլև պարտականությունն է»: Իսկ թե ինչու փաստական հանգամանքների վերլուծության արդյունքում, լրագրողը չի կարող արտահայտել անազնիվ գնահատողական դատողություն, այս հարցին Սահմանադրական դատարանը չի պատասխանում թերևս այն պատճառով, որ իր որոշմամբ անհասկանալի տարանջատում է կատարում կարծիքի ու գնահատողական դատողությունների միջև այն դեպքում, երբ սրանք, ըստ էության, նույն բանն են:

4. Սահմանադրական դատարանի որոշման մեջ սխալ են թարգմանված նաև ոլորտի մի շարք կարևոր եզրեր: Այսպես՝ արտահայտվելու ազատության իրավունքի ոլորտում ՄԻԵԴ-ի կարևորագույն նախադեպի՝ *Հենդիսայդն ընդեմ Միացյալ Թագավորության* (Handyside v UK, 07/12/1976, դիմում թիվ 5493/72, 49-րդ պարբերություն) ձևակերպումը Սահմանադրական դատարանի որոշման մեջ թարգմանաբար ձևակերպված է հետևյալ կերպ. «Արտահայտվելու ազատությունը...կիրառելի է ոչ միայն այն «տեղեկատվության» կամ «զաղափարների» նկատմամբ, որոնք ընդունվում են բարեհաձությամբ կամ համարվում են անվտանգ կամ չեղոք, այլ նաև նրանց, որոնք վիրավորում են, ցնցում կամ անհանգստություն պատճառում»: Մի կողմ թողնելով այն փաստը, որ որոշման մեջ որևէ հղում չկա հենց այս վճռին, որով առաջին անգամ սահմանվել է այս կարևոր սկզբունքը ու նաև այն փաստը, որ այս վերջին երեք բառերն ամբողջ որոշման մեջ նոյնիսկ հետևողական կիրառություն չեն գտնում՝ հայտնվելով միանգամայն տարբեր համակցություններում, ինչը ևս անթույլատրելի է իրավական տեքստի համար, հարկ է նշել, որ ՄԻԵԴ-ի օգտագործած եզրերն են «offend, shock or disturb», և առաջինը ոչ մի կերպ չի կարող թարգմանվել որպես «վիրավորել» (insult), այլ լավագույն դեպքում՝ «վրդովեցնել», քանի որ հիշյալ եզրերի տարբերությունը անվանարկման ուժգնության կամ աստիճանի մեջ է:
5. Մեկ այլ լուրջ սխալ, որ առկա է Սահմանադրական դատարանի որոշման մեջ, ոչ նյութական վնասի փոխհատուցում (compensation for non-pecuniary damage) հասկացության մասին թյուր պատկերացումն է: Վերցնելով ոչ նյութական վնասի փոխհատուցում արտահայտությունը ՄԻԵԴ-ի նախադեպային իրավունքից («Փաստերի քննադատական գնահատականը...չի կարող բարոյական վնասի փոխհատուցման պահանջի բավարարման հիմք հանդիսանալ: Սակայն, եթե անձի բարի համբավը ուժնահարվում է, եթե նոյնիսկ արատավորող հայտարարությունը գնահատողական դատողություն է, դատարանը կարող է սահմանել ոչ նյութական վնասի հատուցում» (*Ուկրաինական Մեջիս Գրուպն ընդեմ Ուկրաինայի/Ukrainian Media Group v. Ukraine*, 29/03/2005, դիմում թիվ 72713/01, 61-րդ պարբերություն), ՍԴՌ-997 որոշում, 33-րդ էջ)` Սահմանադրական դատարանը հստակորեն չի պատկերացնում դրա բովանդակությունը: Այդ մասին է վկայում որոշման 29-րդ էջի վերջին պարբերության վերջին նախադասությունը, որով Սահմանադրական դատարանն առանձնապես կարևորում է այն հանգամանքը, որ «վիճարկվող հոդվածի 7-րդ և 8-րդ մասերը, ի լրումն փոխհատուցման նյութական ձևի, նախատեսում են նաև փոխհատուցման ոչ նյութական ձևեր»: Այս եզրահանգումն ամրապնդվում է նաև որոշման 35-րդ էջի 5-րդ կետի ձևակերպումն ընթերցելիս. «արատավորող արտահայտությունների (գործողությունների) արդյունքում պատճառված վնասի դիմաց որպես առաջնահերթություն անհրաժեշտ է կիրառել ոչ նյութական փոխհատուցման ձևեր...»: Մինչդեռ ըստ ՄԻԵԴ-ի՝ ոչ նյութական փոխհատուցումն է, որը հատկացվում

Է իրավախախտման հետևանքով անձի կրած ցավը, տառապանքը, վիշտը, իսկ մեր դեպքում՝ հեղինակության կորուստը, փոխհատուցելու նպատակով։ Ըստ այդմ, ՀՀ քաղաքացիական օրենսգրքի 1087.1-րդ հոդվածի 7-րդ և 8-րդ մասերը նախատեսում են ոչ նյութական վնասի փոխհատուցում մինչև սահմանված նվազագույն աշխատավարձի 1000-ապատիկի և 2000-ապատիկի չափով, համապատասխանաբար։ Մնացածը խախտված իրավունքի պաշտպանության եղանակներ են, այլ ոչ թե՝ ոչ նյութական փոխհատուցում։

Եվ վերջապես ՍԴ-ն չի պատասխանել ՀՀ քաղաքացիական օրենսգրքի՝ խնդրո առարկա դրույթների սահմանադրականության մասին հարցադրումներին։ Առնվազն երկու կետում այս հարցադրումները հստակ պատասխան էին պահանջում, որոնք Սահմանադրական դատարանն այդպես էլ չտվեց։ Մեկն այն էր, թե արդյոք վիրավորանքը միայն իրապարակային լինելու փաստով վիրավորանք համարելը չի հակասում ՀՀ Սահմանադրության խտրականության արգելքի մասին դրույթին, ինչին Սահմանադրական դատարանը տվեց հետևյալ պատասխանը. «վիճարկվող հոդվածի իրավակարգավորման շրջանակներից դուրս է մասնավոր-իրավական բնույթի հարաբերությունների կարգավորումը։ Այդուհանդերձ, սահմանադրական դատարանը գտնում է, որ դա ոչ թե օրենսգրքի տվյալ հոդվածի, այլ ընդհանուր իրավակարգավորման բաց է, և այն հաղթահարելու համար ՀՀ Ազգային ժողովն իր իրավագորության շրջանակներում առանձին քննարկման առարկա պետք է դարձնի ոչ իրապարակային վիրավորանքից պաշտպանության իրավական կանոնակարգման խնդիրը»։ Հարց է առաջանում. իսկ ինչ է կարգավորում ՀՀ քաղաքացիական օրենսգրքը՝ ընդհանրապես, և տվյալ հոդվածը՝ մասնավորապես, եթե ոչ՝ մասնավոր-իրավական բնույթի հարաբերություններ։ Հանրային։

Երկրորդ, այն հարցադրմանը, թե արդյոք 1087.1-րդ հոդվածում ամրագրված փոխհատուցման առավելագույն շեմը չի հակասում համաշափության սահմանադրական սկզբունքին, Սահմանադրական դատարանը նոյնականացած տալ սպառիչ պատասխան՝ բավարարվելով ՀՀ ազգային ժողովին խորհուրդ տալով վերանայել այդ շեմը, որպեսզի այն արտահայտվելու ազատության իրավունքի անհամաշափ սահմանափակումների տեղ չթողնի։ Եթե Սահմանադրական դատարանը համաշափության խնդիր է տեսնում, ուրեմն դրույթը հակասում է համաշափության սահմանադրական սկզբունքին և, ըստ այդմ, հակասահմանադրական է։ Ազգային ժողովին ուղերձ հղելն արդեն երկրորդական հարց է։ Իսկ եթե նման խնդիր չի տեսնում, ապա ինչո՞ւ պետք է իշեցվի փոխհատուցման առավելագույն շեմը։

## **«ԳԼԵՆԴԵԼ ՀԻԼԶ» ՓԲԸ-Ն ԸՆԴԴԵՄ «ԺԱՄԱՆԱԿ» ՕՐԱԹԵՐԹԻ (հրատարակչ՝ «Սկիզբ Մեղիս Կենտրոն» ՍՊԸ)**

### **Գործի հանգամանքները**

Այս գործով «Գլենդել Հիլզ» ՓԲԸ-ն (այսուհետ՝ Հայցվոր) իրականացրել է սույն գործով խնդրո առարկա հանդիսացող շինարարությունը պետական միջոցների հաշվին՝ միաժամանակ նաև հանդիսանալով կառավարության հետ կնքված բազմաթիվ գործարքներով հանրային գործառույթներ իրականացնող կազմակերպություն:

Սույն գործով պատասխանող է հանդիսանում «Սկիզբ Մեղիս Կենտրոն» ՍՊԸ-ն (այսուհետ՝ Պատասխանող), որը թողարկում է «Ժամանակ» օրաթերթը:

Պատասխանողի կողմից իրապարակվող զանգվածային լրատվության միջոցի «Ժամանակ» օրաթերթի 26.08.2010թ. թիվ 136 համարում տպագրվել է «\$1000 լրության դիմաց» խորագրով հոդվածը հետևյալ բովանդակությամբ.

«Լավատեղյակ աղբյուրներից հայտնի դարձավ, որ «Գլենդել Հիլզ» կազմակերպության Գյումրիի ներկայացուցիչները Գյումրիում իրենց կառուցած Մուշ-2 թաղամասի շենքերից մեկի ինքնափլուզումից հետո փորձել են ամեն գնով համոզել բնակիչներին, որպեսզի նրանք կատարվածի մասին տեղյակ չպահեն լրատվամիջոցներին: Մեր աղբյուրը, որ չցանկացավ ներկայանալ, տեղեկացրեց թե՝ բնակիչներին «Գլենդել Հիլզն» առձեռն առաջարկել է 1000 դոլար գումար, ինչպես նաև խոստացել արագ վերանորոգել բնակարանը, միայն թե այդ թեման չհայտնվի ԶԼՄ-ներում, իսկ հակառակ դեպքում սպառնացել, որ չի վերանորոգի բնակարանը: Տուժած բնակիչները, սակայն, իրաժարվել են «Գլենդել Հիլզի» հետ ստվերային գործարքից»:

Նոյն լրատվամիջոցի 01.09.2010թ. թիվ 140 համարում տպագրվել է «Դեռ համարձակվում են խոսել» խորագրով հոդվածը՝ հետևյալ բովանդակությամբ.

«....պարզվում է՝ նրանց մոտ սանձարձակությունը սահման չունի, վերջերս նրանք համարձակվել են մառազմատիկ ցնդաբանության կամ հոգեկան հիվանդի բարբաջանքին նմանվող տեքստ ուղարկել մեր թերթի խմբագրություն և պահանջել, որ հերքման անվան տակ տպենք այն: Մենք, իհարկե, տպում ենք այդ տեքստը: Բայց ոչ թե այն պատճառով, որ պարտավոր ենք դա անել, այլ որպեսզի մեր ընթերցողներին, գյումրեցիներին, ցույց տանք այս ընկերության իրական դեմքը»:

Հայցվորը սույն գործի շրջանակներում կատարել էր 500.000 ՀՀ դրամի փաստաբանական ծախսեր, իսկ Պատասխանողի համախառն եկամուտը 2010թ կազմել է 9.934.500 ՀՀ դրամ, որից 7.450.000 ՀՀ դրամը կազմել է համախառն եկամուտից նվազեցումները: Հաշվետու տարվա հարկվող շահույթը կազմել է 1.895.000 ՀՀ դրամ:

Հայցվորը, դիմելով Դատարան, խնդրել էր պարտավորեցնել Պատասխանողին հերքել «Ժամանակ» օրաթերթում հրապարակված հոդվածում Հայցվորի գործարար համբավն արատավորող տեղեկությունները և Պատասխանողից հօգուտ «Գլենդել Հիլզ» ՓԲԸ-ի բռնագանձել 2.000.000 ՀՀ դրամ՝ որպես զրպարտության հետևանքով պատճառված վնասի փոխհատուցում, ինպես նաև 500.000 ՀՀ դրամ՝ որպես փաստաբանին վճարված գումար:

30.01.2012թ. Դատարանը հայցը բավարարել էր մասնակի և պարտավորեցրել «Սկիզբ Մեղիա Կենտրոն» ՍՊԸ-ին հերքելու «Ժամանակ» օրաթերթի 2010թ. օգոստոսի 26-ի թիվ 136 համարում հրապարակված «\$1000 լրության դիմաց» խորագրով հոդվածում Հայցվոր «Գլենդել Հիլզ» ՓԲԸ-ի գործարար համբավն արատավորող տեղեկությունները, ինչպես նաև Հայցվորից հօգուտ Պատասխանողի բռնագանձել 2.000.000 դրամ՝ որպես զրպարտության համար փոխհատուցման գումար: Պատասխանողից բռնագանձվել էր նաև 300.000 դրամ՝ որպես փաստաբանական ծախս և 10.000 դրամ՝ որպես պետական տուրքի գումար: Մնացած մասով հայցը մերժվել էր:

Սույն վճիռը բողոքարկվել էր ՀՀ վերաքննիչ քաղաքացիական դատարան, որը, սակայն այն թողել էր անփոփոխ:

ՀՀ վճուարեկ դատարանը վերադարձրել էր վերաքննիչ քաղաքացիական դատարանի որոշման դեմ բերված բողոքը:

**Դատական ակտի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Սույն վերլուծության մեջ, ստորև, անդրադարձ է կատարվել արտահայտվելու ազատության այն հիմնարար սկզբունքներին, որոնք չեն արժանացել սույն գործը քննած դատարանների ուշադրությանը՝ ուղղակիորեն հանգեցնելով Պատասխանող լրատվամիջոցի արտահայտվելու ազատության անհամաշափ սահմանափակման:

### **Հայցվորի անձը և կարգավիճակը**

Սույն գործով Հայցվորը ՀՀ պետական բյուջեի միջոցների հաշվին լայնածավալ շինարարություն իրականացնող ընկերություն էր, որը, թեկուզն առևտրային և մասնավոր անձ էր, այնուամենայնիվ գործունեություն էր իրականացնում հանրային ուշադրության կենտրոնում գտնվող մի այնպիսի ոլորտում՝ աղետի գոտու տարածքի շինարարական վերականգնման աշխատանքներում: Բացի այդ, պետք էր նկատի ունենալ նաև այն հանգամանքը, որ Հայցվոր կազմակերպությունը հանդիսանում էր մի շարք լայնածավալ շինարարական աշխատանքների կատարող, որոնք հանձնա-

րարված էին իրեն պետական միջոցների հաշվին, որոնք իրականացնելիս այս կազմակերպությունն ուղղակիորեն իրականացնում էր հանրային իշխանության մի շարք գործառույթներ նաև Հանրապետության այլ տարածքներում. մասնավորապես՝ Երևանի կենտրոնի կառուցապատման ծրագրերում բանակցություններ բնակիչների և գույքի սեփականատերերի հետ գերակա հանրային շահի ձանաշման պայմաններում այդ գույքի հարկադիր օտարման հարաբերություններում, պետության անունից սեփականատերերի և այլ իրավատերերի դեմ դատարան դիմել և իրականացնել պետության դատական ներկայացուցչությունն այդ ոլորտում և այլն:Այս հանգամանքն առհասարակ անտեսվել էր թե դատավարության կողմերի, թե ինչ Դատարանի կողմից, այնինչ էական տարբերություն կա նման գործառույթներ իրականացնող կազմակերպության և հասարակ առևտրային գործունեություն իրականացնող անձին առաջադրվող՝ իր հասցեին ուղղված քննադատության նկատմամբ հանդուրժողականության պահանջի աստիճանների մեջ: Բնականաբար տվյալ դեպքում Հայցվորի կարգավիճակն ունեցող կազմակերպությունն առավել հանդուրժողականությամբ պետք է ընդուներ իր գործունեությանն ուղղված քննադատությունը՝ ներառյալ դրա չափազանցված լինելու դեպքերում:

Մինչդեռ Դատարանի կողմից այս հանգամանքին հպանցիկ անդրադարձն ուղղակիորեն կիրառվել է հակառակ նպատակով: Ինչպես նկարագրված է սույն վերլուծության մեջ՝ միջամտության համաշափության հատվածում, Հայցվորի կարգավիճակն ընդհանուր իրավասության Դատարանի կողմից վկայակոչվել է որպես նման փոխհատուցման նշանակման հիմնավորում:

Այսինքն, Հայցվորների անձի և կարգավիճակի վերլուծության մասում դատարանները, ձևականորեն հղում տալով ՄիԵԴ բազմաթիվ վճիռների, իրականում դրանցում նշանակած չափորոշիչները կիրառել են ՄիԵԿ-ի 10-րդ հոդվածի նպատակներին հակառակ նպատակով:

### **Պատասխանողի անձը և կարգավիճակը**

Նմանապես, դատարանների կողմից անտեսվել էր նաև Պատասխանողի կարգավիճակը: Մասնավորապես, այն հանգամանքը, որ Պատասխանողը լրատվամիջոց էր, որևէ էական գնահատականի չէր արժանացել դատարանների կողմից: Մինչդեռ ՄիԵԿ-ի 10 հոդվածի շրջանակներում դեռ վաղ նախարեպային վճիռներում (տես, մասնավորապես՝ *Սանդի Թայմսն ընդեմ Մթ/ Sunday Times v. UK*, 26/04/1979, դիմում թիվ 6538/74, 50 (թ) պարբերություն) ՄիԵԴ-ը նախանշել էր, որ.

«լրատվամիջոցների դերը պետք է լիներ հանրության համար մշտահսկող լինելը ... նրա առաքելությունն է տարածել տեղեկություններ և գաղափարներ քաղաքական անցուղարձի և կյանքի, ինչպես նաև հանրային շահին առնչվող այլ թեմաների վերաբերյալ: Բացի այն, որ լրատվամիջոցներն ունեն այսպիսի տեղեկությունների և գաղափարների տարածման խնդիր, հանրությունն իր հերթին ունի այլ տեղեկություններ և գաղափարներն ստանալու իրավունք»:

Պատասխանողի կարգավիճակը հատկապես կարևոր է սույն գործի շրջանակներում նաև ՄԻԵԴ-ի մեկ այլ՝ սույն գործի հանգամանքներին ուղղակիորեն վերաբերելի այն մոտեցման լույսով (տես օրինակ՝ *Պրագերն և Օբերշլիկն ընդդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/84, 38-րդ պարբերություն), որ.

«Լրագրողական ազատությունը ենթադրում է նաև որոշակի չափազանցություն և նույնիսկ սադրանքի դիմելու հնարավորություն»:

Կրկին, ինչպես և Հայցվորի կարգավիճակի հարցում, դատարանները ոչ միայն հաշվի չեն առել Պատասխանողի լրատվամիջոց լինելու հանգամանքը, այլ այն օգտագործել են հենց պատասխանատվության խստացման իմաստով՝ հղում կատարել տեղեկատվության տարածման եղանակի՝ տպագիր մամուլով տարածելու վրա: Այսինքն, ինչպես և Հայցվորի կարգավիճակի դեպքում, Պատասխանողի կարգավիճակին առնչվող մոտեցումները դատարանի կողմից օգտագործվել են ՄԻԵԿ-ի 10 հոդվածի պահանջներին և նպատակներին ուղիղ հակառակ:

### **Արտահայտությունների հանրային շահի առարկա լինելու հանգամանքը**

Խնդրո առարկա արտահայտությունների կատարման համար առկա հանրային գերակա շահի հարցը նույնպես քննության առարկա չի դարձվել դատարանների կողմից: Մինչդեռ, համաձայն թե միջազգային իրավունքի նորմերի (ՄԻԵԿ-ի 10-րդ հոդված), թե ներպետական իրավունքի նորմերի (ՀՀ քաղաքացիական օրենսգիրք, 1087.1-րդ հոդվածի 5-րդ մաս)՝ արատավորող տեղեկությունների հրապարակման համար պատասխանատվությունը կարող էր սահմանափակվել նաև այն դեպքերում, եթե նման տեղեկությունների հրապարակումը տվյալ իրավիճակում և իր բովանդակությամբ պայմանավորված է եղել հանրային գերակա շահով, և դրանք հրապարակայնորեն ներկայացրած անձն ապացուցում է, որ ողջամտության սահմաններում ձեռնարկել է համապատասխան միջոցներ պարզելու համար դրանց ձշմարտությունը և իմնավորվածությունը: Սույն գործով Պատասխանողի կողմից դատարանին ներկայացվել էին տեղեկություններ առ այն, որ եթե ոչ ամրողությամբ, ապա մասնակիորեն տեղի էր ունեցել բնակելի շինության մի հատվածի ինքնափլուզում, ինչն օգտագործվելով հանրային գերակա շահին առնչվող տեղեկությունների տրամադրման մեջ Պատասխանող լրատվամիջոցի կողմից չափազանցեցված ներկայացվել էր որպես շենքի ինքնափլուզում:

Այլ խոսքով, նման պաշտպանական կառուցակարգի անտեսումը հանգեցրել է մի իրավիճակի, եթե մի կողմից Դատարանն ի վիճակի չի եղել միջամտության անհրաժեշտության և համաշափության հարցերին հիմնավորանդրադարձկատարելու: Այստեղ հարկ է նկատել նաև, որ նման անդրադարձի անհնարինությունը որոշակիորեն պայմանավորված է եղել նաև Պատասխանողի կողմից նման կառուցակարգերը հիմնավորապես և հստակ կերպով դատարաններին չառաջադրելու հանգամանքով:

## **Միջամտության համաշափության սկզբունքի կիրառումը**

Սույն գործով ընդհանուր իրավասության Դատարանի մոտեցումը միջամտության համաշափությանն ուշադրության է արժանի հատկապես այդ մոտեցման համար ոչ վերաբերելի չափանիշի՝ մարդասիրության սկզբունքի անտեղի վկայակոչմամբ և կիրառմամբ: Դատրանն այս մասով նշել է վճռի պատճառաբանական մասում:

«Վերը նշված հոդվածների վերլուծությունից հետևում է, որ օրենսդիրը, հետապնդելով օրինաչափ նպատակ, հնարավորություն է ընձեռել այն քաղաքացիական սուրբեկտին, ում գործարար համբավն արատավորվել է զրաբարտության միջոցով, որպես փոխհատուցում, զրաբարտողից պահանջել սահմանված նվազագույն աշխատավարձի մինչև 2000-ապատիկի չափով փոխհատուցում, սահմանելով չափանիշներ /զրաբարտողի գույքային դրություն/, որոնցով պետք է ուղղորդվի դատարանն արդարադատություն իրականացնելիս, այսինքն՝ օրենսդիրը, ենթելով մարդասիրության սկզբունքից, դատարանին իրավագործել է յուրաքանչյուր կոնկրետ դեպքում փոխհատուցման չափն ինքնուրույն որոշելու լայն հնարավորությամբ»:

Հարկ է նաև նկատել, որ սույն գործով լրատվամիջոցի արտահայտվելու ազատությանը միջամտության հարցին անդրադառնալիս դատարանների կողմից դրսորվել է ծայրահետ ֆորմալիստական մոտեցում՝ որպես փոխհատուցում նշանակելու հիմք ընդունելով միայն Հայցվորի գործարար համբավն արատավորելու փաստը: Դատարանն այս մասով նշել է.

«Սույն դեպքում դատարանը հաստատված համարելով այն հանգամանքը, որ Պատասխանողն արատավորել է Հայցվորի գործարար համբավը զրաբարտության միջոցով, գունում է, որ «Սկիզբ Մեդիա Կենտրոն» ՍՊ ընկերությունից պետք է բռնագանձել 200.000 ՀՀ դրամ՝ որպես փոխհատուցում՝ հաշվի առնելով զրաբարտության եղանակը, տարածման շրջանակը, ինչպես նաև «Սկիզբ Մեդիա Կենտրոն» ՍՊ ընկերության գույքային դրությունը»:

Մինչդեռ, Դատարանը պարտավոր էր անդրադարձ կատարել Պատասխանող լրավամիջոցի գույքային դրությանը: Այսպես, այն իրավիճակում երբ Պատասխանող լրատվամիջոցի տարեկան գուտ շահույթը կազմում էր ընդհամենը 1.895.000 դրամ, 200.000 դրամ գործարար համբավին պատճառված վնասի փոխհատուցում նշանակելը՝ 300.000 դրամ փաստաբանական ծախսի և 10.000 պետական տուրքի գումարի նշանակման պայմաններում հանգեցրել էր մի իրավիճակի, երբ Պատասխանող լրատվամիջոցի վրա դրվել էր փոխհատուցման մի բեռ, որն ավելին էր, քան այդ լրատվամիջոցի երեք ամսվա գուտ շահույթը, կամ ավելին քան դրա տարեկան գուտ շահույթի քառորդը:

Հետևաբար և ներպետական դատարանների կողմից Պատասխանող լրատվամիջոցի արտահայտվելու ազատության սահմանափակումը չէր կարող որևէ կերպ դիտվել «անհրաժեշտ ժողովրդավարական հասարակությունում»՝ հանգեցնելով Սահմանադրության 27-րդ և ՄԻԵԿ-ի 10-րդ հոդվածների խախտումների:

## **ԱՐԹՈՒՐ ԳՐԻԳՈՐՅԱՆ ԸՆԴՀԵՄ «ՀՐԱՊԱՐԱԿ ՕՐԱԹԵՐԹ» ՍՊԼ-Ի**

### **Գործի հանգամանքները**

2011թ. հունվար ամսին հրապարակվել է երկու քաղաքացիների բաց նամակն՝ ուղղված արդարադատության նախարարին, որում, ըստ փաստաբան Արթուր Գրիգորյանի (այսուհետ՝ «Հայցվոր»), տեղ են գտել իր պատիվը, արժանապատվությունը և գործարար համբավն արատավորող տեղեկություններ: Վյուհութեան, 10.08.2011թ. «Հրապարակ օրաթերթի» ինտերնետային կայքում ([www.hraparak.am](http://www.hraparak.am)) (այսուհետ՝ «Պատասխանող») տեղադրվել է հոդված՝ «Քաղաքացիներն անբարեխիղձ փաստաբանների զրի» վերնագրով, որով անդրադարձ է կատարվել վերոհիշյալ բաց նամակին և դրան հետևած իրադարձություններին: Կայքն ունի ընթերցողների, այդ թվում՝ կեղծանունով հանդես եկող, կողմից մեկնարանություններ թողնելու հնարավորություն:

23.09.2011. Հայցվորը տեղեկացել է, որ նշված հոդվածի վերաբերյալ կայքում անհայտ անձինք թողել են թվով 6 մեկնարանություններ, որոնք պարունակել են վիրավորանք և զրապարտություն իր հասցեին: Դրանք են.

### **«Արտակ»**

Հետաքրքիր է որ էս փաստաբանիկը արդար դատաքննություն է ակնկալում իր համար հետաքրքիր է վճարել է արդեն «արդար» դատաքննության համար «ժողովուրդ շատ շատերն են սրա քաշվածը ու մի օր ամեն ինչը ջրի երես էր ելնելու»

### **Անահիտ**

Ցավ եմ ապրում հենց մենակ նրա համար որ նման... Էլ են փաստաբան համարվում... ինքս լինելով փաստաբան պետք է նախ և առաջ ասեմ որ նա պարտավոր էր տեղյակ պահել իրեն դիմած քաղաքացիներին, որ Եվրոպական դատարան գործերը ընդունվում են հայերենով և անգլերենի իմացության կարիք չկա: Իսկ սա իհարկե չի ասել, բացի այդ նա շատ հանգիստ կարող էր ձշտել թե ինչ ընթացքում է գործը, որը իմ համոզմամբ նա արել է, բայց թաքցրել է իր պաշտպանյալներից... ստորագոյն արարք, եթե ինքը ագահ չլիներ գումարը պետք է վերադարձներ, իսկ ինչ վերաբերվում է սեմինար պարապմունք և նման ողորմելի ստերին, ավելի լավ է նման ցնդաբանությունների փոխարեն ներողություն խնդրի իր բոլոր վերևում կարծիքներ գրած նախկին պաշտպանյալներից, գումարները վերադարձնի ու հրապարակավ ուտի իր փաստաբանական արտոնագիրը:

## *Հակուիի*

Ես ուղղակի զարմանում եմ, թե մարդիկ ոնց են վստահում նման...ներին, մենակ իր արտաքին տեսքը բավարար է, որ դրան գործ չվստահես: Անզերենի իմացության կեղծ իմիշ են ստեղծում իրենց համար ու ժողովրդին խափում: Հայատանի ԻԲՌ հաջողակ փաստաբաների 99 տոկոսը համագործակցում են ու պակաս... ու կաշառակեր Դատավորների հետ ոչ մի վճիռ առանց կաշառի չի կայացվում ու բոլորը գիտեն դրա մասին և ժողովուրդը և իշխանությունը: Հարգելի փաստաբաններն ել մինչև գործին ծանոթանալը պարզում են, թե այդ գործի համար մարդիկ ինչքան են պատրաստվում վճարել, հետո նոր գնում են դատավորի հետ «Խոսակու» եթե մեկը կա ում դատական հարցը այս տարբերակով չի լուծվել թող բարձրաձայնի որ գրանցենք կարմիր գրքում:

## *Գարիկ*

Էս անդուր պաստաբան կոչեցյալը ոչ այլ ինչ է, եթե ոչ ստահակ ու ստախոս: Մեր գործով նույն սցենարով սկզբից պայմանագիր կնքեց 150000-ի հետո վերջում 600000-ի հասցրեց ու ընդամենը փորձեց հարցը դատավորի հետ միջնորդությամբ լուծել.այսինքն՝ ասեց փող տվեք դատավորի հետ պայմանավորվել եմ, բա եղ դեպքում ինչու էինք իրան էդքան փող տալիս, որ մի հատ էլ դատավորի հետ պայմանավորվում էր... Հետո ասում են կոռուպցիան դատարաններում որտեղից ա սկսվում, այ սենց արդկային նկարագիր չունեցող վիժվախը փաստաբաններից:

## *Սահակ*

Արթուր Գրիգորյանի պատճառով հյուսիսային պողոտայում կորցրեցինք բողոքարկելու իրավունքը զուտ բողոքը ուշացնելու պատճառով... Հետո պարզվեց էղ փողի դիմասա արել, ինչքան ժամանակ փնտրում էի որ սատկացնեմ շան պես... բացի դրանից ինչ այլանդակ վարքագիծ ունի էղ արդեն փաստաբանների պալատը թող փորձի կարգավորել, նման փաստաբաններին սենց պաշտպանելով Սահակյան Ռուբիկը իրան ավորակագրում ու ընդհանրապես փաստաբանության ինստիտուտը:

## *Սերգեյ*

Տեսնես իրան ասել են որ ստելը ու դրամաշորթումը լավ բան չեն ու փաստաբանի համար անհարիր բաներ են, էս դեպքը իսկական դրամաշորթում է... խարենությամբ գումար շորթել... տենց են անում թուղթ ու գիր անողները, խաղաքարդ նայողները որ ստի դիմաց փող են վերցնում... լրիվ նույն հանցակազմն է Արթուր Գրիգորյանի մոտ»:

17.10.2011թ. Հայցվորը դիմել է Դատարան ընդդեմ «Հրապարակ օրաթերթ» ՍՊԸ-ի՝ խնդրելով վերջինից հօգուտ իրեն բռնագանձել 18.000.000 ՀՀ դրամ՝ որպես վիրավորանքի և զրապարտության հետևանքով կրած ոչ նյութական վնասի փոխհատուցում: Նա պնդել է, որ Պատասխանողը պետք է առանձին պատասխանատվություն կրի յուրաքանչյուր մեկնաբանության համար՝ վճարելով դրանցից յուրաքանչյուրում պարունակվող վիրավորանքի համար 1.000.000, իսկ զրապարտության համար 2.000.000 ՀՀ դրամ: Դատարանը հայցադիմումն ընդունել է վարույթ, ինչպես նաև

կիրառել հայցի ապահովման միջոց, որով հայցագնի՝ 18.000.000 ՀՀ դրամ, չափով արգելանք է դրել Պատասխանողին պատկանող գույքի և դրամական միջոցների վրա: 08.11.2011թ. որոշմամբ կիրառված հայցի ապահովման միջոցը փոխարինվել է և 18.000.000 ՀՀ դրամի չափով արգելանք է դրվել Պատասխանողին պատկանող գույքի վրա: Դատարանում Հայցվորը նշել է, որ գիտակցում է, որ 18.000.000 դրամի միանվագ վճարումը կարող է կանգնեցնել Պատասխանողին սնանկության եզրին, ինչը կարող է վնասել իր պահանջի կատարմանը, ուստի փոփոխվել է հայցի առարկան՝ պահանջելով, որ Պատասխանողը գումարը վճարի ոչ թե միանվագ, այլ մաս առ մաս՝ 250.000 ՀՀ դրամ յուրաքանչյուր ամիս 6 տարվա ընթացքում:

Պատասխանողի դիրքորոշումը եղել է այն, որ ինտերնետը հանդիսանում է ժողովրդավարական հասարակարգում կարևորագույն իրավունքներից մեկի՝ խոսքի ազատության իրացման կարևորագույն գործիքներից, որի շրջանակներում անձինք գործնականում իրացնում են տեղեկություններ և գաղափարներ փնտրելու, ստանալու և տարածելու իրավունքը, իսկ տարարնույթ ֆորումները, սոցիալական ցանցերը և բլոգերը հանդիսանում են տեղեկատվական միջոցներ, որտեղ իրենց մեկնաբանությունները թողնելով՝ անձինք իրացնում են իրենց արտահայտվելու ազատության իրավունքը: Ամեն դեպքում հայտարարել են, որ խնդրու առարկա մեկնաբանությունները ջնջել են դատավարության ինչ-որ կետում՝ դրանորելով բարի կամք և պատրաստակամություն՝ հարգելու Արթուր Գրիգորյանի պահանջը:

**Դատական ակտի իրավական վերլուծությունը՝ Մարդու իրավունքների եվրոպական կոնվենցիայի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Դատարանը, ուսումնասիրելով գործի հանգամանքները և հետազոտելով ներկայացված ապացույցները, գտել է, որ հայցն անհիմն է և ենթակա է մերժման: Թեև Դատարանը վճո՞ի պատճառաբանական մասում անդրադարձել է ՄԻԵԿ-ի 10-րդ հոդվածի չափորոշիչներին, այդուհանդեռձ, ոչ լիարժեք, որոշ դեպքերում նույնիսկ սխալ հետևության հանգեցնող մեկնաբանությամբ է վերլուծել մի քանի էական կոնվենցիոն հիմնահարցեր, որոնք ուղղակի ազդեցություն են ունեցել սույն գործի վրա: Դրանք են հոդվածի հանրային նշանակության, Հայցվորի կարգավիճակի, Պատասխանողի կարգավիճակի, փաստական տվյալների և գնահատողական դատողությունների տարրերակման, ինտերնետի գործոնի, փոխհատուցման համաշակության հարցերը:

### **Թեմայի հանրային կարևորությունը**

ՄԻԵԿ-ի վերահաստատած սկզբունքի համաձայն՝ մամուլը յուրահատուկ պաշտպանություն է վայելում, քանի որ մամուլը ոչ միայն իրավունք, այլև պարտավորություն ունի տեղեկություններ և գաղափարներ տարածելու հանրային շահին վերաբերող ցանկացած հարցի շուրջ, իսկ հանրությունն իրավունք ունի դրանք ստանալու (*Սանդի Թայմսն ընդեմ Մթ/Sunday Times v. UK*, 26/04/1979, դիմում թիվ 6538/74, 50 (բ) պարբերություն): Դատարանի նախադեպերով հանրային շահին առնչվող խնդիրների

թվին են պատկանում<sup>1</sup> հանրային առողջապահությունը (*Հերթելն ընդեմ Շվեյցարիայի/Hertel v Switzerland*, 25/08/1998, դիմում թիվ 25181/94, 47-րդ պարբերություն), հիվանդի անվտանգությունը (*Սելիստոն ընդեմ Ֆինլանդիայի/Selisto v Finland*, 16/11/2004, դիմում թիվ 56767/00, 16-րդ պարբերություն), դատախազների ապօրինի գործողությունները (*Ռիզոս ու Դասկաս ընդեմ Հունաստանի/Rizos and Daskas v Greece*, 27/05/2004, դիմում թիվ 65545/01) քաղաքական գործիչների կամ տեղական պաշտոնյաների չարաշահումներ (*Լինգենսն ընդեմ Ավստրիայի/Lingens v. Austria*, 08/07/1986, դիմում թիվ 9815/82, 41–42–րդ պարբերություններ), հզոր առևտրային սուբյեկտների գործողությունները (*Սթիլը և Մորիսն ընդեմ Սթել/Steel and Morris v United Kingdom*, 15/02/2005, դիմում թիվ 68416/01, 95–րդ պարբերություն): Այս տեսանկյունից կասկած չի հարուցում այն հանգամանքը, որ հեղինակավոր փաստաբանի կողմից հնարավոր չարաշահումների և անքարեխիղձ գործեղակարգի թեման հանրային կարևորության խնդիր է և Դատարանը պետք է անպայմանորեն անդրադառնար այս խնդրին:

### **Հայցվորի կարգավիճակը**

Տարիներ շարունակ ՄԻԵԴ-ի կողմից հաստատված սկզբունք է եղել քաղաքական և հասարակական գործիչների կողմից քննադատական խոսքի նկատմամբ առավել մեծ հանդուրժողականություն դրսնորելու անհրաժեշտությունը (*Լինգենսն ընդեմ Ավստրիայի/Lingens v. Austria*, 08/07/1986, դիմում թիվ 9815/82, 42–րդ պարբերություն):

Հստ ՄԻԵԴ-ի՝ քննադատական խոսքին առավել հանդուրժողաբար պետք է վերաբերվեն նաև հայտնի փաստաբանները: Այսպես, իր *Բոդրոշիչն ընդեմ Սերբիայի/Bodrožić v. Serbia*, 23/06/2009, դիմում թիվ 38435/05, 34–րդ պարբերություն) գործով ՄԻԵԴ-ը սահմանել է.

«Ինչ վերաբերում է այն հարցին, թե արդյոք Ս.Կ.-ն կարող է դիտվել որպես հասարակական գործիչ, Դատարանը վերահաստատում է, որ մասնավոր անձը բացում է ինքն իրեն հանդուրժյան քննարկման համար, եթե մտնում է հանրային քննարկումների ասպարեզ: Տվյալ դեպքում կողմերը համաձայն են, որ Ս.Կ.-ն, որը փաստաբան էր, ներկայացրել էր գործարանի դեկավարությանը մեծ աղմուկ հանած մի սնանկության գործով և այդպիսով դարձել հանրահայտ անձ Կիկինդա քաղաքում: Հաշվի առնելով այն հանգամանքը, որ հոդվածները հրապարակվել էին այդ քաղաքի տեղական թերթում՝ Դատարանն ընդունում է, որ ներպետական դատարանը ձիցտ է որակել նրան որպես հասարակական գործիչ: Ս.Կ.-ն մուտք էր գործել հանրային քննարկումների ասպարեզ և, հետևաբար, նրան հասցեագրված որևէ քննադատության հարցում նրա հանդուրժողականության շեմը պետք է ավելի բարձր լիներ»:

### **Պատասխանողի կարգավիճակը**

Ներպետական դատարանը չի քննարկել նաև Պատասխանողի կարգավիճակը: Մասնավորապես, այն հանգամանքը, որ Պատասխանողը լրատվամիջոց էր, որևէ էական գնահատականի չի արժանացել Դատարանի կողմից: Մինչդեռ ՄԻԵԿ-ի 10–րդ հոդվածի շրջանակներում դեռ վաղ նախադեպային վճիռներում (տես, մասնա-

<sup>1</sup>Գևին Միլեր, «Արտահայտվելու ազատությունը. սեմինար, Երևան, 2011թ. նոյեմբեր», էջ 10:

վորապես՝ *Սանդի Թայմսն ընդեւմ ՄԹ/Sunday Times v. UK*, 26/04/1979, դիմում թիվ 6538/74, 50 (ք) պարբերություն) ՄԻԵԴ-ը նախանշել էր, որ.

«...լրատվամիջոցների դերը հանրային հսկիչ լինելն է ... նրա առաքելությունն է տարածել տեղեկություններ և գաղափարներ հանրային շահին առնչվող բոլոր հարցերի վերաբերյալ: Բացի այն, որ լրատվամիջոցներն ունեն այսպիսի տեղեկությունների և գաղափարների տարածման պարտականություն, հանրությունն իր հերթին ունի այդ տեղեկությունները և գաղափարներն ստանալու իրավունք»:

### **Փաստական տվյալներ և գնահատողական դատողություններ**

ՄԻԵԴ-ը հետևողականորեն շեշտել է փաստական տվյալների և գնահատողական դատողությունների միջև տարբերակման անհրաժեշտությունը: Հստ Դատարանի.

«Եթե փաստերի առկայությունը կարելի է ապացուցել, ապա գնահատողական դատողություններն ապացուցելի չեն: Գնահատողական դատողության ձշմարտացիության ապացուցման պահանջը անհնար է կատարել և խախտում է կարծիքի ազատությունն ինքնին, որը 10-րդ հոդվածով սահմանված իրավունքի հիմնարար մասն է» (*Lingens v. Austria*, 08/07/1986, դիմում թիվ 9815/82, 46-րդ պարբերություն):

Հաշվի առնելով վիրավորանքի և զրաբարտության տարբերակման կարևորությունը յուրաքանչյուր գործով՝ առաջին ատյանի Դատարանի վերլուծությունը պետք է կառուցվեր նաև գնահատողական դատողության և փաստական տվյալի միջև տարբերակման կատարման և դրանով պայմանավորված՝ ապացուցման պահանջվող աստիճանի շուրջ: Երբ արտահայտությունը հանդիսանում է գնահատողական դատողություն, միջամտության համաշափությունը կախված է նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նույնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց (*Dichand and Others v. Austria*, 26/02/2002, դիմում թիվ 29271/95, 41-րդ պարբերություն):

**Մինչեռ, ներպետական դատարանն ընդհանրապես հարկ չի համարել կատարել հիշյալ տարանջատումը, նշելով, որ.**

«Դատարանը կարևորում է, որ սույն գործով ապացուցման ենթակա է, թե արդյո՞ք «Հրապառակ օրաբերթ» ՍՊ ընկերությունը 10.08.2011թ.-ին իր հեղինակ Սոնա Հարությունյանի կողմից [www.hraparak.am](http://www.hraparak.am), «Քաղաքացիներն անբարեխիղձ փաստաբանների զ՞նի» վերտառությամբ տպագրված հոդվածի ներքո առկա «մեկնաբանություններ» հատվածում, այսինքն՝ հատուկ դրա համար ստեղծված դաշտում թողնված թվով 6 մեկնաբանությունների համար կարող է կրել պարտավորություններ, թե ոչ, ուստի չի անդրադառնում վերոգրյալ մեկնաբանություններում պարունակող բառերի համակարգային վերլուծության և չի փաստում, թե այդ բառերից կամ նախադասություններից որոնք են պարունակում վիրավորանք, զրաբարտություն կամ արդյոք դրանցում առկա է վիրավորանքի և զրաբարտության տարբերը»:

### **Ինտերնետի գործոնը**

Անհրաժեշտ էր նաև քննության առնել ինտերնետի գործոնը, ինչը Դատարանն

արել է որոշ չափով, սակայն՝ ոչ բավարար: Համաձայն խոսքի ազատության վերաբերյալ արդի միջազգային տեսական մտքի՝ Ինտերնետը գաղափարների և տեղեկությունների տարածման նոր միջոց է, որն ունի որոշ կարևոր հատկանիշներ, որոնք մեծացնում են անպատճանատու խոսքի տարածման վտանգները:

**Առաջինը անանունությունն է:** Ինտերնետը թույլ է տալիս հաղորդակցություն ստեղծողներին և տարածողներին մնալ չբացահայտված: Սա թույլ է տալիս առավել հեշտությամբ ստեղծել և սպառել կեղծ, ապօրինի և վտանգավոր նյութերը:

**Երկրորդը որակի նկատմամբ վերահսկողությունն է:** Ցատ այդմ, ինտերնետում տեղադրել ցանկացած բան: Ըստ այդմ, ինտերնետային հրապարակումը միանգամայն տարբեր է ավանդական հրապարակումից, քանի որ վերջինիս պարագայում կեղծ և ոչ ձգգրիտ տեղեկությունները, որպես կանոն, գտվում են: Ինտերնետում հավասարապես կարող են հրապարակվել և մակերեսային, և լավ ուսումնասիրված նյութերը:

**Երրորդը՝ ընթերցողների մեծ շրջանակի առկայությունն է:** Ցատ այդմ, ինտերնետը մատչելի է միլիոնավոր ընթերցողների և այցելուների համար, ինչը անսելիորեն մեծացնում է հրապարակման միջոցով պատճառված վնասը<sup>2</sup>:

Դատարանը պետք է հաշվի առներ, թե որքանով էին այս հանգամանքները ունակ ազդելու Հայցվորի պատվին, արժանապատվությանը և գործարար համբավին պատճառված վնասի վրա: Ի լրումն սրա՝ Դատարանը կարող էր հաշվի առնել ևս մի հանգամանք, այն է՝ թե որքանով կարող էին անանուն և ըստ էության հասարակությանն անհայտ անձանց մեկնաբանությունները վնաս պատճառել Հայցվորի հեղինակությանը: Մի կարևոր հանգամանք՝ կապված ինտերնետի հետ, այդուհանդերձ, Դատարանը հաշվի առել է, այն է՝ որ Հայցվորը նույնականացնելու համար է ազատողեն օգտվել Պատասխանող լրատվամիջոցի կայքում առկա մեկնաբանություններ թողնելու հնարավորությունից, ինչը, սակայն, չի արել:

## Փոխհատուցման համաշափության հարցը

*Ռումաննենկոն ընդդեմ Ռուսաստանի (Romanenko and others v. Russia, 08/10/2009, դիմում թիվ 11751/03, 48-րդ պարբերություն) վճռով ՄԻԵԴ-ը համարել էր, որ դիմումատուի խոսքի ազատության իրավունքը խախտվել էր նաև այն պատճառով, որ ներպետական դատարանները չէին վերլուծել, թե դիմումատու լրագրողի եկամուտների որ մասն են կազմել պահանջվող գումարները և արդյոք դրանցով չափից ավելի մեծ քեռ չի դրվել նրա վրա: Մինչեւ դիմումատուի պնդմամբ, ինչը չէր վիճարկել ՈՒ-ի կառավարությունը, պահանջվող գումարները հավասար են եղել նրա չորս ամսվա եկամուտներին և, հետևաբար, եղել են խիստ անհամաչափ:* Ցատ այդմ՝ ՄԻԵԴ-ը գտել էր, որ խախտվել է համաշափության սկզբունքն ու ձանաչել Կոնվենցիայի խախտում: Ներպետական դատարանը նույնականացնել է պետք է քննության առներ Հայցվորի կողմից պահանջվող փոխհատուցման գումարի համաշափության հարցը, ինչը չի արել:

<sup>2</sup> Free Speech: A Very Short Introduction by Nigel Warburton, p. 82.

## ՆՎԵՐ ՊՈՂՈՍՅԱՆ ԸՆԴՀԵՄ «ԺՈՂՈՎՈՒՐԴ ԹԵՐԹԻ ԽՄԲԱԳՐՈՒԹՅԱՆ» ՍՊԸ-Ի ԵՎ ԱՆՍ ԹՈՐՈՍՅԱՆ

### **Գործի հանգամանքները**

2011թ. հոկտեմբերի 7-ին «Ժողովուրդ» օրաթերթի (այսուհետ՝ Պատասխանող) թիվ 171 համարում հրապարակվել է «Մարզպետը կաշառք է վերցրել» վերնագրով հոդված, որում, մասնավորապես, ասվել է.

«Գեղարքունիքի մարզպետ Նվեր Պողոսյանը իր վարորդի միջոցով 3 հազար ԱՄՆ դոլար գումար է վերցրել՝ մարզի թթուցուր գյուղի դպրոցի պատմության ուսուցչի՝ մրցույթում «հաղթանակ» պարգևելու համար, այս մասին «Ժողովուրդ»-ին ասաց մրցույթի մյուս մասնակից Աննա Թորոսյանը: Այն, որ սահմանամերձ Ճամբարակի շրջանն ամենաաղքատ բնակավայրերից է, բոլորին է հայտնի, բայց պարզվում է, որ մեր երկրում կան պաշտոնյաներ, այս դեպքում բարգավաճ Հայաստան կառուցող, որոնց չի հետաքրքրում, թե մարդիկ որտեղից գումար կգտնեն՝ կաշառք տալու համար: Գլխավորը՝ գումարը մտնի իրենց գրպանը: Փոխանակ այնպիսի պայմաններ ստեղծեն, որ ուսուցչի պակաս ունեցող գյուղերում մարդիկ սիրով աշխատեն, դեռ մի բան էլ կաշառք են պահանջում: Երբ այս մասին «Ժողովուրդ» թերթը հարց է տվել ԲՀԿ մամլո խոսնակ Բաղրասար Մհերյանին, վերջինս ասաց, թե նման բան չի կարող պատահել, իսկ եթե եղել է, թող մեղավորը պատժվի: Ստացվում է, որ ԲՀԿ-ն իր մարզպետի գործողությունների համար պատասխանատու չե...»:

Հոդվածը վերատպվել է նաև մի շարք այլ կայքերում, ինչպիսիք են [www.aravot.am](http://www.aravot.am), [www.hetq.am](http://www.hetq.am), [www.panorama.am](http://www.panorama.am), [www.armtown.com](http://www.armtown.com) և այլն, որոնք հղում են կատարել «Ժողովուրդ» օրաթերթին:

2011թ. հոկտեմբերի 11-ին Գեղարքունիքի մարզպետ Նվեր Պողոսյանը (այսուհետ՝ Հայցվոր) հայցադիմում է ներկայացրել ընդհանուր իրավասության դատարան (այսուհետ՝ Դատարան) ընդդեմ «Ժողովուրդ թերթի խմբագրության» ՍՊԸ-ի և Աննա Թորոսյանի՝ պահանջելով դատարանից պարտավորեցնել Պատասխանողներին հերքում հրապարակել «Ժողովուրդ» օրաթերթում, վճարել 2.000.000 ՀՀ դրամի չափով ոչ նյութական վնասի փոխհատուցում, ինչպես նաև փոխհատուցել փատարանի վարձատրության համար իր կողմից կրած 500.000 ՀՀ դրամի չափով ծախսը:

2011թ. հոկտեմբերի 11-ին Պատասխանող Աննա Թորոսյանը «Ժողովուրդ» օրա-

թերթի խմբագրություն նամակ է ուղարկել հետևյալ բովանդակությամբ և խնդրել տպագրել այն:

«... Ես հրապարակայնորեն հայտարարում եմ, որ այդ ամենը ասել եմ ոչ ստույգ տվյալներից և ներողություն եմ հայցում Գեղարքունիքի մարզպետ Նվեր Պողոսյանից՝ իր անունը անհիմն շահարկելու համար»:

30.11.2011թ. Պատասխանող ընկերությունը հակընդդեմ հայց է ներկայացրել Դատարան՝ պատիվն ու արժանապատվությունը արատավորող տեղեկությունները հերթելու և զրպարտության փոխհատուցման գումար բռնագանձելու պահանջների մասին:

2012թ. մարտի 19-ին ընդհանուր իրավասության Դատարանը հայցը բավարարել է մասնակի՝ պարտավորեցնելով Պատասխանողին հերքման տեքստ տպագրել «Ժողովուրդ» օրաթերթում, Պատասխանողից բռնագանցել 100.000 <<դրամ՝ որպես ոչ նյութական վնասի փոխհատուցում և 100.000 <<դրամ՝ որպես փաստաբանի վարձատրության գումար: Դատարանը մերժել է «Ժողովուրդ» թերթի խմբագրություն» ՍՊԸ-ի հակընդդեմ հայցն ընդդեմ Նվեր Պողոսյանի:

Կողմերից որևէ մեկը սույն դատական ակտը չի բողոքարկել և մեկ ամիս անց այն մտել է օրինական ուժի մեջ:

### **Խոսքի ազատության կարևորությունը**

Դատարանը որևէ կերպ չի անդրադարձել արտահայտվելու ազատության կարևորությանը ժողովրդավարական հասարակությունում, թեև ՄԻԵԴ-ը արտահայտվելու ազատության իրավունքին առնչվող բոլոր նախադեպային վճիռներում առանց բացառության ընդգծում է այս իրավունքի կարևորությունը՝ մասնավորապես վկայակոչելով Հենդիսայդն ընդդեմ Միացյալ Թագավորության (Handyside v. UK, 07/12/1976, դիմում թիվ 5493/72, 49-րդ պարբերություն) գործը, որի համաձայն.

«...արտահայտվելու ազատությունը ժողովրդավարական հասարակության առանցքային հիմնայուներից է և նրա առաջընթացի, ինչպես նաև յուրաքանչյուր անհատի ինքնադրսնորման հիմնական պայմաններից մեկը: Պայմանով, որ այն համապատասխանում է Կոնվենցիայի 10-րդ հոդվածի 2-րդ պարբերության սահմանափակումներին, այս ազատությունը կիրառելի է ոչ միայն այնպիսի «տեղեկությունների. կամ «գաղափարների» նկատմամբ, որոնք բարյացակամորեն կամ անտարբերությամբ են ընդունվում կամ համարվում են անվնաս, այլև այնպիսիների, որոնք վրդովեցուցիչ են, ցնցող կամ անհանգստացնող: Դա է բազմակարծության, հանդուժողականության և լայնախոհության թելադրանքը, առանց որի չկա «ժողովրդավարական հասարակություն»:

### **Եռաստիճան թեսքը**

Դատարանն իր վճռում միանգամայն տեղին վկայակոչել է Կոնվենցիայի 10-րդ հոդվածով նախատեսված եռաստիճան թեսքը: Մասնավորապես՝ դատարանը գնահատել է, թե արդյոք տվյալ գործով արտահայտվելու ազատության սահմանափակումը.

- «սահմանված է օրենքով». դատարանը հղում է կատարել ՄԻԵԴ-ի *Սիլվերն ընդդեմ Միացյալ Թագավորության* (*Silver v. UK*, 25/03/1983, դիմում թիվ 5947/72) գործին, որտեղ ամրագրված է, որ «արտահայտվելու ազատության իրավունքի որևէ սահմանափակում պետք է բավարարի «օրենքով սահմանված» պահանջը: Այն պետք է սահմանված լինի ներպետական օրենսդրությամբ, օրենքը պետք է իրավես մատչելի լինի և բավարար չափով հստակ՝ քաղաքացուն հնարավորություն տալու կարգավորելու իր վարքը»:
- «հետապնդում է իրավաչափ նպատակ». այս հարցի վերաբերյալ դատարանը հղում է կատարել Կումպանան ընդդեմ Ռումինիայի (*Cumpana v. Romania*, 33348/96, դիմում թիվ 17/12/2004, 86-րդ պարբերություն) գործով ՄԻԵԴ-ի վճռին, որտեղ ամրագրված է, որ զրապարտության գործերով իրավաչափ նպատակն այլ անձանց հեղինակության պաշտպանությունն է: Դատարանը նաև հավելել է, որ «վերջին տարիներին ՄԻԵԴ-ը սահմանել է, որ անձի հեղինակության պաշտպանության իրավունքը Կոնվենցիայի 8-րդ հոդվածով երախավորված իրավունքներից մեկն է՝ որպես անձնական կյանքի նկատմամբ հարգանքի իրավունքի տարր»:
- «անհրաժեշտ է ժողովրդավարական հասարակությունում». թեսաթիւ այս աստիճանը գնահատելիս դատարանը, վկայակոչելով *Հենդիսային ընդդեմ Միացյալ Թագավորության* (*Handyside v. UK*, 07/12/1976, դիմում թիվ 5493/72, 49-րդ պարբերություն) վճիռը, հարկ է համարել հստակեցնել, թե ինչ ասել է «անհրաժեշտ» ժողովրդավարական հասարակությունում, մասնավորապես նշելով, որ «դա հաճախ ավելին է, քան «օգտակարը», «ողջամիտը» կամ «ցանկալին»... և որ այն պետք է բխի «Ճնշող հասարակական կարիքից», լինի համաչափ հետապնդող օրինական նպատակին...»: Նշել է նաև, որ «սահմանափակման անհրաժեշտությունը պետք է «համոզիչ կերպով հիմնավորվի փաստերով» (*Բարթոլդն ընդդեմ Գերմանիայի/Barthold v. Germany*, 25/03/1985, դիմում թիվ 8734/79, 55-րդ պարբերություն)»:

Այդուհանդերձ, վճռի ընթերցումից ակնհայտ է, որ այս բոլոր հղումներով հանդերձ՝ դատարանը սխալ է կիրառել եռաստիճան թեսաթիւ, քանի որ փոխարենը գնահատելու, թե որքանով խոսքի ազատության իրավունքին իր հնարավոր միջամտությունը կբխի «Ճնշող հասարակական կարիքից»՝ Դատարանը գնահատել է, թե որքանով է Պատասխանողի հրապարակումը բխում «Ճնշող հասարակական կարիքից».

«...Հայցվորը իրականացնելով պետական կառավարումը մարգում մինչ օրս դրսնորել է բարեխիղձ վարքագիծ, աշխատել է օրինական սկզբունքի սահմաններում, առավել ևս՝ կաշառք ստանալու որևէ դեպք մինչ օրս չի արձանագրվել: Արդյունքում՝ Պատասխանողի կողմից հրապարակված տեղեկությունն այս դեպքում ուղղակի առումով «Ճնշող հասարակական կարիքից չի բխում», ինչպիսի պարագայում «կաշառք է վերցրել» բնորոշումն անպատճելի մնալ ինքնին չի կարող ժողովրդավարական հասարակության համար համարվել ընդունելի ու դրանով հանդերձ ծառայել օրինական նպատակի, իսկ գործի փաստերը միայն խոսում

են Հայցվորի կողմից՝ դրական, իսկ Պատասխանողի կողմից՝ բացասական վարքագծի դրսնորման փաստերի մասին, ուստի Հայցվորի պատվի, արժանապատվության արատավորման փաստը **համոզիչ կերպով իիմնավորվում** է գործի փաստերի բավարար ու ծանրակշիռ համակցությամբ»:

Մինչդեռ «Ճնշող հասարակական կարիքից» բխելու անհրաժեշտության մասին կարելի է խոսել միայն խոսքի ազատության իրավունքի սահմանափակման, այլ ոչ՝ դրա իրականացման պարագայում:

### **Քաղաքական գործիչների կողմից առավել բարձր հանդուրժողականության պահանջը**

Դատարանը որևէ կերպ քննության չի առել այն հանգամանքը, թե արդյոք տվյալ գործում Գեղարքունիքի մարզպետ Նվեր Պողոսյանը պետք է դրսնորեր առավել բարձր հանդուրժողականություն խնդրո առարկա հրապարակման նկատմամբ, թեև ՄԻԵԴ-ն իր *Lինգենսն ընդեմ Ավստրիայի* (Lingens v. Austria, 08/07/1986, դիմում թիվ 9815/82, 41-42-րդ պարբերություն) նախադեպային վճռով հստակորեն սահմանել է քաղաքական գործիչների կողմից առավել բարձր հանդուրժողականություն դրսնորելու անհրաժեշտությունը.

«Քննադատության ընդունելի շրջանակները քաղաքական գործիչների նկատմամբ, համապատասխանաբար, ավելի լայն են, քան մասնավոր անձանց նկատմամբ: Ի տարրերություն վերջիններիս՝ քաղաքական գործիչները անխուսափելիորեն և գիտակցաբար բաց են իրենց յուրաքանչյուր խոսքի և արարքի մանրակրկիտ քննարկման համար ինչպես լրագրողների, այնպես էլ լայն հանրության կողմից և, հետևաբար, պետք է դրսնորեն հանդուրժողականության առավել բարձր աստիճան»:

### **Փաստերն ընդեմ գնահատողական դատողությունների**

Դատարանն իր վճռում ձանաչել է նաև փաստական տվյալների և գնահատողական դատողությունների միջև տարրերակում կատարելու անհրաժեշտությունը: Վկայակոչելով *Lինգենսն ընդեմ Ավստրիայի* (Lingens v. Austria, 08/07/1986, դիմում թիվ 9815/82, 46-րդ պարբերություն) ՄԻԵԴ-ի վճիռը դատարանը նշել է, որ.

«Երբ քննության են առնվում զրպարտիչ արտահայտություններ անհրաժեշտ է ձիշտ տարբերակում կատարել փաստական տվյալների և արտահայտված կարծիքի (կամ «գնահատող դատողության») միջև: Պատճառն այն է, որ «փաստերի գոյությունը կարելի է ցույց տալ, մինչդեռ գնահատողական դատողությունների ձշմարտացիությունն ապացուցման ենթակա չէ»: Սա անհնարին է դարձնում կարծիքի արտահայտման պաշտպանությունը, եթե պաշտպանության միակ միջոցը ձշմարտությունն է: «Սա չի նշանակում, որ Կոնվենցիայի 10-րդ հոդվածի 2-րդ մասը չի կարող կիրառվել մի գործում, որը վերաբերում է կարծիքի, այլ ոչ՝ փաստական տվյալի: Նոյնիսկ կարծիքի պարագայում պետք է գոյություն ունենա որևէ հաստատված կամ ընդունված փաստական հիմք այդ կարծիքն արտահայտելու համար, որը պետք է արտահայտված լինի բարեխղճորեն»:

Ու թեև սխալ հիմնավորմամբ, դատարանն, այդուհանդերձ, ձիշտ է կարողացել գնահատել, որ իրապարակված «կաշառք է վերցրել» արտահայտությունը փաստ է, այլ ոչ՝ գնահատողական դատողություն:

«Հայցվորն ինքն իր հիմնավորումներում տվյալ իրապարակած տեղեկությունը բնորոշում է այնպիսի փաստական կազմով, որոնք վերաբերում են գրաբարտության փաստական կազմին և վիրավորանք համարվել չեն կարող քանի որ Հայցվորը պնդում է տվյալ տեղեկությունը՝ իրականությանը չհամապատասխանելու, ինչպես նաև դրանով արդեն իսկ իր անձը փաստացի արատավորած լինելու էական փաստերը (արատավորած, այլ ոչ թե՝ արատավորելու նպատակ հետապնդող, այն էլ իրականությանը չհամապատասխանող տեղեկություններ), հետևաբար, Հայցվորի պահանջը պետք է դատական քննության արժանացնել՝ որպես գրաբարտության բնորոշման»: Տվյալ դեպքում, գործի փաստերով հաստատվում է, որ Պատասխանողի կողմից վերոհիշյալ «Ժողովուրդ» օրաթերթում ներկայացված տեղեկությունները կրուն փաստացի բնույթ, քանի որ դրանք փաստագրվել են կոնկրետ Աննա Թորոսյանի կողմից անձամբ լրագրողին տրված հարցազրույցի արդյունքում իրապարակված հոդվածում»:

Դատարանը խնդրո առարկա արտահայտությունները գնահատելիս դիտարկել է, թե արդյոք իրապարակված փաստական տվյալները համապատասխանում են իրականությանը և որևէ կերպ չի գնահատել, թե արդյոք դրանք կարող էին ողջամտորեն իրապարակված լինել («Ալիթիա իրատարակչական ընկերություն» ՍՊԸ-ն ու Կոնստանտինիդեսն ընդդեմ Կիպրոսի /Alithia Publishing Company LTD and Constantinides v Cyprus, 22/05/2008, դիմում թիվ 17550/03, 49-րդ պարբերություն) վճիռը, որի համաձայն.

«Նախորդ գործերով, երբ Դատարանը պետք է որոշեր, թե արդյոք թերթին պետք է ազատել մասնավոր անձանց արատավորող փաստական տվյալներն ստուգելու իր սովորական պարտականությունից, Դատարանն իր հայեցողությամբ որոշում է ընդունել՝ հաշվի առնելով տարբեր գործոններ, այդ թվում՝ արատավորող տեղեկությունների բնույթը և աստիճանը և թե որքանով թերթը ողջամտության սահմաններում կարող էր իր աղբյունները ողջամիտ համարել մեղադրանքի հետ համեմատ (Բլադետ Թրուն և Ստենսաս ընդդեմ Նորվեգիայի/Bladet Tromsø and Stensaas v. Norway, 20/05/1999, դիմում թիվ 21980/93, 66-րդ պարբերություն): Այս գործոններն, իրենց հերթին, պահանջում են հաշվի առնել մի շարք տարրեր, ինչպիսիք են աղբյուրի հետինակավոր լինելու հանգամանքը (Բլադետ Թրուն և Ստենսաս ընդդեմ Նորվեգիայի/Bladet Tromsø and Stensaas v. Norway), արդյոք թերթը ողջամտության սահմաններում ուսումնասիրել է նյութը իրապարակումից առաջ (Պրացերը և Օբերշլիքն ընդդեմ Ալստրիայի/Prager and Oberschlick v. Austria, 26/04/1995, դիմում թիվ 15974/90, 37-րդ պարբերություն), արդյոք թերթը ներկայացրել է նյութը ողջամտորեն հավասարակշռված կերպով (Բերգենս Տիդենդեն և այլոր ընդդեմ Նորվեգիայի/Bergens Tidende and Others v. Norway, 02/05/2000, դիմում թիվ 26132/95, 57-րդ պարբերություն) և արդյոք թերթը գրաբարտության թիրախը հանդիսացող անձին տվել է պաշտպանվելու հնարավորություն (Բերգենս Տիդենդեն և այլոր ընդդեմ Նորվեգիայի/Bergens Tidende and Others v. Norway, 58-րդ պարբերություն): Այսպիսվել, թերթին արատավորող փաստական տվյալները կանխավ ստուգելու պարտականությունից ազատելլը Դատարանի նախադեպային իրավունքին համահունչ կիրառելու համար ներպետական դատարանները պետք է

դրսնորեն հայեցողություն՝ հաշվի առնելով քննության ենթակա գործի առանձնահատուկ հանգամանքները»:

Ողջամիտ հրապարակման սկզբունքը տեղ է գտել նաև ՀՀ քաղաքացիական օրենսգրքի 1087.1-րդ հոդվածի 5-րդ մասի 2-րդ կետում:

### **Լրագրողների՝ բարեխիղճ գործելու պարտականությունը**

Դատարանն արդարացիորեն ընդգծել է լրագրողների՝ բարեխիղճ գործելու պարտականությունը՝ վկայակոչելով *Պեդերսեն ու Բաադսգարդն ընդդեմ Դանիայի* (Pedersen and Baadsgaard v Denmark, 17/12/2004, դիմում թիվ 49017/99, 78-րդ պարբերություն) գործը, որում ՄԻԵԴ-ը, մասնավորապես, ամրագրել է, որ.

«Լրագրողը պարտավոր է հիմնվել հավաստի և արժանահավատ փաստական հանգամանքների վրա, որոնք պետք է համամասն լինեն տարածված արատավորող տեղեկատվության բնույթին և աստիճանին՝ պայմանով, որ որքան առավել ծանր է տարածվող տեղեկատվության՝ հեղինակությունը արատավորող բնույթը, այնքան ամուր և հիմնավորված պետք է լինեն դրա փաստական հիմքերը»:

### **Միջամտության համաշափության հարցը**

Դատարանը նաև քննության է առել պահանջվող փոխհատուցման համաշափության հարցը, ու թեև որևէ նախադեպ չի վկայակոչել, այդուհանդերձ, արդարացիորեն նշել է, որ.

«Այս առնչությամբ Եվրոպական դատարանի նախադեպային իրավունքը պահանջում է, որպեսզի վիրավորանքի կամ զրարտության համար սահմանվող փոխհատուցումը համաշափության ողջամիտ հարաբերակցություն ունենա անձի հեղինակությանը պատճառված վնասի հետ»:

Մասնավորապես՝ *Ռոմանենկոն ընդդեմ Ռուսաստանի* (Romanenko and others v. Russia, 08/10/2009, դիմում թիվ 11751/03, 48-րդ պարբերություն) վճռով ՄԻԵԴ-ը համարել էր, որ դիմումատուի խոսքի ազատության իրավունքը խախտվել էր նաև այն պատճառով, որ ներպետական դատարանները չեն վերլուծել, թե դիմումատուի եկամուտների որ մասն են կազմել պահանջվող գումարները և արդյոք դրանցով չափից ավելի մեծ քեռ չի դրվել նրանց վրա: Մինչդեռ դիմումատուի պնդմամբ, ինչը չեր վիճարկել ՌԴ-ի կառավարությունը, պահանջվող գումարները հավասար են եղել նրա չորս ամսվա եկամուտներին և, հետևաբար, եղել են խիստ անհամաշափ: Ըստ այդմ՝ ՄԻԵԴ-ը գտել էր, որ խախտվել է համաշափության սկզբունքն ու ձանաչել Կոնվենցիայի խախտում:

## **ՏԻԳՐԱՆ ՏԵՐՏԵՐՅԱՆՆ ԸՆԴՀԵՄ «168 ԺԱՄ» ՍՊԸ-Ի ԵՎ ՄԱՐԻՆԵ ՄԱՐՏԻՐՈՍՅԱՆԻ**

### **Գործի հանգամանքները**

«168 ժամ» ՍՊԸ-ն (այսուհետ՝ Պատասխանող) հրապարակում է «168 ժամ» օրաթերթը, որի 2011թ. մայիսի 26–27 թիվ 53(813) համարում լույս է տեսել հոդված «Տնօրենը ԿԳՆ-ին դատի է տվել» վերնագրով: Հոդվածում, մասնավորապես, տեղ են գտել հետևյալ պնդումները Տիգրան Տերտերյանի (այսուհետ՝ Հայցվոր) վերաբերյալ. «Ծատ էջմիածնի բնակիչների՝ դպրոցի նախկին տնօրենուհու որդին հրդեհել է դպրոցի փաստաթղթային արխիվը»: Տիգրան Տերտերյանն, իր օրինական ներկայացուցիչների՝ Համլետ Տերտերյանի և Սուսան Նազարյանի, միջոցով հայց է ներկայացրել ընդդեմ «168 ժամ» ՍՊԸ-ի և լրագրող Մարինե Մարտիրոսյանի՝ պնդելով, որ վերոհիշյալ հոդվածում իր մասին տեղ գտած արտահայտությունները զրարդություն են: Հայցվորն, այսպիսով, ներկայացված հայցադիմումով պահանջել է, որպեսզի «168 ժամ» օրաթերթում տպագրվի հերքում և որ Պատասխանող ընկերությունը և լրագրողը համապարտության կարգով 2.000.000 ՀՀ դրամի չափով փոխհատուցեն իր կրած ոչ նյութական վնասը:

Ընդհանուր իրավասության Դատարանը կայացրել է վճիռը 2012թ. ապրիլի 13-ին, որով մերժել է հայցն ամբողջությամբ՝ պաշտպանելով հրապարակող ընկերության և լրագրողի արտահայտվելու ազատության իրավունքը: Ոչ Հայցվորը և ոչ Պատասխանողը չեն բողոքարկել առաջին ատյանի Դատարանի դատական ակտը, և այն մեկ ամիս անց մտել է օրինական ուժի մեջ:

### **Խոսքի ազատության կարևորությունը**

Դատարանն, ըստ էության, իր վճռում ձանաչել է արտահայտվելու ազատության իրավունքի կարևորությունը՝ հղում կատարելով ՄԻԵԴ-ի համապատասխան Հենդիսայդն ընդդեմ Միացյալ Թագավորության (Handyside v. UK, 07/12/1976, դիմում թիվ 5493/72, 49-րդ պարբերություն) նախադեպային վճռին, որում, մասնավորապես, ամրագրված է, որ.

«...արտահայտվելու ազատությունը ժողովրդավարական հասարակության առանցքային իրմանայուներից է և նրա առաջընթացի, ինչպես նաև յուրաքանչյուր անհատի ինքնադրսնորման հիմնական պայմաններից մեկը: Պայմանով, որ այն համապատասխանում է Կոն-

վենցիայի 10-րդ հոդվածի 2-րդ պարբերության սահմանափակումներին, այս ազատությունը կիրառելի է ոչ միայն այնպիսի «տեղեկությունների» կամ «գաղափարների» նկատմամբ, որոնք բարյացակամորեն կամ անտարբերությամբ են ընդունվում կամ համարվում են անվաս, այլև այնպիսիների, որոնք վրդովեցուցիչ են, ցնցող կամ անհանգստացնող: Դա է բազմակարծության, հանդուրժողականության և լայնախոհության թելադրանքը, առանց որի չկա «ժողովրդավարական հասարակություն»:

## Եռաստիճան թեսքը

Հաջորդ կարևոր քայլը, որ դատարանը կատարել է վճռի պատճառաբանական մասում, Կոնվենցիայի 10-րդ հոդվածով նախատեսված եռաստիճան թեսքը կիրառելն է: Մասնավորապես՝ դատարանն իր վճռում գնահատել է, թե արդյոք տվյալ գործով արտահայտվելու ազատության սահմանափակումը.

1. «սահմանված է օրենքով». դատարանը հղում է կատարել *ՄԻԵԴ-ի Սիլվերն ընդդեմ Միացյալ Թագավորության* (*Silver v. UK/ 25/03/1983*, դիմում թիվ 5947/72) գործին, որտեղ ամրագրված է, որ. «արտահայտվելու ազատության իրավունքի որևէ սահմանափակում պետք է բավարարի «օրենքով սահմանված» պահանջը: Այն պետք է սահմանված լինի ներպետական օրենսդրությամբ, օրենքը պետք է իրավես մատչելի լինի և բավարար չափով հստակ՝ քաղաքացուն հնարավորություն տալու կարգավորելու իր վարքը»:
2. «հետապնդում է իրավաչափ նպատակ». այս հարցի վերաբերյալ դատարանը հղում է կատարել *Կումպանան ընդդեմ Ռումինիայի* գործով *ՄԻԵԴ-ի* վճռին, որտեղ ամրագրված է, որ զրպարտության գործերով իրավաչափ նպատակն այլ անձանց հեղինակության պաշտպանությունն է: Դատարանը նաև հավելել է, որ «վերջին տարիներին *ՄԻԵԴ-ը* սահմանել է, որ անձի հեղինակության պաշտպանության իրավունքը Կոնվենցիայի 8-րդ հոդվածով երախավորված իրավունքներից մեկն է՝ որպես անձնական կյանքի նկատմամբ հարգանքի իրավունքի տարր»:
3. «անհրաժեշտ է ժողովրդավարական հասարակությունում». թեսքի այս աստիճանը գնահատելիս դատարանը, վկայակոչելով *Հենդիսայդն ընդդեմ Միացյալ Թագավորության* (*Handyside v. UK, 07/12/1976*, դիմում թիվ 5493/72, 49-րդ պարբերություն) վճիռը, հարկէ համարել հստակեցնել, թե ինչ ասել է «անհրաժեշտ» ժողովրդավարական հասարակությունում, մասնավորապես նշելով, որ. «դա հաճախ ավելին է, քան «օգտակարը», «ողջամիտը» կամ «ցանկալին»... և որ այն պետք է բխի «Ճնշող հասարակական կարիքոց», լինի համաչափ հետապնդող օրինական նպատակին...»: Նշել է նաև, որ. «սահմանափակման անհրաժեշտությունը պետք է «համոզիչ կերպով հիմնավորվի փաստերով» (*Բարթոլդն ընդդեմ Գերմանիայի/Barthold v. Germany, 25/03/1985*, դիմում թիվ 8734/79, 55-րդ պարբերություն)»:

## Հարցի հանրային կարևորությունը

Դատարանը չի կիրառել ՄԻԵԴ-ի *Lingens v. Austria*, 08/07/1986, դիմում թիվ 9815/82, 41–42րդ պարբերություններ) նախադեպային վճռով հաստատված այն սկզբունքը, որի համաձայն լրատվամիջոցները իրավունք ունեն և պարտավոր են տեղեկություններ և գաղափարներ տարածել հանրային շահին առնչվող ցանկացած խնդրի վերաբերյալ:

«...մամուլ պարտավոր է տեղեկություններ և գաղափարներ տարածել քաղաքական հարցերի, ինչպես նաև հանրային շահին վերաբերող այլ հարցերի շուրջ: Տպագիր մամուլը ոչ միայն ունի այդպիսի տեղեկություններ և գաղափարներ տարածելու իրավունք, այլև հասարակությունն իրավունք ունի ստանալու դրանք»:

Այդուհանդերձ, Դատարանը քննության արժանացրել է այն հարցը, թե որքանով էր խնդրո առարկա հրապարակումը բխում հանրային շահից.

«Սույն գործի փաստերով դատարանը պարզել ու հաստատված է համարել, որ մինչ հրապարակված նյութում ընդգծված տեղեկատվության տարածելու պահը էջմիածին քաղաքում հրապարակայնորեն քաղաքացիների լայն շրջանակներում խոսակցությունների առարկա էին հանդիսանում Նարեկացու անվան թիվ 2 ավագ դպրոցի տնօրեն Սուսաննա Նազարյանին աշխատանքից ազատելու ու դրա հետ կապված մի շարք հանգամանքներ, ինչը նշանակում է, որ վերջինիս ու նրա ընտանիքի անդամների վերաբերյալ լուրերը գտնվել է էջմիածին քաղաքի հասարակության ուշադրության կենտրոնում ու ունեցել են լայն հետաքրքրության շրջանակ, այսինքն՝ պայմանավորվել են **հանրային շահով**, քանի որ հանդիսանում էին բնակիչների խոսակցությունների հիմնական առարկաներից մեկը»:

Դատարանը, սակայն, սխալ է գնահատել, թե տվյալ հրապարակման մեջ ինչն է իրենից հանրային կարևորություն ներկայացնում, իսկ ինչը՝ ոչ: Այն, որ դպրոցի նախկին տնօրենի վերաբերյալ էջմիածնի բնակիչների լայն շրջանակներում խոսակցություններ են գնացել, դեռ չի նշանակում, որ տնօրենին առնչվող յուրաքանչյուր հարցի քննարկում բխում է հանրային շահից, քանի որ պետք է հստակուեն տարանջատել «հանրային շահին» առնչվող թեման «հանրության հետաքրքրության առարկա հանդիսացող» թեմայից (*Ֆոն Հանովերն ընդդեմ Գերմանիայի / Von Hannover v. Germany*, 07/02/2012, դիմում թիվ 40660/08, 98–99–րդ պարբերություններ): Հանրային շահին առնչվող թեման այստեղ անշափահասի կողմից քրեորեն պատճելի արարքի՝ դիտավորությամբ գույք ոչնչացնելու կամ վնասելու, հնարավոր կատարումն է հրկիզման միջոցով, այսինքն՝ ծանրացուցիչ հանգամանքներում:

### Փաստերն ընդդեմ գնահատողական դատողությունների

Դատարանն իր վճռում ձանաչել է նաև փաստական տվյալների և գնահատողական դատողությունների միջև տարրերակում կատարելու անհրաժեշտությունը: Թեև դատարանը չի մատնանշել, թե կոնկրետ որ նախադեպով է ՄԻԵԴ-ը դիրքորոշում արտահայ-

տել փաստական տվյալների և գնահատողական դատողությունների միջև տարբերակում կատարելու անհրաժեշտության մասին, Դատարանն, այդուհանդերձ, նշել է, որ.

«Մարդու իրավունքների եվրոպական դատարանը մատնացուց է արել փաստերի և գնահատիչ դատողությունների միջև ձշտակատար տարբերություն դնելու անհրաժեշտությունը, քանզի փաստերի գոյությունը կարող է ապացուցվել այն դեպքում, երբ գնահատիչ դատողությունների ձշմարտացիությունը ոչ միշտ է ապացուցման ենթարկվում: Այդ կապակցությամբ, այդպիսի դատողությունների առնչությամբ անհնարին է կատարել սեփական պնդումների ձշմարտացիության ապացուցման վերաբերյալ պահանջները, և այն խախտում է հենց կարծիքի արտահայտման ազատությունը, ինչը հանդիսանում է Կոնվենցիայի 10-րդ հոդվածով երաշխավորված իրավունքի հիմնական մասը»:

Այս ամենով հանդերձ, Դատարանը ձիշտ չի գնահատել այն հանգամանքը, թե արդյոք հոդվածում տեղ գտած արտահայտությունն այն մասին, որ «ըստ Եջմիածնի բնակիչների՝ դպրոցի նախկին տնօրենուհու որդին հրդեհել է դպրոցի փաստաթղթային արխիվը» փաստական տվյալ է, թե գնահատողական դատողություն: Դատարանը հանգել է այն դիրքորոշման, որ խնդրո առարկա արտահայտությունը գնահատողական դատողություն է, կարծիք և, ըստ այդմ, ենթակա չէ ապացուցման:

«Տվյալ դեպքում Պատասխանողի կողմից իրապարակված տեղեկությունները հանդիսացել են հասարակությունում հանրային հնչեղություն ունեցող լուրի տարածման բարեխիճռ վերաբերության արյունք, այսինքն՝ իրապարակված տեղեկությամբ լրագրողն ու ընկերությունը գործել են ժողովրդավարական հասարակությունում իրենց ունեցած առանձնահատուկ դիրքի շրջանակում, իրապարակել են տեղեկություններ այնպիսի փաստացի տվյալների մասին, որոնք փոխանցվել են վերջիններիս բնակիչների խոսքերով, ուստի չեն հանդիսանում մամուլի կամ լրագրողի անձնական ու ապացուցներով հիմնավորված դիրքորոշումը՝ գոյություն ունեցող ու ձշմարտացի փաստերի մասին, այնուամենայնիվ, լրագրողների ու Պատասխանող ընկերության, հեղինակների իրապարակած քննադատական խոսքերը կարելի է համարել իրապարակված աղբյուրից ստացված կարծիք, որի «ձշմարտացիությունն ըստ սահմանման՝ ենթակա չէ ապացուցման»»:

Դրա հետ մեկտեղ, կարծիքը նույնպես պետք է գուրկ չլինի բավարար փաստական հիմքից: Ըստ այդմ, ՄԻԵԴ-ի դիրքորոշումը *Շաբանովն ու Տրեն ընդդեմ Ռուսաստանի* (Shabanov and Tren v. Russia, 14/12/2006, որմում թիվ 5433/02, 41-րդ պարբերություն) գործում հետևյալն է.

«Դատարանը հիշեցնում է, որ երբ նույնիսկ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նույնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց»:

«Ըստ Եջմիածնի բնակիչների՝ դպրոցի նախկին տնօրենուհու որդին հրդեհել է դպրոցի փաստաթղթային արխիվը» փաստական տվյալ է, այլ ոչ՝ գնահատողական դա-

տողություն: Եվ այն հանգամանքը, որ լրագրողը հղում է տվել «Էջմիածնի բնակիչներին», ոչ մի կերպ չի վերածում արտահայտությունը գնահատողական դատողության: Պատասխանող ընկերությունը և լրագրողն այս արտահայտության պարագայում պետք է կարողանային ապացուցել, որ այն համապատասխանում է իրականությանը կամ որ այն համապատասխանում է «ողջամիտ հրապարակման» սկզբունքին: Առաջինը նրանք չեն կարողացել անել: Այսպիսով՝ դատարանը պետք է քննության առներ, թե արդյոք կարելի է պնդել, որ արտահայտությունը ողջամիտ հրապարակում է: «Ողջամիտ հրապարակման» պաշտպանության պարզաբանումը, ըստ ՄԻԵԴ-ի, հետևյալն է.

«Նախորդ գործերով, երբ Դատարանը պետք է որոշեր, թե արդյոք թերթին պետք է ազատել մասնավոր անձանց արատավորող փաստական տվյալներն ստուգելու իր սովորական պարտականությունից, Դատարանն իր հայեցողությամբ որոշում է ընդունել՝ հաշվի առնելով տարբեր գործոններ, այդ թվում՝ արատավորող տեղեկությունների բնույթը և աստիճանը և թե որքանով թերթը ողջամտության սահմաններում կարող էր իր աղբյուրները ողջամիտ համարել մեղադրանքի հետ համեմատ (*Բլադեն Թրոմս և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93, 66–րդ պարբերություն): Այս գործոններն, իրենց հերթին, պահանջում են հաշվի առնել մի շաբթ տարրեր, ինչպիսիք են աղբյուրի հեղինակավոր լինելու հանգամանքը (*Բլադեն Թրոմս և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93), արդյոք թերթը ողջամտության սահմաններում ուսումնասիրել է նյութը հրապարակումից առաջ (*Պրագեր և Օբերշլիքն ընդդեմ Ավստրիայի/ Prager and Oberschlick v. Austria*, 26/04/1995, դիմում թիվ 15974/90, 37–րդ պարբերություն), արդյոք թերթը ներկայացրել է նյութը ողջամտորեն հավասարակշռված կերպով (*Բերգենս Տիդեն և այլոր ընդդեմ Նորվեգիայի/Bergens Tidende and Others v. Norway*, 02/05/2000, դիմում թիվ 26132/95, 57–րդ պարբերություն) և արդյոք թերթը գրապարտության թիրախը հանդիսացող անձին տվել է պաշտպանվելու հնարավորություն (*Բերգենս Տիդեն և այլոր ընդդեմ Նորվեգիայի/Bergens Tidende and Others v. Norway*, 58–րդ պարբերություն): Այսպիսով, թերթին արատավորող փաստական տվյալները կանխավ ստուգելու պարտականությունից ազատելը Դատարանի նախադեպային իրավունքին համահունչ կիրառելու համար ներպատական դատարանները պետք է դրսնորեն հայեցողություն՝ հաշվի առնելով քննության ենթակա գործի առանձնահատուկ հանգամանքները («Ալիթիա հրատարակչական ընկերություն» ՍՊԸ-ն ու Կոնստանտին Հունական ընդդեմ Կիպրոսի/Alithia Publishing Company LTD and Constantinides v Cyprus, 22/05/2008, դիմում թիվ 17550/03, 49–րդ պարբերություն):

ՀՀ քաղաքացիական օրենսգրքի 1087.1–րդ հոդվածի 5–րդ մասի 2–րդ կետը նույնական ամրագրում է ողջամիտ հրապարակման երաշխիքը՝ սահմանելով, որ փաստագիտության տվյալները հրապարական դատարանները պետք է դրսնորեն հայեցողություն՝ հաշվի առնելով քննության ենթակա գործի առանձնահատուկ հանգամանքները («Ալիթիա հրատարակչական ընկերություն» ՍՊԸ-ն ու Կոնստանտին Հունական ընդդեմ Կիպրոսի/Alithia Publishing Company LTD and Constantinides v Cyprus, 22/05/2008, դիմում թիվ 17550/03, 49–րդ պարբերություն):

«Դա տվյալ իրավիճակում և իր բովանդակությամբ պայմանավորված է գերակա հանրային շահով, և եթե փաստագիտության տվյալները հրապարակայնորեն ներկայացրած անձն ապացուցի, որ ողջամտության սահմաններում ձեռնարկել է միջոցներ՝ պարզելու դրանց ձևարտությունը և հավասարակշռված և բարեխմանական է ներկայացրել այդ տվյալները»:

## **Պատշաճ հեռավորություն տեղեկատվության աղբյուրից**

Դատարանը, այնուամենայնիվ, ձիշտ է գնահատել այն հանգամանքը, որ լրագրողն իր հրապարակման և տեղեկատվության աղբյուրի միջև ապահովել է պատշաճ հեռավորություն, և հոդվածի ընթերցումից հասկանալի է, որ մեղադրանքի հեղինակն ինքը չէ:

Այդուհանդերձ, դատարանը չի վերլուծել, թե արդյոք կարելի է պնդել, որ **Պատասխանող կողմը գործել է բարեխղձորեն և ձշգրիտ փաստական հիմքի վրա, ինչպես նաև տրամադրել «արժանահավատ և ձշգրիտ տեղեկատվություն»**, երբ վկայակոչել է պարզապես Էջմիածնի բնակիչներին, ընդ որում՝ ցուցմունք է տվել ընդամենը մի բնակիչ, որի կինը դպրոցի աշխատակից է եղել և որևէ կերպ չի հակազդու այդ մեղադրանքը մյուս կողմի մեկնաբանությամբ:

## **«ԻԶԵՎԱՆԻ ՃԾՇ» ՓԲԸ-Ն ԸՆԴՀԵՄ «ԻԶԵՎԱՆ ՍՏՈՒԴԻԱ» ՍՊԸ-Ի**

### **Գործի փաստական հանգամանքները**

Հայկական երկրորդ /Հ2/ հեռուստաալիքով հեռարձակվող «Լրաբեր» լրատվական ծրագրի 21.06.2011թ. թողարկման ընթացքում ցուցադրվել է Նախրա Խաչիկյանի, Արմեն Ասատրյանի, Իջևանի հեռուստաընկերության կողմից (այսուհետ՝ Պատասխանող) «Լրաբերի» համար պատրաստված «Ու՞ն քանդված սալաքարերը» վերտառությամբ երեք րոպե տևողությամբ տեսանյութը, որում «Իջևանի ՃԾՇ» ՓԲԸ-ի (այսուհետ՝ Հայցվոր) վերաբերյալ հնչել են, մասնավորապես, հետևյալ արտահայտությունները՝ «գործարար դիմակի տակ իսկական ավերողներ են թաքնված մի պարզ անվամբ՝ Իջևանի Ճանշին ձեռնարկություն», «քանդել ու սալահատիկը ծածուկ վաճառել», «երևի մասնագիտական որակի ու անաշառության պակասն է, որ ծնել է նման հետևանքներ», «Իջևանի Ճանշինի թերևն ձեռքով վաճառվել են», «Մետաղագործների փողոցի 36 միլիոն դրամի ծախսման ու մսխման աշխատանքների մասին են բարձրացնում բնակիչները հորդառատ անձրևներից հետո»:

Նույն ծրագրի 27.06.2011թ. թողարկման ընթացքում ցուցադրվել է «Սալիկները՝ ապահով հանգրվանում» վերնագրված տեսանյութը, որի ընթացքում «Իջևանի ՃԾՇ» ՓԲԸ-ի տնօրենի և այլ աշխատակիցների կողմից պարզաբանումներ են ներկայացվել՝ կապված 21.06.2011թ. հեռարձակված տեսանյութում ներկայացված տեղեկությունների հետ:

«Իջևանի ՃԾՇ» ՓԲԸ-ն 15.07.2011թ. հայց է հարուցել Տավուշի մարզի ընդհանուր իրավասության դատարան (այսուհետ՝ Դատարան) ընդդեմ «Իջևան ստուդիա» ՍՊԸ-ի և Նախրա Խաչիկյանի՝ ներողություն խնդրելուն և փոխհատուցում վճարելուն պարտավորեցնելու պահանջների մասին: 20.07.2011թ. հայցադիմումն ընդունվել է վարույթ:

27.04.2012թ. վճռով Դատարանը հայցը բավարարել է մասնակի:

Հայցվոր «Իջևանի ՃԾՇ» ՓԲԸ-ն վերաբնիչ բողոք է բերել ՀՀ Տավուշի մարզի ընդհանուր իրավասության դատարանի 27.04.2012 թ. վճռի դեմ:

04.07.2012թ. Վերաբնիչ քաղաքացիական դատարանը որոշել է բավարարել վերաբնիչ բողոքը՝ ամբողջությամբ բեկանելով ՀՀ Տավուշի մարզի ընդհանուր իրա-

վասության դատարանի 27.04.2012 թվականի վճիռը և գործն ուղարկել նույն դատարան՝ ամբողջ ծավալով նոր քննության:

24.08.2012թ. բեկանումից հետո գործը ստացվել և ընդունվել է ընդհանուր իրավասության դատարանի վարույթ և այժմ գտնվում է նախնական դատական նիստի փուլում:

### **Խոսքի ազատության կարևորությունը**

Դատարանն, ըստ էության, իր վճռում ձանաչել է արտահայտվելու ազատության իրավունքի կարևորությունը՝ հղում կատարելով նախ՝ ՄԻԵԿ-ի 10-րդ հոդվածին, ապա ՄԻԵԴ-ի համապատասխան նախադեպային վճռներին մասնավորապես՝ *Հենդիսայդն ընդդեմ Միացյալ Թագավորության (Handyside v. UK/07/12/1976, դիմում թիվ 5493/72, 49-րդ պարբերություն)* գործին, որում, ամրագրված է, որ.

«...արտահայտվելու ազատությունը ժողովրդավարական հասարակության առանցքային հիմնայուներից է և նրա առաջընթացի, ինչպես նաև յուրաքանչյուր անհատի ինքնադրսնորման հիմնական պայմաններից մեկը: Պայմանով, որ այն համապատասխանում է Կոնվենցիայի 10-րդ հոդվածի 2-րդ պարբերության սահմանափակումներին, այս ազատությունը կիրառելի է ոչ միայն այնպիսի «տեղեկությունների» կամ «գաղափարների» նկատմամբ, որոնք բարյացակամորեն կամ անտարբերությամբ են ընդունվում կամ համարվում են անվնաս, այլև այնպիսիների, որոնք վրդովեցուցիչ են, ցնցող կամ անհանգստացնող: Դա է բազմակարծության, հանդուրժողականության և լայնախոհության թելադրանքը, առանց որի չկա «ժողովրդավարական հասարակություն»: Սա ի թիվս այլ հարցերի, նշանակում է, որ այս ոլորտում կիրառվող ցանկացած «ձևականություն», «պայման» կամ «պատիճ» պետք է **համաշափ** լինի իր առջև դրված իրավաչափ նպատակին» (49-րդ պարբերություն):

### **Եռաստիճան թեսքը**

Հաջորդ կարևոր քայլը, որ դատարանը չի կատարել վճռի պատճառաբանական մասում, Կոնվենցիայի 10-րդ հոդվածով նախատեսված եռաստիճան թեսքը կիրառելն է: Մասնավորապես՝ դատարանն իր վճռում պետք է գնահատեր, թե արդյոք տվյալ գործով արտահայտվելու ազատության սահմանափակումը.

4. **«սահմանված է օրենքով».** այս կապակցությամբ դատարանը համապատասխան հղում կարող էր կատարել ՄԻԵԴ-ի *Սիլվերն ընդդեմ Միացյալ Թագավորության (Silver v. UK, 25/03/1983, դիմում թիվ 5947/72)* գործին, որտեղ ամրագրված է, որ. «արտահայտվելու ազատության իրավունքի որևէ սահմանափակում պետք է բավարարի «օրենքով սահմանված» պահանջը: Այն պետք է սահմանված լինի ներպետական օրենսդրությամբ, օրենքը պետք է իրավես մատչելի լինի և բավարար չափով հստակ՝ քաղաքացուն հնարավորություն տալու կարգավորելու իր վարքը»:

5. **«հետապնդում է իրավաչափ նպատակ»** այս հարցի վերաբերյալ որպես նախադեպային որոշում կարող է հանդիսանալ օրինակ *Կումպանան ընդդեմ*

*Ռումինիայի* գործով ՄԻԵԴ-ի վճիռը, որտեղ ամրագրված է, որ զրաբարտության գործերով իրավաչափ նպատակն այլ անձանց հեղինակության պաշտպանությունն է: Դատարանը նաև հավելել է, որ «վերջին տարիներին ՄԻԵԴ-ը սահմանել է, որ անձի հեղինակության պաշտպանության իրավունքը Կոնվենցիայի 8-րդ հոդվածով երաշխավորված իրավունքներից մեկն է՝ որպես անձնական կյանքի նկատմամբ հարգանքի իրավունքի տարր»:

6. «**անհրաժեշտ է ժողովրդավարական հասարակությունում**» թեսթի այս աստիճանը գնահատելիս դատարանը կարող էր վկայակոչել *Հենդիսայդն ընդեմ Միացյալ Թագավորության* (*Handyside v. UK*, 07/12/1976, դիմում թիվ 5493/72, 48-րդ պարբերություն) վճիռը, որով հստակեցվել է, թե ինչ ասել է «անհրաժեշտ» ժողովրդավարական հասարակությունում.

«անհնար է տարբեր մասնակից պետությունների ներպետական օրենքներում գտնել միատեսակ եվրոպական մոտեցում: Հետևաբար՝ իրենց երկրների կենսական ուժերի հետ անմիջական և շարունակական կապերի շնորհիվ այդ պետությունները պետք է ունենա «հայեցողության լուսանցք», որի շրջանակներում կկարողանան մեկնաբանել, թե արդյոք կոնկրետ միջոցը «անհրաժեշտ» է: Միևնույն ժամանակ, ՄԻԵԴ-ն ընդգծել է, որ «անհրաժեշտության» թեսթը խիստ թեսթ է. մինչ «անհրաժեշտ» ածականը «անպայմանորեն անհրաժեշտի», «բացարձակ անհրաժեշտի» և «խստիվ անհրաժեշտի» հոմանիշը չէ, այն չունի նաև այնպիսի արտահայտությունների ձկունությունը, ինչպիսիք են «ընդունելին», «սովորականը», «օգտակարը», «ողջամիտը» կամ «ցանկալին»:

ՄԻԵԴ-ը նշել էր նաև, որ. »ասհմանափակման անհրաժեշտությունը պետք է «համոզիչ կերպով հիմնավորվի փաստերով» (*Բարթոլդն ընդեմ Գերմանիայի/ Barthold v. German*, / 25/03/1985, դիմում թիվ 8734/79, 55-րդ պարբերություն)»:

### **Հարցի հանրային կարևորությունը**

Դատարանը վկայակոչել է ՄԻԵԴ-ի *Լինգենսն ընդեմ Ավստրիայի* (*Lingens v. Austria*, 08/07/1986, դիմում թիվ 9815/82, 41-42րդ պարբերություններ) նախադեպային վճռով հաստատված այն սկզբունքը, որի համաձայն՝ լրատվամիջոցներն իրավունք ունեն և պարտավոր են տեղեկություններ և գաղափարներ տարածել հանրային շահին առնչվող ցանկացած խնդրի վերաբերյալ.

«...մամուլը պարտավոր է տեղեկություններ և գաղափարներ տարածել քաղաքական հարցերի, ինչպես նաև հանրային շահին վերաբերող այլ հարցերի շուրջ: Տապահիր մամուլը ոչ միայն ունի այդպիսի տեղեկություններ և գաղափարներ տարածելու իրավունք, այլև հասարակությունն իրավունք ունի ստանալու դրանք»:

Այդուհանդերձ, Դատարանը քննության չի արժանացրել այն հարցը, թե որքանով էր խնդրո առարկա հրապարակումը բխում հանրային շահից:

Դատարանը պետք է անդրադառնար «հանրային շահին» առնչվող թեմային: Հանրային շահին առնչվող թեման և ընդհանուր իրադարձությունների համատեքստն

այստեղ «Իջևանի ՃՇՃ» ՓԲԸ-ի կողմից առանց համապատասխան թույլտվության և, հնարավոր է նաև, քրեորեն պատմելի արարքի՝ Իջևանի համայնքային սեփականության գույքի հնարավոր յուրացումն է՝ սալարկված ծածկի քանդումը և սալիկներն իր տնօրինման տակ գտնվող պահեստ տեղափոխելու միջոցով:

### **Փատերն ընդդեմ գնահատողական դատողությունների**

Դատարանն իր վճռում ձանաչել է նաև փաստական տվյալների և գնահատողական դատողությունների միջև տարբերակում կատարելու անհրաժեշտությունը: Ելնելով Դատարանի մեջբերած նախադեպերի և դրանցից կատարված մեջբերումների, դատարանի եզրահանգումների ու պատճառաբանությունների ուսումնասիրությունից՝ կարելի է ենթադրել, որ Դատարանը ձիշտ չի ընկալել Եվրոպական դատարանի որոշումներն ու դրանցում առկա եզրահանգումները: Հակառակ պարագայում դժվար է բացատրել այն հանգամանքը, թե իդում կատարելով ՄԻԵԴ-ի վերոնշյալ երեք որոշումներին՝ ինչու Դատարանը չի շարունակել դրանցում առկա՝ ՄԻԵԴ-ի հետևողական և հստակ դիրքորոշման լույսի ներքո վերլուծել և գնահատել գործի մյուս փաստական հանգամանքները և սահմանափակվել է ընդամենը «գործարար դիմակի տակ իսկական ավերողներ են թաքնված մի պարզ անվամբ՝ «Իջևանի Ճանշին ձեռնարկություն» և «երևի մասնագիտական որակի ու անաշառության պակասն է, որ ծնել է նման հետևանքներ»» արտահայտությունները, որպես վիրավորանք չդիտարկելով և շատ դիպուկ նկատելով, որ քանի որ լրագրողի կողմից օգտագործվել է «երևի» հարցական բառը, ապա տվյալ դեպքում, Նախրա Խաչիկյանն իրականացնելով իր մասնագիտական գործունեությունը, ըստ էության, արտահայտել է իր սուրյեկտիվ կարծիքը տեսանյութում ներկայացված՝ փողոցների անմիտքար վիճակում գտնվելու պատճառների մասին և, հնարավոր է, որ իր գնահատականներում թույլ է տվել որոշակի չափազանցություն: Բացի այդ Դատարանը նկատել է, որ թեև Նախրա Խաչիկյանը չի կոնկրետացրել թե ում «մասնագիտական որակի» և «անաշառության» պակասի մասին է խոսքը, սակայն տեսանյութի ընդհանուր կոնտեքստից կարելի է եզրակացնել, որ խոսքը վերաբերում է Հայցվորին: Դատարանը գտել է, որ նշված արտահայտությունները վիրավորանք չեն հանդիսանում, քանի որ դրանք իրենցից ներկայացնում են գնահատողական դատողություններ, որոնց քննադատական բնույթը կամ «ցնցող» լինելու հանգամանքը բավարար չէ դրանք որպես վիրավորանք դիտելու համար, ուստի որոշել է, որ Պատասխանողին ներողություն խնդրելուն պարտավորեցնելու և 1.000.000 ՀՀ դրամ բռնագանձնելու պահանջները ենթակա են մերժման:

Վերոգրյալի առումով ուշագրավ է այն հանգամանքը, որ ՄԻԵԴ-ի վճիռների վերլուծությունից ակնհայտ է դառնում, որ ցանկացած վիճարկվող արտահայտություն դիտարկելիս Դատարանը հաշվի է առնում ամբողջական հոդվածի բովանդակությունը և համատեքստը (*Պերնան ընդդեմ Իտալիայի/Perna v. Italy*, 06/05/2003, դիմում թիվ 48898/99, 45-րդ պարբերություն, *Մարոնեքն ընդդեմ Սլովակիայի/Maronek v. Slovakia*, 19/04/2001, դիմում թիվ 32686/96, 53-րդ պարբերություն) և չի դիտարկում որևէ բառակապակցություն հոդվածի համատեքստից կտրված: Մեկ այլ գործով ևս

(Դյուլդինը և Կիսլովն ընդդեմ Ռուսաստանի Դաշնության/Dyuldin and Kislov v. Russia, 31/07/2007, դիմում թիվ 25968/02, 31-ը հոկտեմբերի 2007թ., 38-րդ պարբերություն) ՄԻԵԴ-ը հստակորեն սահմանել է.

«գնահատելու համար, թե ինչպիսի միջամտութուն է անհրաժեշտ «ժողովրդավարական հասարակությունում» զրաբարտության գործով, դատարանը պետք է քննության առնի հրապարակված կամ հեռարձակված նյութը որպես միասնական ամբողջություն՝ պարզելու վերջինիս ընդհանուր իմաստը և նպատակը: Բառերը պետք է մատնանշեն Հայցվորին որպես անձ, ում դեմ ուղղված է արատավորող արտահայտությունը: Խիստ էական է որ դատարանը դիտարկի այն համատեքստը, որում արվել է հրապարակումը»:

Մինչդեռ տվյալ դեպքում առաջին ատյանի Դատարանն, ակնհայտորեն շեղվելով ՄԻԵԴ-ի ձևավորած նախադեպային պրակտիկայից, կիրառել է ընտրողական մոտեցում՝ մի դեպքում հղում կատարելով ՄԻԵԴ-ի կողմից ձևավորված հենց այդ մոտեցմանը, իսկ մեկ այլ պարագայում վարվելով ուղիղ հակառակ կերպ՝ ուղղակիորեն անշատելով առանձին արտահայտություններ թե՛ ընդհանուր համատեքստից և թե՛ կոնկրետ հաղորդման մեջ օգտագործված համատեքստից՝ անտեսելով արտահայտությունների գործածման ձևի և եղանակի համապիտ ուսումնասիրության և գնահատման անհրաժեշտությունը: Ավելին՝ արտահայտությունները մասնաւել է և դրանցում օգտագործված առանձին բառերի բացատրական նշանակությունները բացահայտել հետևյալ կերպ.

«Մետաղագործների փողոցի 36 միլիոն դրամի ծախսման ու մասխման աշխատանքների մասին են բարձրաձայնում բնակիչները հորդառատ անձրևներից հետո», «սպահատիկը քանդել են և ծածուկ վաճառել» և «իշխանի ձանշինի թերթ ձեռքով վաճառվել են» արտահայտությունները պարունակում են փաստացի տվյալներ, որոնք բացասաբար են բնութագրում «իշխանի ՃՇՃ» ՓԲԸ-ին և իրենց Էռլյամբ արատավորում են նրա գործարար համբավը: «Մսխել» բառը կիրառվում է մասնավորապես հետևյալ իմաստներով՝ «ծախսել», «վատնել», «գործածել», «շոայլել»/«Ժամանակակից հայոց լեզվի բացատրական բառարան», ք.Երևան, 1974թ., հ.3, էջ 562/: «Ծածուկ» բառն ի թիվս «թաքուն», «այնպես, որ ուրիշները չտեսնեն», «օտար աչքերից թաքուն», «ուրիշներից թաքուն պահելով» և այլնի, ունի նաև հետևյալ իմաստները՝ «իշխանություններից թաքուն», «ոչ օրինական», «ապօրինի» /«Ժամանակակից հայոց լեզվի բացատրական բառարան», ք. Երևան, 1972թ., հ. 2, էջ 614/: Նման պայմաններում, վերոնշյալ փաստական տվյալների տարածման արդյունքում կողմնակի լսողի մոտ ստեղծվում, կամ կարող է ստեղծվել տպավորություն, որ Հայցվորն «ապօրինի», «ուրիշներից թաքուն պահելով» վաճառել է այլ անձի՝ իշխան համայնքի սեփականությունը հանդիսացող սպաքարերը, և «վատնել» է շինարարական աշխատանքների համար նախատեսված գումարները, այսինքն՝ կատարել է ոչ իրավաչափ արարքներ, ինչն անկանած բացասաբար է անդրադառնում Հայցվորի գործարար, մասնագիտական որակների, հատկանիշների վերաբերյալ հասարակությունում ձևավորված կարծիքի, այսինքն՝ «իշխանի ՃՇՃ» ՓԲԸ-ի գործարար համբավի վրա»:

Այս ամենով հանդերձ, Դատարանը ճիշտ չի գնահատել այն հանգամանքը, թե արդյոք հաղորդման ընթացքում տեղ գտած արտահայտությունները փաստական

տվյալ են, թե գնահատողական դատողություն, թե՝ համապատասխան իրավիճակից ելնելով անհրաժեշտ հարցադրումներ, քանի որ չի առաջնորդվել արտահայտությունները դեպքերի զարգացման ամբողջական համատեքստում վերլուծելու անհրաժեշտությամբ և սկզբունքով:

Դրա հետ մեկտեղ, կարծիքը նույնպես պետք է գուրկ չլինի բավարար փաստական հիմքից: Ըստ այդմ, ՄԻԵԴ-ի դիրքորոշումը *Շաբանով և Տրեն ս Ռուսաստանի* (*Shabanov and Tren v. Russia*, 14/12/2006, դիմում թիվ 5433/02, 41-րդ պարբերություն) գործում հետևյալն է.

«Դատարանը հիշեցնում է, որ երբ նույնիսկ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նույնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց»:

Այն, որ ըստ Պատասխանող Նախարա Խաչիկյանի՝ «սալահատակը վաճառվել է», «գումարները մախվել են» նկարահանման ժամանակ ժողովրդից լսված խոսքեր են և այն հանգամանքը, որ լրագրողը հղում է տվել «իջևանի բնակիչներին», ոչ մի կերպ չի վերածում արտահայտությունը գնահատողական դատողության: Պատասխանողն այս արտահայտության պարագայում պետք է կարողանար ապացուցել, որ այն համապատասխանում է իրականությանը կամ որ այն համապատասխանում է «ողջամիտ հրապարակման» սկզբունքին: Առաջինը նա չի կարողացել անել: Հետևաբար դատարանը պետք է քննության առներ, թե արդյոք կարելի է պնդել, որ արտահայտությունը ողջամիտ հրապարակում է: «Ողջամիտ հրապարակման» պաշտպանության միանգամայն պարզաբանումը, ըստ ՄԻԵԴ-ի, հետևյալն է.

«Նախորդ գործերով, երբ Դատարանը պետք է որոշեր, թե արդյոք թերթին պետք է ազատել մասնավոր անձանց արատավորող փաստական տվյալներն ստուգելու իր սովորական պարտականությունից, Դատարանն իր հայեցողությամբ որոշում է ընդունել՝ հաշվի առնելով տարբեր գործուներ, այդ թվում՝ արատավորող տեղեկությունների բնույթը և աստիճանը և թե որքանով թերթը ողջամտության սահմաններում կարող էր իր աղբյուրները ողջամիտ համարել մեղադրանքի հետ համեմատ (*Բլադետ Թրոմս և Ստենսաս ընդեմ Նորվեգիայի/Bladet Tromsø and Stensaas v. Norway*, 20/05/1999, դիմում թիվ 21980/93, 66-րդ պարբերություն): Այս գործուներն, իրենց հերթին, պահանջում են հաշվի առնել մի շարք տարրեր, ինչպիսիք են աղբյուրի հեղինակավոր լինելու հանգամանքը (*Բլադետ Թրոմս և Ստենսաս ընդեմ Նորվեգիայի/Bladet Tromsø and Stensaas v. Norway*), արդյոք թերթը ողջամտության սահմաններում ուսումնասիրել է նյութը հրապարակումից առաջ («*Պրագեր և Օբերշլիկ ընդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն»), արդյոք թերթը ներկայացրել է նյութը ողջամտորեն հավասարակշռված կերպով (*Բերգենս Շիրենդեն և այլոր ընդեմ Նորվեգիայի/Bergens Tidende and Others v. Norway*, 02/05/2000, դիմում թիվ 26132/95, 57-րդ պարբերություն) և արդյոք թերթը գրապարտության թիրախը հանդիսացող անձին տվել է պաշտպանվելու հնարավորություն (*Բերգենս Շիրենդեն և այլոր ընդեմ Նորվեգիայի/Bergens Tidende and Others v. Norway*, 02/05/2000, դիմում թիվ 26132/95, 57-րդ պարբերություն)»:

դեմ Նորվեգիայի/Bergens Tidende and Others v. Norway, 58-րդ պարբերություն): Այսպիսով, թերթին արտավորող փաստական տվյալները կանխավ ստուգելու պարտականությունից ազատելը Դատարանի նախադեպային իրավունքին համահունչ կիրառելու համար ներպատական դատարանները պետք է դրսութեն հայեցողություն՝ հաշվի առնելով քննության ներակա գործի առանձնահատուկ հանգամանքները («Ալիթիա հրատարակչական ընկերություն» UPL-ն ու Կոնստանտինիդեսն ընդդեմ Կիպրոսի/Alithia Publishing Company LTD and Constantinides v Cyprus, 22/05/2008, դիմում թիվ 17550/03, 49-րդ պարբերություն):

ՀՀ քաղաքացիական օրենսգրքի 1087.1-րդ հոդվածի 5-րդ մասի 2-րդ կետը նույնամրագրում է ողջամիտ հրապարակման երաշխիքը:

Պատասխանողի պատասխանատվության հարցը որոշելիս Դատարանը հաշվի է առել նաև այն հանգամանքը, որ նույն՝ Հայկական երկրորդ հեռուստարնկերության եթերում, «Լրաբեր» լրատվական ծրագրի 27.06.2011թ. թողարկման ընթացքում «Իջևանի ՃՇՇ» ՓԲԸ-ի տնօրենը և աշխատակիցներն ըստ էության ներկայացրել են իրենց պատասխանը 21.06.2011թ. հեռարձակված տեսանյութում տեղ գտած տեղեկությունների վերաբերյալ, որպիսի պայմաններում, տեսականորեն նույն լսարանը հնարավորություն է ունեցել ծանոթանալու նրանց դիրքորոշմանը: Այս հանգամանքը Դատարանը պետք է դիտարկեր ՄԻԵԴ-ի կողմից ձևավորված «պատասխանատու լրագրության» և «ողջամիտ հրապարակման պաշտպանության» սկզբունքների լույսի ներքո՝ հղում կատարելով համապատասխան Հենդիսայդն ընդդեմ Միացյալ Թագավորության (Handyside v. UK, 07/12/1976, դիմում թիվ 5493/72, 48-րդ պարբերություն) նախադեպային վճռին որի համաձայն՝ անձն ազատվում է զրպարտություն համարվող տեղեկատվություն տարածելու համար պատասխանատվությունից, եթե գործել է բարեխղճորեն՝ առանց տուժողի հեղինակությանն ու պատվին վնաս պատճառելու դիտավորության: Դատարանը պետք է հաշվի առներ նաև Եվրոպայի խորհրդի խորհրդարանական վեհաժողովի 2007թ. հոկտեմբերի 4-ին ընդունված թիվ 1577(2007) բանաձևը զրպարտության ապաքրեականացման վերաբերյալ, որում ընդգծվել է, որ հանրային շահից բխող հայտարարությունները, եթե նույնիսկ ապացուցվում է դրանց ոչ ձշմարիտ լինելը, չպետք է լինեն պատժելի, եթե դրանք կատարվել են առանց դրանց ոչ հավաստի լինելու փաստի իմացության, առանց վնաս պատճառելու դիտավորության և դրանց ձշմարտացիության ստուգման համար համապատասխան ջանքերի գործադրմամբ:

Փոխարենը՝ Դատարանը գտել է, որ տվյալ դեպքում սալահատակի՝ համայնքային սեփականություն հանդիսանալու և շինարարական աշխատանքներն առանց համապատասխան թույլտվության իրականացնելու հանգամանքները չեն առնչվում սույն վեճին այնքանով, որքանով տեսանյութում տեղ գտած արտահայտությունները, որոնք հիմք են հանդիսացել Հայցվորի կողմից դատարան դիմելու համար, վերաբերում են ոչ թե առանց համապատասխան թույլտվության շինարարական աշխատանքներ կատարելու մասին արտահայտություններին, այլ սալաքարելը «ծածուկ վաճառելու», «....թեթև ձեռքով վաճառելու» փաստական տվյալներին, որոնք, ինչպես

արդեն նշվել է, իրականությանը չեն համապատասխանում և արատավորում են Հայցվորի գործարար համբավը: Մինչդեռ հենց այս հանգամանքներն են խիստ վերաբերելի այս գործի քննությանը, քանի որ դրանց վերլուծության և հիմնավորվածության գնահատման միջոցով է, որ Դատարանը պետք է գնահատի թե՛ հասարակական կարիքի աստիճանն ու առկայությունը, թե՛ դատողությունների՝ համատեքստից բխելու և բավարար հիմքեր ունենալու հանգամանքը և թե ստեղծված իրավիճակում չափանցության և սաղրանքի բոլյատրելիության աստիճանը: Այս առումով ուշագրավ է այն, որ Դատարանն ընդգծել է, որ «Հայրիզնեսրանկ» ՓԲԸ-ի կողմից տրված հաշվից քաղվածքով, 09.09.2011թ. թիվ 01/105 տեղեկանքով, ինչպես նաև գործում առկա լուսանկարների և սկավառակի հետազոտմամբ հաստատվել է, որ սալահատակը տեղափոխվել և պահեստավորվել է Հայցվորին պատկանող տարածքում, իսկ շինարարական աշխատանքների կատարման համար գումարը Հայցվորին է փոխանցվել 21.07.2011թ.: Հետևաբար, Դատարանը գտնում է, որ «սալահատակը քանդել և ծածուկ վաճառել են» և «Իջևանի ձանշինի թեթև ձեռքով վաճառվել են», «36 միլիոն դրամի ծախսման ու մսխման» փաստական տվյալները չեն համապատասխանում իրականությանը: Այս առումով հենց այն հանգամանքը, որ Պատասխանողը ձեռք է բերել և Դատարան է ներկայացրել վերոնշյալ ապացույցները խոսում է այն մասին, որ փաստական տվյալները հրապարակայնորեն ներկայացրած անձը ողջամտության սահմաններում ձեռնարկել է միջոցներ՝ պարզելու դրանց ձշմարտացիությունը, իսկ այն, որ Պատասխանողը մի քանի օր անց հնարավորություն է ընձեռել Հայցվորին նույն ծրագրի և նույն թեմայի շրջանակներում նույն հեռուստապալիքով հանդես գալու իր հակափաստարկներով, խոսում է այն մասին, որ Պատասխանողը հավասարակշռված և բարեխսդորեն է ներկայացրել այդ տվյալները՝ ստեղծելով հավասար պայմաններ և հավասարապես լուսաբանելով թե՛ բնակիչների մտահոգությունները և նրանց հուզող հարցերը և թե՛ «Իջևանի ՃՇՃ» ՓԲԸ-ի տնօրինության դիրքորոշումը, իսկ այն հանգամանքը, որ դա տեղի է ունեցել մի քանի օր ուշ, ապա դա պայմանավորված է հեռուստատեսության և տպագիր մամուլի միջև ընկած տարրերություններով և առանձնահատկություններով, ինչպես նաև հարցի հրատապությունից և հնչեղությունից՝ պայմանավորված տեղում նկարահանումներ կազմակերպելու անհրաժեշտությամբ: Սակայն թեմայի մի քանի օրերի զարգացումներն ու հանրային գերակա շահի առկայությունը թույլ չի տալիս այդ իրադարձություններն իրարից անկախ դիտարկել և միացնում է այդ ամենը մի շղթայով:

### **Պատշաճ հեռավորություն տեղեկատվության աղբյուրից**

Դատարանն ընդհանրապես չի անդրադարձել և չի գնահատել այն հանգամանքը, թե արդյոք լրագրողն իր հրապարակման և տեղեկատվության աղբյուրի միջև ապահովել է պատշաճ հեռավորություն, և արդյոք ցանկացած օբյեկտիվ դիտողի համար հասկանալի է, որ մեղադրանքի հեղինակն ինքը չէ:

Հստ այդմ, Դատարանը չի վերլուծել, թե արդյոք կարելի է պնդել, որ Պատասխանող կողմը գործել է բարեխսդորեն և ձգրիտ փաստական հիմքի վրա, ինչպես նաև

տրամադրել «արժանահավատ և ձշգրիտ տեղեկատվություն: Մինչդեռ ՄԻԵԴ-ն իր Պեդերսենն ու Բաադսգարդն ընդդեմ Դանիայի (*Pedersen and Baadsgaard v Denmark*, 17/12/2004, դիմում թիվ 49017/99, 78-րդ պարբերություն) վճռում ամրագրել էր, որ.

«լրագրողները պետք է գործեն բարեխաղձորեն, ձշգրիտ փաստական հիմքի վրա և տրամադրեն «արժանահավատ և ձշգրիտ» տեղեկություններ լրագրողական էթիկային համապատասխան...այս ««պարտականություններն ու պատասխանատվությունը» կարևորություն են ստանում, եթե խոսքը գնում է կոնկրետ անձի հեղինակության նկատմամբ ոտնձգությունների և «այլոց իրավունքների» խախտումների մասին: Այսպիսով՝ հատուկ հիմքեր են պահանջվում, որպեսզի լրատվամիջոցներն ազատվեն մասնավոր անձանց հասցեին արված զրապարտչական փաստական տվյալներն ստուգելու սովորական պարտականությունից»:

Ամփոփելով՝ կարելի է նշել, որ այս իրավիճակը թերևս ստեղծվել է այն պարզ պատճառով, որ Դատարանը, օրենսդրության շրջանակներում յուրաքանչյուր գործում առկա փաստական հանգամանքները ՄԻԵԴ-ի նախադեպերի կիրառմամբ օբյեկտիվութեան վերլուծելու փոխարեն՝ ըստ էության փորձել է կանխագուշակել գործի լուծման տարրերակները և դրանց հնարավոր ցանկալի և անցանկալի արձագանքները և ազդեցությունները և, դրանից ենելով թե օրենսդրությունը և թե ՄԻԵԴ-ի նախադեպերը հարմարեցնել իր պատկերացմամբ բարենպաստ վճիռ կայացնելու նպատակին:

ՀՀ վերաքննիչ դատարանն էլ, հղում կատարելով ՄԻԵԴ-ի թվականի Կրասկան ընդդեմ Շվեյցարիայի (*Kraska v. Switzerland*, 19/04/1993, դիմում թիվ 13942/88) գործով կայացված վճոխն և պատճառաբանելով, որ ընդհանուր իրավասության դատարանի վճռում ամրագրված բազմաթիվ եզրահանգումներ պատշաճորեն պատճառաբանված չեն, որոշում է կայացրել ամբողջությամբ բեկանել 27.04.2012թ. վճիռը և գործն ուղարկել նոյն Դատարան՝ ամբողջ ծավալով նոր քննության:

## **ՎԱՍՈԵՂԻԱԶԱՐՅԱՆ ԸՆԴՀԵՄ ԱԴՐԻՆԵ ԹՈՐՈՍՅԱՆԻ, ԵՐՐՈՐԴ ԱՆՁ՝ «ՀԵՏՔ» ՇԱԲԱԹ-ԱԹԵՐՁ**

### **Գործի հանգամանքները**

29.06.2012թ. ՀՀ Լոռու մարզի ընդհանուր իրավասության դատարանը (այսուհետ՝ Դատարան), բննկով քաղաքացիական գործն ըստ հայցի Վանո Եղիազարյանի (այսուհետ՝ Հայցվոր) ընդդեմ Աղրինե Թորոյանի (այսուհետ՝ Պատասխանող), Պատասխանող կողմում ինքնուրույն պահանջ չներկայացնող երրորդ անձ՝ «Հետք» շաբաթաթերթ՝ պատվին, արժանապատվությանը և գործարար համբավին պատճառված վնասի հատուցման պահանջի մասին, վճռել է հայցը մերժել, իսկ Վանո Եղիազարյանից հօգուտ Աղրինե Թորոյանի բռնագանձել 150.000 ՀՀ դրամ՝ որպես փաստաբանի խելամիտ վարձատրության գումար:

05.09.2011թ., այնուհետև 16.09.2011թ. դիմելով Դատարան՝ Վանո Եղիազարյանը խնդրել է զրպարտության համար պարտավորեցնել Պատասխանողին «Հետք» թերթով իրապարակայնորեն հերքել զրպարտություն համարվող փաստական տվյալները, վիրավորելու համար նոյն թերթով ներողություն խնդրել իրենից և Պատասխանողից հօգուտ Վ.Եղիազարյանի բռնագանձել 1.000.000 ՀՀ դրամ, ինչպես նաև ՀՀ քաղաքացիական դատավարության օրենսգրքի 68-րդ հոդվածով նախատեսված դատական ծախսերը, «Հետք» թերթում տպագրել տալ հետևյալ տեքստը.

«Ես՝ Աղրինե Վարդանի Թորոյանս, ներողություն եմ խնդրում Լեռնապատի գյուղապետ Վանո Եղիազարյանից 2011 թվի օգոստոսի 23-ին «Հետք» թերթում՝ «Գյուղապետի հասցեին ասված «արածել» բառն արժե 1 միլիոն» հոդվածի վերնագրով նրա անձն անվանարկելու համար, քանի որ գյուղապետին զրպարտել եմ հետևյալ տեղեկություններով. «Գյուղապետի հասցեին ասված «արածել» բառն արժե 1 միլիոն» վերնագիրը զրպարտություն է, քանի որ գյուղապետը պահանջել է «արածել» բառի համար միայն ներողություն խնդրել, ինչը վճռով բավարարվել է, «Իր հասցեին արված վիրավորանքի համար գյուղապետ Վ.Եղիազարյանը 1 միլիոն դրամ էր պահանջում իր գյուղի բնակչից, իսկ զրպարտության համար՝ 2 միլիոն դրամ, ինչպես նաև դատական ծախսերը: Դատավոր Վ.Հովնանյանը գյուղապետի ֆինանսական պահանջը բավարարեց մի փոքր մասով» մեջբերումը լրագրող Աղրինե Թորոյանի կողմից կատարված զրպարտություն է, քանի որ գյուղապետի պահանջը Գ.Մելքոնյանից եղել է հերքել զրպարտությունները և ներողություն խնդրել վիրավորանքի համար, վճարել միայն դատական ծախսերը, «...չնայած ինքը՝ գյուղապետը, նշված արտահայտությունը հայ-

ցադիմումում որպես հիմք բերելով, ընդգծել է, որ այն որպես հոետորական հարց է տրված» մեջերումը զրպարտություն է, քանի որ հայցադիմումի մեջ նման բան չկա»:

**Առաջին ատյանի դատարանի վճռի իրավական վերլուծությունը՝ ՄԻ-ԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

### **Հոդվածի հանրային նշանակությունը**

ՄԻԵԴ-ի նախադեպային իրավունքի համաձայն՝ հանրային նշանակության հարցերի բնագավառում ԶԼՄ-ներն ունեն պաշտպանվածության առավել բարձր աստիճան: ՄԻԵԴ-ը բազմիցս ընդգծել է խոսքի ազատության կարևորությունը, եթե խնդրո առարկան ընդհանուր մտահոգության հարցերի շուրջ քննարկմանը մասնակցելու է (*Հերթելն ընդեմ Շվեյցարիայի/Hertel v. Switzerland*, 25/08/1998, դիմում թիվ 25181/94): Եվրոպական դատարանը շեշտել է նաև քաղաքական քննարկման և հանրային մտահոգության այլ խնդիրների միջև տարբերակման անհրաժեշտության բացակայությունը (*Թորգեյր Թորգեյրսոնն ընդեմ Իսլանդիայի/ Thorgeir Thorgeirson v. Iceland*, 25/06/1992, դիմում թիվ 13778/88, 64-րդ պարբերություն):

Թեև առաջին ատյանի Դատարանը քննարկման առարկա չի դարձրել վիճարկվող հոդվածում հանրային շահի առկայության հարցը, ինչը զրպարտության գործերով ՄԻԵԴ-ի կողմից իրականացվող՝ ՄԻԵԿ-ի 10-րդ հոդվածի խախտման գնահատման կարևոր բաղադրատարրերից է հանդիսանում, պատշաճ կարգով տարբերակելով և գնահատելով վիճարկվող հոդվածի փաստացի տվյալների և գնահատողական դատողությունների բնույթը, Դատարանը կայացրել է վճիռ, որը լիովին համահունչ է ՄԻԵԴ-ի նախադեպային իրավունքի պահանջների հետ:

Սույն գործի համատեքստում, նկատի ունենալով լրագրողի կողմից դատական գործի լուսաբանման հանգամանքը, կիրառելի է նաև *Սանդի Թայմսն ընդեմ Միացյալ Թագավորության (Sunday Times v. UK*, 26/04/1979, դիմում թիվ 6538/74, 65-րդ պարբերություն) գործով ՄԻԵԴ-ի կողմից սահմանված հետևյալ սկզբունքը.

«...Ընդունված փաստ է, որ դատարանները չեն կարող գործել վակուումում: Մինչ նրանք հանդես են գալիս որպես վեճերի կարգավորման ֆորում, սա չի նշանակում որ այլ ձևաչափով վեճերի նախնական քննարկում չի կարող տեղի ունենալ, լինի որ այս մասնագիտացված ամսագրերում, մամուլում կամ լայն հանրության շրջանում: Ավելին՝ մինչ զանգվածային լրատվամիջոցները չպետք է անցնեն այն սահմանները, որոնք ստեղծված են ի շահ արդարադատության պատշաճ իրականացմանը, նրանք պարտավոր են տարածել տեղեկություններ և գաղափարներ այն հարցերի շուրջ, որոնք քննության են առնում դատարանները, ինչպես և հանրային շահին առնչվող այլ ոլորտներում: Այդամբ տեղեկություններ են գաղափարներ տարածելու խնդիր ունեն լրատվամիջոցները: Հանրությունը, մյուս կողմից, իրավունք ունի ստանալու դրանք»:

## **Հայցվորի կարգավիճակը**

«Քննադատության ընդունելի շրջանակները քաղաքական գործիչների նկատմամբ ... ավելի լայն են, քան մասնավոր անձանց նկատմամբ: Ի տարբերություն վերջիններիս՝ քաղաքական գործիչները անկուսափելիորեն և գիտակցարար բաց են իրենց յուրաքանչյուր խոսքի և արարքի մանրակրկիտ քննարկման համար ինչպես լրագրողների, այնպես էլ լայն հանրության կողմից և, հետևաբար, պետք է դրսնորեն հանդուրժողականության առավել բարձր աստիճան (Lինգենսն ընդդեմ Ավստրիայի/Lingens v. Austria, 08/07/1986, դիմում թիվ 9815/82, 41–42–րդ պարբերություններ, Ինքալն ընդդեմ Թուրքիայի/Incal v. Turkey, 09/06/1998, դիմում թիվ 22678/93, 46–րդ պարբերություն):

Կառավարության նկատմամբ քննադատության շրջանակները ավելի լայն են, քան մասնավոր անձանց կամ նույնիսկ քաղաքական գործիչների նկատմամբ: Ժողովրդավարական համակարգում կառավարության գործողությունները և բացթողումները պետք է մանրակրկիտ քննարկման առարկա լինեն ոչ միայն օրենսդիր և դատական մարմինների կողմից, այլև հանրության (Սեներն ընդդեմ Թուրքիայի/Sener v. Turkey, 18/07/2000, դիմում թիվ 26680/95, 40–րդ պարբերություն): Տեղական խորհուրդը, լինելով ընտրովի մարմին, պետք է դրսնորի հանդուրժողականության բարձր աստիճան քննադատության նկատմամբ (Լոմբարտոն և այլոք ընդդեմ Մալթայի/Lombardo and others v. Malta, 24/04/2007, դիմում թիվ 7333/06, 54–րդ պարբերություն):

Հետևաբար, Լեռնապատի համայնքի ղեկավարը, լինելով ընտրովի մարմին տեղական մակարդակով, որը ներկայացնում է համապատասխան համայքնի շահերը, որպես այդպիսին, պետք է դրսնորի հանդուրժողականության առավել բարձր աստիճան քննադատության նկատմամբ:

Դատարանի կողմից քննարկման առարկա չի դարձել Հայցվորի կարգավիճակը, սակայն նկատի ունենալով, որ իրականացվել է գնահատողական դատողությունների և փաստական տվյալների պատշաճ գնահատում և հաշվի առնելով համապատասխան արտահայտություններով արատավորման փաստի բացակայությունը, այդ հանգամանքը չի ազդել գործի ելքի վրա:

## **Փաստական տվյալներ և գնահատողական դատողություններ**

Դատարանը, անդրադառնալով հոդվածում կատարված այն արտահայտություններին, որոնք Հայցվորը դիտել է որպես վիրավորանք և զրաքարտություն, հանգել է հետևյալ հետևողական. ա/ հոդվածի «Գյուղապետի հասցեին ասված «արածել» բառն արժեն 1 միլիոն» վերնագիրը դատարանը զրաքարտություն չի դիտում, քանի որ նշված արտահայտության մեջ ներկայացված չեն Հայցվորի անձի վերաբերյալ փաստացի տվյալներ, ներկայացվածն իր մեջ չի պարունակում կոնկրետ, հստակ տեղեկություններ որոշակի գործողության կամ անգործության վերաբերյալ, այն վերացական է: Բացի այդ, նշված հոդվածի վերնագիրն իրականում չի արատավորում և չի էլ կարող արատավորել Հայցվորի պատիվը, արժանապատվությունը կամ գործարար համբավը, քանի որ համաձայն դատարանի թիվ LԴ/0748/02/10 քաղաքացիական գործով 08.07.2011 թվակա-

նին հրապարակած վճռի՝ նշված գործով Հայցվորը՝ Վ.Եղիազարյանը, երկու անգամ դիմելով դատարան, պահանջել է վիրավորանք հասցնելու համար պարտավորեցնել Գևորգ Սովեյմանի Մելքոնյանին հրապարակային ներողություն խնդրել Վ.Եղիազարյանից լրատվության նույն միջոցով և Գ.Մելքոնյանից հօգուտ Վ.Եղիազարյանի բռնագանձել 1.000.000 ՀՀ դրամ, զրաքարտության համար պարտավորեցնել Պատասխանողին նույն թերթի միջոցով հրապարակայնորեն հերթել զրաքարտություն համարվող փաստացի տվյալները և Գևորգ Սովեյմանի Մելքոնյանից հօգուտ իրեն՝ Վ.Եղիազարյանի բռնագանձել 2.000.000 ՀՀ դրամ, ինչպես նաև ՀՀ քաղաքացիական դատավարության օրենսգրքի 68 հոդվածով նախատեսված դատական ծախսերը, բռնագանձումը տարածելով նրա գույքի վրա: Այսինքն, անգամ նման հանգամանքից ենելով Պատասխանողի մոտ կարող էր կարծիք ձևավորվել, որ Հայցվորն ինքը ևս իր հասցեին կատարված արտահայտության համար պատասխանատվության ողջամիտ չափ, ի թիվս այլ միջոցների, համարել է նաև նշված չափով գումարի բռնագանձման հնարավորությունը:

բ/ հոդվածում լրագրողի ներառած այն միտքը, որ «Իր հասցեին արված վիրավորանքի համար գյուղապետ Վ.Եղիազարյանը 1 միլիոն դրամ էր պահանջում իր գյուղի բնակչից, իսկ զրաքարտության համար՝ 2 միլիոն դրամ, ինչպես նաև դատական ծախսերը: Դատավոր Վ.Հովնանյանը գյուղապետի ֆինանսական պահանջը բավարարեց մի փոքր մասով» դատարանը զրաքարտություն չի դիտում, քանի որ Հայցվորը նախկինում նման պահանջով երկու անգամ դիմել է դատարան, իսկ այն միտքը, որ դատարանը հայցը բավարարել է մասնակի, չնայած չի համապատասխանում իրականությանը, սակայն նշված արտահայտությունը իրականում չի արատավորում և չի էլ կարող արատավորել Հայցվորի պատիվը, արժանապատվությունը կամ գործարար համբավը:

գ/ լրագրողի հոդվածից մեջ բերված «Արտահայտություններից մեկն էլ՝ «Մենք ուզում ենք իմանալ՝ ըդուել արածողը Սամվելն ա լինելու, գյուղապետը, թեև ավագանին», գյուղապետ Վ.Եղիազարյանը որակել է վիրավորական՝ չնայած ինքը՝ գյուղապետը, նշված արտահայտությունը հայցադիմումում որպես իհմք բերելով, ընդգծել է, որ այն որպես հոեստորական հարց է տրված» արտահայտությունից և հատկապես որակել բառից Հայցվորը գտել է, որ լրագրողը համաձայն չէ, որ այն վիրավորանք է, որն ինքնին վիրավորական է: Ավելին՝ հայցադիմումում Վ.Եղիազարյանը չի ընդգծել, որ դա հոեստորական հարց է, ուստի նշված արտահայտությունը դիտել է և վիրավորանք, և զրաքարտություն: Դատարանը գտնում է, որ նշված միտքը չի կարող համարվել ոչ զրաքարտություն, և ոչ էլ վիրավորանք, քանի չի արատավորում և չի էլ կարող արատավորել Հայցվորի պատիվը, արժանապատվությունը կամ գործարար համբավը: Լրագրողի չհամաձայնվելը Հայցվորի հետ որևէ հարցի կապակցությամբ չի կարող դիտվել վրավորանք ուղղված հենց Հայցվորի դեմ, քանի որ լրագրողը, իհարկե որոշակի թերություններով, ընդամենը լուսաբանել է դատարանում քննված գործը՝ այդ հարցի վերաբերյալ տեղեկացնելով հասարակությունը, ..... Նաև, լրագրողի միտքը Պատասխանողի «հոեստորական» հարցի ձևակերպման հետ կապված չնայած նշված չի եղել հայցադիմումում, սակայն արտահայտվել է Հայցվորի կողմից դա-

տական նիստում տված ցուցմունքում, և նշված միտքը արտահայտվել է դատական ակտի համապատասխան հատվածում՝ որպես Հայցվորի դատական նիստում տված ցուցմունքի բովանդակություն:

Դատարանի կողմից արված վերլուծությունը համահունչ է ՄԻԵԴ-ի նախադեպային իրավունքի պահանջներին: Անկախ այն հանգամանքից, թե վիճարկվող արտահայտությունները հանդիսանում են գնահատողական դատողություն թե փաստական տվյալ, որպես վիրավորանք կամ զրաքարտություն որակվելու համար անհրաժեշտ է, որ համապատասխան արտահայտությունները ունենան արատավորող բնույթ: ՄԻԵԴ-ի կողմից մշակված մոտեցումը նշվածի վերաբերյալ հետևյալն է.

«Կոնվենցիայի 10-րդ հոդվածով լրագրողների համար ամրագրված երաշխիքը կիրառվում է պայմանվ, որ նրանք գործում են բարեխղձորեն՝ տրամադրելու ձգորիտ և արժանահավատ տեղեկություններ՝ լրագրողական էթիկայի պահանջներին համապատասխան (*Բլադետ Թրոմս և Ստենսաս ընդդեմ Նորվեգիայի/Bladet Tromsø and Stensaas v. Norway*, 20/05/1999, դիմում թիվ 21980/93, 65-րդ պարբերություն, *Պրագեր և Օբերշլիխն ընդդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն):

ՄԻԵԿ-ի 10-րդ հոդվածի 2-րդ մասին համապատասխան՝ այս ազատության իրականացումը ենթադրում է «պարտականություններ և պատասխանատվություն», որոնք կիրառելի են նաև մամուլի նկատմամբ: Այս պարտականություններն ու պատասխանատվությունը ձեռք են բերում էական նշանակություն, երբ արատավորվում է անհատի հեղինակությունը և խախտվում են «այլոց իրավունքները»:

Ակնհայտ է, որ օրենքով սահմանված դատական պաշտպանության միջոցից օգտվելը չի կարող դիտվել որպես անձի պատիվն ու արժանապատվությունը արատավորող քայլ, ընդհակառակը, այս միջոցը օրենքով սամանված է հենց անձի պատիվն ու արժանապատվությունը դատական կարգով պաշտպանելու համար: Սույն գործով դատարանը կարողացել է պատշաճ կարգով տարբերակել փաստական տվյալը կարծիքից, ըստ այդմ, պայմանավորելով դրանց ապացուցման անհրաժեշտությունը: Դատարանն անդրադարձել է նաև վերնագրում առկա վիճարկվող արտահայտության՝ չակերտների մեջ վերցված լինելու հանգամանքին, ինչի միջոցով լրագրողը պատշաճ հեռավորություն է ապահովել իր և այն կատարած անձի միջև: Դատարանի վճիռը համահունչ է ՄԻԵԿ-ի 10-րդ հոդվածի և Մարդու իրավունքների եվրոպական դատարանի նախադեպային իրավունքի պահանջներին:

## **«ՀԵԼՍԻՆԿՅԱՆ ՔԱՂԱՔԱՑԻԱԿԱՏ ԱՍԱՄԲԼԵԱՅԻ ՎԱԼՍԱՅՈՐԻ ԳՐԱՍԵՆՅԱԿ» ՀԿ-Ն ԸՆԴԴԵՄ ՎԼԱԴԻՄԻՐ ԳԱՍՊԱՐՅԱՆԻ**

### **Գործի փաստական հանգամանքները**

17.10.2011թ. [www.hraparak.am](http://www.hraparak.am) էլեկտրոնային էջում իրապարակվել է «Ով արյուն կլափի, թող գա իր երեխու դեմ» վերնագրով Վլադիմիր Գասպարյանի կողմից տրված հարցազրույցը, որում նշված է.

«Յավացող ծնողը լկտի չի լինի, ցավացող ծնողը կանգնած է, բայց ես տեսնում եմ լկտիություն բանակի նկատմամբ, նախարարի նկատմամբ, ես տեսնում եմ թույն մեջները: 20 տարեկան առջիկներով լակոտներին, որ բերել են Հելսինկյան կազմակերպությունները, ու եղ լակոտների բերանների արտահայտություններն անձնական վիրավորանք են հասցնում: Երբ փալնքոտ լակոտը երկիր պահած, երկրի համար տուժած մարդուն վիրավորում է լկտի բացականչություններով, ես դա չեմ հանդուրժելու....: Նրանք անպատճում են պաշտպանության նախարարին, ասելով՝ եղ միոտանին: Ես ասում եմ՝ եղ չորստանիներիցդ շատ գործ է անում մեր միոտանին, չէ որ եղ մարդն ինչ որ արել է, ես չեմ պաշտպանում, արել է ես երկրի համար, որ եղ ոտքը կորցրել է»:

15.10.2011թ. «Զինուժ» ծրագրում Վ. Գասպարյանի կողմից տրված հարցազրույցի էլեկտրոնային կրիչում առկա է հետևյալ կարծիքը.

«Ոնց կարող է ցավալ մարդու սիրտ մի երկրի բանակի համար, երբ ֆինանսավորվում ու աշխատավարձ է ստանում ուրիշ երկրից: Ոնց կարող է մարդու սիրտ ցավա, երբ մտածում է՝ ինչքան աղմկահարույց, ինչքան վաս դեպք պատահի, էնքան լավ է, որովհետև դրա վրա ավելի շատ փող կարող է աշխատել: Այդ մարդիկ ովքեր դրանով գրաղվում են անհայրենիք, աներկիր, անշնորք, ուրիշին դուր գալու, ուրիշին ծառայելու, նոքարի, սեփական արժանապատվությունը չունեցող երևույթներ են...»:

«Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպությունը (այսուհետ նաև՝ Հայցվոր) հայց էր ներկայացրել Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարան (այսուհետ՝ Դատարան) ընդդեմ Վլադիմիր Գասպարյանի (այսուհետ նաև՝ Պատասխանող) և խնդրել Դատարանին պարտավորեցնել Պատասխանողին լրատվական նույն միջոցով հերքել իր կողմից գրապարտություն համարվող տեղեկությունները և նրանից հօգուտ Հայցվորի բռնագանձել վերջինիս գործարար համբավին պատճառած վնասի հատուցում 10 դրամի չափով:

Դատարանը 20.07.2012թ. վճռել էր.

«Հելսինկյան Քաղաքացիական Ասամբլեայի Վանաձորի գրասենյակ» ՀԿ-ի հայցն ընդդեմ Վլադիմիր Սերգեյի Գասպարյանի՝ զրապարտության միջոցով գործարար համբավին պատճառված վնասի հատուցման պահանջի մասին՝ մերժել: Հայցը «Հելսինկյան Քաղաքացիական Ասամբլեայի Վանաձորի գրասենյակ» ՀԿ-ի պատվին և արժանապատվությանը և ՀՀ կառավարության շենքի դիմաց բողոքի ակցիա կազմակերպած, ՀՀ զինված ուժերում որդիներ կորցրած մայրերին վիրավորանք հասցնելու պահանջների մասով քաղաքացիական գործի վարույթը կարձել:

Դատարանի վճռի դեմ՝ հայցը մերժելու մասով, վերաբնիչ բողոք է ներկայացրել Հայցվորը, որի պատասխան է ներկայացրել Պատասխանող կողմը:

Վերաբնիչ դատարանը 10.09.2012թ. որոշում է կայացրել բողոքը վարույթ ընդունելու մասին, իսկ 17.10.2012թ. կայացրել է որոշում՝ վերաբնիչ բողոքը մերժելու, Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի 20.07.2012թ. թիվ ԵԿԴ 3047/02/11 քաղաքացիական գործով կայացրած վճիռն օրինական ուժի մեջ թողնելու մասին:

### Խոսքի ազատության կարևորությունը

Դատարանն, առաջին հայացքից, իր վճռում կարծես ձանաչել է արտահայտվելու ազատության իրավունքի կարևորությունը՝ հղում կատարելով ՄԻԵԿ-ի 10-րդ հոդվածին՝ մանրամասն մեջքերելով դրա 1-ին և 2-րդ մասերը: Այսուհետև ընդգծել է, որ.

«Եվրոպական դատարանն իր մի շարք նախադեպերում արտահայտել է այն դիրքորոշումը, որ ազատ արտահայտվելու իրավունքը հանդիսանում է ժողովրդավարական հասարակարության հիմնաքարերից մեկը, դրա առաջընթացի և յուրաքանչյուր անհատի գարգաման (անգլերենից թարգմանությամբ՝ ինքնադրսնորման) հիմնական նախապայմանն է: Պայմանավորված՝ 10-րդ հոդվածի 2-րդ կետի դրույթներով՝ այն կիրառելի է ոչ միայն «տեղեկությունների» կամ «գաղափարների» նկատմամբ, որոնք բարենպատ կերպով ստացվում են կամ համարվում են ոչ վիրավորական կամ անուշադրության առարկա են հանդիսանում, բայց նաև նրանց նկատմամբ, որոնք կարող են վիրավորել (անգլերենից թարգմանությամբ՝ Վրդովեցնել), ցնցել կամ անհանգստացել պետությանը կամ բնակչության որևէ հատվածի: Այսպիսին են բազմակարծության, հանդուժիղականության և լայնախոհության պահանջները, առանց որոնց չկա «ժողովրդավարական հասարակությունը»: Այս ազատությունից հնարավոր են բացառություններ, որոնք, այնուամենայնիվ, պետք է սահմանվեն հստակ և յուրաքանչյուր սահմանափակում պետք է համաշափ լինի հետապնդվող նպատակին» (Հենդիսայդն ընդդեմ Միացյալ Թագավորության/Handyside v. UK, 07/12/1976, դիմում թիվ 5493/72, 49-րդ պարբերություն, Թորգեյր Թորգեյրսոն ընդդեմ Իսլանդիայի/Thorgeir Thorgeirson v. Iceland, 25/06/1992, դիմում թիվ 13778/88, 63-րդ պարբերություն, Գույզան ընդդեմ Մոլդովայի/Guja v. Moldova, 12.02.2008, դիմում թիվ 14277/04., 69 (i) պարբերություն, Զերսիլդն ընդդեմ Դանիայի/Jersild v Denmark, 23/09/1994, դիմում թիվ 15890/89, 31-րդ պարբերություն, Հերթելն ընդդեմ Շվեյցարիայի/Hertel v Switzerland, 25/08/1998, դիմում

թիվ 25181/94, 46-րդ պարբերություն, *Urbilll և Uniphis ընդհեմ U/S/Steel and Morris v United Kingdom*, 15/02/2005, դիմում թիվ 68416/01, 87-րդ պարբերություն, *Ֆրեսոզ և Ռուառ ընդհեմ Ֆրանսիայի/Fressoz and Roire v. France*, 21.01.1995, դիմում թիվ 29183/95, (Մեծ պալատ), 45-րդ պարբերություն, *Վոգը ընդհեմ Գերմանիայի/Vogt v. Germany*, 26.09.1995, դիմում թիվ 17851/91, 52-րդ պարբերություն, *Ֆիլիպովիչիկ ընդհեմ Սերբիայի/Filipovic v. Serbia*, 20.11.2007, դիմում թիվ 23935/05, 53-րդ պարբերություն):

Բացի այդ, Դատարանը, հղում է կատարել ՄԻԵԴ-ի *Էքսը և Ռուան ընդհեմ Նիդեռլանդների (X and Y v. the Netherlands*, 26.03.1985, դիմում թիվ 8978/80, 91-րդ պարբերություն) նախադեպին՝ նշել է, որ ազատ արտահայտվելու իրավունքը ժողովրդավարության առանցքային նախապայմաններից մեկն է և որ այս իրավունքի իրական և արդյունավետ իրացումը կախված է ոչ միայն պետության չմիջամտելուց, այլ նաև պահանջում է պաշտպանության դրական միջոցներ նույնիսկ անհատների միջև հարաբերությունների ոլորտում: Այդուհանդերձ, հարկ է նշել, որ այս նախադեպն ըստ էության անձի մասնավոր կյանքի նկատմամբ հարգանքի իրավունքի պաշտպանության մասին է, որն ամրագրված է Կոնվենցիայի 8-րդ հոդվածով, իսկ Դատարանի մեջքերած պարբերությունը, որը 23-րդն է վճռի տեքստում, այլ ոչ՝ 91-րդը, վերաբերում է հենց այս իրավունքին, այլ ոչ՝ արտահայտվելու ազատությանը:

### ***Դատարանը նշել է նաև, որ.***

«որպեսզի խոսքի և կարծիքի ազատ արտահայտելու իրավունքը լինի համաշափ օրինական նպատակներին՝ այլ մարդկանց հենդինակության պաշտպանությանը, անհրաժեշտ է օրյեկտիվ կապի առկայությունն արժնորող դատողությունների և այն անձնավորության միջև, ով դիմել է դատարան: Հրապարակումների գրպարտչական բնույթի մասին միայն ենթադրելը և կասկածելը բավարար չէ հաստատելու այն հանգամանքը, որ որևէ կրնկրետ անձնավորության հասցվել է վնաս: Գործի փաստական հանգամանքներում պետք է լինի այնպիսի հանգամանք, որպեսզի սովորական ընթերցողն էլ զգա, որ տվյալ հայտարարությունն իրականում հասցեագրված է անմիջականորեն դիմումատուին կամ էլ որ հենց ինքն է հանդիսացել որպես քննադատության թիրախ (*Դյուլդինը և Կիսլով ընդհեմ Ռուսաստանի Դաշնության/Dyuldin and Kislov v. Russia*, 31/07/2007, դիմում թիվ 25968/02, 38-րդ պարբերություն):»:

Սակայն Դատարանի կողմից վկայակոչված վերոնշյալ գործով ՄԻԵԴ-ը հատակողեն սահմանել է:

«գնահատելու համար, թե ինչպիսի միջամտութուն է անհրաժեշտ «ժողովրդավարական հասարակությունում» գրպարտության գործով, դատարանը պետք է քննության առնի հրապարակված կամ հեռարձակված նյութը որպես միասնական ամբողջություն՝ պարզելու վերջինիս ընդհանուր իմաստը և նպատակը: Բառերը պետք է մատնանշեն Հայցվորին որպես անձ, ում դեմ ուղղված է արատավորող արտահայտությունը: Խիստ էական է որ դատարանը դիտարկի այն համատեքստը, որում արվել է հրապարակումը»:

Ներպետական դատարանը գտել է նաև, որ ՄԻԵԴ-ն իր իրավական դիրքորոշում-

Ներով պաշտպանում է բացասական կարծիքի կամ գնահատողական դատողության արտահայտումը այնքանով, որքանով այն հիմնված է հաստատված կամ ընդունված փաստերի վրա: Ի տարբերություն փաստերի, որոնք կարող են ներկայացվել և հիմնավորվել՝ գնահատողական դատողությունները չեն կարող ապացուցվել: Գնահատողական դատողության ապացուցման պարտականությունն անհնար է իրականացնել և ինքնին խախտում է կարծիքն ազատ արտահայտելու իրավունքը, որը ՄԻԵԿ-ի 10-րդ հոդվածով ամրագրված իրավունքի հիմնարար մասն է կազմում: Արտահայտության՝ գնահատող դատողություն որակվելու դեպքում, անհրաժեշտ է, որ վերջինս հիմնվի բավարար փաստական կազմի վրա: Եվ վերջապես՝ ՄԻԵԴ-ը հստակ տարանջատում է կատարում փաստերի և գնահատողական դատողությունների միջև, որի վերաբերյալ ձևավորվել է հետևյալ ընդհանուր սկզբունքը. «Եթե փաստերի առկայությունը կարելի է ապացուցել, ապա գնահատող դատողությունները չեն կարող ապացուցվել. գնահատող դատողությունների ապացուցումն անհնարին խնդիր է և նման պահանջը խախտում է կարծիքի արտահայտման ազատությունը», ամրագրում է ներպետական Դատարանը՝ հղում կատարելով *Lingen v. Austria*, 08/07/1986, դիմում թիվ 9815/82, 46-րդ պարբերություն) ՄԻԵԴ-ի որոշմանը:

Սակայն այս գործի առանձնահատկությունից ելնելով՝ խոսքի ազատության կարևորության հետ մեկտեղ, անհրաժեշտ է ուսումնասիրել և քննարկել վեճի առարկան ՄԻԵԴ-ի 10(2)-րդ հոդվածի լույսի ներքո, որը նախատեսում է, որ արտահայտվելու ազատության իրավունքի իրականացումն իր հետ բերում է «պարտականություններ և պատասխանատվություն»: Եվ սա չի նշանակում, որ 10(2)-րդ հոդվածը չի կարող կիրառվել մի գործում, որը վերաբերում է կարծիքի, այլ ոչ՝ փաստական տվյալի: Նոյնիսկ կարծիքի պարագայում պետք է գոյություն ունենա որևէ հաստաված կամ ընդունված փաստական հիմք այդ կարծիքն արտահայտելու համար, որը պետք է արտահայտված լինի բարեխղճորեն (*Lingen v. Austria*, 08/07/1986, դիմում թիվ 9815/82, 46-րդ պարբերություն, տես նաև *Prager & Oberschlick v. Austria*, 26/04/1995, դիմում թիվ 15974/90, 37-րդ պարբերություն):

ՄԻԵԴ-ը համապատասխան դիրքորոշում է հայտնել նաև *Shabanov and Tren v. Russia*, 14/12/2006, դիմում թիվ 5433/02, 41-րդ պարբերություն) գործում, մասնավորապես.

«Դատարանը հիշեցնում է, որ երբ նոյնիսկ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նոյնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց»:

Դատարանը չի վերլուծել, թե արդյոք կարելի է պնդել, որ *Պատասխանող կողմը* գործել է բարեխղճորեն և ձգգրիտ փաստական հիմքի վրա, ինչպես նաև տրամադրել «արժանահավատ և ձգգրիտ տեղեկատվություն» երբ 17.10.2011թ. [www.hraparak.com](http://www.hraparak.com)

ամ էլեկտրոնային էջում և 15.10.2011թ. «Զինուժ» ծրագրում հրապարակված հարցագրույններում կատարել է հայցադիմումի հիմք հանդիսացած արտահայտությունները:

Բնականաբար այս ամենն առավել խիստ գնահատման է ենթակա հատկապես այն պարագայում երբ դատական պաշտպանություն է հայցում իրավապաշտպան կազմակերպությունը պաշտոնատար անձի կողմից հնչեցված հայտարարություններից և գնահատականներից: Այս առումով Դատարանի կողմից պետք է հաշվի առնվեր Պատասխանողի զբաղեցրած պաշտոնն ու ազդեցությունը՝ հաշվի առնելով այն հանգամանքը, որ Պատասխանողը հանդիսանում է ՀՀ ոստիկանապետ, ինչը ևս չի կատարվել ներպետական դատարանի կողմից:

### **Առաջին ատյանի դատարանի վճռի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Առաջին ատյանի Դատարանը ոչ լիարժեք, երբեմն նույնիսկ սխալ հետևության հանգեցնող մեկնաբանությամբ է վերլուծել ՄԻԵԿ-ից բխող մի քանի էական սկզբունքներ, որոնք ուղղակի ազդեցություն են ունեցել սույն գործի վրա և վերոգրյալն անելիս իբրև իր մեկնաբանությունների հիմնավորում վկայակոչել է ՄԻԵԿ-ի նախադեպեր, սակայն ոչ ձիշտ ընտրություն է կատարել մեջքերվող պարբերության տողերի միջև:

Դրանք են՝

- հոդվածի հանրային նշանակության,
- Հայցվորի և Պատասխանողի կարգավիճակի,
- փաստական տվյալների և գնահատողական դատողությունների տարբերակման,
- փոխհատուցման համաշափության հարցերը:

Հաշվի առնելով վիրավորանքի և զրպարտության տարբերակման կարևորությունը յուրաքանչյուր գործով՝ առաջին ատյանի Դատարանի վերլուծությունը պետք է կառուցվեր գնահատողական դատողության և փաստական տվյալի միջև տարբերակում կատարելու և դրանով պայմանավորված՝ ապացուցման պահանջվող աստիճանի շուրջ, քանի որ գնահատողական դատողության և այն պաշտպանող փաստերի միջև կապը կարող է տարբեր լինել կոնկրետ գործի հանգամանքներից ելնելով (*Ֆելդեկն ընդեկմ Սլովակիայի/Feldek v. Slovakia*, 12/07/2001, դիմում թիվ 29032/95, 75-րդ պարբերություն): Երբ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նույնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց (*Դիշանդը և այլոր ընդեկմ Ավստրիայի/Dichand and Others v. Austria*, 26/02/2002, դիմում թիվ 29271/95, 41-րդ պարբերություն):

ՄԻԵԴ-ի վճիռների վերլուծությունից ակնհայտ է դառնում, որ ցանկացած վիճարկվող արտահայտությունը դիտարկելիս Դատարանը հաշվի է առնում ամբողջական հոդվածի բովանդակությունը և համատեքստը (*Perna v. Italy, 06/05/2003*, դիմում թիվ 48898/99, 45-րդ պարբերություն, *Մարոնեքն ընդդեմ Սլովակիայի/Maršnek v. Slovakia*, 19/04/2001, դիմում թիվ 32686/96, 53-րդ պարբերություն), որևէ բառակապակցության իմաստ չի բացահայտվում հոդվածի համատեքստից կտրված: Մինչդեռ տվյալ դեպքում առաջին ատյանի Դատարանը, ակնհայտորեն շեղվելով ՄԻԵԴ-ի ձևավորած նախադեպային պրակտիկայից, վարվել է ուղիղ հակառակ կերպ՝ հստակորեն շեշտելով, որ.

«Դատարանը ... «...20 տարեկան պոչիկներով լակոտներին, որ բերել են Հելսինկյան կազմակերպությունները...» արտհայտության մեջ չի տեսնում ոչ վիրավորանք և ոչ էլ գրապարտություն որոնք կարատավորեին Կազմակերպության գործարար համբավը, քանի որ դա վերացական, առանց կոնկրետ հասցեատիրոց, անձանց անորոշ շրջանակի ուղղված գնահատող դատողություններ են»:

Դատարանն, անդրադառնալով «20 տարեկան պոչիկով լակոտներ» և «չորստանիներ» արտահայտություններին, գտնում է, որ դրանք ուղղված են ոչ Հայցվորին, այլ ՀՀ պաշտպանության նախարարին վիրավորանք հասցրած անձանց, ինչը հստակ երևում է այդ հոդվածում:

Ներպետական դատարանը նշում է նաև, որ. ««Հելսինկյան կազմակերպություններ» արտահայտությունը չի հանդիսանում Հայցվոր կազմակերպության անվանումը, քանի որ վերջինս կոչվում է «Հելսինկյան Քաղաքացիական Ասամբլեայի Վանաձորի գրասենյակ» ՀԿ»:

Դատարանը 15.10.2011թ. «Զինուժ» ծրագրում Վ. Գասպարյանի կողմից տրված հարցազրույցի էլեկտրոնային կրիչում առկա արտահայտությունների մեջ ևս գրպարտության և վիրավորանքի տարրեր չի տեսնում՝ պատճառաբանելով, որ.

««....Այդ մարդիկ ովքեր դրանով գրադաւում են անհայրենիք, աներկիր, անշնորք, ուրիշին դուր գալու, ուրիշին ծառայելու, նոքարի, սեփական արժանապատվությունը չունեցող երևույթներ են...» արտահայտված կարծիքները նորից ուղղված են մարդկանց անորոշ շրջանակի, այլ ոչ թե կոնկրետ Հայցվոր կազմակերպությանը: Տվյալ պարագայում է Պատասխանողի կարծիքը կոնկրետ հասցեատեր չունի, իսկ աներկիր, անշնորք և նմանատիպ այլ որակումները Պատասխանողը ներկայացրել է այն մարդկանց ովքեր ֆինանսավորվում ու աշխատավարձ են ստանում ուրիշ երկիրից և մտածում են, որ ինչքան աղմկահարուց, ինչքան վաս դեաք պատահի, էնքան լավ է, որովհետև դրա վրա ավելի շատ փող կարող է աշխատել» շարունակում է բացահայտել դատարանը. «Պատասխանող Վ. Գասպարյանը 15.10.2011թ. «Զինուժ» ծրագրում ընդամենը քննադատել է հասրակության մեջ տեղ գտած բացասական երևույթները և ոչ թե կոնկրետ մարդկանց, դեռ ավելին՝ կոնկրետ Հայցվոր կազմակերպությանը»:

Դատարանն իրավացի է համարում Պատասխանող կողմի պնդումն առ այն, որ անձը չի կարող իր սուրբեկտիվ ընկալումների արդյունքում որևէ տեղեկատվություն

վերագրել կամ չվերագրել իրեն, ինչպես նաև այն, որ տեղեկատվության վերաբերելի փոխունն անձին պետք է լինի հստակ և որոշակի, հետևաբար, ներկայացված կարծիքը չի վերաբերում Կազմակերպությանը և այդ կապակցությամբ ՀՀ քաղաքացիական օրենսգրքով նախատեսված պաշտպանության միջոցների կիրառման անհրաժեշտություն չկա:

Ավելի հանգամանալից և համալիր ուսումնասիրության ենթարկելով հոդվածները, սակայն, ակնհայտ է դառնում թե՝ դեպքերի զարգացման հերթականությունը թե՛ Վ. Գասպարյանի կողմից հնչեցված տարաբնույթ հայտարարությունների իրական հասցեատերերը և թե ըստ Պատասխանողի «գնահատողական դատողությունների» հիմք հանդիսացած իրադարձությունները, և այս ամենը ներպետական Դատարանը պարտավոր էր խոր վերլուծության ենթարկել, ինչը չի կատարել:

Մեկ այլ կարևոր սկզբունք է հանդիսանում ՄԻԵԴ-ի նախադեպային իրավունքում հաստատված հետևյալ սկզբունքը. «Որքան ավելի լուրջ է արված հայտարարությունը, այնքան ավելի ամուր փաստական հիմքեր են անհրաժեշտ այն հիմնավորելու համար» (*Մահմուդովի ընդդեմ Աղրեջանի/Mahmudov v. Azerbaijan*, 18/12/2008, դիմում թիվ 35877/04): Այս սկզբունքը հատկապես շեշտադրվել է քրեական բնույթի հայտարարությունների համատեքստում:

Բոլոր վերոնշյալ սկզբունքների լուսի ներքո Դատարանը պետք է առնվազն քննարկեր վերը թվարկված տեղեկությունների՝ իրականությանը համապատասխանելու ապացուցման հնարավորությունը՝ հաշվի առնելով հայտարարություններում տեղ գտած «հովանավորման», «Փինանսավորվում ու աշխատավարձ են ստանում ուրիշ երկիրից» ձևակերպումները, դատարան հայց ներկայացրած սուբյեկտներին, **տեղեկատվության աղբյուրի** (Պատասխանողի անձը և գրադարանը պաշտոնը), արված հայտարարությունների արատավորող բնույթի և աստիճանի հարցերը, ինչը չի կատարվել:

Փոխարենը՝ Դատարանը, որդեգրելով Պատասխանողի դիրքորոշումը, որևէ կերպ չի փորձել նույնիսկ գնահատել կամ սահմանազատել «գնահատողական դատողություն» ու «փաստական տվյալ» հասկացությունները, շարունակում է հաստատել Պատասխանողի այն թեզը, որ կատարված արտահայտությունները գնահատողական դատողություններ են, ոչ թե փաստական տվյալներ, ուստի և չունեն ապացուցման անհրաժեշտություն և որ այդ արտահայտություններն իրենց բովանդակությամբ վիրավորանք և զրպարտություն չեն պարունակում՝ հետևյալ պատճառաբանությամբ.

«Նախ երկու դեպքում էլ կատարված արտահայտություններն ուղղված են անձանց անորոշ շրջանակի և կոնկրետ Կազմակերպության անվանումը ոչ մի կերպ չի հիշատակվում, այսինքն, երկու դեպքում էլ ընդհանուր արտահայտությունների տրամաբանությունից հետևում է, որ Հայցվոր «Հելիսնկյան Քաղաքացիական Ասամբլեայի Վանաձորի գրասենյակ» Հ/Կ-ն չէ քննադատվում Պատասխանող Վ. Գասպարյանի կողմից, հետևաբար, արված արտահայտությունը չի արատավորում Հայցվոր Կազմակերպության գործարար համբավը»:

Այս առումով անհրաժեշտ է նշել, որ դատարանն ուներ անհրաժեշտ և բավարար իմքեր, հստակորեն գնահատման ենթարկելով հարցազրույցների համատեքստն իր ամբողջության մեջ, արձանագրելու, որ ՀՀ տարածքում որպես «Հելսինկյան կազմակերպություն» հայտնի է թվով 4 կազմակերպություն և հասարակության լայն շրջանակներին հայտնի չէ դրանց իրական և լրիվ անվանումները, ուստի այս պարագայում առաջնորդվելով, օրինակ, Բրիտանական իրավունքի փորձով<sup>3</sup>, կարելի է հանգիստ պնդել, որ այդ կազմակերպություններից յուրաքանչյուրն իրավունք ուներ դիմելու դատարան՝ պաշտպանության հայցերով: Բացի այդ, ՄԻԵԴ-ն իր Թուման ընդդեմ Լյուքսեմբուրգի (*Thoma v. Luxembourg*, 29/03/2001, դիմում թիվ 38432/97, 56-րդ պարբերություն) վճռով ամրագրել է.

«Դատարանն ի սկզբանե նշել է, որ կար առանձնահատուկ հատկանիշ, որը հարկ էր հաշվի առնել՝ ենելով երկրի չափերից և Լյուքսեմբուրգում Զրային և անտառային տնտեսության հանձնաժողովի պաշտոնատար անձանց սահմանափակ թվից: Չնայած դիմումատուի դիտությունները ծրագրի ընթացքում արվել են առանց որևէ մեկի անոնք հիշատակելու, խնդրո առարկա պաշտոնատար անձանց ունկնդիրը կարողացել է հեշտորեն նույնականացնել»:

Այս պարագայում, լծվելով այդ համալիր վերլուծությանը՝ Դատարանը կտեսներ, որ իրավապաշտպան կազմակերպություններից հենց Հայցվորի կազմակերպությունն էր կազմակերպել բողոքի ակցիան, հենց այդ ակցիայի մասնակիցներին էր ուղղված Պատասխանողի՝ ոստիկանապետի, հարցազրույցներում համապատասխան արտահայտությունները:

Բացի այդ Դատարանի կողմից որևէ գնահատականի չի արժանացել այն հանգամանքը, որ դատավարության ընթացքում Պատասխանողն այդպես էլ չէր հերքել Հայցվորին նկատի ունենալու հանգամանքը՝ չտալով այն հարցի հատակ պատասխանը, թե «Արդյոք Պատասխանողը նկատի էր ունեցել Հայցվորին», իսկ Պատասխանողի պնդումները ոչ այլ ինչ են եղել, քան ընդամենը հնարամիտ պաշտպանության հնարքը: Այս ամենը ևս ակնհայտ է դառնում խնդրո առարկա հոդվածների, դեպքերի զարգացման համատեքստի համալիր և ընդհանրական վերլուծության արդյունքում, ինչը չի կատարվել.

Ինչ վերաբերում է վերաբննիչ դատարանին, ապա այն ավելի հեռուն է գնացել և ասել.

«Ինչ վերաբերում է «Հելսինկյան կազմակերպություններ» արտահայտությանը, ապա դա չի նշանակում, որ խոսքը գնում է հենց Հայցվորի մասին, քանի որ վերջինս կոչվում է՝ «Հելսինկյան Քաղաքացիական Ասամբլեայի Վանաձորի գրասենյակ» ՀԿ և նման տրամադրանությամբ կարելի է ենթադրել, որ կազմակերպության անվանումի մեջ ներառած յուրաքանչյուր բառի գործածման դեպքում, կազմակերպությունը պետք է ենթադրեր, որ խոսքը իրենց է վերաբերում:

«Զինուժ» ծրագրում Պատասխանողի կողմից 15.10.2011թ. տրված հարցազրույցում առկա արտահայտությունների մեջ ևս զրապարտության և վիրավորանքի տարրեր առկա չեն, և ար-

<sup>3</sup> Geoffrey Robertson, QC and Andrew Nicol, QC, Media Law, p. 118

տահայտած կարծիքը կրկին ուղղված է մարդկանց անորոշ շրջանակի, այլ ոչ թե կոնկրետ Հայցվորին:

Վերոնշյալի հաշվառմամբ Վերաքննիչ դատարանն արձանագրել է, որ տվյալ դեպքում Պատասխանող կողմը ընդամենը քննադատել է հասարակության մեջ տեղ գտած բացասական երևոյթները և ոչ թե կոնկրետ անձանց, այդ թվում նաև՝ Հայցվորին, նկատի ունենալով նաև այն փաստը, որ Հայցվորը, հանդիսանալով հասարակական կազմակերպություն, նպատակ է հետապնդում աջակցելու ժողովրդավարական համակարգի ամրապնդմանը և քաղաքացիական հասարակության զարգացմանը, այսինքն՝ ըստ Էության կողմ է հասարակության մեջ տեղ գտած բացասական երևոյթների բացահայտման և քննադատման գործընթացին»:

Մնացած մասով վերաքննիչ դատարանը գրեթե նույնությամբ կրկնել է ընդհանուր իրավասության դատարանի դիրքորոշումը:

## **ՄԱՐԳԱՐԻՏԱ ԽԱԶԱՏՐՅԱՆ ԸՆԴՀԵՄ «ՀՐԱՊԱՐԱԿ» ՕՐԱԹԵՐԹԻ**

### **Գործի փաստական հանգամանքները**

21.04.2011թ. «Հրապարակ» օրաթերթի 73/684/ համարում հրապարակվել է հոդված, որում տեղ է գտել հետևյալ պարբերությունը.

««Զինվոր» հասարակական կազմակերպությունների համագործակցության իրավապաշտպան համակարգող խորհրդի նախագահ Մարգարիտա Խաչատրյանը՝ հայտնի Մարոզը, պարբերաբար ստուգայցեր է կատարում ՀՀ զորամասերում: Նա աչքի է ընկնում իր կոպիտ վարքագծով՝ զորամասերում թերություններ, խախտումներ հայտնաբերելիս գերծ չի մնում հայոցանքներից: Մեր տեղեկություններով, վերջին այցերից մեկի ժամանակ ԼՂՀ զորամասերից մեկում վիճաբանություն է սկսվել Մարգարիտա Խաչատրյանի և հրամանատարական կազմի միջև, և բանը հասել է նույնիսկ քաշքանչի ու ծեծի: Սակայն տիկին Մարգարիտան հերթեց դա. «Տենց բան չկա, բայես, ինձ գլխի վրա են ընդունել: Ես բալա եմ տվել, ես Տանջոյի մաման եմ, ու իլր չկա տենց մարդ, որ Տանջոյի մամային ասի՝ քամին գա քեզի: Ես 20 հաս մեղալ եմ ստացել, եթե ինձ քաշքեին, ես մեղալակիր չեմ ըլնի»»:

Մարգարիտա Խաչատրյանը (այսուհետ՝ «Հայցվոր») հայց է ներկայացրել Երևանի քաղաքի Կենտրոն և Նորք-Մարաշ վարչական շրջանների ընդհանուր իրավասության դատարան (այսուհետ՝ «Դատարան») ընդդեմ «Հրապարակ» օրաթերթի (այսուհետ՝ «Դատապահանող»)՝ խնդրելով

1. հարկադրել «Հրապարակ» օրաթերթ սահմանափակ պատասխանատվությամբ ընկերությանը տպագրել 2011թ. ապրիլի 21-ին նույն թերթի թիվ 73(684) համարի 1-ին էջում, հրապարակված հոդվածի հերթումը,
2. «Հրապարակ» օրաթերթ սահմանափակ պատասխանատվությամբ ընկերությանը փոխհատուցել իրեն պատճառված բարոյական վնասը՝ 2.000.000 ՀՀ դրամի չափով,
3. «Հրապարակ» օրաթերթ սահմանափակ պատասխանատվությամբ ընկերությանը փոխհատուցել՝ սույն հայցի համար վճարված պետական տուրքի գումարը:

Դատարանը կայացրել է վճիռը 2012թ. հուլիսի 30-ին, որով մերժել է հայցն ամբողջությամբ՝ պաշտպանելով հրապարակող ընկերության և լրագրողի արտահայտվե-

լու ազատության իրավունքը: Հայցվորը բողոքարկել է առաջին ատյանի դատարանի դատական ակտը 27.08.2012թ.: Վերաքննիչ դատարանը ընդունել է այն վարույթ 11.09.2012թ. և նշանակել դատաքննություն 09.11.2012թ.:

## Խոսքի ազատության կարևորությունը

Դատարանն իր վճռում չի անդրադարձել արտահայտվելու ազատության իրավունքի կարևորությանը, ինչի կապակցությամբ կարող էր հղում կատարել ՄԻԵԴ-ի համապատասխան Հենդիսայդն ընդեմ Միացյալ Թագավորության (*Handyside v. UK*, 07/12/1976, դիմում թիվ 5493/72) նախադեպային վճռին: Այնուամենայնիվ, Դատարանը քննարկել է միջազգային պրակտիկայում ձևավորված՝ «**ողջամիտ իրապարակման**» պաշտպանության սկզբունքը, որի համաձայն՝ անձն ազատվում է զրպարտություն համարվող տեղեկատվություն տարածելու համար պատասխանատվությունից, եթե գործել է բարեխղճորեն՝ առանց տուժողի հեղինակությանն ու պատվին վնաս պատճառելու դիտավորության՝ հղում կատարելով Եվրոպայի խորհրդի խորհրդարանական վեհաժողովի 2007թ. հոկտեմբերի 4-ին ընդունված թիվ 1577(2007) բանաձևին զրպարտության ապաքրեականացման վերաբերյալ, որում ընդգծվել է, որ:

«... Հանրային շահից բխող հայտարարությունները, եթե նույնիսկ ապացուցվում է դրանց ոչ ձշմարիտ լինելը, չպետք է լինեն պատճելի, եթե դրանք կատարվել են առանց դրանց ոչ հավաստի լինելու փաստի իմացության, առանց վնաս պատճառելու դիտավորության և դրանց ձշմարտացիության ստուգման համար համապատասխան ջանքեր են գործադրվել»:

Այս առումով Դատարանը կարող էր վկայակոչել մասնավորապես ՄԻԵԴ-ի «Ալիթիա իրատարակչական ընկերություն» ՍՊԸ-ն ու Կոնստանտինիդեսն ընդեմ Կիպրոսի (Alithia Publishing Company LTD and Constantinides v Cyprus, 22/05/2008, դիմում թիվ 17550/03, 49-րդ պարբերությամբ) ամրագրված է, որ:

«Նախորդ գործերով, երբ Դատարանը պետք է որոշեր, թե արդյոք թերթին պետք է ազատել մասնավոր անձանց արատավորող փաստական տվյալներն ստուգելու իր սովորական պարտականությունից, Դատարանն իր հայեցողությամբ որոշում է ընդունել՝ հաշվի առնելով տարրեր գործոններ, այդ թվում՝ արատավորող տեղեկությունների բնույթը և աստիճանը և թե որքանով թերթը ողջամտության սահմաններում կարող էր իր աղբյուրները ողջամիտ համարել մեղադրանքի հետ համեմատ (*Բլադետ Թրումս և Ստենսաս ընդեմ Նորվեգիայի/Bladet Tromsø and Stensaas v. Norway*, 20/05/1999, դիմում թիվ 21980/93, 66-րդ պարբերություն): Այս գործոններն, իրենց հերթին, պահանջում են հաշվի առնել մի շարք տարրեր, ինչպիսիք են արյուրի հեղինակավոր լինելու հանգամանքը (*Բլադետ Թրումս և Ստենսաս ընդեմ Նորվեգիայի/Bladet Tromsø and Stensaas v. Norway*), արդյոք թերթը ողջամտության սահմաններու ուսումնասիրել է նյութը իրապարակումից առաջ (*Պրագեր և Օբերշլիքն ընդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/90, 37-րդ պարբերություն), արդյոք թերթը ներկայացրել է նյութը ողջամտորեն հավասարակշռված կերպով (*Բերգենս Տիդենդե և այլոր ընդեմ Նորվեգիայի/Bergens Tidende and Others v. Norway*, 02/05/2000, դիմում թիվ 26132/95, 57-րդ պարբերություն) և արդյոք թերթը զրպարտության թիրախը հան-

դիսացող անձին տվել է պաշտպանվելու հնարավորություն (*Բերգենս Տիդենս և այլոր ընդ-դեմ Նորվեգիայի/Bergens Tidende and Others v. Norway*, 58-րդ պարբերություն): Այսպիսով, թերթին արատավորող փաստական տվյալները կանխավ ստուգելու պարտականությունից ազատելը Դատարանի նախադեպային իրավունքին համահունչ կիրառելու համար ներպետական դատարանները պետք է դրսնորեն հայեցողություն՝ հաշվի առնելով քննության ենթակա գործի առանձնահատուկ հանգամանքները»:

## Եռաստիճան թեսքը

Տվյալ դեպքում Դատարանը վճռի պատճառարանական մասում չի պահպանել Կոնվենցիայի 10-րդ հոդվածով նախատեսված եռաստիճան թեսքը: Մասնավորապես՝ Դատարանն իր վճռում պետք է գնահատման ենթարկեր, թե արդյոք տվյալ գործով արտահայտվելու ազատության սահմանափակումը.

7. «սահմանված է օրենքով» և
8. «հետապնդում է իրավաչափ նպատակ» և
9. «անհրաժեշտ է ժողովրդավարական հասարակությունում»:

Այդուհանդերձ, Դատարանը ձիշտ է վերլուծել այն հարցը, թե արդյոք կարելի է պնդել, որ *Պատասխանող կողմը գործել է բարեխաղձորեն և ձգրիտ փաստական հիմքի վրա, ինչպես նաև, թե արդյոք վերջինս տրամադրել է «արժանահավատ և ձգրիտ տեղեկատվություն»՝ փաստերի ձշմարտացիության ստուգման համար անհրաժեշտ և բավարար ջանքեր գործադրելով և առաջնորդվելով «ողջամիտ իրավարակման» սկզբունքով:* Այդ կապակցությամբ ՄԻԵԴ-ն իր *Պեդերսենն ու Բաադսգարդն ընդդեմ Դանիայի (Pedersen and Baadsgaard v Denmark, 17/12/2004, դիմում թիվ 49017/99, 78-րդ պարբերություն)* վճռում ամրագրել էր, որ.

«լրագրողները պետք է գործեն բարեխաղձորեն, ձգրիտ փաստական հիմքի վրա և տրամադրեն «արժանահավատ և ձգրիտ» տեղեկություններ լրագրողական էթիկային համապատասխան...այս «պարտականություններն ու պատասխանատվությունը» կարևորություն են ստանում, երբ խոսքը գնում է կրնկրետ անձի հեղինակության նկատմամբ ոտնձգությունների և «այլոց իրավունքների» խախտումների մասին: Այսպիսով՝ հատուկ հիմքեր են պահանջվում, որպեսզի լրատվամիջոցներն ազատվեն մասնավոր անձանց հասցեին արված զրպարտչական փաստական տվյալներն ստուգելու սովորական պարտականությունից»:

Դատարանը հիում է կատարել ՀՀ քաղաքացիական օրենսգրքի 1087.1-րդ հոդվածին, որի 5-րդ մասի 2-րդ կետը նոյնպես ամրագրում է ողջամիտ իրավարակման երաշխիքը՝ սահմանելով, որ փաստացի տվյալներ իրապարակելը չի համարվում զրպարտություն, եթե.

«դա տվյալ իրավիճակում և իր բովանդակությամբ պայմանավորված է գերակա հանրային շահով, և եթե փաստացի տվյալները իրապարակայնորեն ներկայացրած անձն ապացուցի, որ ողջամտության սահմաններում ձեռնարկել է միջոցներ՝ պարզելու դրանց ձշմարտությունը և հավասարակշռված և բարեխաղձորեն է ներկայացրել այդ տվյալները»,

Դատարանն անդրադարձել է նաև միջազգային պրակտիկային, որը նույնպես վկայում է, որ հասարակական գործիչների առնչությամբ «զրաբարտություն» պարունակող նյութի հրապարակումը չի կարող դիտարկվել որպես ողջամիտ կամ իրավաչափի, բացառությամբ այն դեպքերի, երբ.

1. ապացուցվում է, որ առկա էին ողջամիտ հիմքեր՝ վստահելու տեղեկատվության իսկությանը,
2. ապացուցվում է, որ ձեռնարկվել են տեղեկատվության իսկությունն ստուգելուն ուղղված բոլոր անհրաժեշտ միջոցները, ներկայացվել են տեղեկատվության ստուգման հնարավորության ամբողջական սահմանները,
3. զրաբարտություն պարունակող նյութը հրապարակող անձը հիմք ուներ վստահելու տեղեկատվության իսկությանը: Նման նյութի հրապարակումը չի կարող որակվել որպես ողջամիտ կամ իրավաչափի, եթե նման տեղեկատվություն տարածողը չի ստուգել դրա իսկությունը՝ շահագրգիռ անձին հարցում կատարելու միջոցով, և խուսափել է հրապարակել այդ անձի դիրքորոշումը, բացառությամբ այն դեպքերի, երբ դա անհնարին է եղել կամ ակնհայտ է, որ դրա անհրաժեշտությունը չկա:

Հրապարակված հոդվածի տեքստի ուսումնասիրության արդյունքում Դատարանն իրավացիորեն գտել է, որ լրագրողը գործել է բարեխղճորեն, մասնավորապես՝ լսելով և նույն հոդվածում հրապարակելով շահագրգիռ անձի դիրքորոշումը հրապարակվող տեղեկությունների վերաբերյալ ըստ էության հերթել է հոդվածի առաջին մասում ներկայացված տեղեկությունները:

Դրանից, ըստ Դատարանի, հետևում է, որ լրագրողը վիճարկվող նյութն այնպես է հրապարակել, որ ընթերցողի /կողմնակի դիտորդի/ մոտ այն միանաշանակորեն չի ստեղծում այնպիսի համոզմունք կամ տպավորություն, որ հոդվածում նշված միջադեպն իրականում տեղի է ունեցել կամ որ Մարգարիտա Խաչատրյանը հանդես է եկել կոպիտ վարքագծով՝ վիճարանել է և հայիոյել:

Նշվածի վերլուծության արդյունքում Դատարանը գտել է, որ հոդվածը հրապարակելիս լրագրողն ըստ էության ողջամտության սահմաններում ձեռնարկել է միջոցներ՝ պարզելու հրապարակված փաստացի տվյալների ձշմարտացիությունը և հիմնավորվածությունը, այսինքն, նա ի սկզբանե Մարգարիտա Խաչատրյանի պատիվը, արժանապատվությունը և գործարար համբավն արատավորելու, դրանց վնաս պատճենություն ինչպես նպատակ, այնպես էլ դիտավորություն չի ունեցել, իսկ այն հանգամանքը, որ տվյալ պարագայում Պատասխանողն իր տեղեկատվության տարածման առաքելությունն իրականացրել է բարեխղճորեն՝ հիմնավելով Հայցվորի վերաբերյալ առկա տեղեկատվության վրա, ձեռնարկել է միջոցներ այս կապակցությամբ նոր ապացույցներ ձեռք բերելու համար և պարտավորվել ներկայացնել Դատարանին, ինչպես նաև համապատասխան հղումներ կատարելով <http://www.armtimes.com/25242> կայքէջի վկայակոչած էլեկտրոնային տեղեկատվության բաժնում 24.04.2011թ. տպագրված «Մի փոքր»

Հ/Կ-ների կյանքից» վերնագրով հոդվածին, [www.hra.am/am/events/2010/10/15/soldier\\_kajrkezhhi\\_vkajaja\\_koychvad\\_1neklutropnaw](http://www.hra.am/am/events/2010/10/15/soldier_kajrkezhhi_vkajaja_koychvad_1neklutropnaw)]ին տեղեկատվության բաժնում 15.10.2010թ. տպագրված «Ինչով է զբաղված «Զինվոր» հասարակական խորհուրդը» վերնագրով հոդվածին և [www.armtown.com/news/am/zam/20071203/7685/](http://www.armtown.com/news/am/zam/20071203/7685/) կայքէջի վկայակոչած էլեկտրոնային տեղեկատվության բաժնում 03.12.2007թ. տպագրված «Բանակում զոհերի թիվը հասել է 40-ի» վերնագրով հոդվածին, ինչպես նաև այն հանգամանքը, որ Պատասխանողը չի խուսափել տեղեկատվության իսկությունը ստուգելուց՝ շահագրգիռ անձին հարցում կատարելու և այդ անձի դիրքորոշումը հրապարակելու միջոցով, Դատարանը գտել է, որ Պատասխանողը պատշաճ ուսումնասիրել է լուսաբանվող հարցը և բավարար ապացույցներ է ձեռք բերել, որոնց համադրված վերլուծության պարագայում պարզ է դառնում, որ հայցադիմումի հիմք ծառայած հոդվածում առկա տեղեկատվությունը համապատասխանում է իրականությանը կամ առնվազն ունի փաստական համապատասխան հիմք: Հետևաբար, նա ենթակա չէ պատասխանատվության զրաքարտություն համարվող տեղեկություններ տարածելու համար: Ուստի Հայցվոր Մարգարիտա Խաչատրյանի կողմից պատիվն ու արժանապատվությունը պաշտպանելու պահանջը ենթակա է մերժման:

Ինչ վերաբերվում է Պատասխանողի այն պատճառաբանությանը, որ հայցը ենթակա է մերժման հերքման պահանջ ներկայացնելու արտադատարանական կարգը չպահպանելու հիմքով, ապա Դատարանն իրավացիորեն գտել է, որ արտադատարանական կարգով խախտված իրավունքի վերականգնման համար զանգվածային լրատվամիջոցին դիմելը պարտադիր պայման չէ իրավունքի պաշտպանության հայց ներկայացնելու համար:

## **ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԸ ԵՎ ԱՐԱ ԳԱԲՈՒԶՅԱՆ ԸՆԴՀԵՄ «ԲԱՆԱՁԵՎ» ՍՊԸ, ԼՐԱԳՐՈՂ ՍՈՒԱ ՀԱՐՈՒԹՅՈՒՆՅԱՆԻ ԵՎ ՍԻՐԵԿԱՆ ԵՂԻԱԶԱՐՅԱՆԻ**

### **Գործի հանգամանքները**

Սիրեկան Եղիազարյանը 2010թ. դիմել է ԵՊՀ «Իրավագիտության» ֆակուլտետի հեռակա ուսուցմամբ մագիստրատուրայի ընդունելության քննություն հանձնելու համար: Քրեական իրավունք առարկայից 20 հնարավորից ստացել է 5 միավոր: Անցողիկ միավոր է համարվում 8 միավորը: Քննության արդյունքների վերաբերյալ Սիրեկան Եղիազարյանը բողոք է ներկայացրել ՀՀ կրթության և գիտության նախարարություն, որի արդյունքներով Սիրեկան Եղիազարյանի գրավորը վերանայվել է ԵՊՀ «Իրավագիտության» ֆակուլտետի «Քրեական իրավունքի» ամբիոնի կողմից և հաստատվել գնահատականի հիմնավոր լինելը:

«Բանաձև» ՍՊԸ-ի կողմից պատրաստվող «Ականատես» հաղորդումը հեռարձակվել է 2011թ. մայիսի 28-ին Հանրային հեռուստաընկերության Հ1 հեռուստաալիքով, և տեղադրվել համաշխարհային համակարգչային ցանցում: Հաղորդումը հեռարձակվել է «Իրավախախտ իրավագետը» վերնագրով: Հաղորդման ընթացքում հաղորդավարի կողմից թույլ են տրվել հետևյալ արտահայտությունները.

««Մայր բուհում դիմորդի գրավորը անբավարար են գնահատել առանց բովանդակությունը ստուգելու՝ միայն ծավալին նայելով».

«Ականատեսը» բացահայտում է համալսարանի պրոռեկտորի սխալը, դասախոսի խաբեությունը...».

«Այօրվա մեր ականատեսը արդարության ու օրենքի սիրահար է, իր իրական պատմությունը ներկայացնում, բողոքում ու պայքարում է, որովհետև օրենքը խախտել են, թեև լավ է հասկանում, որ այս հաղորդումից հետո Երևանի պետական համալսարանի դոները գուցե ընդմիշտ փակվեն նրա առջև».

«Այն ինչ կլսեք իմմա, ցավոք արտի, հումոր չէ: Սիրակ Եղիազարյանը գալիս է Երևան, որ սովորի ու մագիստրոսի կոչում ստանա մայր ԲՈՒՀ-ում: Քննությունները հանձնում է ու ստա-

նում անբավարար: Արդյունքների բողոքարկումն ու բացահայտումը, որ գրավորը իրականում բավարարից մի բան էլ ավելին էր արժանի...: Սիրակը չէր խոսի, եթե մեկ դասախոսի սխալը ուղղեր և օգնության հասներ նախարարությունը...: Մայր բուհը պատուհաս է դառնում».

Քննության արդյունքի մասին բացատրություն ստանալու փոխարեն Սիրակը լսում է. «Կարևոր գրավորի ծավալն է, թե քանի էջ ես լցրել».

«Խնդրի լրջությունը գնահատականից հեռու է գնում. իրավաբաններն ակնհայտ կասկած ունեն, որ գործը կոռուպցիոն ռիսկեր ունի: Դիմում են կրթության գիտության նախարարություն, որ գործն ուսումնասիրեն և հավանական կոռուպցիան կանխեն...: Թաքնված կոռուպցիայի կասկած հայտնում է ոչ թե սովորական մի երիտասարդ, այլ իրավաբանական մի ամբողջ խումբ...: Սիրակը այդպես էլ չընդունվեց մայր ԲՈՒՀ, որովհետև պատրաստված չէր, թե որովհետև քննող դասախոսն էր կամայականություն դրսնորել: Սխալներ գտնելու համար նախարարությունը նայեց ամեն տեղ բացի այնտեղից, որտեղ սխալներ հաստատ կգտներ».

«Իրավաբան փորձագետը լուրջ կասկածներ ունի, որ մայրաքաղաքում չապրոդ ուսանողներին համալսարանի «Քրեական իրավունքի» ամբիոնում խեթ են նայում ու խախտում հավասարության իրավունքը».

«Համալսարանի իրավագետները այլահալածության մի նոր ալիք են սկսել».

«Ինչ պայքար կոռուպցիայի դեմ, եթե դրա դեմ պայքարելու կոչվածները լրում են».

«Պատմությունը մեկ դասախոսի կամ մեկ ամբիոնի սխալն է. սա դեռ չի նշանակում, որ ապականված է ամբողջ կրթական համակարգը: Բայց որպեսզի մեկ մեղավորը պատժվի, ու նրա վատ օրինակը մոլախոտի պես արագ չտարածվի, պետք է որ գերադաս մարմինը ...».

«Մեր տեսախցիկն... ամեն ինչ որսում է ու գուցե այս պահին հերթական խարեւային...».

Հաղորդման ընթացքում Սիրելկան Եղիազարյանի կողմից թույլ են տրվել հետևյալ արտահայտությունները.

«Նրանք ասում են. «Մենք աշխատում ենք ծավալի վրա, մեզ բովանդակությունը չի կարևոր».

«Ես ականատես եմ եղել կրթության ոլորտում իրականացված մի գործողության, որն իր մեջ պարունակում է կոռուպցիոն ռիսկ».

«Եթե մասնագետներն ուսումնասիրեն, կարող են վստահորեն ասել, որ չի համապատասխանում, քննության արդյունքները չի համապատասխանում իրականությանը: ... ըստ մասնագետների իմ գրավոր աշխատանքն ավելի քան հինգ միավոր էր և ավելի քան ութ միավոր էր: Այսինքն մինիմալ գնահատական էր, որն անցողիկ էր Երևանի պետական համալսարանում».

«Զավեշտալին այն է, որ պարոն Գաբուզյանը և նրա նմանները կարևորում են ոչ թե օրենքի հղումը ձիշտ կատարելը, այլ սպիտակ թուղթը սևացնելը»:

Սոնա Հարությունյանի նկատմամբ Հայցվորները պահանջ են ներկայացրել նոյեմբերի 29-ին 2011թ.-ին:

Դիմելով դատական պաշտպանության՝ ԵՊՀ-ն և նույն ԲՈՒՀ-ի դասախոս Ա. Գաբրուցյանը խնդրել էին պարտավորեցնել Պատասխանողներին հրապարակայնորեն բանավոր ներողություն խնդրել ԵՊՀ-ից և հերքել վերջինիս վերաբերյալ զրպարտություն համարվող փաստացի տվյալները, իսկ Սիրեկան Եղիազարյանին և «Բանաձև» ՍՊԸ պարտավորեցնել հրապարակայնորեն բանավոր ներողություն խնդրել նաև Հայցվոր Արա Գաբրուցյանից և հերքել վերջինիս վերաբերյալ զրպարտություն համարվող փաստացի տվյալները՝ տեղադրելով այդ տեսանյութը նաև հաղորդաշարի ինտերնետային կայքում և [www.youtube.com](http://www.youtube.com) կայքում, ինչպես նաև հրապարակել դատարանի վճիռը:

30.07.2012թ. ընդհանուր իրավասության Դատարանը բավարարել է հայցադիմումը մասնակիորեն: Պատասխանողներ Սիրեկան Եղիազարյանին և «Բանաձև» ՍՊԸ պարտավորեցվել են հրապարակային բանավոր ներողություն խնդրել Հայցվոր Արա Գաբրուցյանից: Սիրակ Եղիազարյանը և «Բանաձև» ՍՊԸ պարտավորեցվել էին նաև հերքել Հայցվոր Ա. Գաբրուցյանի վերաբերյալ զրպարտություն համարվող հետևյալ փաստացի տվյալները. Նրանք ասում են. «Մենք աշխատում ենք ծավալի վրա, մեզ բովանդակությունը չի կարևոր», «ըստ մասնագետների իմ գրավոր աշխատանքն ավելի քան հինգ միավոր էր և ավելի քան ութ միավոր էր»:

«Բանաձև» ՍՊԸ-ն պարտավորեցվել էր հերքել Հայցվոր Ա. Գաբրուցյանի վերաբերյալ զրպարտություն համարվող հետևյալ փաստացի տվյալները. «Մայր բուհում դիմորդի գրավորը անբավարար են գնահատել առանց բովանդակությունը ստուգելու՝ միայն ծավալին նայելով», «Քննության արդյունքի մասին բացատրություն ստանալու փոխարեն Սիրակը լսում է. «Կարևոր գրավորի ծավալն է, թե քանի էջ ես լցրել», «Խնդրի լրջությունը գնահատականից հեռու է գնում. իրավաբաններն ակնհայտ կասկած ունեն, որ գործը կոռուպցիոն ռիսկեր ունի: Դիմում են կրթության գիտության նախարարություն, որ գործն ուսումնասիրեն և հավանական կոռուպցիան կանխեն...: Թաքնված կոռուպցիայի կասկած հայտնում է ոչ թե սովորական մի երիտասարդ, այլ իրավաբանական մի ամբողջ խումբ...: Սիսակներ գտնելու համար նախարարությունը նայեց ամեն տեղ բացի այնտեղից, որտեղ սիսակներ հաստատ կգտներ», «Պատմությունը մեկ դասախոսի կամ մեկ ամբիոնի սիսակն է».

«Բանաձև» ՍՊԸ պարտավորեցվել էր հրապարակել դատարանի վճռի ամբողջական տեքստը՝ Հայցվորներից ներողություն խնդրելու մասին ցուցանող համապատասխան նշումով:

Դատարանն իր վճռոր պատաժառաբանել էր նրանով, որ.

1. պետական ոչ առևտրային կազմակերպությունը չի կարող հանդիսանալ պատիվ և արժանապատվություն ոչ գույքային իրավունքներ կրող սուբյեկտ և չի

կարող այդ իրավունքների խախտման պաշտպանության հայց ներկայացնել դատարան: Հետևաբար, քաղաքացիական դատավարության օրենսգրքի 2-րդ հոդվածի համաձայն «Երևանի պետական համալսարան» պետական ոչ առևտրային կազմակերպությունը ներկայացված պահանջով պատշաճ վոր չէր, իսկ հայցն այդ մասով մերժման ենթակա.

2. Պատասխանող Սոնա Հարությունյանի նկատմամբ ներկայացված պահանջը ենթակա էր մերժման՝ նման հայցերով դատարան դիմելու համար օրենքով նախատեսված առավելագույն (6 ամսյա) ժամկետը բաց թողնելու պատճառաբանություններից ոմանց վիրավորական, իսկ մյուս մասի՝ զրպարտչական լինելը.
3. Հայցվոր Արա Գաբրուցյանի մասով ներկայացված պահանջները հիմնավոր էին և ենթակա բավարարման այն պատճառով, որ Դատարանը գնահատել էր այս Հայցվորի հասցեին կատարված և հայցով մատնանշված արտահայտություններից ոմանց վիրավորական, իսկ մյուս մասի՝ զրպարտչական լինելը.
4. Վերը նշված վիրավորական և զրպարտիչ արտահայտությունները կատարվել էին հրապարակային, քանի որ դրանք հեռարձակվել էին հեռուստատեսությամբ, ինչպես նաև դրա մասին հանրությանը տեղեկացվել է նաև համաշխարհային համակարգչային ցանցով.
5. Դատարանն ուշադրություն էր դարձրել նաև այն հանգամանքի վրա, որ Պատասխանողների կողմից հաղորդման ընթացքում որպես առաջնային նպատակ ընկալման տեսանկյունից փորձ էր կատարվել արտահայտվելու ազատության միջոցով արտավորել Արա Գաբրուցյանի պատիվը և արժանապատվությունը: Վկայակոչելով համանման իրավիճակի առնչվող ՄԻԵԴ-ի կողմից (*Շաբանովին ու Տրենին ընդդեմ Ռուսաստանի/ Shabanov and Tren v. Russia*, 14/12/2006, դիմում թիվ 5433/02) գործով համապատասխան վճռով տրված կարգավորումները՝ Դատարանը նկատել էր, որ սույն դեպքում Պատասխանողներից «Բանաձև» ՍՊԸ-ն գործել էր միայն Սիրեկան Եղիազարյանի կողմից ներկայացված փաստերի հիման վրա, որոնց իրականության համապատասխանելիությունն այդպես էլ չէր ապացուցվել, և բարեխղճության տեսանկյունից փորձ չէր կատարվել բացահայտել դեպքի մյուս մասնակիցների կարծիքը ևս:

**Դատական ակտի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքে**

Սույն գործի վերլուծության մեջ, ստորև, անդրադարձ է կատարվել արտահայտվելու ազատության այն հիմնարար սկզբունքներին, որոնք առավելապես կարևոր են սույն գործի շրջանակներում և կարող էին ազդել Պատասխանողների արտահայտվելու ազատության սահմանափակման վրա:

## Արտահայտությունների հանրային շահի առարկա լինելու հանգամանքը

Խնդրո առարկա արտահայտությունների կատարման համար առկա հանրային գերակա շահի հարցը անտեսվել է ընդհանուր իրավասության դատարանի կողմից: Մինչեն, համաձայն թե միջազգային իրավունքի նորմերի (ՄԻԵԿ-ի 10-րդ հոդված), թե ներպետական իրավունքի նորմերի (ՀՀ քաղաքացիական օրենսգիրք, 1087.1-րդ հոդվածի 5-րդ մաս) արատավորող տեղեկությունների հրապարակման համար պատասխանատվությունը կարող էր սահմանափակվել նաև այն դեպքերում, երբ նման տեղեկությունների հրապարակումը տվյալ իրավիճակում և իր բովանդակությամբ պայմանավորված է եղել հանրային գերակա շահով, և դրանք հրապարակայնորեն ներկայացրած անձն ապացուցում է, որ ողջամտության սահմաններում ձեռնարկել է համապատասխան միջոցներ պարզելու համար դրանց ձշմարտությունը և հիմնավորվածությունը: Բարձրագույն ուսումնական հաստատություններում կոռուպցիայի վերաբերյալ տեղեկատվությունն, անշուշտ հանդիսանում է հանրային ուշադրության կենտրոնում գտնվող տեղեկատվություն, ապաև տվյալ հրապարակումը հանրային գերակա շահ լինելու բերումով կարող էր ներգրավել քաղաքացիական օրենսգրքի վերը նշված նորմով նախատեսված պաշտպանական կառուցակարգը Պատասխանողների համար: Սակայն հանրային գերակա շահի առկայությունն ինքնին չի ընձեռում բացարձակ պաշտպանություն այս հիմքով: Թեկուզն դատարանի կողմից ուշադրության չէր արժանացել հրապարակումների հանրային գերակա շահի շրջանակներում լինելու հանգամանքը, այնուամենայնիվ այդ հրապարակումներում տեղ գտած տեղեկությունների՝ Հայցվոր Ա. Գաբուզյանի պատվի և արժանապատվության համար արատավորող լինելու հանգամանքը և այդ արտահայտություններում տեղ գտած թե փաստերի, թե գնահատողական դատողությունների համար նույնիսկ նվազագույն փաստական տվյալների բացակայությունը բավարար հիմք էր Պատարանի կողմից կատարված եզրահանգման համար:

Միաժամանակ, հարկ է նաև նշել, որ ընդհանուր իրավասության Դատարանի կողմից հրապարակված նյութի միակողմանիության վերաբերյալ բերված հիմնավորումները ամրապնդում են հանրային գերակա շահի շրջանակներում կատարված արտահայտությունների համար Պատասխանողների արտահայտվելու ազատությանը միջամտելու՝ պետության տեսանկյունից թույլատրելիությունը, իսկ Հայցվորի պատվի և արժանապատվության տեսանկյունից՝ անհրաժեշտությունը:

Սույն գործով կայացված դատական ակտով Պատասխանողների արտահայտվելու ազատության պետության կողմից դրսորված միջամտությունը, հետևաբար, նաև վճռում բերված պատճառաբանությունները հաշվի առնելով, ամրոցությամբ համատեղելի է Սահմանադրությամբ և ՄԻԵԿ-ի 10-րդ հոդվածով նախատեսված միջամտությանն առաջադրվող եռաթև թեսթի պահանջներին:

**«ԿՅԱՆՔԻ ԽՈՍՔ» ԵԿԵՂԵՑԻ» ԿՐՈՆԱԿԱՆ ԿԱԶՄԱԿԵՐՊՈՒԹՅՈՒՆ,  
ԱՐԹՈՒՐ ՍԻՄՈՆՅԱՆ ԸՆԴՀԵՄ «ԻՐԱՎՈՒՔ ՀԵՏԱՔՆՈՒԹՅՈՒՆ»,  
«ԱՐԳՈՒՄԵՆՏԻ ՆԵԴԵԼԻ Վ ԱՌՄԵՆԻԻ» ՇԱԲԱԹ-ԱԹԵՐԹԻ**

### **Գործի հանգամանքները**

31.07.2012թ. Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանը (այսուհետ՝ Դատարան), քննելով քաղաքացիական գործն ըստ հայցի «Հայաստանի ավետարանական հավատքի քրիստոնյաների «Կյանքի խոսք» եկեղեցի» կրոնական կազմակերպության, Արթուր Սիմոնյանի (այսուհետ՝ Հայցվորներ) ընդդեմ «Իրավունք հետաքրնություն», «Արգումենտի ներելի վ Առմենիի» շաբաթաթերթի, ի դեմս լրատվական գործունեություն իրականացնող «Իրավունք Մեղիա» ՍՊ ընկերության (այսուհետ՝ Պատասխանողներ)՝ պատիվն ու արժանապատվությունը, բարի համբավը արատավորող տեղեկությունները հերքելու և ներողություն խնդրելուն պարտավորեցնելու պահանջի մասին, վճռեց հայցը մերժել:

**Ժերթի հոդվածներում նյութի հեղինակը գրում է, որ.**

«Սենսացիոն բացահայտումներ, բացադիկ հարցազրույցներ և նմանատիպ «գայթակղիչ», այլ վերտառություններով են ողողված այսօրվա որոշ լրատվամիջոցները՝ դերասանուի Անժելա Սարգսյանի, նրա «տղամարդու» և այդ երկու անձանց ընտանիքի անդամների փոխարարերությունները հանրության մանրակրկիտ հետազոտության առակա դարձնելուն: Անշուշտ, մենք առհասարակ չէինք անդրադառնա հայկական շոու-բիզնեսին այդքան բնորոշ անառակարարո վարքագծի և, մասնավորապես, զարդելի պոռնոկադրերի թեմային, եթե չիններ երկու հանգամանք: Առաջինը, որ պոռնուկանդալի «հերոսուիի» Անժելա Սարգսյանը պատկանում է Հայաստանի խոշորագույն աղանդին՝ կյանքի խոսքին...»:

**Այնուհետև հոդվածագիրը կոնկրետ հղում է կատարում՝ նշելով սկզբնադրյուրը.**

«... Քր.գործով կալանավորված անձի մայրը՝ Մարինա Արայանը, իրապարակավ մեղադրել է աղանդավոր-տաղանդավոր դերասանուիոն՝ սեփական զավակի նկատմամբ անառակարոր գործողությունների մեջ....»:

**Այնուհետև հոդվածագիրը գրում է.**

«Կյանքի խոսք աղանդավորական միավորումը հայ հասարակության մեջ տարածված է որպես մի կազմակերպություն, որի թաքուն կամ բացահայտ ազդեցությունը տարածվում է նաև որոշ հեռուստաղներությունների և իշխանական օդակների վրա...»:

Հոդվածագիրը, հղում անելով սկզբնաղբյուրին, գրում է.

«Կարենի մայրն ահարեկված է լրջագոյնս: Ահա նրա խոստովանությունը. «Շատ եմ տանջվում իիմա, որ չէի հավատում տղայիս, շատ եմ վիճել իր հետ: Բայց ինքն ինձ ասում եր. մամա, ինքն ինձ սպառնում ե, գլուխ է գովում, որ ինքն ու ամուսինը մեծ օղակներում ունեն ինչ-որ լավ հովանավորներ, սպառնում եր, որ իր մեջքին կանգնած է ամենաուժեղ, ամենահզոր եկեղեցին, կարծես «կյանքի խոսք», այդպես էր ասում: Եվ որ իրենք այտեղ շատ լավ դիրքերում են, անգամ, որ իր քոյրն այնտեղ ավագ է: Ես միշտ հարցնում էի. ինչ ունես դու վախենալու, ինչից ես վախենում, թող իր քոյրը լինի ավագ, թող լինի ինքը «կյանքի խոսքում», թող վերին օղակներում ունենան հովանավորներ, ինչ ունես արած, որ վախենում ես: Ասում եր, ես ոչինչ արած չունեմ, բայց իր կողմից ամեն ինչ սպասում եմ, որովհետև նա շատ վտանգավոր մարդ է...»:

Այնուհետև հոդվածագիրը շարունակում է.

«Հանրությանը հուզում է նաև մեկ այլ հարց. հանդիսանու՞մ է արդյոք Անժելան «կյանքի խոսքի» անդամ վերջին բացահայտումներից հետո: Եթե այդ, ապա պարզ է դառնում, թե որ «աստվածներին» նկատի ուներ դերասանուիի Անժելա Սարգսյանը, խոստովանելով «Կովախնձորին», թե հաճախ է աղոթում...»:

Հոդվածի վերևի մասում դրվում է կոլաժային (ծաղրանկարյային) լուսանկար, որտեղ տեղադրվում է դերասանուիի Անժելա Սարգսյանի լուսանկարը, կողքը՝ Հայցվոր Արթուր Սիմոնյանի կոլաժային լուսանկարը, վրան գրված՝ կյանքի խոսք, ետևի պլանում տղամարդու լուսանկար, վերնագրված կտոր մը «կյանքի խոսք» հետևյալ գրառությամբ. «Ծո՛ Ղազար, ասիգա մեր Անժելան է: Հրեշտակին անառակ մի ըսեր, մեղք է: Աղանդավետարան՝ ըստ Արթուր Սիմոնյանի»:

### Դատարանի վերլուծությունը

Լրատվական միջոցներով հրապարակված նյութերով հաստատվում է, որ լուսանկարները և արտահայտությունները վիրավորանք և գրպարտություն չեն կարող համարվել, քանի որ դրանք կրել են լրագրողի կողմից իր աշխատանքի բնույթի հետ կապված որոշակի չափազանցված բնույթ, որի պարագայում լրագրողը դիմել է որոշակի սահրանքների՝ իրականացնելով առկա տեղեկությունների հիման վրա իր լրագրողական աշխատանքը՝ հիմնական մտքի, խոսքի, ազատության սկզբունքներին և պայմանվորված օրենքի պահանջներով:

Միաժամանակ Դատարանը նշում է, որ վիճահարուց արտահայտություններում չեն օգտագործվել վիրավորական, կամ գրպարտչական բառեր և մտքեր: Թեև դրանք ձևակերպված են որոշ չափազանցություններով, սակայն, ընդհանուր առմամբ, ցուցաբերվել է հավասարակշռված մոտեցում, հղում է կատարվել սկզբնաղբյուրին, որն ամբողջությամբ համապատասխանում է խոսքի մատուցման լրագրողական ազատության թույլատրելի շրջանակներին: Հետևաբար, Դատարանը գտնում է, որ տվյալ հոդվածները և լուսանկարները տվյալ իրավիճակում և իրենց բովանդակությամբ պայմանավորված են գերակա հանրային շահով:

Այս գործում լրագրողների հրապարակած քննադատական խոսքերը կարելի է համարել կարծիք: Վերոգրյալի հիման վրա Դատարանն արձանագրում է, որ գործի փաստերից հետևում է, որ վերոհիշյալ արտահայտություններով և լուսանկարներով հրապարակած փաստական տվյալները, չնայած կրել են հրապարակային բնույթ, սակայն անզամ իրականությանը համապատասխանելու փաստից անկախ՝ չեն հանդիսանում Հայցվորների պատիվն ու արժանապատվությունն արտավորող նպատակ, մասնավորապես, վերը հիշատակված հոդվածներում Հայցվորների կողմից, որպես վիրավորական և զրապարտչական համարվող արտահայտությունները, թեև արվել են որոշ աստիճանի չափազանցությամբ, նույնիսկ լրագրողի կողմից հիշատակված արտահայտությունների միջոցով դրսենորվել է սադրանք, դրանցում նշված առանձին արտահայտությունների տեսքով, որոնք ձիշտ են, Հայցվորների համար վրդովեցուցիչ են, ցնցող կամ անհանգստացնող են, սակայն Դատարանն արձանագրում է, որ տպագրված նյութերում տեղ գտած արտահայտությունների միջոցով լրագրողը գործել է բազմակարծության սկզբունքով, ուստի վերջինիս կողմից կատարած արտահայտությունները, Հայցվորների կողմից որպես կրոնական կազմակերպության և կազմակերպության առաջնորդի կողմից պետք է դիտվեն հատուկ հանդուրժողականությամբ, որովհետև վերջիններիս նկատմամբ քննադատության շրջանակներն ավելի լայն են, քան մասնավոր անձանց և այդ առումով նրանք ավելի հանդուրժող պետք է լինեն իրենց անձի նկատմամբ հնչած քննադատության նկատմամբ (*Պակետիրլին ընդեմ Թուրքիայի/Pakdemirli v. Turkey*, 22/02/2005, դիմում թիվ 35839/97, 45-րդ պարբերություն): Զերուսալեմն ընդեմ Ավստրիայի (*Jerusalem v Austria*, 27/02/2001, դիմում թիվ 26958/95, 38-րդ պարբերություն) գործում ՄԻԵԴ-ը գտավ, որ ցանկացած անհատ կամ միավորում կարող է լինել քննադատության թիրախ սկսած այն պահից, երբ այն մուտք է գործում հասարակական քննարկումների դաշտ:

Տվյալ դեպքում Դատարանը հաստատված է համարում, որ հոդվածները և լուսանկարները տպագրվել են դերասանուիի Անժելա Սարգսյանի հետ կապված սկանդալային դեպքերից հետո միայն, որտեղ վերջինիս անձը կապվել է կրոնական կազմակերպության հետ, իսկ կրոնական կազմակերպությունն էլ դիտվել է որպես աղանդավորական կազմակերպություն և ենթարկվել է քննադատության: Այն պահից սկսած, երբ Հայցվորները մուտք են գործել հասարակական քննարկումների դաշտ, վերջիններս պետք է դրսենորեն որոշակի զապվածություն քննադատող արտահայտությունների վերաբերյալ, քանի որ դրանք ընդհանուր առմամբ կրում են բաց բանավեճի տարրեր՝ հետապնդող հասարակության մոտ կրոնական որոշ գաղափարներ սերմանելու, կամ Հայ Առաքելական եկեղեցու դավանանքից չեղվելու նպատակով, այլ ոչ անձնավորված վիրավորանք կամ զրապարտություն հասցնելու: ... Պատասխանող ընկերության և նյութի հեղինակի կողմից մամուլում տպագրված նյութերում պարունակող բառերն ակնհայտ նպատակ են հետապնդել լուսաբանելու, քննադատելու կրոնական կազմակերպության, նրա դեկավարի գործունեությունը, այդ կերպ առաջացնել արձագանքներ, հետևաբար նյութում տեղ գտած արտահայտությունները չեն կարող դիտվել վիրավորական և զրապարտչական բնույթի:

Հոդվածագրի կողմից հոդվածում նշված աղանդ բառը դատարանը, դիտում է որպես հոդվածագրի գնահատողական դատողության արդյունք: Դատարանն արձանագրում է, որ դատաքննության ընթացքում հայցվորների ներկայացուցիչը ընդունել, որ հայցվորները կապ չունեն Հայ Առաքելական եկեղեցու հետ:

«....Գործով ձեռք բերված ապացույցներով դատարանն արձանագրում է, որ Հայցվորների կողմից ծավալված գործունեությունը շեղված է Հայ Առաքելական եկեղեցու հավատքից, նրա ծեսերը և խորհուրդները չեն համապատասխանում եկեղեցու կրոնական և ավանդական սկզբունքներին: Այն ապացույցին է նաև Վեհափառ Հայրապետին ուղղված Պատասխանողի ներկայացուցիչ փաստաբանական հարցման պատասխանից, ուստի դատարանը գտնում է, որ հոդվածի հեղինակի Հայցվոր կազմակերպությանն աղանդ որակելը նպատակ չի հետապնդել վերջինիս վիրավորելու կամ զրապարտելու, այլ եղել է հեղինակի կարծիքն ու գնահատականը տվյալ կրոնական կազմակերպության և կազմակերպության դեկավարի վերաբերյալ»:

### **Առաջին ատյանի դատարանի վճռի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Հաշվի առնելով հոդվածի շարադրման ոձը, ինչպես նաև այն ուղեկցող կոլաժային պատկերը, հարկ է անդրադառնալ ՄԻԵԿ-ի կողմից սահմանված սկզբունքային մոտեցումներին նմանօրինակ արտահայտությունների վերաբերյալ:

ՄԻԵԿ-ը հետևողականորեն լրացուցիչ պաշտպանություն է տրամադրել արտահայտվելու ազատությանն այն դեպքում, երբ զրապարտչական հայտարարությունն արվել է հումորային կամ երգիծական ոձով, քանի որ հումորային և երգիծական արտահայտությունները, նմանակումները, իրենց բնույթով ներառում են սադրանք և չափազանցություն: Հումորային կամ երգիծական հայտարարության արգելումը կզրկի դիմումատուին արտահայտվելու ազատությունից, մինչդեռ դրա թույլատրումը Հայցվորի հեղինակության վրա կունենա չնշին ազդեցություն՝ հաշվի առնելով հայտարարության պարզորոշ հումորային ոձը (Նիկովիցն ընդեմ Ավստրիայի/Nikowitz v. Austria, 22/02/2007, դիմում թիվ 5266/03, 26-րդ պարբերություն):

Վերեյնիզանգ Բիլդեներ Կանուերն ընդեմ Ավստրիայի (Vereinigung Bildener Künstler v. Austria, 25/01/2007, դիմում թիվ 68354/01, 33-րդ պարբերություն) գործով կայացված վճռով ՄԻԵԿ-ը նշել է, որ նկարը ունեցել է երգիծական բնույթ և նպատակ է ունեցել ինդարյուրելու իրականությունը և սադրելու, հետևաբար նման արտահայտության նկատմամբ միջամտությունը պետք է քննարկվի առանձնակի զգուշությամբ:

Տվյալ գործով հոդվածն ուղեկցող նկարի հումորային և երգիծական ոձը ակնհայտ է եղել ընթերցողի համար, հետևաբար, դրա ազդեցությունը Հայցվորների հեղինակության վրա նույնպես փոքր է եղել: Վիճարկվող հոդվածները պարունակել են մի շարք արտահայտություններ, որոնք նույնպես շարադրված են եղել հումորային ոձով, առկա են եղել նաև մի շարք գնահատողական դատողություններ: Այնուամենայնիվ,

հարկ է նշել, որ հոդվածում առկա որոշ արտահայտություններ ձևակերպված են որպես փաստական տվյալներ (statement of fact), սակայն Դատարանի կողմից որակվել են որպես գնահատողական դատողություն, օրինակ հայցվոր կազմակերպության՝ աղանդ լինելու վերաբերյալ ձևակերպումները:

Խնդրահարույց կարող է համարվել հետևյալ արտահայտությունը. «պոռնուսկանդալի «հերոսուիի» Անժելա Սարգսյանը պատկանում է Հայաստանի խոշորագույն աղանդին՝ կյանքի խոսքին...»: Այս արտահայտության արատավորող բնույթը հենց կայանում է նրանում, որ հանրությունը կարող է Ա. Սարգսյանի՝ նշյալ կրոնական կազմակերպությանը պատկանելության փաստից անել որոշակի հետևողություններ կազմակերպության գործունեության վերաբերյալ՝ հաշվի առնելով Ա. Սարգսյանի վարքագիծը: Վերոգրյալ նախադասությունը շարադրված է, որպես փաստացի տվյալ: Այնուհետև հոդվածում չակերտներով մեջքերելով այլ անձի /քրեական գործով կալանավորված անձի մոր՝ Մարինա Արայանի/ ուղղակի խոսքը, նշվում է, որ «...իր մեջքին կանգնած է ամենաուժեղ, ամենահզոր եկեղեցին, կարծես «կյանքի խոսք», այդպես էր ասում: Եվ որ իրենք այտեղ շատ լավ դիրքերում են...»:

Վերոնշյալ մեջքերումներից ակնհայտ է, որ հոդվածում արված հայտարարությունն առ այն, որ Ա. Սարգսյանը պատկանում է «Կյանքի խոսք»-ին, իիմնված է երրորդ անձի կողմից արված հրապարակային հայտարարության վրա: Այս առնչությամբ քննարկման առարկա պետք է դառնային այլ անձանց խոսքի վերարտադրության պաշտպանության համատեքստում ՄԻԵԴ-ի դիրքորոշումները՝ գնահատելու համար, թե որքանով է լրագրողի կողմից արված հայտարարությունը Ա. Սարգսյանի համապատասխան կազմակերպությանը պատկանելության վերաբերյալ, եղել իիմնավորված, ինչպես նաև որքանով է հաջողվել լրագրողին պատշաճ հեռավորություն ապահովել է իր և համապատասխան հայտարարությունն արած անձի միջև: Այսպես, ՄԻԵԴ-ի նախադեպային դիրքորոշումները երրորդ անձանց խոսքի պաշտպանության վերաբերյալ հետևյալն են.

Հարցազրույցների վրա իիմնված լրատվական ծրագրերը, անկախ նրանից՝ խմբագրված են, թե ոչ, հանդիսանում են ամենակարևոր միջոցները, որոնցով մամուլը կարող է իրականացնել հասարակության «հսկիչ» իր կենսական դերը (տես վերոնշյալ *Oraqերվերը և Գարդիանն ընդդեմ Միացյալ Թագավորության/Observer and Guardian v the UK*, 26/11/91, դիմում թիվ 13585/88, 59 (թ) պարբերություն): Հարցազրույցի ընթացքում ուրիշի կողմից արված հայտարարությունների տարածմանն աջակցող լրագրողին պատմելը լրջորեն կիսունդուտի՝ հանրային շահին առնչվող հարցերի քննարկմանը՝ մամուլի ունեցած նպաստին և նման պատիժ չպետք է նախատեսվի, եթե չկան դրա համար առանձնապես իիմնավոր պատճառներ (Զերսիլդ ընդդեմ Դանիայի/Jersild v Denmark, 23/09/1994, դիմում թիվ 15890/89, 35-րդ պարբերություն): Միևնույն ժամանակ, իրավիճակը փոխվում է, եթե լրագրողը փորձում է հաստատել կամ որդեգրել զրպարտչական հայտարարությունը: Թոման ընդդեմ Լյուքսեմբուրգի (Thoma v. Luxembourg, 29/03/2001, դիմում թիվ 38432/97, 64-րդ պարբերություն) գործով կայացված վճռով դատարանը նկատել է, որ լրագրողը հնարավոր է «որդեգ-

րել» է թերթի հոդվածի մի մասը, որ նա մեջ է բերել ուղիղոյնք: Այնուամենայնիվ, նա մերժել է այն փաստարկը, որ ըստ որի լրագրողների նկատմամբ առկա է ընդհանուր պահանջ, ըստ որի նրանք պարտավոր են սփառեմատիկորեն և ձևականորեն իրենց հեռու պահել այլ անձանց զրպարտող մեջբերման բովանդակությունից:

Վերոգրյալ բոլոր սկզբունքների լուսի ներքո քննարկման էր ենթակա նաև զրպարտչական հայտարարություններն ստուգելու՝ լրագրողի պարտականության խնդիրը: ՄԻԵԴ-ը սահմանել է, որ հատուկ հիմքերի առկայության դեպքում լրատվամիջոցը կարող է ազատվել մասնավոր անձին արատավորող փաստական տվյալները / statement of fact/ ստուգելու պարտականությունից: Նման հատուկ հիմքերի առկայությունը կախված է «զրպարտության բնույթից և աստիճանից» և նրանից, թե որքանով են ԶԼՄ-ները ողջամտորեն հուսափ համարում իրենց աղբյուրները, որոնց հիման վրա պնդումներ են արել (*Պեդերսենն ու Բադսգարդն ընդդեմ Դանիայի/Pedersen and Baadsgaard v. Denmark*, 17/12/2004, դիմում թիվ 49017/99, 78-րդ պարբերություն, *Բլադետ Թրոմսոն և Ստենսասն ընդդեմ Նորվեգիայի/Bladet Tromsø and Stensaas v. Norway*, 20.03.1999, դիմում թիվ 21980/93, 65-րդ պարբերություն, *Մարզիքարն ընդդեմ Միացյալ Թագավորության/McVICAR v. the United Kingdom*, 07/05/2002, դիմում թիվ 46311/99, 84-րդ պարբերություն): Վերջնական գնահատականը պայմանավորված կլինի բոլոր վերոգրյալ սկզբունքների համակարգային վերլուծությունից և գործի փաստերի հետ համադրումից:

Հոդվածի հանրային նշանակության համատեքստում հարկ է անդրադառնալ նաև առաջին ատյանի Դատարանի հետևյալ դիրքորոշմանը.

«Վերոհիշյալ լուսանկարում և հոդվածներում պարունակող արտահայտություններից ու հոդվածի ողջ բովանդակությունից հետևում է, որ հեղինակի կողմից հրապարակված նյութը վերաբերվում է **հասարակական հնչեղություն ստացած դերասանուի Անժելա Սարգսյանին**, ինչպես նաև առնչվում է կրոնական կազմակերպությանը և վերջինիս կողմից հրականացվող գործունեությանը, հետևաբար, դատարանը գտնում է, որ ներկայացված հայցը պետք է դիտարկել հիշատակված էական փաստերի հաշվառմամբ, քանի որ նմանօրինակ անձանց վերաբերյալ մամուլում արտահայտած դիրքորոշումները ՄԻԵԴ-ի նախադեպային որոշումներում կրում է առավել լայն կանոնակարգում, որտեղ խոսքի ազատության իրավունքը դրսևորվում է առավել լայն ծավալով»:

Խնդրահարույց է դատարանի կողմից Անժելա Սարգսյանի, որպես հասարակական հնչեղություն ստացած դերասանուի, բնորոշումը, որով դատարանը պայմանավորել է խոսքի ազատության իրավունքի առավել լայն ծավալով դրսևորումը: ՄԻԵԴ-ի կողմից հետևողականորեն տարբերակվել են այն դեպքերը, երբ առկա է հասարակության տեղեկացված լինելու իրավունքը և երբ հրապարակումը ծառայում է զուտ որոշ ընթերցողների հետաքրքրասիրությունը բավարարելուն (*Ստանդարտ Վերլագս Գմբհ-ն ընդդեմ Ավստրիայի/Standard Verlags GmbH v. Austria*, 04/06/2009, դիմում թիվ 34702/07, 32-րդ պարբերություն):

Խնդրահարույց է նաև գերակա հանրային շահի վերաբերյալ դատարանի կողմից տրված հիմնավորումը, որը բացատրվել է լրագրողի կողմից հավասարակշռված մոտեցման ցուցաբերմամբ և սկզբնաղբյուրին հղում կատարելու հանգամանքներով:

Որոշ ՄԻԵԴ-ի նախադեպեր և սկզբունքներ դատարանի կողմից վկայակոչվել են առանձին սխալ ձևակերպումներով, ինչը գործնականում հանգեցրել է սկզբունքի իմաստային փոփոխությանը:

## **ԱՐԹՈՒՐ ՍԱՔՈՒՆՑՆ ԸՆԴՀԵՄ ՌՈՒԲԵՆ ՀԱՅՐԱՊԵՏՅԱՆԻ ԵՎ ՀԱՅԱՍՏԱՆԻ ՀԱՆՐԱՅԻՆ ՀԵՌՈՒՍՏԱԸՆԿԵՐՈՒԹՅԱՆ**

### **Գործի փաստական հանգամանքները**

Այս գործով Ռուբեն Հայրապետյանը (այսուհետ՝ ‘Պատասխանող’) «Լրացուցիչ ժամանակ» 26.05.2012թ. Հայաստանի հանրային հեռուստաընկերությամբ ցուցադրված «Լրացուցիչ ժամանակ» սպորտային հաղորդման ժամանակ հրապարակավ ասել է.

«Երբ որ ես Վանաձորում ուզում եմ ֆուտբոլի դպրոցը կառուցեմ, ոչ մի ծառ, ոչ մի թուփ չկա, սարի վրա դպրոց եմ կառուցում, բայց չգիտես ինչի հայտնվեց Հելսինկյան մի հատ ինչ որ անհասկանալի օղերով մի հատ շան ծնունդ ու բռնեց դատի տվեց մեզ, քաղաքապետարանին, ավագանու որոշմանը, այդ թվում ֆեղերացիան է որպես երրորդ կողմ, Պատասխանող կողմ»:

Հայցվոր Արթուր Սաքունցը «Հելսինկյան քաղաքացիական ասամբլեայի Վանաձորի գրասենյակ» ՀԿ-ի նախագահն է: «Հելսինկյան քաղաքացիական ասամբլեայի Վանաձորի գրասենյակ» ՀԿ-ն մինչ այդ հայցադիմում էր ներկայացրել ՀՀ վարչական դատարան ընդդեմ Վանաձորի քաղաքապետարանի և Վանաձորի համայնքի ավագանու մի որոշումն անվավեր Ճանաչելու պահանջի մասին: Այս դատավարությանը ներգրավվել էր նաև Պատասխանող Ռուբեն Հայրապետյանի կողմից ղեկավարվող «Հայաստանի ֆուտբոլի ֆեղերացիա» իրավաբանական անձանց միությունը՝ որպես երրորդ անձ:

Պատասխանողի կողմից կատարված արտահայտություններով իր պատիվն ու արժանապատվությունը վիրավորած լինելու հիմքով Հայցվորը Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարան (այսուհետ՝ ‘Դատարան’) էր դիմել ետևյալ պահանջներով.

- Պարտավորեցնել Պատասխանող Ռուբեն Հայրապետյանին՝ Հայցվորից ներողություն խնդրել՝ կից ներկայացնելով նաև ներողության տեքստը, և
- Պատասխանողից բռնագանձել 1 ՀՀ լումագումար:

Դատարանը 29.08.2012թ. մերժել է հայցն այն պատճառաբանությամբ, որ չէր ապացուցվել, որ Ռ. Հայրապետյանի հրապարակած արտահայտությունները վերաբերում էին Հայցվորին, ինչպիսի դիրքորոշում էր արտահայտել նաև Պատասխանողի ներկայացուցիչը: Վճիռը վերաբննիչ քաղաքացիական դատարան չէր բողոքարկվել և մտել էր օրինական ուժի մեջ:

## **Դատական ակտի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լույսի ներքո**

Ինչպես երևում է այս գործով դատական քննության բովանդակային հատվածը սահմանափակված է եղել միայն Պատասխանող Ռ. Հայրապետյանի կողմից կատարված արտահայտությունների Հայցվոր Ա. Սաքունցին ուղղված լինելու հանգամանքի պարզմանը: Հաստատված համարելով, որ Պատասխանողի արտահայտությունները չեն վերաբերել Հայցվորին՝ ընդհանուր իրավասության Դատարանը դրանով բավարարվելով սահմանափակել է պատճառաբանությունների շարադրանքը, միայն նախապես առավել ընդհանուր բնույթի սկզբունքներ վկայակոչելով:

Այս կապակցությամբ նկատելի է, որ գրպարտության և/կամ վիրավորանքի գործերով հաճախակիանում են պոտենցիալ Պատասխանողների կողմից դատավարական իրավունքների պաշտպանությամբ թույլ տրված վիրավորանքի և/կամ գրպարտության համար պատասխանատվությունից հաջողությամբ խուսափելու փորձերը: Կոնկրետ սույն գործի հանգամանքների կապակցությամբ հարկ է նշել, որ Պատասխանողի կողմից թույլ տրված արտահայտությունները Պատասխանողի հասցեին ուղղված չլինելու հանգամանքը, ի տարբերություն, օրինակ «Հելսինկյան Քաղաքացիական Ասամբլեայի Վանաձորի գրասենյակ» ՀԿ-ն ընդդեմ Վլադիմիր Գասպարյանի գործով Պատասխանողի, ուղղակիորեն հաստատվել էր ինչ Պատասխանողի ներկայացուցչի կողմից: Անկախ այն հանգամանքից, թե որքանով են արժնորում (իսկ կոնկրետ գործերի շրջանակներում՝ թե որքանով պակաս են արժնորում) կոնկրետ Պատասխանողները իրենց իրապարակային խոսքը և դրանով պայմանավորված հնարավոր պատասխանատվությունից չխուսափելու ազնիվ կեցվածքը, այնուամենայնիվ՝ նույնիսկ նման խուսափողական դիրքորոշումները դատարաններում ներկայացվելը (թեկուզն այսպիսի Պատասխանողների ներկայացուցիչների կողմից) Հայցվորի պատվին հասցված վնասի հարցով գործերով կարող է լուծում/լուծման միջոց լինել: Նման դեպքերում Պատասխանողների ներկայացուցիչների կողմից դատարավարական իրավունքների առավելագույն օգտագործմամբ իրապարակավ արտահայտված դիրքորոշումներից կամ այդ դիրքորոշումների հասցեատերերից խուսափելու մոտեցումը, թեկուզն ամբողջությամբ կարող է տեղափոխվել դատավարական և իրավական պաշտպանության տրամաբանության մեջ, սակայն (նամանավանդ) իրապարակային գործից Պատասխանողների պարագայում նման դիրքորոշումները կարող են այդ Պատասխանողների իրապարակային հեղինակությանն ավելի վնասել, քան այդպիսին կարող էր լինել նրանց կողմից այլ անձի պատվի, արժանապատվության կամ գործարար համբավի նկատմամբ վիրավորանքի կամ գրպարտության միջոցով ոտնաձգելու փաստի ձանաչումը դատարանի կողմից:

## ՖԱՐԱԾՆ ՄԻՐՋՈՅԱՆ ԸՆԴԴԵՄ «ԶՈՐՐՈՐԴ ԻՆՔՆԻՇԽԱՄԱՆՈՒԹՅՈՒՆ» ՕՐԱԹԵՐՁԻ

### **Գործի հանգամանքները**

02.10.2012թ. Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանը (այսուհետ՝ ‘Դատարան’), քննության առնելով քաղաքացիական գործն ըստ հայցի Ֆարան Միրզոյանի (այսուհետ՝ ‘Հայցվոր’) ընդդեմ «Զորրորդ ինքնիշխանություն» օրաթերթի իրատարակիչ «Կողմնակի անձանց Մ» ՍՊԸ-ի, Սերգեյ Գասպարյանի (այսուհետ՝ ‘Դատասխանողներ’)-‘Հայցվորին արատավորող տեղեկությունները հերքելու, Պատասխանողներից համապարտության կարգով զրապարտության համար 2.000.000 ՀՀ դրամ, վիրավորանքի համար 1.000.000 ՀՀ դրամ, փաստաբանին վճարված՝ 300.000 ՀՀ դրամ, նախապես վճարված պետական տուրքի գումարների բոնագանձման պահանջների մասին, վճեց հայցը մերժել:

Հայցվոր Ֆարան Միրզոյանը հանդիսանում է Ազգային պատկերասրահի տնօրենը:

2011թ. ապրիլի 9-ին «Կողմնակի անձանց Մ» ՍՊԸ կողմից իրատարակվող «Զորրորդ ինքնիշխանություն» օրաթերթի համարում, ինչպես նաև «Զորրորդ ինքնիշխանություն» ինտերնետային կայք էջում, որտեղ նոյն թերթը հրապարակվում է Էլեկտրոնային տարբերակով, տեղ է գտել Կարինե Աշուլյանի հեղինակությամբ «Ճանաչել Փարավոնին» վերնագրով հրապարակումը ներքոհիշյալ բովանդակությամբ.

«Ազգային պատկերասրահի տնօրեն Փարավոն Միրզոյանը Հայաստանի գեղարվեստական ակադեմիայի 65-ամյակի առթիվ կազմակերպված միջոցառման ժամանակ վիրավորվել է, որ իրեն պարզեցատրում են «ընդամենը» շնորհակալագրով և «Արվեստի վաստակավոր գործին շնորհակալագիր չեն տալիս» բառերն ասելով՝ ցուցադրաբար իրաժարվել է փարավոնին ոչ վայել պարզել վերցնել կրթության նախարար Արմեն Աշուլյանի ձեռքից: ... Պարզաբանումներ ստանալու համար երեկ զանգահարեցինք շնորհակալագիրը դպրոցական գովասանագրի հետ շփոթած և հանդիսանությանն առնվազն Նորելյան մրցանակի ակնկալիքով գնացած ու հիասթափված Փարավոն Միրզոյանին:

... Այնուամենայնիվ, մենք փորձեցինք հասկանալ՝ պետք էր արդյոք Փարավոն Միրզոյանին հայ արվեստում ունեցած երկարամյա վաստակի համար պարզեցատրել շնորհակալագրով,

թե՞ ոչ: ... Բավական է հիշել «Հայապակի» ՓԲԸ-ից ապակեգործ Սերգեյ Գասպարյանի՝ Ազգային պատկերասրահին ի պահ տրված մոտ 800 աշխատանքների յուրացման և վաճառելու պատմությունը: Գասպարյանը բաց նամակով դիմել էր բոլոր հնարավոր ատյաններին՝ Փարավոնին մեղադրելով իր ստեղծագործությունների ցուցադրությունը միտումնավոր ձգձելու, դրանց կեսը յուրացնելու և «Գլաս Ուորլդ Քամփընի» ընկերության սեփականատեր Ա.Քոչշարյանին վաճառելու մեջ: Բաց նամակներից մեկում Գասպարյանը Փարավոնի մասին գրել է. «Միրզոյանը հոշոտել, թալանել է թանգարանը... Ես նրա պորտետը նկարելու եմ ու վրան գրելու եմ՝ աշխարհի ամենամեծ սրիկան: Նկարիչը ոնց կարող է կենդանի նկարչի գործերը թալանի ու վաճառի»: ... Այս խնդրին պարբերաբար անդրադարձ «Հետքը» ներկայացրել էր նաև Գասպարյանի հետևյալ խոսքերը. «Ասում են՝ աշխատանքները վերադարձված են: Սուտ է, նրանք ցույց չեն տալիս իմ աշխատանքները, որովհետև դրանք չկան: Ես պատկերացնում եմ, որ եթե կենդանի նկարչի օրոք այդպիսի պատկություն է կատարվում, մահացած նկարիչների աշխատանքների հետ ինչ է կատարվում այնտեղ...»:

### **Հայցվորը հոդվածում գետեղված հետևյալ արտահայտությունները՝**

1. «Բավական է հիշել «Հայապակի» ՓԲԸ-ից ապակեգործ Սերգեյ Գասպարյանի՝ Ազգային պատկերասրահին ի պահ տրված մոտ 800 աշխատանքների յուրացման և վաճառելու պատմությունը»:
2. «Իսկապես, գուցե կրթության և գիտության նախարարը ծերունազարդ ապակեգործ Սերգեյ Գասպարյանի ստեղծագործությունները յուրացնելու և վաճառելու գործում ունեցած վաստակի և ավանդի համար է որոշել Փարավոնին այսպես շնորհակալագիր տալ»:
3. «Բայց պետք է խոստովանել, որ անզամ ամեն ինչ տեսած հայ հասարակության համար աննախադեպ է արվեստագետի կողմից արվեստագետին օրը ցերեկով անպատճ կողոպտելը, և Փարավոնը բոլոր հիմքերն ուներ՝ փարավոնավայել պարզ ակնկալելու»: Իսկ նշված հրապարակումներում վկայակոչված Պատասխանող Սերգեյ Գասպարյանի հետևյալ արտահայտությունները  
1. «Գասպարյանը բաց նամակով դիմել էր բոլոր հնարավոր ատյաններին՝ Փարավոնին մեղադրելով իր ստեղծագործությունների ցուցադրությունը միտումնավոր ձգձելու, դրանց կեսը յուրացնելու և «Գլաս Ուորլդ Քամփընի» ընկերության սեփականատեր Ա.Քոչշարյանին վաճառելու մեջ, 2. «Բաց նամակներից մեկում Գասպարյանը Փարավոնի մասին գրել է. «Միրզոյանը հոշոտել, թալանել է թանգարանը... Ես նրա պորտրետը նկարելու եմ ու վրան գրելու եմ՝ աշխարհի ամենամեծ սրիկան...» արտահայտությունները համարել է վիրավորական, իր պատիվն ու արժանապատվությունն արատավորող նպատակ հետապնդող՝ որակելով այն որպես վիրավորանք և զրապարտանք Հայցվորի անձի հանդեպ:

### **Դատարանի վերլուծությունը**

Դատարանն արձանագրել է, որ վիճարկվող հոդվածում Հայցվորի պատիվն ու արժանապատվությունը արատավորող տեղեկությունները, ինչպես նաև

զրաբարտություն և վիրավորանք պարունակող արտահայտությունները հիմնականում պարունակում են «Հետք» ինտերնետային լրատվամիջոցում հրապարակված Սերգեյ Գասպարյանի հարցազրույցների բառացի մեջբերումներ /08.11.2010, 20.12.2010թ. հրապարակված հոդվածներ/: Ըստ էության Հայցվորի պատիվն ու արժանապատվությունն արատավորող տեղեկությունները հրապարակային ներկայացվել է Ս.Գասպարյանի հարցազրույցների հիման վրա «Հետք» լրատվական կայքի միջոցով լրագրող Կ.Աշուլյանի հեղինակությամբ: Տվյալ պարագայում Դատարանը գտել է, որ Հայցվորը բաց է թողել «Զանգվածային լրատվության մասին» ՀՀ օրենքով սահմանված հերքման պահանջ ներկայացնելու մեկամսյա ժամկետը, քանի որ տվյալ լրատվամիջոցում այդ հոդվածների հրապարակումից հետո չի դիմել հերքում կամ պատասխան հրապարակելու պահանջով:

Դատարանը փաստել է նաև, որ տվյալ պարագայում լրատվական միջոցը սույն գործով պատշաճ Պատասխանող չի հանդիսանում, քանի որ նյութը հրապարկվել է լրագրող Կ.Աշուլյանի կողմից և վիճարկվող հոդվածում վերջինիս արտահայտած կարծիքի կամ «գնահատողական դատողությունների» հիմք է հանդիսացել «Հետք» ինտերնետային լրատվամիջոցում 08.11.2010թ., 20.12.2010թ. հրապարակված Սերգեյ Գասպարյանի հարցազրույցները:

Դատարանն արձանագրել է, որ Հայցվորի կողմից վիճարկվող հոդվածի հեղինակը լրագրողն է և ոչ թե լրատվության միջոցը, կոնկրետ դեպքում լրագրող Կ.Աշուլյանը, որի մասնագիտական գործունեության իրականացման համար չի կարող պատասխանատվություն կրել լրատվության միջոցը: Նման մեկնաբանության հիմքում դրվել է ՀՀ քաղաքացիական օրենսգրքի 1087.1-րդ հոդվածի 9-րդ մասը:

Միաժամանակ դատարանը նշել է, որ վիճահարույց արտահայտությունները թեև ձևակերպված են որոշ չափազանցություններով, սակայն հղում է կատարվել սկզբնաղբյուրին, որն ամբողջությամբ համապատասխանում է խոսքի մատուցման լրագրողական ազատության թույլատրելի շրջանակներին, այն իր բովանդակությամբ կրկնում է նախկինում հրապարակված նյութի եզրահանգումը:

**Առաջին ատյանի դատարանի վճռի իրավական վերլուծությունը՝ ՄԻԵԿ-ի 10-րդ հոդվածի և արտահայտվելու ազատության ոլորտում ընդունած միջազգային իրավական այլ չափորոշիչների լույսի ներքո**

Սույն գործով կայացված դատական քննությունն աչքի է ընկել Հայցվոր, Պատասխանող կողմերի և առաջին ատյանի Դատարանի կողմից ՄԻԵԿ-ի նախադեպային իրավունքի բավականին բազմակողմանի վերլուծությամբ:

Այսպես, Հայցվորի կողմից վկայակոչվել են *Ljüngekens und Lingens Austria, 08/07/1986, դիմում թիվ 9815/82*, Գալինա Չերնիշևան ընդդեմ ՌԴ-ի գործերով կայացված վճիռները:

Պատասխանողի կողմից հայցադիմումի պատասխանով մեջ են բերվել ՄԻ-ԵԴ-ի մի շարք վճիռներ, այդ թվում՝ *Lingens v. Austria*, 08/07/1986, դիմում թիվ 9815/82), *Prager and Oberschlick v. Austria*, 26/04/1995, դիմում թիվ 15974), *Դէ Հասը և Գիյուելսն ընդդեմ Բելգիայի* (*De Haes and Gijsels v. Belgium*, 24/02/1997, դիմում թիվ 19983/92), *Շաբան և Տրեն ու Ռուսաստանի* (*Shabanov and Tren v. Russia*, 14/12/2006, դիմում թիվ 5433/02), *Կարմանն ընդդեմ Ռուսաստանի* (*Karman v. Russia*, 14/12/2006, դմում թիվ 29372/02), *Գրինբերգն ընդդեմ Ռուսաստանի* (*Grinberg v. Russia*, 21/07/2005, դիմում թիվ 23472/03) գործերով կայացված վճիռները:

Իսկ Դատարանը վճոի պատճառաբանական մասում վկայակոչել է *Շաբան և Տրեն ու Ռուսաստանի* (*Shabanov and Tren v. Russia*, 14/12/2006, դիմում թիվ 5433/02), *Հենդիսայդն ընդդեմ Միացյալ Թագավորության* (*Handyside v. UK*, 07/12/1976, դիմում թիվ 5493/72), *Դէ Հասը և Գիյուելսն ընդդեմ Բելգիայի* (*De Haes and Gijsels v. Belgium*, 24/02/1997, դիմում թիվ 19983/92), *Ջերուզալեմն ընդդեմ Ավստրիայի* (*Jerusalem v Austria*, 27/02/2001, դիմում թիվ 26958/95), *Պրագերն ու Օբերշլիքն ընդդեմ Ավստրիայի* (*Prager and Oberschlick v. Austria*, 26/04/1995, դիմում թիվ 15974/90) գործերով կայացված վճիռները համապատասխան հատվածներով:

Մեծ մասամբ վերը թվարկված բոլոր վճիռները վկայակոչվել են գործին վերաբերող պատշաճ համատեքստերում:

Դատարանի կողմից տեղին է կատարվել հղումը ՄԻԵԴ-ի նախադեպային իրավունքին՝ լրագրողի կողմից վիճահարույց արտահայտությունների որոշակի չափանցված բնույթի մասով: Հոդվածն ընդհանուր առմամբ շարադրված է փոքր- ինչ հումորային և չափազանցածված ոճով, «Հետք» լրատվական կայքում հրապարակված տեղեկությունները և Ս. Գասպարյանի հարցագրույցները Փարավոն Միրզոյանի կողմից Ս. Գասպարյանի ստեղծագործությունները յուրացնելու և վաճառելու վերաբերյալ, լրագրողի կողմից մեկնաբանվել և ներկայացվել են որոշակի հումորային երանգավորմամբ և գնահատականներով, որոնք պատշաճ ձևով Դատարանի կողմից որակվել են որպես լրագրողի կարծիք: Մասնավորապես, առաջին ատյանի Դատարանի կողմից արծարծվել է այն սկզբունքը, համաձայն որի՝ լրագրողական ազատությունը ենթադրում է որոշ աստիճանի չափազանցություն, նույնիսկ սադրանքի դրսևորում լրագրողի կողմից:

Հարկ է նշել նաև, որ ՄԻԵԴ-ը հետևողականորեն լրացուցիչ պաշտպանություն է տրամադրել արտահայտվելու ազատությանն այն դեպքում, երբ զրապարտչական հայտարարությունն արվել է հումորային կամ երգիծական ոճով, քանի որ հումորային և երգիծական արտահայտություններն իրենց բնույթով ներառում են սադրանք և չափազանցություն:

«Հետք» լրատվական կայքում 08.11.2010թ., 20.12.2010թ. հրապարակված հոդվածների վերլուծությունը վկայում է այն մասին, որ Դատարանի կողմից ձիշտ հետևու-

թյուն է կատարվել առ այն, որ լրագրողի կարծիքի կամ «գնահատողական դատողությունների» հիմք է հանդիսացել «Հետք» ինտերնետային լրատվամիջոցում հրապարակված Սերգեյ Գասպարյանի հարցազրույցները:

Այսպես, «Հետք» լրատվական կայքում Ս. Գասպարյանի հարցազրույցների հիման վրա հրապարակվել են տեղեկություններ Ս. Գասպարյանի կողմից տարիներ շարունակ երկրի Նախագահին, վարչապետին, ԱԺ նախագահին, ՀՀ գլխավոր դատախազին, Վերահսկիչ պալատի նախագահին Ազգային պատկերասրահում իր թանգարանի հավաքածուի Ճակատագրի խնդրով դիմելու, իր գործերը Փ. Միրզոյանի կողմից «Գլաւ Ռուրլդ Քամփընի» ՓԲԸ-ի տնօրեն Ա. Քոչարյանին վաճառելու, Փ. Միրզոյանի կողմից միտումնավոր, տարիներով թանգարանի ցուցադրությունը ձգձգելու, ազգային արժեք ներկայացնող պետական թանգարանի մեծ մասը վաճառելու, Սերգեյ Գասպարյանի ստեղծած թանգարանը փրկելու կոչով Ռուսաստանի երեք նկարիչների կողմից 2008թ. հունիսին ՀՀ Կառավարությանը նամակ ուղարկելու, Սերգեյ Գասպարյանի կողմից Ազգային պատկերասրահ վերադարձված աշխատանքներն իր ստեղծագործությունները լինելը հերքելու, Փ. Միրզոյանի կողմից ազգային մշակութային արժեք ներկայացնող բյուրեղապակյա եզակի գործերի ամբողջական թանգարանը թալանելու, կործանելու վերաբերյալ տեղեկություններ: Բացի այդ, Ս. Գասպարյանի հարցազրույցներից արվել են մի շաբթ ուղղակի մեջբերումներ, որոնք վկայակում են նաև «Զորբորդ ինքնիշխանություն» օրաթերթի վիճարկվող հոդվածում: Տեղադրված են եղել նաև հարցազրույցի տեսաձայնագրություններ:

20.12.2010թ. «Հետք» լրատվական կայքում հրապարակված՝ «Ես ցավում եմ, որ այդ մարդը իիվանդ է, ես կարող էի նրան շանտաժի համար դատի էլ տալ» վերտառությամբ հոդվածը վերարտադրել է նույն թեմայի շուրջ Փ. Միրզոյանի հետ ունեցած հարցազրույցը:

Ինչ վերաբերում է լրագրողի կողմից արված վիճահարույց արտահայտություններին, ինչպիսիք են, օրինակ, կրթության և գիտության նախարարի կողմից ծերունագարդ ապակեզրործ Սերգեյ Գասպարյանի ստեղծագործությունները յուրացնելու և վաճառելու գործում ունեցած վաստակի և ավանդի համար Փարավոնին շնորհակալագիր տալու, անգամ ամեն ինչ տեսած հայ հասարակության համար արվեստագետի կողմից արվեստագետին օրը ցերեկով անպատճելու հանգամանքի աննախադեպ բնույթի, փարավոնավայել պարզ ակնկալելու համար Փարավոն Միրզոյանի կողմից հիմքեր ունենալու մասին արտահայտություններին, ապա դրանք պատշաճորեն Դատարանի կողմից գնահատվել են որպես գնահատողական դատություն՝ հիմնված վերոնշված տեղեկությունների վրա:

Տվյալ հարցում ՄիԵԴ նախադեպային իրավունքի մոտեցումը հետևյալն է.

«Երբ արված հայտարարությունը հանդիսանում է գնահատողական դատողություն, միջամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նույնիսկ

գնահատողական դատողությունն առանց այն պաշտպանող որևէ փաստական հիմքի կարող է լինել չափազանց (*Դիշանդը և այլոր ընդեւմ Ավստրիայի/Dichand and Others v. Austria/* 26/02/2002, դիմում թիվ 29271/95, 41-րդ պարբերություն):

Արտահայտվելու ազատության իրավունքը պաշտպանում է ոչ միայն արտահայտված տեղեկությունների և գաղափարների բովանդակությունը, այլև այն ձևը, որով դրանք արտահայտվել են (Ֆելդեկ ընդեւմ Սլովակիայի/*Feldek v. Slovakia*, 12/07/2001, դիմում թիվ 29032/95, 72-րդ պարբերություն): Որքան ավելի լուրջ է արված հայտարարությունը, այնքան ավելի ամուր փաստական հիմքեր են անհրաժեշտ այն հիմնավորելու համար (Եվրոպափորեւ Հոլիդինգ Դ.Օ.Օ. ընդեւմ Խորվարիայի/*Europapress Holding D.O.O. v. Croatia*, 22/10/2009, դիմում թիվ 25333/06, 66-րդ պարբերություն:): Հանրային հսկիչի իրենց դերը կատարելիս լրատվամիջոցների լուսաբանումը պատմությունների, ասեկուսների կամ հանրային կարծիքի լույսի ներքո պետք է պաշտպանված լինի, եթե այն լիովին անհիմն չէ (Թորգեյր Թորգեյրսոն ընդեւմ Իսլանդիայի/*Thorgeir Thorgeirson v. Iceland*, 25/06/1992, դիմում թիվ 13778/88, 63-րդ պարբերություն): Հարցազրույցի ընթացքում ուրիշի կողմից արված հայտարարությունների տարածմանն աջակցող լրագրողին պատմելը լրջորեն կխոչնդուի՝ հանրային շահին առնչվող հարցերի քննարկմանը՝ մամուլի ունեցած նպաստին և նման պատիճ չպետք է նախատեսվի, եթե չկան դրա համար առանձնապես հիմնավոր պատճառներ (Զերսիլդ ընդեւմ Դանիայի/*Jersild v Denmark*, դիմում թիվ 15890/89, 35-րդ պարբերություն): Լրագրողների նկատմամբ ընդհանուր պահանջը, ըստ որի նրանք պարտավոր են պարբերաբար և ձևականորեն իրենց տարանջատել այլ անձանց վիրավորող, սաղող կամ նրանց հեղինակությանը վնասող մեջբերման բովանդակությունից անհամատեղելի է ընթացիկ դեպքերի, կարծիքների և գաղափարների վերաբերյալ տեղեկատվություն տարածելու մամուլի դերի հետ (Թոման ընդեւմ Լյուքսեմբուրգի/*Thoma v. Luxembourg*, 29/03/2001, դիմում թիվ 38432/97, 64-րդ պարբերություն):

Ըստ ՄԻԵԴ-ի նախադեպային իրավունքի՝ հատուկ հիմքերի առկայության դեպում լրատվամիջոցը կարող է ազատվել մասնավոր անձին արատավորող փաստացի տվյալները /statement of fact/ ստուգելու պարտականությունից: Նման հատուկ հիմքերի առկայությունը կախված է «զրաբարտության բնույթից և աստիճանից» և տեղեկատվությունը տրամադրող աղբյուրների վստահելիությունից (Պեդերսենն ու Բաադսգարդն ընդեւմ Դանիայի/*Pedersen and Baadsgaard v. Denmark*, 17/12/2004, դիմում թիվ 49017/99, 78-րդ պարբերություն, *Bladet Tromsø and Stensaas v. Norway*, 20.03.1999, դիմում թիվ 21980/93, 65-րդ պարբերություն):

Հումորային կամ երգիծական հայտարարության արգելումը կզրկի դիմումատուին արտահայտվելու ազատությունից, մինչդեռ դրա թույլատրումը հայցվորի հեղինակության վրա կունենա չնշին ազդեցություն հաշվի առնելով հայտարարության պարզուց հումորային ոճը (Նիկովիցն ընդեւմ Ավստրիայի/*Nikowitz v. Austria*, 22/02/2007, դիմում թիվ 5266/03, 26-րդ պարբերություն):

Քննարկվող գործով վիճարկվող հոդվածում տեղ գտած զրաբարտչական հայտա-

րարություններն արդեն իսկ մինչ այդ հրապարակվել էին «Հետք» Էլեկտրոնային լրատվամիջոցում, որին էլ հղում էր կատարվել համապատասխան հոդվածում՝ որոշ դեպքերում մեջքերելով նաև Ս. Գասպարյանի ուղղակի խոսքը: Դատարանը քննարկման առարկա չի դարձրել վիճարկվող փաստերը լրագրողի կողմից ստուգելու պարտականության հարցը՝ նկատի ունենալով առաջին հերթին արդեն իսկ նշված տվյալների հրապարակման փաստը այլ լրատվամիջոցում և դրանց վիճարկված չլինելու հանգամանքը:

## **ԻԶԵՎԱՆԻ ՔԱՂԱՔԱՊԵՏԸ ԵՎ ԻԶԵՎԱՆԻ ՔԱՂԱՔԱՊԵՏԱՐԱՆ ԸՆԴՀԵՄ «ՀԵՏԱՔՆՆՈՂ ԼՐԱԳՐՈՂՆԵՐ» ՀԱՍՏԱԿԱԿԱՆ ԿԱԶՄԱԿԵՐՊՈՒԹՅԱՆ**

### **Գործի հանգամանքները**

«Հետաքննող լրագրողներ» ՀԿ-ի (այսուհետ՝ «Պատասխանող») նախաձեռնությամբ «Ազգ» օրաթերթի 20.05.2008թ. ներդիրում տպագրվել է Ոսկան Սարգսյանի «Ում գրպանն են մտնում ավազահանքի փողերը» վերնագրով հոդվածը: Հոդվածում հեղինակը քննարկել է Աղստև գետի վրա «Սպիտակ ջուր» ջրամբարից ավազահանման հարցը: Հոդվածագիրը վկայակոչել է ավագ տեղափոխող վարորդին, ըստ որի «լճից մի մեքենա ավազ վերցնելու համար 8 հազար դրամ են վճարում, իսկ ավելի մեծ տարողությամբ մեքենան ավազ բեռնելու համար մինչև 20 հազար դրամ է պահանջվում»: Այնուհետև հոդվածագիրը նշել է, որ ըստ իրեն հայտնի դարձած տեղեկությունների՝ այդ բիզնեսը գտնվում է Իջևանի քաղաքապետ Վարուժան Ներսիսյանի վերահսկողության ներքո: Հոդվածն ուղեկցվել է լուսանկարներով, որոնցում պատկերված են ավազահանման աշխատանքներ: 26.05.2008թ. «Հետաքննող լրագրողներ» ՀԿ-ն նույնարուվանդակ տեղեկություններ է հրապարակել իր ինտերնետային կայքում:

**Ստորև ներկայացվում են հոդվածի համապատասխան հատվածները.**

«ԼՃի երկայնքով է ձգվում դեպի Երևան տանող մայրուղին, և ամեն օր հազարավոր ուղևորներ ականատես են լինում լճից ավազի արդյունահանմանը: Արդեն մի քանի տարի այստեղ գործում են հզոր էքսկավատորներ և ամբարձիչներ: Իջևանի և Դիլիջանի վարչատարածքներում իհմա շինարարական բում է, և ավազի կարիք շատ է զգացվում: Դիլիջան քաղաքում ընթացող շինարարության համար այստեղից ավագ տեղափոխող վարորդը վկայեց, որ լճից մի մեքենա ավազ վերցնելու համար 8 հազար դրամ են վճարում: Ավելի մեծ տարողությամբ մեքենան ավազով բեռնելու համար մինչև 20 հազար դրամ է պահանջվում: Ովքեր են այս ջրամբարի հարստությունից օգտվողները, որոնք լիձը տիղմից մաքրելու պատճառաբանությամբ անօրինական, չհարկվող մեծ եկամուտներ են ստանում:

Մեր ունեցած տեղեկությամբ՝ այս բիզնեսը գտնվում է Իջևանի քաղաքապետ Վարուժան Ներսիսյանի վերահսկողության ներքո: Այն պաշտոնապես ձշտելու համար 2007 թ. հոկտեմբերին լժից ավազի արդյունահանման կապակցությամբ նամակով դիմեցի Տավուշի մարզի դատախազություն:

2008թ. հունիսին Իջևանի քաղաքապետարանը և Իջևանի քաղաքապետն (այսուհետ՝ Հայցվորներ) դիմել է Դատարան՝ պահանջելով պարտավորեցնել «Հետաքննող լրագրողներ» ՀԿ-ին նույն լրատվամիջոցներով հերքելու Իջևանի քաղաքապետարանի դեմ հրապարակված անհիմն տեղեկությունները և քաղաքապետ Վարուժան Ներսիսյանի պատիվը, արժանապատվությունը և գործարար համբավն արատավորող լուրերը, ինչպես նաև Պատասխանողից հօգուտ Հայցվորի բռնագանձելու որպես վնասի հատուցում 930.000 ՀՀ դրամ գումարի չափով փաստաբանական ծախսերը: 10.07.2009թ. Երևան քաղաքի Կենտրոն և Նորք-Մարաշ համայնքների ընդհանուր իրավասության դատարանը հայցը մերժել է:

Դատարանի վճռի դեմ վերաբննիչ բողոք են ներկայացրել Իջևանի քաղաքապետարանը և քաղաքապետ Վ. Ներսիսյանը: Վերաբննիչ դատարանն իր 13.11.2009թ. որոշմամբ վերաբննիչ բողոքը բավարարել և գործն ուղարկել է Երևան քաղաքի Կենտրոն և Նորք-Մարաշ համայնքների ընդհանուր իրավասության դատարան՝ նոր քննության: Վերաբննիչ դատարանի նշված որոշման դեմ վճռաբեկ բողոք են ներկայացրել «Հետաքննող լրագրողներ» ՀԿ-ն և «Ազգ» օրաթերթ ՍՊԸ-ն, որը Վճռաբեկ դատարանի 20.06.2010 որոշմամբ վերադարձվել է:

2010թ. հուլիսի 9-ին Դատարանը, քննելով սույն քաղաքացիական գործը, վճռել է հայցը բավարարել: Դատարանը գտել է, որ տվյալ պարագայում, Պատասխանողի գործողություններով արատավորվել են Իջևանի քաղաքապետարանի գործարար համբավը և Իջևանի քաղաքապետ Վարուժան Ներսիսյանի պատիվն ու արժանապատվությունը: Դատարանն անդադարել է ՀՀ քաղաքացիական օրենսգրքի 19-րդ հոդվածի 1-ին մասին՝ ըստ որի քաղաքացին իրավունք ունի դատարանով պահանջել հերքելու իր պատիվը, արժանապատվությունը կամ գործարար համբավն արատավորող տեղեկությունները, եթե նման տեղեկություններ տարածած անձը չապացուցի, որ դրանք համապատասխանում են իրականությանը:

Դատարանը նշել է նաև, որ դատաքննության ընթացքում Պատասխանող կողմը որևէ պատշաճ ապացույց չի ներկայացրել այն մասին, որ վերջինիս կողմից հրապարակված տեղեկությունը համապատասխանել է իրականությանը, այսինքն՝ գործի դատաքննությամբ Պատասխանողը չի կատարել իր՝ ՀՀ քաղաքացիական օրենսգրքի 19-րդ հոդվածի 1-ին մասով իմպերատիվ սահմանված պարտավորությունը, մասնավորապես՝ չի ապացուցել, որ հոդվածով նշված տեղեկությունները համապատասխանում են իրականությանն, ինչը նշանակում է, որ նշված տեղեկությունները չեն համապատասխանում իրականությանը և մտացածին տեղեկություններ են, իսկ քանի որ Դատարանը վերոգրյալ վերլուծություններից կատարել է հետևողաբար և որ նշված հոդվածում տեղ գտած տեղեկություններն իրականում արատավորում են Իջևանի քաղաքապետ Վարուժան Ներսիսյանի պատիվն ու արժանապատվությունը, ուստի, նման պարագայում, Դատարանը գտել է, որ այդ տեղեկությունները ենթակա են հերքման: Հայցվոր կողմի հերքման պահանջը համարելով բավարարման ենթակա՝ Դատարանը գտել է, որ բավարարման է ենթակա նաև վնասների հատուցման պահանջը,

այսինքն՝ Պատասխանողից որպես Հայցվորի կողմից կատարված, իրավունքների պաշտպանությանն ուղղված ծախսեր 930.000 ՀՀ դրամի չափով գումարի բռնագանձման (որպես հատուցում) պահանջը նույնպես ենթակա է բավարարման, քանի որ Հայցվորի կողմից կատարվել են իր իրավունքների պաշտպանությանն ուղղված ծախսեր: Դատարանը վճռել է հայցը բավարարել.

ՀՀ վերաբննիշ քաղաքացիական դատարանը, 2010թ. դեկտեմբերի 27-ին քննելով քաղաքացիական գործով «Հետաքննող լրագրողներ» ՀԿ-ի վերաբննիշ բողոքը Երևան քաղաքի Կենտրոն և Նորք-Մարաշ համայնքների ընդհանուր իրավասության դատարանի վճռի դեմ, որոշել է այն բավարարել մասնակի, Պատասխանողից հօգուտ Իջևանի քաղաքապետարանի բռնագանձել 450.000 ՀՀ դրամ՝ որպես փաստաբանի ծախս: Բողոքը մնացած մասով մերժվել է: Դատարանը հիմնավոր է համարել ընդհանուր իրավասության Դատարանի եզրահանգումը Իջևանի քաղաքապետ Վ. Ներսիսյանի պատիվը, արժանապատվությունը և գործարար համբավն արատավորված լինելու մասին: Դատարանը փաստել է, որ «Հետաքննող լրագրողներ» ՀԿ-ի տարածած տեղեկությունները, վերաբերելով Իջևանի քաղաքապետ Վ. Ներսիսյանին, հավասարապես վերաբերել են և Վ. Ներսիսյանին՝ որպես պաշտոնատար անձի և, հետևաբար, անմիջականորեն Իջևանի քաղաքային համայնքին՝ որպես իրավաբանական անձի: Դրանք նույնպես վերաբերելի են եղել նաև Իջևանի քաղաքապետարանին, քանի որ վերջինը՝ ի դեմս քաղաքապետ Վ. Ներսիսյանի, իրականացնելով տեղական ինքնակառավարում հանդես է եկել համայնքի անունից և գործել ի շահ համայնքի: Դատարանը, անդրադառնալով դատական ծախսի ողջամիտ չափի վերաբերյալ բողոք բերած անձի փաստարկներին, խելամիտ վարձատրության չափ է համարել 450.000 ՀՀ դրամը:

Վերաբննիշ դատարանի որոշման դեմ ներկայացված վճռաբեկ բողոքը ՀՀ վճռաբեկ դատարանն իր 14.04.2011թ. որոշմամբ վերադարձվել է:

**Դատական ակտերի իրավական վերլուծությունը՝ Մարդու իրավունքների եվրոպական կոնվենցիայի 10-րդ հոդվածի և արտահայտվելու ազատության ոլորտում ընդունված միջազգային իրավական այլ չափորոշիչների լուսի ներքո**

Դատարանների կողմից իրականացված վերլուծություններում որևէ հղում չի կատարվել ՄԻԵԴ-ի նախադեպերին և դրանցից բխող սկզբունքային դիրքորոշումներին խոսքի ազատության իրավունքի պաշտպանության ոլորտում:

## **Հոդվածի հանրային նշանակությունը**

Դատարանների կողմից կայացված ակտերով քննարկման առարկա չի դարձել համապատասխան իրապարակումներում հանրային շահի առկայության հարցը, մինչդեռ ՄԻԵԴ-ի նախադեպային իրավունքից ակնհայտորեն բխում է զրպար-

տության գործերով հանրային շահի առկայության ազդեցությունը՝ 10-րդ հոդվածի խախտման գնահատման վրա:

«Թեև մամուլը չպետք է անցնի ընդունված սահմանները, որոնց թվում են «ազգային անվտանգության շահերը», «դատարանի հեղինակության պահպանումը», այն պարտավոր է ներկայացնել հանրային շահին առնչվող տեղեկություններ և գաղափարներ: Հասարակությունն էլ իր հերթին իրավունք ունի դրանք ստանալու: Այլ պարագայում մամուլը կօրկվեր «հանրային հսկիչ» իր առաքելությունից» (*Oragnetul și Țărășii din Șimleu Șimleului în Observator și Guardia din UK*, 26/11/91, դիմում թիվ 13585/88, 59 (թ) պարբերություն):

ՄԻԵԴ-ի կողմից տարբեր գործերով կայացված վճիռներով մոտավոր ուրվագծվել են հանրային շահին առնչվող հիմնահարցերը, որոնց թվում են պետական ռեսուրսների վատ կառավարումը (*Împreună cu Șimleu Șimleului v. Romania*, 28/09/1999, դիմում թիվ 28114/95, 48-րդ պարբերություն) տեղական ինքնակառավարման մարմինների պաշտոնատար անձանց կողմից կոռուպցիայի երևույթները *Կումպանան ընդեմ Ռումինիայի/Cumpăna v. Romania*, 17/12/2004, դիմում թիվ 33348/96, 44 (ա) պարբերություն) և այլն:

Հետևաբար, հոդվածով քննարկվող՝ Իջևանի համայնքային սեփականություն հանդիսացող «Սպիտակ ջուր» ջրամբարի ապօրինի ավագահանման խնդիրները ակնհայտորեն մտնում են հանրային շահին առնչվող խնդիրների շրջանակի մեջ:

### **Հայցվորի կարգավիճակը**

Հայցվորները տվյալ գործով Իջևանի քաղաքապետարանը և Իջևանի քաղաքապետն են: Անդրադառնալով Իջևանի քաղաքապետի, որպես, համայնքի ղեկավարի, կարգավիճակին, հարկ է անդրադառնալ ՄԻԵԴ-ի նախադեպային իրավունքով սահմանված հետևյալ սկզբունքներին.

«Քննադատության ընդունելի շրջանակները քաղաքական գործիչների նկատմամբ ... ավելի լայն են, քան մասնավոր անձանց նկատմամբ: Ի տարբերություն վերջիններիս՝ քաղաքական գործիչները անխուսափելիորեն և գիտակցարար բաց են իրենց յուրաքանչյուր խոսքի և արարքի մանրակրկիտ քննարկման համար ինչպես լրագրողների, այնպես էլ լայն հանրության կողմից և, հետևաբար, պետք է դրսնորեն հանդրուժողականության առավել բարձր աստիճան (*Lihngens v. Austria*, 08/07/1986, դիմում թիվ 9815/82, 41–42-րդ պարբերություններ, *Incal v. Turkey*, 09/06/1998, դիմում թիվ 22678/93, 46-րդ պարբերություն):

“Տեղական խորհուրդը, լինելով ընտրովի մարմին, պետք է դրսնորի հանդրուժողականության բարձր աստիճան քննադատության նկատմամբ (*Lombardo and others v. Malta*, 24/04/2007, դիմում թիվ 7333/06, 54-րդ պարբերություն):

Դատարանների կողմից, սակայն, Հայցվորի կարգավիճակը և դրանով պայմանավորված՝ նրա նկատմամբ քննադատության հանդեպ առավել բարձր աստիճանի հանդրուժողականության դրսնորման անհրաժեշտությունը քննարկման առարկա չեն

դարձել: Խնդրահարույց է նաև իշխանի քաղաքապետարանի Հայցվորի կարգավիճակ ունենալու հարցը, ինչպես հոդվածի բուն բովանդակության, այնպես էլ ՄԻԵԴ-ի նախադեպային իրավունքի լույսի ներքո:

## Փաստեր և գնահատողական դատողություններ

Դատարանների կողմից պատշաճ կարգով չեն իրականացվել փաստերի և գնահատողական դատողությունների տարբերակումն ու վերլուծությունը: Գործի քննությունն իրականացվել է ՀՀ քաղաքացիական օրենսգրքի 19-րդ հոդվածի /նախկին խմբագրությամբ/ կիրառմամբ, որն ուներ հետևյալ շարադրանքը.

«Քաղաքացին իրավունք ունի դատարանով պահանջել հերքելու իր պատիվը, արժանապատվությունը և գործարար համբավն արատավորող տեղեկությունները, եթե նման տեղեկությունները տարածող անձը չապացուցի, որ դրանք համապատասխանում են իրականությանը»:

Այս կարգավորման առնչությամբ հարկ է հիշատակել Գրինբերգն ընդեմ Ռուսաստանի Դաշնության (Grinberg v. Russia, 21/07/2005, դիմում թիվ 23472/03, 28–29–րդ պարբերություններ) գործով կայացված վճիռը, որով ՄԻԵԴ-ը շեշտել է փաստական տվյալի և գնահատողական դատողության տարբերակման կարևորությունը: Տվյալ գործով ներպետական դատարանները հանգել էին մի հետևողական, որի համաձայն՝ դիմումատուն ենթակա էր պատասխանատվության, քանի որ չէր կարողացել ապացուցել իր հայտարարության («Պարոն Շամանովը չունի ոչ ամոթ, ոչ պատկառանք») ձշմարտացիությունը: Դատարանը նշել էր, որ ՌԴ քաղաքացիական օրենսգիրքը տարբերակում չի կատարում գնահատողական դատողության և փաստական տվյալի միջև, քանի որ այն հղում է կատարում ընդհանուր առմամբ «տեղեկություն» («сведе́нія») արտահայտությանը և ելնում է այն կանխավարկածից, որ ցանկացած նման հայտարարություն ենթակա է ապացուցման քաղաքացիական դատավարության շրջանակներում: Անկախ «տեղեկությունների» բուն բովանդակությունից, անձը, որը տարածել է նման տեղեկություններ (statements), աետք է դատարաններում հիմնավորի դրանց ձշմարտացիությունը (ՌԴ Գերագույն դատարանի պլենումի որոշում): ՄԻԵԴ-ը նշել է, որ հաշվի առնելով վերոգրյալ օրենսդրական դրույթները, ներպետական դատարանները չեն վերլուծել, թե արդյոք դիմումատուի կողմից վիճարկվող արտահայտությունը կարող էր հանդիսանալ գնահատողական դատողություն, որը ենթակա չէ ապացուցման: Գտնելով, որ վիճարկվող արտահայտությունները հանդիսացել են գնահատողական դատողություններ, ինչպես նաև հաշվի առնելով գործի այլ առանձնահատկությունները, ՄԻԵԴ-ը ձանաչել է 10-րդ հոդվածի խախտում:

ՀՀ քաղաքացիական օրենսգրքի 19-րդ հոդվածը/նախկին խմբագրությամբ/ նույնպես «տեղեկություններ» ձևակերպումն էր ներառում՝ առանց տարբերակում կատարելու գնահատողական դատողությունների և փաստական տվյալների միջև:

Վիճարկվող հոդվածներում առկա են եղել ինչպես գնահատողական դատողություններ, այնպես էլ փաստական տվյալներ:

**Ֆելդեկն ընդդեմ Սլովակիայի** (*Feldek v. Slovakia*, 12/07/2001, դիմում թիվ 29032/95, 75–76–րդ պարբերություններ) գործում դատարանը շեշտել է.

«Եթե փաստերի առկայությունը կարելի է ապացուցել, ապա գնահատողական դատողություններն ապացուցելի չեն: Գնահատողական դատողության ձշմարտացիության ապացուցման պահանջը անհնար է կատարել և խախտում է կարծիքի ազատությունն ինքնին, որը 10–րդ հոդվածով սահմանված իրավունքի հիմնարար մասն է: Եթե արված հայտարարությունը հանդիսանում է գնահատողական դատողություն, միշամտության համաշափությունը կախված կլինի նրանից, թե արդյոք առկա են բավարար փաստական հիմքեր վիճարկվող արտահայտության կատարման համար, քանի որ նոյնիսկ գնահատողական դատողությունն առանց այն պաշտպանող որևէ փաստական հիմքի կարող է լինել չափազանց»:

Արատավորող բնույթ ունեցող հայտարարություններն ստուգելու լրագրողի պարտականության առնչությամբ ՄԻԵԴ–ի կողմից մշակված մոտեցումները հետևյալն են.

«Կոնվենցիայի 10–րդ հոդվածով լրագրողների համար ամրագրված երաշխիքը կիրառվում է պայմանով, որ նրանք գործում են բարեխղճորեն՝ տրամադրելու ձգրիտ և արժանահավատ տեղեկություններ՝ լրագրողական էթիկայի պահանջներին համապատասխան» (*Բլադետ Թրոմսոն և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/05/1999, դիմում թիվ 21980/93, 65–րդ պարբերություն, *Պրագերը և Օբերշլիքն ընդդեմ Ավստրիայի/Prager and Oberschlick v. Austria*, 26/04/1995, դիմում թիվ 15974/90, 37–րդ պարբերություն: ՄԻԵԿ–ի 10–րդ հոդվածի 2–րդ մասին համապատասխան՝ այս ազատության իրականացումը ենթադրում է «պարտականություններ և պատասխանատվություն», որոնք կիրառելի են նաև մամուլի նկատմամբ: Այս պարտականություններն ու պատասխանատվությունը ձեռք են բերում էական նշանակություն, եթե արատավորվում է անհատի հեղինակությունը և խահտվում են «այլոց իրավունքները»: «Որքան ավելի լուրջ է արված հայտարարությունը, այնքան ավելի ամուր փաստական հիմքեր են անհրաժեշտ այն հիմնավորելու համար» (*Եվրոպահրես Հոլոդինգ Դ.Օ.Օ. ընդդեմ Խորվաթիայի/Europapress Holding D.O.O. v. Croatia*, 22/10/2009, դիմում թիվ 25333/06, 66–րդ պարբերություն): Հատուկ հիմքերի առկայության դեպքում լրատվամիջոցը կարող է ազատվել մասնավոր անձին արատավորող փաստացի տվյալները /statement of fact/ ստուգելու պարտականությունից: Նման հատուկ հիմքերի առկայությունը կախված է «զրապարտության բնույթից և աստիճանից» և նրանից, թե որքանով են ԶԼՄ–ները ողջամտորեն հուսալի համարում իրենց աղբյուրները, որոնց հիման վրա պնդումներ են արել (Պեդերսենն ու Բաադսգարդն ընդդեմ Դանիայի/Pedersen and Baadsgaard v. Denmark, 17/12/2004, դիմում թիվ 49017/99, 78–րդ պարբերություն, *Բլադետ Թրոմսոն և Ստենսաս ընդդեմ Նորվեգիայի/ Bladet Tromsø and Stensaas v. Norway*, 20/03/1999, դիմում թիվ 21980/93, 65–րդ պարբերություն, *Մարվիքարն ընդդեմ Միացյալ Թագավորության/McVICAR v. the United Kingdom*, 07/05/2002, դիմում թիվ 46311/99, 84–րդ պարբերություն): Պետք է նկատի ունենալ նաև ՄԻԵԴ–ի կողմից սահմանված այն սկզբունքը /reasonable publication defence/, որի համաձայն՝ ողջամիտ հրապարակման պաշտպանությունը ենթադրում

է, որ, երբ լրագրողը կամ հրապարակումն ունի իրավաչափ նպատակ, վերաբերում է հանրային մտահոգության խնդրին և լրագրողի կողմից ողջամիտ ջանքեր են գործադրվել փաստերն ստուգելու ուղղությամբ, լրատվամիջոցը չպետք է պատասխանատվություն կրի, եթե նույնիսկ ապացուցվի, որ համապատասխան փաստերը չեն համապատասխանում իրականությանը:

Վերոգրյալ սկզբունքների լույսի ներքո դատարանների կողմից պետք է հատկապես քննարկման առարկա դարձվեին հետևյալ հանգամանքները. «Սպիտակ ջուր» ջրամբարից ապօրինի ավագահանման փաստը, որը չէր վիճարկվել Հայցվորի կողմից, դրա հիման վրա հոդվածներում արված գնահատողական դատողությունների պաշտպանվածությունը, մինչ հոդվածի հրապարակումը հոդվածի հեղինակի կողմից արված հարցումները մի շարք պետական մարմինների, այդ թվում՝ Իջևանի քաղաքավետ Վ. Ներսիսյանին առ այն, թե արդյոք որևէ անձ կամ կազմակերպություն իրավունք ունի օգտագործելու ջրամբարի ավազը և արդյոք ավագահանման արդյունքում պետական բյուջեի օգտին գանձվում են հարկեր, Վ. Ներսիսյանի կողմից սահմանված ժամկետում հարցմանը չպատասխանելու հանգամանքը, ավագահանման շարունակական բնույթը, վարորդի վկայությունը, որը վկայակոչվել էր հոդվածում, ջրամբարի ապօրինի ավագահանման խնդրի հանրային մտահոգության խնդրի լինելու, ինչպես նաև համապատասխան գործունեության՝ Վ. Ներսիսյանի հսկողության ներքո գտնվելու հանգամանքի ձշտման ուղղությամբ Պատասխանողի կողմից ողջամիտ ջանքերի գործադրման հանգամանքները:

## Միջամտության համաչափության հարցը

Որպես փաստաբանի ծախս՝ 450.000 ՀՀ դրամի բոնագանձումը Հայցվորի օգտին իր հերթին խնդրահարուց է վերոգրյալ հանգամանքների լույսի ներքո: ՄԻԵԴ-ի կողմից սահմանված մի շարք նախադեպային վճիռներով ամրագրվել է համաչափության պահանջը վնասների փոխհատուցման չափերի կիրառման բնագավառում և շեշտվել է, որ անհամաշափորեն բարձր փոխհատուցման սահմանումը հանգեցնում է ՄԻԵԿ 10-րդ հոդվածի խախտմանը (*Ռուսանենկոն և այլոք ընդդեմ Ռուսաստանի/Romanenko and others v. Russia, 08/10/2009, դիմում թիվ 11751/03, 48-րդ պարբերություն*): Այս պահանջը նույնպես ամրագրվել է ԵԽ Նախարարների կոմիտեի 2004թ.-ի փետրվարի 12-ի՝ Զանգվածային լրատվամիջոցներում քաղաքական բանավեճի ազատության վերաբերյալ հոչակագրում: Թեև տվյալ դեպքում խնդրո առարկան փաստաբանական ծախսերն են հանդիսացել, սակայն դրանք նույնպես անհամաշափ ծանր բեռ են առաջացրել Պատասխանող լրատվամիջոցի համար, նկատի ունենալով վերջինիս խիստ սահմանափակ միջոցները:

## **ԱՌԱՋԱՐԿՈՒԹՅՈՒՆԵՐ**

Ամփոփելով հետազոտությունը՝ գտնում ենք, որ Հայաստանի Հանրապետությունում արտահայտվելու ազատության իրավունքի ոլորտում միջազգային իրավունքի, այդ թվում՝ ՄԻԵԴ-ի նախադեպերով սահմանված սկզբունքների և չափորոշիչների իմացությունը և կիրառությունը կատարելագործելու նպատակով անհրաժեշտ է, որպեսզի.

- Լրագրողները, փաստաբանները և դատավորները շարունակեն կատարելագործել իրենց գիտելիքները ՄԻԵԴ-ի նախադեպային իրավունքի ոլորտում:
- Այդ նախադեպերով սահմանված հիմնարար սկզբունքները և չափորոշիչները կիրառելիս դատարանները կատարեն անհրաժեշտ վերլուծություններ և հետևողուններ՝ դրսնորելով այդ սկզբունքները և չափորոշիչներն իրապես ընկալելու և տեղին կիրառելու ցանկություն, այլ ոչ՝ զուտ ձևական մոտեցում:
- Դատարաններն առավել խորքային ուսումնասիրության ենթարկեն ՄԻԵԴ-ի նախադեպային վճիռների փաստական հանգամանքները և ստուգեն, թե արդյոք կողմերի փաստարկումներում տեղ գտած զանազան ձևակերպումներ, իրոք, վերցված են վկայակոչված նախադեպային վճիռներից և արդյոք դրանք համապատասխանում են այդ վճիռների իրական ձևակերպումներին:
- Լրագրողներն իրենց հրապարակումներում կարողանան ձիցտ ձևակերպել փաստական տվյալները և գնահատողական դատողությունները, չներկայացնեն գնահատողական դատողությունները որպես փաստական տվյալներ, քանի որ հետազոյւմ դա խոչընդոտներ կատեղծի դրանք հիմնավորելու գործընթացում:
- Լրագրողներն իրենց հրապարակումներում կարողանան ապահովել պատշաճ հեռավորություն իրենց և աղբյուրների միջև՝ խուսափելով աղբյուրի տեղեկությունները կամ գաղափարները որդեգրելուց:
- Ողջամիտ և բարեխիճճ հրապարակման սկզբունքի պահանջները նույնպես առավել քան էական են լրագրողների համար, որպեսզի լիարժեք չստուգված նյութը հրապարակելիս կարողանան օգտվել ողջամիտ հրապարակման պաշտպանությունից:

- Լրագրողները հստակ պատկերացնեն նաև հանրային շահի խնդիրների շրջանակը, ինչն իրենց պաշտպանության կառուցակարգերի անհրաժեշտ բաղադրատարրն է: Հանրային շահի խնդիրների շրջանակը ձիշտ պատկերացնելը նմանապես կարևոր է նաև փաստաբանների համար, որպեսզի վերջիններս ձիշտ կարողանան հիմնավորել իրենց փաստարկումները, ինչպես նաև դատավորների, որպեսզի կարողանան ձիշտ հիմնավորել դատական ակտերը:
- Լրատվամիջոցների դեմ հայցերի մերժման պարագայում լրատվամիջոցներին ներկայացնող փաստաբանները հետամուտ լինեն արտահայտվելու իրավունքի ազատության պաշտպանությանը մինչև վերջ՝ ընդհուպ մինչև անհիմն հայց հարուցած հայցվորների դեմ պատճառված վնասի փոխհատուցման հայցեր հարուցելը:
- Անզերենի կամ ֆրանսերենի գերազանց տիրապետող իրավաբանների թիմ աշխատի ՄԻԵԴ-ի նախադեպային վճիռների կարևորագույն սկզբունքները ձիշտ ձևակերպելու վրա, որպեսզի փաստաբանները և դատավորներն օգտագործեն հենց այդ ձևակերպումները և խուսափեն մի իրավիճակից, երբ տարբեր թարգմանությունների պատճառով նույն նախադեպային սկզբունքը մի տեքստում կարող է հայտնվել երկու անգամ՝ որպես երկու տարբեր սկզբունք:

## ԻՐԱՎՈՒՆՔԻ ԵՎՐՈՊԱ ՄԻԱՎՈՐՈՒՄ



ԻՐԱՎՈՒՆՔԻ  
ԵՎՐՈՊԱ ՄԻԱՎՈՐՈՒՄ  
Europe In Law Association

### ԶՐՊԱՐՏՈՒԹՅՈՒՆ ԵՎ ՎԻՐԱՎՈՐԱՔ.

ՀՀ ԴԱՏԱՐԱՆՆԵՐԻ ԿԱՅԱՑՐԱԾ ԴԱՏԱԿԱՆ ԱԿՏԵՐԻ  
ՀԱՄԱՊԱՏՍԽԱՆԱԿՈՒԹՅՈՒՆԸ ՄԻՋԱԶԳԱՅԻՆ ԻՐԱՎՈՒՆՔԻ,  
ԱՅԴ ԹՎՈՒՄ՝ ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ  
ԿՈՆՎԵՆՅԱՑՈՎ ԵՎ ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ  
ԴԱՏԱՐԱՆԻ ՆԱԽԱԴԵՊԱՅԻՆ ԻՐԱՎՈՒՆՔՈՎ ՍԱՀՄԱՆՎԱԾ՝  
ԱՐՏԱՀԱՅՏՎԵԼՈՒ ԱԶԱՏՈՒԹՅԱՆ ԶԱՓՈՐՈՇԻՉՆԵՐԻՆ